

# মলিন মালা।

( গীতি নাট্য )

মানিঃ শ্রীঃ কুটুম্ব, উড়ে বৈশে অলিকুল  
বুড় কুড় কুড়াব, কেউকিলা  
হাস্য হাস্য সমীচন, বসাব জীবন মন  
বসন্ত, মা ছাড়ে এক দিল।

ভারি কচল।

## শ্রীগিরিশচন্দ্র ঘোষ প্রণীত।

শ্রীবিষ্ণুমোহী বাগচী কর্তৃক

প্রকাশিত।

১৩, বঙ্গপাড়া সেন।


## কলিকাতা।

আদি ব্রাহ্মসমাজ সান্দ্রে

শ্রীকলিদাস চক্রবর্তী কর্তৃক মুদ্রিত।

সন ১২৮৯।





# মলিন মালা

( গীতি নাট্য । )



“নানা জাতি ফুটে ফুল, উড়ে বৈসে অলিকুল,  
কুহ কুহ কুহরে কোকিল ।  
মন মন সমীরণ, রসায় ঋষির মন,  
বসন্ত না ছাড়ে এক তিল ।”

ভারতচন্দ্র ।



শ্রীগিরিশচন্দ্র ঘোষ প্রণীত

শ্রীবিধুমৌলী বাগচী কর্তৃক  
প্রকাশিত ।

১৩, বহুপাড়া লেন ।

কলিকাতা

আদি ব্রাহ্মসমাজ যন্ত্রে

শ্রীকালিদাস চক্রবর্তী কর্তৃক মুদ্রিত ।

সন ১২৮৯ ।



# উপহার ।

---

শ্রীরামতারণ সান্যাল ।


ব্রাহ্মণ !

তোমার অনুকম্পায় আমার পুস্তকগুলি  
উজ্জ্বল হইয়াছে । এখানির তুমিই অধিকারী,  
তোমার চরণে উপহার রাখিলাম ।

সেবক

শ্রীগিরিশচন্দ্র ঘোষ ।





## নাটোল্লিখিত ব্যক্তিগণ ।

পুরুষ ।

লাক্ষাদ্বীপাধিপতি ।

মালদ্বীপাধিপতি ।

লহরকুমার

...

লাক্ষারাজ তনয় ।

মন্ত্রী, নাবিকগণ ইত্যাদি ।

স্ত্রী ।

বরুণা

তরুণা

} ...

মালদ্বীপরাজ-তনয়াদয় ।

প্রবাল

শৈবাল

} ...

ঐ সখীদয় ।





# মলিন মালা।



প্রথম অঙ্ক।



প্রথম গর্ভাঙ্ক।



মালদ্বীপ—সাগরকূল।

কূলে তরুণা, বরুণা, ও সখীগন।

পোতারোহণে লহর।



( মেঘ—ভূতালী । )

লহর। অশান্ত সাগর ঘোর রণ রঙ্গ  
উর্দ্ধ জটাঘটা গরজে তরঙ্গ।  
বেলা বিচঞ্চল, সাগর দল বল,  
প্রবল পবন রহে ঝড়দল সঙ্গ।

মেঘ করাল, দামিনীমাল,  
 নিবিড় আঁধার মূঢ় মূঢ় হাসি  
 বিশ্ববিনাশী,  
 অশনিশ্রেণী, মহী কন্স্পিত অঙ্গ ;  
 ধারা প্রচণ্ড ধরাধর খণ্ড,  
 ভূতদ্বন্দ্ব কত ভ্রুকুটি ভ্রভঙ্গ ।

বকণা । একি একি একি, দেখ দেখ সখি,  
 অকূল পাথারে দেখলো তরী !  
 বুঝি নিকপায়, গেল গেল হায়,  
 সাধ হয় কূলে আনি লো ধরি ।

তকণা । রঙ্গে তঙ্গে খেলে তরঙ্গ,  
 তুলিছে ফেলিছে হেলায় যেন,  
 আকুল অকূলে ঘুরে ফিরে বুলে,  
 গ্রাসিল সলিলে বুঝি বা হেন !

প্রবাল । দেখলো সজনি, ভাসিল তরণী,  
 ডুবিল ডুবিল না দেখি আর !

বকণা । শুন শুন ধনি, সিন্ধুনাদ জিনি  
 গগন ভেদিয়ে ঐ হাহাকার !

গর্ভাঙ্ক]

প্রথম অঙ্ক ।

শৈবাল । তরঙ্গের বলে কূলে আসে চলে,  
এল এল কূলে নাহিক ভয় ।

বকণা । তরী চূড়া'পরে, দেখরে দেখরে,  
আতঙ্কে উন্মাদ মনেতে লয় ।

ভকণা । অভয় হৃদয়, উন্মাদ নিশ্চয়,  
শূন্যে ক্ষণ হেরে দামিনী খেলা ;  
কভু বা সাগরে চাহে প্রীতিভরে,  
আদরে নেহারে সলিলে মেলা ।

বকণা । ভুতদ্বন্দ্ব মাঝে অটল বিরাজে,  
বিধি প্রতিকূল ডুবিল তরী !  
সাগরে গ্রাসিল কেহ না উঠিল,  
অভাগা উন্মাদ আমরি মরি !

ভকণা । কে যেন ভাসিছে, কে যেন আসিছে,  
চল চল কূলে চললো সই,

প্রবাল । ওই ওই ওই, দেখ দেখ সই,  
তরঙ্গ ঠেলিয়া আসিছে ওই !

( নট-মল্লার—তৃতালী । )

সকলে । দেখলো দেখলো সখি বিহরে বিলাসে ।  
নীল সলিল মাঝে, নীল সলিলে চাকে,  
নীল ফেণিল মাঝে ভাসে ।

রঙ্গে ভঙ্গে তরঙ্গ নর্তন,  
 হেলা খেলা তরঙ্গ মর্দন,  
 তরঙ্গনিকর, বাহক অনুচর,  
 তরঙ্গবাসী তরঙ্গে আসে ।

বকণা । আহা !—

কোথায় আরোহীগণ, রে সলিল অচেতন,  
 প্রাণে তোর নাহি দয়া যারা ।

রতন গহ্বরে ধর, পুন কেন রত্ন হর !

শৈবাল । উন্মাদ বা জলবাসী হের তোলে কায়া ।

( দেশ—একতালা । )

সকল । মগ্ন মনে চাহে শূন্য পানে ।

শূন্যভরে, বুঝি মেঘোপরে,

সাধ সমীর সনে পুন বিহরে,

নিরব তানে উন্মত্ত প্রাণে ।

না জানি হৃদয় মাঝে বাজে কিবা তান,

ভোরা কার ভাবে শুনে সমীরণে গান ;

সোহাগ ভরে

দামিনী সনে হাসে, ভাষে আদরে,

মধুরপ্রাণে, কিবা মধুর পানে ।

( দেশ—কাঁপতাল । )

লহর । গরজ গরজ ঘোর গভীর সাগর,  
 নিবিড় জলদমালা গরজ গভীরে ।  
 কঠোর কুলীশ স্বন, শুন শুন সমীরণ,  
 গরজ ভীম বল সলিল অধীরে ।  
 নলকি নলকি খেল নীরদ-বিলাসী,  
 আঁধার ঘোর হের নিবার লো হাসি,  
 তব রূপ দামিনী, প্রাণ প্রয়াসী,  
 মম হৃদি আগার ঘোর তিমিরে ।

তরুণা । চল দেখি সখি কেবা এই জন,

বরুণা । একেলা অকূলে ঠেকেছে দায়,

তরুণা । চল সুধাইব কি ভাবে এমন,

বরুণা । পারি যদি কিছু করি উপায় ।

( অজ্-মোল্লার—একতারা । )

লহর । অচল সাগর, অসীম ব্যোম,  
 আঁধার হের হৃদয়াগার ।

বালু বেলা পরে, এই অভাগারে

হের যদি কেহ আর ।

দেখ দেখ চেয়ে, অভাগা হৃদয়ে

ধূধু ধূধু ধূধু জ্বালা,

কলঙ্ক কণ্ঠমালা,

কত কালি প্রাণে তার ।

( কেদারা—তৃতালী । )

সকলে । কাঁদায়ে কারে, বল কার তরে,

এলে অকুল পারে।

বসি বেলা'পরে বল নেহার কারে,

কিবা রত্ন হের তুমি রত্নাকরে,

মোহিনী নিরখ কিবা শূন্য'পরে,

ঘোর তিমির মাঝে কিবা তার বাজে

তব হৃদি মাঝারে ।

( জলধর-কেদারা—আড়াঠেকা । )

লহর । যদি গরল প্রাণে, সুধা মাখা বদনে,

ছলনা কি রাখে ঢাকি নারী নয়নে ।

যদি গরল ভরা, তবু' প্রাণ ভোরা,  
মন চুরি মাধুরী, মোহিনী-তোরা,  
প্রাণে জ্বলি, মুখ হেরিলে ভুলি,  
উঠে আশ প্রাণে, কত সাধ মনে ।

বরুণা । শুন হে বিদেশী ! যে হও সে হও,  
বিপদে পতিত তোমারে হেরি,

ভরুণা । দেখিয়াছি সবে শিখরে বসিয়া  
ঘোর ঝটিকায় ডুবেছে তরী,  
যদি মহাশয়, অন্য নাহি ভাব,  
অতিথি স্বীকার যদি হে কর,  
এস মোর সনে, অদূরে আনয়,  
মতিমান, মম বচন ধর ।

( হান্সির—ভৃতালী । )

সহর । মরাল-গঞ্জিনী, নিবিড়-নিতম্বিনী,  
রঙ্গিনী সঙ্গিনী, সাগর পারে ।

ঝন ঝন নুপুর, হিয়া বাজে ছুর ছুর,  
বিকাশে বালুকা বেলা মোদিনী হারে ।

ধীর চঞ্চল চরণ চলে ;  
 গুরু উরু'পরে বেণী পড়িছে ঢলে ;  
 যেন কহিছে ছলে, বেণী দুলিয়ে বলে,  
 'ধরামাঝে বল নারি বাঁধিতে পারে ।'

( হামির—তাল ফেরতা । )

বরুণা । ফুল চিত, আনন্দ গীত,


আহা জ্ঞান হারা ।

সখিগণ । চল সখি তুরা তুরি, প্রবল ধারা ।

তরুণা । নাহি বিপদ মানে, মগন তানে  
 সরল প্রাণ খুলে কহিছে গানে ।

সখিগণ । ঝরে প্রবল ধারা, চল গো তুরা,  
 তিমিরে সমীরে কেন হও গো সারা ।





প্রথম অঙ্ক ।



দ্বিতীয় গর্ভাঙ্ক ।



সাগরকূলের অপর পাশ্বে ।

নাবিকগণ ।

( মিশ্র । )

নাবিকগণ । হৈ—হৈ—হৈ !

জমী দোলেনা চলতে ঘুরি,

হেথা বালি ভারি,

চলা কারিকুরি ।

চোরা বালি যখন কোসে টাস্বে,

জল বালি খেয়ে খকর্ কাশ্বে,

আর ভাস্বে না রে, আর ভাস্বেনা রে,

চপ্ চপ্ চপ্ চল্ সারি সারি,

বালি ঝুরি ঝুরি ।

- ১ম । আহা রাজপুত্র লাকিয়ে পড়'ল আগে,  
সে মুখখানি ভাই প্রাণে জাগে ।
- ২য় । ডুবে দূরে গিয়ে ভাসুল যেন ?
- ৩য় । সাঁত্রে যাবে ডুববে কেন ?  
সামনে চড়া তায় না উঠে,  
আর এক দিকে যাবে ছুটে ।
- ১ম । ঐ মালিম ভেড়ো ইচ্ছে করে ডুবলে,  
ঠিক হতো আছাড় দিলে মাস্তুলে ।
- ৩য় । মস্তী মহাশয় এনেছে ধরে চুলে,—
- ১ম । শালা ছেঁদা খুলে পালাচ্ছিল আগে,—
- ২য় । গাটা আমার ফুলছে রাগে,  
কোন শালা না নিদেন ছু কৌল দাগে
- ৩য় । চল রে চল, ও দিকপানে মস্তীর দল ।
- ( হেঁ হেঁ হেঁ ইত্যাদি গান করিতে করিতে সকলের প্রস্থান । )
-

## প্রথম অঙ্ক ।



### তৃতীয় গর্ভাঙ্ক ।

#### উদ্যান ।

বরুণা, তরুণা ও সখীগণ ।

( পিলু—জলদ একতারা । )

সকলে । ধূ ধূ ধূ ধায় চাতকিনী দূরে দূরে ।

অনিলে ডোবে ওঠে, ধূ ধূ ছোটে ;

স্বর্ণবাসে উষা হাসে,

দেখে আঁখি পূরে ।

রাঙ্গা মেঘমালা, হেরি বাড়ে জ্বালা,

ধূ ধূ ধায়, নিচে ফিরে না চায়,

পাখী পাখা মেলি

সোণা মেখে কত করে কেলি ;

পাখী পুলকে গায়,

গায় শূন্যভরে, কত মধুসুরে ।

( লহরের প্রবেশ । )

( পিলু—৪৭ । )

লহর ।      তরুণ কিরণ খেলে কুসুমদলে,  
                  চলে প্রবাসী চলে,  
                  তিমির যামিনী তার রহিল মনে ।

বকণা ।      শুন হে বিদেশী ! বাসি মনে ভয়,  
                  কোথায় যাইবে তুমি,  
                  অকূলে ঠেকিয়ে উঠিয়াছ কূলে,  
                  বান্ধববিহীন ভূমি ।  
                  রাজার নন্দিনী, বকণা, তরুণা  
                  এই পরিচয় শুন,  
                  কহ মহাশয়,      কিবা পরিচয়,  
                  প্রকাশিয়া নিজ গুণ ।

( মূলতানী—তৃতালী । )

লহর ।      কভু কুঞ্জবনে বাসি চন্দ্রাননে,  
                  কাকলী লহরী ঢালি উথলিত প্রাণ ;  
                  মৃদু মৃদু স্বরে ভাষি, ফুল কলি সম্ভাষি,  
                  কহিত অনিল আসি খোল লো বয়ান ;

শুনিয়েছি প্রেম কথা ধারা নয়নে,  
গিয়েছে সে দিন সুধু আছে স্বরণে ।

( তরুণ কিরণ খেলে ইত্যাদি )

তরুণা ।      রহ এই স্থানে, শুন হে বিদেশী,  
                  পরিচয় তুমি না দেহ যদি,  
                  যে অবধি তব না মিলে আশ্রয়,  
                  হেথায় রূপায় থাক হে সাধি ।

( পিলু—আড়াঠেকা । )

লহর ।      কলঙ্ক-মালা পরি কঠোপরে,  
                  কহিব কারে,  
                  হৃদয়গারে কত অনল ঝরে ।  
                  যাইব বনে, জ্বালা কব গহনে,  
                  কহ চন্দ্রাননে, হেথা রহি কেমনে ।

( তরুণ কিরণ খেলে ইত্যাদি )

[ লহরের প্রস্থান ।

বকণা ।      কহিল বিদেশী গলে কলঙ্ক মালা,  
                  না জানি হৃদয়ে কিবা নিদাকণ জ্বালা ।

তরুণা । বান্ধব হীন তবু অটল প্রবাসে,  
 উচ্চ আশ বাস ললাট প্রকাশে,  
 সাগর তীরে একা আঁধারে হাসে ;  
 বরুণা । জ্ঞান জ্যোতিঃ হারা বিষম নিরাশে ।  
 কহ লো সজনি, দেখিতে কাহারে

বিদেশী কোথায় যায় ।

তরুণ্য । কালি হতে তুমি বিদেশী লইয়ে  
 ঠেকিয়াছ ঘোর দায় !

বরুণা । দেখেছ দেখেছ বসন বিহীন  
 পাড়িয়াছে নিকপায় ।

( চিত্রা গোরী—জলদ একতাল্য । )

সকলে । কলি কাঁপিল লো  
 বুঝি অলি এলো ।  
 রাস্তা হাসি কলি হাঁসিল লো ।  
 নিরবে নাগরে আদর করে,  
 দোলে মোহাগ ভরে,  
 মধু উথলে অধরে নাহি ধরে,  
 কুসুম সঙ্গিনী, উষা বিনোদিনী,  
 রাস্তা হাসি হেসে রাস্তা ঢালিল লো ।

## দ্বিতীয় অঙ্ক ।

প্রথম গর্ভাঙ্ক ।

সলিল-আশ্রম ।

বরুণা ।

বরুণা । আসে মোর বর, কাঁপিছে অস্তুর,  
ভাবি নিরস্তুর, কি হবে হার ;  
মজেছি মজেছি, পাগলে ভজেছি,  
কাঁদে পড়িরাছি, ঠেকেছি দায় ;  
তারি কথা মনে ওঠে ক্ষণে ক্ষণে,  
সে বিধুবদনে, নিয়ত হেরি ;  
কণিনী আসিল, কুমুমে পশিল,  
হৃদয়ে কাটিল, মরমে মরি ;  
কি করি কি করি, পিতা মাতা অরি,  
কিসে প্রাণ ধরি, কে বোঝে জ্বালা ;  
প্রাণ নাহি চায়, ভজিব তাহার,  
কেমনে গলায়, দিব গো-মালা ।

( তরুণা ও সখীগণের প্রবেশ । )

তরুণা । শুন লো নাগরি, সাজাইয়া তরি  
নাগর আসিছে ভেসে;  
নাগর রসিয়ে, রাখিস কসিয়ে,  
মন বাঁধা হাসি হেসে ।

বরুণা । তুমি নিও ভাই,

তরুণা । আমি নাহি চাই, তোমারি কানাই,

প্রবাল । আসিতেছে লহর কুমার ।

বরুণা । মুখে হাসি ধরে না যে আর !  
যদি নাগরে লো এত সাধ,  
নাগর তোমার ।

তরুণা । কাজ নাই নাগরী আর,  
নাগর পেলে প্রাণ কি ছার ।

( ঝিকিট-খাম্বাজ—দাদরা । )

বরুণা । রস নাগরী লো, নাগর তোরে দিব ।

যদি যত্নে রাখ নাহি কথা কব ।


যত্ন বিনা নাগর রবে না,

অভিমানে কথা কবে না,

নাগর চলে যাবে, ফিরে চাবে না,



গর্ভাক।



মনে না ধরেতো ফিরে ফিরে,

নাগর ফিরে নিব ।

প্রবাল ।

যেমন তেমন নাগর নয়,  
লাক্ষা দ্বীপের রাজ তনয় ।

( ঝিঝিট-খান্ধাজ—দাদরা । )

সকলে । বয়ে প্রেমের তরি আমার নাগর আসে ।

প্রেমনীরে আমার নাগর ভাসে ।

নাগর গুণমণি, নারীর হৃদি-মণি,

নাগর এলে হেনে হেনে বস'ব পাশে ।

তরুণা ।

আস্ছে নাগর, দিলুম খবর,

আমায় কিছু দাও,

বরুণা ।

বলেছি তো নাগর দিব

নাগর যদি চাও ।

ওলো গেছি ভুলে,—

আসিনি সারি ভুলে ।

[ বরুণার প্রশ্নাম ।

প্রবাল ।

দেখি দেখি সখি কোথায় যার,

শৈবাল ।

আস্ছে নাগর মনের মতন,

নাগরী কি ফিরে চায় ।

[ সখিগণের প্রশ্নাম ।

( ইমন—ভৃতালী । )

তরুণা । সহিতে দহিতে বুঝি হয়েছে নারী ।  
 চাহে পাগলে পাগল চিত কেমনে বারি ।  
 “তরুণ অরুণ খেলে কুসুমদলে”  
 মন মোহিল, দহিল, কহিল ছলে,  
 চিত চঞ্চল জ্বলে হৃদে গরল-বাতি,  
 প্রাণ বিকাতে চাহে তারি প্রণয়ে মাতি ;  
 ধরি ধরিতে নারি, মন ফিরাতে হারি,  
 ছিছি পাসরি কিসে ওঠে সাগর বারি । ।

( প্রবাল ও শৈবালের প্রবেশ । )

প্রবাল । অপূর্ব কাহিনী, নৃপতি নন্দিনী,  
 বর সহ নাকি ডবেছে তারি ।  
 ষারা ডবেছিল, সকলি উঠিল,

শৈবাল । ডুবিল কুমার আমরি মরি !

তরুণা । কহ লো কোথা তুমি পাইলে কথা ?

প্রবাল । মন্ত্রী তাহে ছিল, সে কূলে উঠিল,  
 সত্য কহিল আসি,

লাফা স্বীপরাণী, দুষ্টা দ্বিচারিণী,

কহিবারে ভয় বাসি।

খলমতি রাজরাণী, রাজারে কহিল বাণি,

“শুন শুন রাজা মহাশয়,

প্রেমআশে মম বাসে, আজিকে কুমার আসে,

দুরাচার তোমার তনয়।

যদি না প্রত্যয় কর, আমার বচন ধর,

যে মালা দিয়েছ উপহার,

কোন মানা নাহি মানে, বসন ধরিয়া টানে,

খুলে নিয়ে পরেছে সে হার।”

শৈবাল। প্রেমআশে ডেকে ছিল, আপনি সে মালা দিল,

বিপরীত কহিল সকলি।

প্রবাল। মাতৃ জ্ঞানে সে কুমার, গলে নিল ফুলহার,

সরল অন্তরে গেল চলি।

তরুণা। বল বল সখি রাজার কুমার

হেন অপবাদ ঘটিল তার !

শৈবাল। বিমাতার ছিছি হেন আচার !

প্রবাল। রাজা পুত্রে ডাকি কর, রাজা পুত্রে ডাকি কর,

“আজি হতে নহ তুমি আমার তনয়।

তোর গলে ফুলহার, তোর গলে ফুলহার,

কলঙ্কের মালা জ্বালা পাবি দুরাচার।”

শৈবাল । ভগ্ন তরি মাজাইয়া, পুত্রে দিল পাঠাইয়া,

তরুণা । কি হেতু সে দিল প্রাণ দান ?

প্রবাল । হাস্যানন করি রবি, মনো বিমোহন ছবি,

কুমার প্রজার ছিল প্রাণ ।

তরুণা । তাই ভয়ে বধিল না তায়,

শুনি কাঁপে কার, ষিকু বিমাতায় ।

প্রবাল । ভগ্ন তরি জলে ভাসে, স্নেহে মন্ত্রী সাথে আসে.

উপদেশে নাবিক প্রধান,—

তরুণা । বর আসে এই জানি,

প্রবাল । দেশে রটাইল রাণী, তাই ওঠে হেন বাণী ;

তরুণা । নাবিক কি করিল বিধান ?

প্রবাল । ঝটিকায় ছিদ্রদ্বার, খুলে দিল দুরাচার.

পলাইল ক্ষুদ্র তরি লয়ে ।

তরুণা । কেমনে জানিলে হেন রাজা দেছে ক'য়ে ?

প্রবাল । মন্ত্রী ধরে তারে সভায় দিল,

তরুণা । সেও কি আসিয়ে এ কূলে উঠিল ?

রাজার কুমার ডুবিল জলে ।

প্রবাল । ঝড়ে পড়ে গেল জলে,

উঠিল না আর তাহা দেখেছে সকলে ।

তরুণা । পাগল আমার, পাগল আমার,  
স্থির হও প্রাণ, নাহি ভাঙ্গ হৃদাগার ।  
বর আসে হেথা কিসে হইল প্রচার ?

প্রবাল । বিবাহ সম্মতি  
লইবারে রাজদূত গিয়েছিল তথি,  
ছল ঢাকিতে নৃপতি, ছল ঢাকিতে নৃপতি,  
পত্র হেথা পাঠাইয়া দিল দ্রুতগতি ।

তরুণা । শেষে বল কি হ'ল, নাবিক ?

প্রবাল । রাজ আজ্ঞা দেখাইল কব কি অধিক !

শৈবাল । চল চল চল চল লো ধ্বনি,  
না জানি কি করে প্রাণসজনি ।

[ সখীগণের প্রস্থান ।

( পরজ-বাহার—একতাল । )

তরুণা । কবি রবিছবি হেরেছি বয়ানে,  
আশ কেন বিকাশ প্রাণে,  
মাখুরী নিবাসী বেদনা জানে না,  
বুঝে না বুঝে না, নারীর ব্যথা ।

সে কভু বুঝে না, সে কভু জানে না,  
সাগরে সমীরে যে কহে কথা ।  
কেন কেন কহ কাঁপিছ হৃদি,  
সাগর মাঝারে রতন নিধি,  
কেমনে আনিব, কেমনে পাইব,  
থাক থাক থাক মন মান রাখ,  
সরমে ঢাক না মরম গাথা ।

[ তরুণার প্রশ্নান ।

---

## দ্বিতীয় অঙ্ক ।



দ্বিতীয় গর্ভাঙ্ক ।



উপত্যকাস্থিত উদ্যান ।

বরুণা ।

( বসন্ত—একতাল । )

বরুণা । ধিকি ধিকি ধিকি জ্বলিছে অনল,  
কেন এ জ্বালা মরমে চাপি ।  
পাখীকুল স্মরে পরাগ শিহরে,  
অনিল বহিলে কেন গো কাঁপি ।  
কি যেন কি যেন, মনে হয় হেন,  
এল এল এল, চলে গেল কেন,  
হৃদয় মাঝারে কত কথা কই,  
মনে মনে সাধি, কত জ্বালা সই,

মান করে মানা, কেমনে যাব,  
সাধিব কেমনে, কেমনে পাব,  
নাহি সহে আর, হয় বা প্রচার,  
অনল কেমনে বসনে ঝাঁপি ।

( তরুণার প্রবেশ । )

তরুণা । দিদি শুনেছ সকলি ?

বরুণা । ঠিক সেই বিমাতারে বলি ।

তরুণা । বুঝি দিদিরে বিকল

করিয়াছে আমারি পাগল !

দিদি সুধাই তোমায়, দিদি সুধাই তোমায়,

দিন দিন কেন ভোরে হেরি শীর্ণকায় ।

যদি ঠেকে থাক দায়, বল না আমার,

কর দিন দেখি তোমা শূন্যমনা প্রায় ।

আমি ভগিনী তোমার, আমি ভগিনী তোমার,

কি জ্বালা তোমার, মোরে দেহ দুঃখভার,

রেখ না গোপনে জ্বালা স'য়োনা কো আর ।

বরুণা । কিবা সুধাও আমার, কিবা সুধাও আমার ।

তরুণা । বুঝিয়াছি হার !—

পাগলিনী প্রাণ, পাগলপানে ধার ।



কহি সাবধান তরে, কহি সাবধান তরে,  
 স্বেচ্ছায় গরল আনি রেখো না অন্তরে ।  
 দিদি জেনো এই স্থির, দিদি জেনো এই স্থির,  
 পাগলে দেখেছি আমি লক্ষণ কবির ;  
 কবি কারো সেতো নয়, কবি কারো সেতো নয়,  
 বজ্র ধরে, খেলা করে, করি তারে ভয় ।  
 ধরি নারীর হৃদয়, ধরি নারীর হৃদয়  
 দেখিয়াছি নারী-ধরা কাঁদ সুধাময় ;  
 জেনো কাহারো সে নয়, জেনো কাহারো সে নয়,  
 কুল মনে ঘনবনে যাহার প্রণয় ;  
 আমিও নারী দিদি খুলিছি হৃদয় ।

বকণা । জানি লো সকলি, ভুলিতে নারি,  
 সে যদি না চায়, আমি তো তারি ;  
 জ্বলি জ্বলি জ্বলি, ভুলিতে না চাই,  
 জ্বলি যত, তত হৃদয়ে লুকাই ;  
 যাই যাই যাই, পুন ফিরে চাই,  
 তারি ধ্যান বিনা প্রাণে কিছু নাই ;  
 ধাই ধাই, মনে প্রবোধ মানে না,  
 সরম আসিয়ে করে গো মানা ।

তকণা । দেখ দিদি হ'ল গোধূলি বেলা,  
 উপবনে চল করিগে খেলা ।

বকুণা । যাও তুমি আমি যেতেছি পরে ।

তকুণা । একেলা বসিয়ে কাঁদিয়ে ঘরে ?

বকুণা । না লো ন', ডেকেছেন মা ।

তকুণা । যেও কথা শুনে মাথার কিরে ;  
না যাও এখন আসিব কিরে ।—  
আগুন নেভে না নয়ননীরে ।

[ তকুণার প্রস্থান ।

বকুণা । যাইব দেখিব, সাধ পূরাইব,  
যা আছে কপালে ঘটিবে ছাই,  
করি কত মানা, প্রাণ তো মানে না,  
কলঙ্ক হইবে, বহিব তাই ।

[ বকুণার প্রস্থান ।

( তকুণার প্রবেশ । )

তকুণা । এখন কাঁদিয়ে বসিয়ে একা, ?—  
কোথা গেল দিদি না পাই দেখা !  
পাগলের কাছে একা কি গেল ?  
জেনেছে আলয় স্মরণে এল !

( ছায়ানট—মধ্যক্ষীণ- )

আমি যে জ্বালা সহি কাহারে কহি,

মনমোহন নয়ন পরাণে জাগে ।

যেন সাধ ধরে, কলঙ্কে ডরে,

প্রাণ মন মোহিল, ধীরে ধীরে কহিল,

রঞ্জিত বদনরাগে ।

কিবা সঙ্গীত সরস ভাষে,

প্রমদা প্রাণ মাতে, বিকাশে আশে,

কিবা রমণি হৃদয় ফাঁদ গঠিত সোহাগে ।

[ প্রস্থান ।

---

## দ্বিতীয় অঙ্ক ।



### তৃতীয় গর্ভাঙ্ক ।



কানন ।

লহর ।

( বেহাগ—আড়াঠেকা । )

লহর ।

কলঙ্ক ধর, কহ শশধর,  
কভু কাঁদে কি হে পরাণ তোমারি ?  
হেরি সুন্দরী সহচরী তারকাহারে,  
বিহর বিতর সুধা রজতধারে,  
হেরি কালিমা চন্দ্রমা হৃদিমাঝারে,  
কহ শশী মনাগুন কেমনে বারি !  
তব সাগর অম্বর চলেছ ভেসে  
দেশে দেশে,

ঢেকেছ কালিমা রেখা সুধার হাসে ;  
 রেখা সুন্দর, সুন্দর সকলি নেহারি,  
 কলঙ্ক ধরি বুঝি ভুলিতে পারি,  
 সুধাকর পেলে তব সুধার ধারি ।

( বরুণার প্রবেশ । )

( বেহাগ—ভৃতালী । )

বরুণা । সুধা নির্বার ঝর ঝর মধুর স্বরে,  
 গগন গহন শুনে সোহাগভরে,  
 সুধা কাননে ঝরে ।

ললিত গীত চিত বিমোহিত বিচলিত,  
 সুধা উথলে স্বরে, গগনোপরে,  
 শুনে চাঁদে চকোরে ।

( বেহাগ—ভৃতালী । )

লহর । মধু কে দিল স্বরে, সাধ করে,  
 স্বর-মাধুরী কে দিয়েছে রমণি তোরে ?  
 শিখালে মোরে, বাঁধা জনম তরে ;

ভালবাসি, অভিলাষী,  
ডরি কালিমা রেখা মম হৃদয়োপরে ।

( বেহাগ—তৃতানী । )

বরুণা । বল না বল না কি মন বেদনা,  
মনব্যথা ভাল ললনা সহে ।

( কানেড়া—আড়াঠেকা । )

লহর । ধূ ধূ ধূ হৃদয় দহে,  
সাধে অপবাদ,  
অনল উথলে, অনল ক্ষরে,  
কলঙ্ক রেখা শশী একেলা পরে.  
কলঙ্ক রেখা নাহি তারকা ধরে,  
হৃদে অনল ক্ষরে, নাহি সুধা ঝরে ।

[ লহরের প্রশ্নান :

( নাবিকবালকবেশে তরুণা ও  
সখীগণের প্রবেশ । )

( লগ্নী—দাদরা । )

সকলে । ধীরে ধীরে মোরা তীরে খেলি,  
তরি দোলে ।

চেউয়ে টানে যত ফিরি তত,  
না জেনে অকূলে যাইনে চলে ।

লহরে লহরে মন ভুলে,  
তবু ফিরি কূলে,  
কেঁদে কেঁদে ফিরি, প্রাণ টলে;

তরি দোলে,—

কূলে চলতে নারি তাই পড়ি চলে ।

তরুণা ।      কহ লো নাগরি কহ লো কথা,  
ফিরে চাও ধনি খাও লো মাথা ;  
মান ক'রে কেন বদন ঢাক,  
দিয়ে মুখসুধা পরাণ রাখ ।

বরুণা ।      তরুণ নাবিক তোমারে হেরি,  
কথা কি বুঝিবে তাইতো ডরি ;  
ধীরে ধীরে তুমি ভাস হে কূলে,  
মন প্রাণ মম ভাসে অকূলে ।

তরুণা ।      মৃদু মধু যবে মাকত পাব,  
কূলে কি রহিব অকূলে যাব ।

বরুণা ।      সুবাতাসে তবে ভাসাবে তরি ?  
যেও না অকূলে নিষেধ করি ।

তরুণা । একা কেন বনে কহ নাগরি ?  
 বরুণা । খুঁজিয়ে নাগরে নে যাব ধরি ।  
 তরুণা । রাখ পরিহাস কহি লো তোরে,  
 না জেনে মজিলে পড়িবে ঘোরে ।

( কুকুতা—মধ্যমান । )

বরুণা । বুঝায়ে বারিতে নারি,  
 মাতুরা প্রাণ তারি,  
 কহে আশা ছলভাষা,  
 মন মাতে নাহি পারি ।

আমার আমার বলে বার বার,  
 আঁখি বারিধারা হৃদয়ে বহে,  
 মরম দহে, কতই সহে,  
 তবু পোড়া প্রাণ 'আমার' কহে,  
 ছি ছি ধিক্ জনম নারী ।

কহ লো তরুণা কেন এ সাজে ?

তরুণা । ভুলাইতে তব হৃদয়রাজে ।  
 ছলে যদি পারি লব পরিচয়,  
 গুণমণি তব কেবা মহাশয় ।



ছলে লো সজনি, ভাসিয়ে তরি,  
 যনচোরা তোর আনিব ধরি ।  
 বলেছিলে দিবে নাগর যোরে,  
 পারি যদি ধরি দিব লো তোরে ।  
 সাজ লো সজনি সাজ এ সাজে,  
 কবে কথা, বাধা দেবে না লাজে ।  
 ভুলাইতে তোর রসিকরাজে,  
 চল লো নাগরি নাগর সাজে ।

( কামদ—জনদ একতারা । )

সকলে । নাগর মিলে নাগর ধরিতে যাই,  
 দেখি পাই কি না পাই লো ।  
 চল ভাসিয়ে তরি ধীরে বাই লো ।  
 নবনাগর হেরে, নাগর চাবে ফিরে,  
 নহিলে দিব কিরে ;  
 সেখে কইব কথা, লাজ মানা তো নাইলো ;  
 ধীরে বাইলো,  
 পাই কি না পাই দেখি তাই লো ।

[ সকলের প্রশ্নান ।

# তৃতীয় অঙ্ক ।

প্রথম গর্ভাঙ্ক ।

কক্ষ ।

( মালদ্বীপ-রাজ ও লাক্ষাদ্বীপ-রাজ । )

লা-রাজ । শুন হে রাজন্, কহি বিবরণ,  
আপন নন্দন ফেলেছি জলে ;  
কুলটা ব্যভার, হয়েছে প্রচার,  
কি কহিব আর যে জ্বালা জ্বলে ।  
কুগার আমার, অতি সদাচার,  
রীতি কুলটার বুঝি নু ক্রমে ;  
শেল বাজে বুকে, শুনি লোকমুখে,  
বনে মনদুখে তনয় ভ্রমে ।

মা-রাজ । ধর হে বচন, না কর রোদন,  
বিধাতা লিখন, দুর্বিবে কারে ;  
শুন মহামতি, নিয়তির গতি,  
কাহার শক্তি, বল হে বারে ।  
মৃত কি জীবিত না জানি নিশ্চিত,  
যে হয় বিহিত করিব ত্বর ।

লা-রাজ । যা হয় বিধান, কর যতিমান,  
আকুল পরাণ, আঁধার ধরা !

( মন্ত্রীর প্রবেশ ।

মন্ত্রী । জীবিত জীবিত প্রভু তোমার তনয়,  
দেখ হয় নয় ।

আমি দেখিয়াছি বনে, আমি দেখিয়াছি বনে,  
মালা নিয়ে খেলে তব দুহিতার সনে ।

লা-রাজ । ওহে কি বল কি বল, ওহে কি বল কি বল !

মা-রাজ । মম দুহিতার সনে, খেলিতেছে বনে !

উ-রাজ । ত্বর দেখি গিয়ে চল, ত্বর দেখি গিয়ে চল,

মন্ত্রী । দৌছে বনে করে গান, দৌছে বনে করে গান,  
পবিত্র-প্রণয়-নীরে বিকসিত প্রাণ ।

মা-রাজ । ভাল খেলা আজি মদন খেলিল,  
কন্যাপণে মম কুমার মিলিল,  
বিলম্ব কি হেতু করিছ বল,  
চল সখা তবে ত্বরিত চল ।

[ সকলের প্রস্থান ।

## তৃতীয় অঙ্ক ।



দ্বিতীয় গর্ভাঙ্ক ।



সাগরকূল ।

লহর আসীন ।

( তরনী আরোহণে নাবিকবালকবেশে বরুণা,  
তরুণা ও সখীগণের প্রবেশ । )

( ভৈরবী—৪৭ । )

সকলে ।

খেলি কূলে খেলি, কালি অকূলে ভেসে যাব ।

যাব যাব কূলে ফিরে চাব,

বনফুলে মালা গেঁথে নিব,

যে চাবে মালা তারি গলে দিব ।

মোরা চেউয়ে নাচি, মোরা চেউয়ে ভাসি,

কূলে ফুল হাসে, তাই তীরে আসি,

বনফুল বিনা কিবা রতন পাব ।

তৃতীয় অঙ্ক।

তরুণী ।    কহ মহাশয় কে তুমি শুলিনে,  
বিজনে কেন কে বসিয়ে প্রহর।  
বসিয়া কি আশে, কোথা তব ঘর,  
কি হেতু উত্তর না দেহ সখা ?

( ভৈরবী—৪৭ । )

লহর ।    গাঁথ নবীন কলি, মালা পরহে গলে,  
মালা মলিন হলে দিও ভাসায়ে জলে ।

( ভৈরবী—৪৭ । )

সকলে ।    হের নবীন মালা, যদি সাধ কর  
মালা ধর, মালা গলে পর,  
আজি খেলি মিলে,  
কালি যাব চলে ।

( ভৈরবী—৪৭ । )

লহর ।    ছিল নবীন মালা, হের মলিন গলে,  
তাপে শুকালো কলি, জ্বলে হৃদয় জ্বলে ।

( ভৈরবী—৪৭ । )

সকলে ।    কি মনবেদনা বল বল বল,  
যদি হে বিদেশী, সাথে চল চল ।

শুন গুণমণি, বাহিব তরণি  
তোমাতে লয়ে;  
কেন বনে বস, এস এস এস,  
পুলিনে কেন হে যাতনা সয়ে ।

( ভৈরবী—৪৭ । )

লহর ।      নব রাগে যবে ফুটিল কলি,  
মনসাধে কত করেছি কেলি ।  
নাহি সেই দিন, গিয়েছে চলি;  
আর না খেলি,  
হৃদয়-কুমুম আর না বিকাসে নবীনদলে ।

( মাল-রাজ, লাক্ষ্মী-রাজ ও মন্ত্রীর প্রবেশ । )

মা-রাজ ।      ভাল ভাল ভাল নাবিক বালক  
জনকে ভুলায়ে চলেছ ছলে,  
কালি ভেসে যাবে অকুল জলে ?

( ভৈরবী—দাদরা । )

সকলে ।      ওলো কেমনে বদন তুলি, মরি লাজে,  
ছি ছি গঞ্জনা লাঞ্ছনা প্রাণে বাজে !

প্রবাসী সনে ভ্রমি বনে বনে,  
ছি ছি একি সাজে ।

লা-রাজ । লহর কুমার ! কুমার আমার,  
কম অপরাধ চল রে চল;  
শুন বাপধন, খুলেছে নয়ন,  
বুঝেছি জেনেছি নারীর ছল ।

( ভৈরবী—যৎ । )

লহর । নমি চরণতলে,  
নবীন মালা মাতা প্রসাদ দিল,  
মলিন মালা আজি হের গো গলে !  
আজি নিভিল জ্বালা  
মলিন মালা আজি ভাসাব জলে ।

মা-রাজ । নিধি পেয়েছি খুঁজে কিরি নাহি দিব,  
কুমারিপণে আমি কুমারে নিব ।  
আজি হতে বরণা আমার  
হুহিতা তোমার,  
কুমার আমার আজি লহর কুমার ।

( ভৈরবী—দাদরা । )

সকলে । মধু ঝরিল রে, মন পুরিল রে,  
 মধু যামিনী মধুর হাসে,  
 মধুর লহর চলে, প্রাণ ভাসে,  
 মধু কুসুমবাসে,  
 মধু কাননে লতা সনে  
 অনিল ভাষে,  
 মধু সাগরে রে, মধু উজান চলে ।

( ভৈরবী—১৭ । )

লহর । নিশির শিশির হের কুসুমদলে,  
 লহরে লহরে ভেসে লহর চলে,  
 তিমির যামিনী আজি জাগিছে মনে ;  
 ওলো চন্দ্রাননে,  
 বালা, ঘুচিল জ্বালা, ফেলি মলিন মালা,  
 কাঁদিয়া পেয়েছি আমি সখা বিজনে !  
 তারে ভালবাসি,  
 তারি তরে আমি সলিলে ভাসি,



সখা সকলি জানে, সখা বিরাজে প্রাণে;

বিরাজে সকাশ প্রেম কমলদলে !

পিতা বিদায় মাগি, নমি চরণ তলে,

কলঙ্ক মালা মম আছিল গলে,

যাই মলিন মালা আজি ভাসায়ে জলে,

সখা হৃদিকমলে !

[ নৌকারোহণে প্রস্থান ।

সকলে । কি হ'ল কি হ'ল তীর বেগে গেল

দেখিনে আর !

লা-লাজ । হায় হায় কোথা গেল কুমার আমার !

মা-রাজ । শীত্র লয়ে তরি, চল গিয়ে ধরি ।

[ নৃপতিদয় ও মন্ত্রীর প্রস্থান ।

( পাহাড়ী—তৈরবী । )

সকলে । দেখি রে দেখি রে মলিন মালা ;

যক্ষণা । দেখি মালা কত জ্বালা !

সকলে । মলিন হয়েছ ব'লে, তাই কি হে কাঁদাইলে,

ফুল মালা কুল বালা !

( ষবনিকা পতন । )





# বিজ্ঞাপন :

শ্রীযুক্ত বাবু গিরিশচন্দ্র ঘোষ প্রণীত নিম্নলিখিত গুরুত্ব-  
স্বলি গ্রন্থমূলে খিয়েটারে পাওয়া যায় ।

১ বামের বনবাস

২ সীতা হরণ

৩ কালক বধ

৪ সীতার বনবাস

৫ লক্ষ্মণ বধ

৬ অতিমহা বধ

৭ মানিক রাহা

৮ মোহিনী প্রতিমা

৯ বাসাকড়

১০ বলিন মালা
























# প্রবন্ধ-পাঠ



শ্রীপূর্ণচন্দ্র দে, বি. এ  
প্রণীত।

Calcutta :

PUBLISHED BY KRISHNA MOHAN KUNDU  
10/1 CORNWALLIS STREET,

AND

PRINTED BY SARAT CHANDRA CHATTOPADHYAYA,

MOHAN PRESS.

8 SREENATH BABU'S LANE, COLOOTOLAH STREET.

1890.





## বিজ্ঞাপন ।

বিদ্যালয়ের বালক ও বালিকাগণের পাঠোপযোগী করিয়া “প্রবন্ধ-পাঠ” লিখিত হইল । ইহাতে নৈতিক, ঐতিহাসিক ও জীবন-বৃত্ত-বিষয়ক ১৯টি প্রবন্ধ সন্নিবেশিত হইয়াছে । গ্রন্থের শেষভাগে কেশ্বরচন্দ্র বিদ্যাদাগর মহাশয়ের সংক্ষিপ্ত জীবনচরিত দেওয়া গিয়াছে । যিনি বর্তমান শতাব্দীর প্রারম্ভকালীন অপরিষ্কৃত ও ক্ষীণকলেবর বাঙ্গালা ভাষার পরিষ্কাটক ও পরিপোষক, যিনি তৎকালোচিত বাঙ্গালা ভাষার দুর্গম ও জটিল পদ উন্মুক্ত করিয়া তাহা এক্ষণে সুগম ও সহজ করিয়া তুলিয়াছেন, যিনি জ্ঞানানুক বাঙ্গালী বালক-বালিকাগণের জ্ঞান-চক্ষু উন্মীলন করিয়া জীবনের সার্থকতা সম্পাদন করিয়াছেন, যিনি বর্তমান বাঙ্গালা ও ইংরাজী ভাষা শিক্ষার বহু প্রচারের অন্যতম কারণ, যিনি নিরাশ্রয়া বঙ্গ-বিধবার অশ্রুমোচন করিতে একদিন কলিকাতায় কলিয়াছিলেন, সেই স্বদেশ-হিতৈষী মহাত্মার জীবন-চরিত পাঠ না করিলে বাঙ্গালী সন্তানের প্রত্যবায় আছে ভাবিয়া এই গ্রন্থে তাঁহার জীবনচরিত সন্নিবেশিত হইল । “প্রবন্ধ-পাঠ”-রচনার ভাষা প্রাঞ্জল করিতে যথাসাধ্য প্রয়াস পাইয়াছি । গ্রন্থখানি বিদ্যালয়ের পাঠ্য পুস্তক রূপে পরিগণিত হইলে, এবং বালক বালিকাগণ ইহা পাঠ করিয়া নানা বিষয়ে জ্ঞান লাভ ও স্বীয় চরিত্র সংগঠন করিতে পারিলে গ্রন্থ প্রণয়নের উদ্দেশ্য সার্থক ও পরিশ্রম সফল হইবে ।

ভদ্রকালী  
২৯শে অগ্রহায়ণ, ১২৯৭

ত্ৰীপুৰ্ণচন্দ্র দে ।


# সূচীপত্র ।

| প্রবন্ধ                                  | পত্রাঙ্ক |
|--|----------|
| বিদ্যাশিক্ষা ... ..                      | ১        |
| শাস্ত্রচর্চা ও জ্ঞানলাভ ... ..           | ৪        |
| আত্মাবলম্বন .. ..                        | ৭        |
| অধ্যবসায় ... ..                         | ১১       |
| স্বাস্থ্য ... ..                         | ১৪       |
| শৈশব ... ..                              | ১৭       |
| যৌবন ... ..                              | ১৯       |
| বার্দ্ধক্য ... ..                        | ২২       |
| কৃপণতা ... ..                            | ২৫       |
| মিতব্যয়িতা .. ..                        | ৩১       |
| নীতিকথা ও দৃষ্টান্তমালা ... ..           | ৩৪       |
| হিন্দুজাতির যোগবল ও হরিদাস যোগী          |          |
| জাহাঙ্গীর বাদশাহের दरবার ও স্যার টমাস    |          |
| রোর দৌতা ... ..                          | ৬০       |
| আরজ্জীব ও তৎসাময়িক বৃত্তান্ত ... ..     | ৮২       |
| কবি ভারতচন্দ্র রায় গুণাকর ... ..        | ১০৭      |
| সাধক রামপ্রসাদ সেন ... ..                | ১১৫      |
| পণ্ডিত মদনমোহন তর্কালঙ্কার ... ..        | ১২৪      |
| ডাক্তার দুর্গাচরণ বন্দ্যোপাধ্যায় ... .. | ১২৯      |
| পণ্ডিত ইশ্বরচন্দ্র বিদ্যাসাগর ... ..     | ১৪২      |



# প্রবন্ধ-পাঠ ।

বিজ্ঞানশিক্ষা ।



বিজ্ঞান অমূল্য ধন। তৎকরে যাহা অপহরণ করিতে অসমর্থ।  
দায়াদগণ যাহার অংশ গ্রহণে অক্ষম, মহামূল্য মণিভুক্তাদির বিনি-  
ময়েও যাহা প্রাপ্ত হওয়া অসম্ভব, যথেষ্ট ব্যয় করিলেও যাহার  
অণুমাত্র ক্ষয় । ইহা উত্তরোত্তর বৃদ্ধি ইহা থাকে, এবং যাহা  
না থাকিলে মন মনুষ্য-পদ-বাচ্য নহে, তাহা অপেক্ষা মূল্যবান  
ও সারগভ মন্থী জগতে আর কি আছে ! বিজ্ঞান কি মনো-  
হারিণী মূর্খি ; বিদ্বানের মুখমণ্ডল অল্পম স্বর্গীয় সৌন্দর্যে  
বিভূষিত, হৃদয়ভাগুর বহুমূল্য রত্নমালায় সুসজ্জিত, এবং চিত্ত-  
চকোর ইতর-প্রাণি-ভোগ্য অকিঞ্চিৎকর বিষয় পরিহার পূর্বক  
জ্ঞান-কৌনূদীব জন্ম প্রধাবিত । নিকৃষ্ট-সুখ-প্রয়ানী বিজ্ঞানীদের  
চিত্ত-কুটীর যেরূপ ঘোর অজ্ঞান-ভিমিরে সমাচ্ছন্ন থাকে,  
বিশুদ্ধ-সুখাভিলাষী বিদ্বানের চিত্ত-প্রাসাদ সেরূপ নিরবচ্ছিন্ন  
জ্ঞানালোক-প্রদীপ্ত ইহা চির বিরাজ করিতে থাকে । বিজ্ঞান-  
শিক্ষায় ধর্মজ্যোতিঃ বিকীর্ণ, বিচারশক্তি মার্জিত, চিন্তাশক্তি  
বর্ধিত, মানসিক বৃত্তিসকল উত্তেজিত ও কুসংস্কার পরম্পরা

তিরোহিত হয় ; এবং ভাবী সম্পদ ও বিপদ পূর্বে প্রত্যক্ষ করিয়া সংকার্য্যে প্রবৃত্তির ও অসংকার্য্যে নিবৃত্তির সবিশেষ ক্ষমতা জন্মে ।

বিদ্যাশিক্ষা অশেষ সুখের নিদান । সাংসারিক কার্য্যজালে জড়িত ও উৎপীড়িত হইলে বিরলে বসিয়া শাস্ত্রানুশীলন দ্বারা অতি সুখে সময় অতিবাহিত করা যায় । সুশিক্ষিত ব্যক্তির অন্তঃকরণ নিরন্তর অসংখ্য বিষয়ের অসংখ্যভাবে পরিপূর্ণ । যাহা ইতর সাধারণের প্রত্যক্ষ হইলেও নেত্র-বহির্ভূত, তাহা তাঁহার অপ্রত্যক্ষ হইলেও বোধ-নেত্র-গোচর । তিনি ভূলোকবাসী হইয়াও আকাশমার্গে বিচরণ করিতে থাকেন । উস্তাল-তরঙ্গ-ময় বিশাল বারিধি-বক্ষঃ, তুষার-মণ্ডিত দুর্গম গিরিশৃঙ্গ, ভূগর্ভ-নিহিত অত্যাধঃ ধাতুনিঃস্রব ও শূন্যদেশে প্রচণ্ডবেগে ঘূর্ণ্যমান জ্যোতিষ্কমণ্ডল ইত্যাদির বিষয় পৰ্যালোচনা করিয়া তিনি সন্তোষ-সাগরে নিমগ্ন হন । একাসনে বসিয়া কল্পনা বলে তিনি ত্রিভুবন পর্য্যটন করিয়া আসিতে পারেন, ও নেত্র-নির্মীলন করিয়া নিখিল ব্রহ্মাণ্ডের যাবতীয় কার্য্যকলাপ চক্ষুর সম্মুখে দেখিতে পান ।

বিদ্যা, ধৈর্য্য, ক্ষমা, বিনয়, শিষ্টতা প্রভৃতি সদগুণ পরম্পরা শিক্ষা দিয়া থাকে । কিরূপ নিয়ম অবলম্বন করিলে শরীর সুস্থ ও সচ্ছন্দ রাখিতে পারা যায়, পিতা মাতার প্রতি ভক্তি ও শ্রদ্ধা প্রকাশ করিয়া কিরূপে তাঁহাদিগের সন্তোষ সাধন করিতে হয়, কিরূপে পরিবার-প্রতিপালন ও সন্তানদিগকে শিক্ষা দান করিতে হয়, এবং কিরূপেই বা আত্মীয়, বন্ধু ও অপর সাধারণের সহিত ব্যবহার করিতে হয়, বিদ্যানুশীলন ব্যতিরেকে তাহা সম্যক্রূপে

অবগত হওয়া সুকঠিন । বিদ্যাশিক্ষার অভাবেই পৰ্ণকুটীরাশ্রয়ী  
অসভ্যতা, বর্ষর জাতি, সুরমা-প্রাসাদ-নিবাসী, সুসভ্য, নাগরিক  
লোক অপেক্ষা নিকৃষ্ট ও হিনাবস্থ । বিদ্যাবলে সভ্য জাতীয়  
লোকেরা সুখ স্বচ্ছন্দে সংসার যাত্রা নির্বাহোপযোগী নানাবিধ  
উপায় উদ্ভাবিত করিয়া রাখিয়াছেন । বাষ্পীয়পোত, বাষ্পীয়রথ  
ও ব্যোমযান প্রভৃতি নানাবিধ অদ্ভুত যন্ত্র নির্মাণ করিয়া ছলে,  
স্থলে ও শূন্যদেশে বিচরণ করিবার কত দূর সুবিধা করিয়া  
দিয়াছেন ; অণুবীক্ষণ, দূরবীক্ষণ, দিগ্‌দর্শন, তাপমান, বায়ুমান  
ও তাড়িত-বার্ত্তাবহ প্রভৃতি বিজ্ঞান-যন্ত্র সকল আবিষ্কৃত করিয়া  
হুঃসাধ্য বিষয়ও সুসাধ্য করিয়া তুলিয়াছেন ; বস্ত্রযন্ত্র, গোধূম-যন্ত্র,  
মুদ্রাযন্ত্র প্রভৃতি কত শত শিল্পযন্ত্র নির্মাণ করিয়া মানব মণ্ডলীর  
মহোপকার সাধন করিয়া আসিতেছেন ; সেতু, সুরঙ্গ, প্রণালী ও  
প্রশস্ত পথ প্রস্তুত করিয়া শিল্পনৈপুণ্যের অদ্ভুত মহিমা প্রদর্শন  
করিয়াছেন ।

মূৰ্খ ধনী পরম ধনে বঞ্চিত । সে চক্ষু থাকিতেও অন্ধ, কর্ণ  
থাকিতেও বধির, অলঙ্কৃত হইলেও নিরলঙ্কার । সুবেশ-পরি-  
ধায়ী মূৰ্খ দূর হইতে সুন্দর, কিন্তু নিকটে আসিলেই কুৎসিত  
দেখায় । অলঙ্কার ও পরিচ্ছদ-পরিপাটীর গর্ব করিলে  
চিত্তের লঘুতা প্রকাশ হয় । যে ব্যক্তি সুদৃশ্য বস্ত্র ও সুরম্য  
অলঙ্কার পরিধান করিয়া আপনাকে বড় জ্ঞান করে, ও অশ্রুকে  
আপনার অপেক্ষা উৎকৃষ্ট বস্ত্র ও অলঙ্কার পরিতে দেখিয়া  
ক্ষুব্ধ ও ত্রিয়মাণ হয়, সে অতি অসার । এরূপ লোক কাহারও  
আদরণীয় নহে, এবং সার্ববান্ লোকেরাও তাহার সহিত  
বাক্যালাপ করিতে পরাঙ্মুখ হন । যদি ও ধনলোভী স্থাবকেরা

স্বীয় অভীষ্ট-নির্ধারিত জন্ত প্রত্যেকে তাহার যশো গুণ কীর্তন করে, তথাপি পরোক্ষে তাহার নিন্দা করিতে কিছুমাত্র কুণ্ঠিত হয় না। ধনোপার্জন বিদ্যাশিক্ষার মুখ্য উদ্দেশ্য নহে। যাহারা এরূপ মনে করেন, তাঁহারা কখনই বিদ্যার প্রকৃত স্বাদ গ্রহণ করিতে পারেন নাই। অতএব কি ইতর, কি ভদ্র, কি ধনী, কি নির্ধন, কি বালক, কি বৃদ্ধ, কি নর, কি নারী সকলেরই এতাদৃশী সর্বহিতকারিনী বিদ্যাশিক্ষার অনুশীলন করা সর্বতোভাবে বিধেয়।

### শাস্ত্রচর্চা ও জ্ঞানলাভ ।

জ্ঞানই বিদ্যাশিক্ষার মুখ্য উদ্দেশ্য ও শাস্ত্রচর্চার চরম ফল। জ্ঞান অপেক্ষা শ্রেষ্ঠ ও গুরুতর সামগ্রী জগতে আর দ্বিতীয় নাই। নিরন্তর শাস্ত্রপাঠ করিলেই জ্ঞানোৎপত্তি হয়, এরূপ নহে; ঔষধ স্নেহিত না হইয়া কেবলমাত্র নামোচ্চারিত হইলেই রোগের উপশম হইতে পারে না। নীতিজ্ঞ হইয়া নীতি-জ্ঞের অনুরূপ কার্য না করিলে নীতি-শাস্ত্র-পাঠ বিড়ম্বনামাত্র। যাহারা নীতি-শাস্ত্র-পাঠ করিয়া নীতি-বাক্য গুলি কার্যে পরিণত করেন, তাঁহারা ই যথার্থ বিদ্বান্ ও জ্ঞানবান্। জ্ঞানবৃক্ষ হৃদয়ে অঙ্কুরিত, জিহ্বায় পুষ্পিত ও কার্যে ফলিত হইয়া থাকে। যাহা ছায়া তাহার সম্যক্ জ্ঞান ও পরিগ্রহণ, এবং যাহা অন্তায় তাহার নির্দোষ ও পরিবর্জন করাই জ্ঞানোৎপত্তির প্রথম পরিচায়ক। যাহার কার্য কথার অনুরূপ, যিনি স্বল্পমূল্যে চিরনির্ঘন ও চিরস্থায়ী সুখ ক্রয় করিতে পারেন, যিনি ধনী হইয়াও নম্র ও দরিদ্র হইয়াও উন্নত, এবং ছবুড় বড়রিপু যাহাকে কখনও অভিভূত

করিতে পারে না, তিনিই প্রকৃত জ্ঞানী। আত্ম-সংযম-শক্তি  
যাঁহার বলবতী; অক্লিষ্ট পরিশ্রম ও অনন্ত অধ্যবসায় যাঁহার  
নিত্য ও প্রিয় সহচর; যিনি সত্যনিষ্ঠ, দ্বিতেন্দ্রিয়, স্থিরপ্রতিজ্ঞ ও  
কার্যকুশল; এবং পরনিন্দা, পরদেষ, পরধনাপহরণ প্রভৃতি  
কুকর্মগুলি যাঁহার নিকট কখনও স্থান লাভে সমর্থ নহে, তিনিই  
যথার্থ জ্ঞানবান্ ।

শাস্ত্রচর্চা এক প্রকার নির্মল ও অনির্কচনীয় আমোদ।  
অবস্থা-বৈগুণ্যে পড়িয়া মন বিরক্ত ও উৎপীড়িত হইলে  
নির্জর্জনে বসিয়া গ্রন্থপাঠ দ্বারা অতি সুখে সময় ক্ষেপ করা যাইতে  
পারে। বাক্পটুতা শাস্ত্রপাঠের অন্ততম ফল। নানাবিধ গ্রন্থ  
আয়ত্ত থাকিলে যুক্তি ও স্মৃতি সম্বলিত বচন-পরিপাটী দ্বারা  
শ্রোতৃবর্গের মন দ্রবীভূত করিয়া যে কোন বিষয়ে তাহাদিগকে  
প্রবর্তিত, উত্তেজিত ও প্রণোদিত করা যাইতে পারে। বক্তৃতা-  
কালে প্রস্তাব্য বিষয় অতিরঞ্জিত করিয়া বর্ণনা করা এবং তাহা  
রূপক ও উৎপ্রেক্ষা প্রভৃতি অলঙ্কারে সুসজ্জিত করা পাণ্ডিত্য-  
প্রকাশ-মাত্র। বিচারকালে কথায় কথায় শাস্ত্রীয় উদাহরণ  
প্রদর্শন করাও অবিচ্ছেদ্য কার্য। শাস্ত্রানুশীলনে বুদ্ধিশক্তি  
পরিমার্জিত ও বিচারশক্তি পরিবর্দ্ধিত হয়।

অর্থোপার্জন শাস্ত্রচর্চার চরম ফল নহে; উহা তাহার  
অবান্তরমাত্র। দুর্ভ, মুর্থ ও নাস্তিকেরা শাস্ত্রে দেষ ও অশ্রদ্ধা  
করে; সরলচিত্ত লোকেরা তাহাতে শ্রদ্ধা ও ভক্তি প্রকাশ করিয়া  
থাকে; এবং বুদ্ধিমান্ ও বিচক্ষণ ব্যক্তির কাৰ্য্যে পরিণত করিয়া  
তাহার সার্থকতা সম্পাদন করেন।

মর্মগ্রহণে অন্ধ হইয়া পুস্তক পাঠ করা অবিবেচনার কর্ম।

বিরলে বনিয়া পরিচিন্তন না করিলে তাহা ফলোপধায়ক নহে । সময়ে সময়ে সাংসারিক কার্যকলাপ পর্যবেক্ষণ করিয়াও বিজ্ঞ হইতে হয় । কারণ, জগতের বাবস্থা ও ব্যবহার দেখিয়া আমরা অনেক বিষয়ে শিক্ষা লাভ করিতে পারি ।

শাস্ত্র নানাবিধ । তন্মধ্যে কতকগুলির কেবল স্মাদগ্রহণ করিতে হয় ; কতকগুলি উদরস্থ করিতে হয় ; কতকগুলি বা চর্কিত, রোমস্থিত ও জর্গ করিতে হয় । অর্থাৎ কতকগুলি অংশতঃ পাঠ করিতে হয় ; কতকগুলির আদ্যন্ত পাঠ করা আবশ্যিক ; এবং কতকগুলি প্রগাঢ় মনোনিবেশ পূর্বক অধ্যয়ন ও তাহার অর্থবোধ করা সবিশেষ কর্তব্য । এরূপ কতকগুলি পুস্তক আছে যে কেবলমাত্র তাহার দার সংগ্রহ করিয়া রাখিতে হয় । কিন্তু উচ্চশ্রেণীস্থ গ্রন্থ সকল মূল দেখিয়াই পাঠ করা উচিত । পরিশ্রুত জল ও পরিশ্রুত পুস্তক উভয়ই তুল্য, কারণ উভয়ই বিস্মাদ ও অতৃপ্তকর ।

বহুজ্ঞতা-লাভ শাস্ত্রানুশীলনের অন্ততম ফল । নানাশাস্ত্র পাঠে বহুদর্শী হয়, অনেকের সহিত আলোচনা করিলে উপস্থিত বক্তা হয় এবং রচনাশক্তির বিলক্ষণ পরিপুষ্টি জন্মে । ভিন্ন ভিন্ন রূপ ব্যায়াম ও পরিশ্রম করিলে যেরূপ ভিন্ন ভিন্ন অঙ্গ পরিচালিত ও পরিপুষ্ট হয়, বিভিন্ন প্রকার শাস্ত্র-অধ্যয়ন করিলে তাহার ফলও সেইরূপ বিভিন্নপ্রকার হইয়া থাকে । পুরাবৃত্ত-পাঠে বিজ্ঞতা ও বহুদর্শিতা জন্মে । সাহিত্য-পাঠে বচন-চাতুৰ্য্য ও রচনা-নৈপুণ্য লাভ হয় । বিজ্ঞান-শাস্ত্র-পাঠে গাণ্ঠীয়া এবং নীতি-শাস্ত্র-পাঠে সুশীলতা ও ধর্মজ্ঞান জন্মে । তর্ক-শাস্ত্র-পাঠে বাদ-নৈপুণ্য ও বিচার-শক্তির সম্যক উন্মেষ হয় । চপল-চিত্ত



ব্যক্তির গণিতশাস্ত্র অধ্যয়ন করা আবশ্যিক । গণিতের প্রক্রিয়ায় কিছুমাত্র ভ্রম হইলেই প্রতিজ্ঞা-উৎপত্তি অসম্ভব হইয়া উঠে । সুতরাং তৎকালে পুনর্বার তাহা মূল হইতে আরম্ভ করিতে হয় । পুনঃ পুনঃ এইরূপ করিলে চিন্তাচাপল্য দূরীভূত হইয়া একাগ্রতা সংদাধিত হয় । স্থূলবুদ্ধি ব্যক্তির জ্যামিত্য অধ্যয়ন করা উচিত । তর্কবিজ্ঞা অধ্যয়ন করিলে সূক্ষ্মানুসন্ধান প্রযুক্ত বুদ্ধির স্থূলতা ও জড়তা নষ্ট হইয়া যায় । ব্যবহারশাস্ত্রে অধিকার থাকার বিলক্ষণ আবশ্যিক । কারণ, উহা অত্যন্ত উপযোগী । উহাতে দৃষ্টান্ত ও প্রমাণ প্রয়োগ দ্বারা অভিমত বিষয় প্রতিপন্ন করা যাইতে পারে ।

### আত্মাবলম্বন ।

পর-সাহায্য না লইয়া আপনার উপর নির্ভর করিয়া কাণ্ড করার নাম আত্মাবলম্বন । যাহার আত্মাবলম্বন নাই, যে সর্বদাই পর-প্রত্যাশী, যাহার আনন্দে অনুরাগ ও শ্রমে বিরাগ, যে বিপদে অধীর ও অভাবে অসহিষ্ণু, যাহার প্রত্যেক কার্যই শৈথিল্য ও গুণাসীন্ত, এবং যে পদে পদে দৈবের উপর নির্ভর করিয়া স্বয়ং নিশ্চেষ্ট হইয়া বসিয়া থাকে, সেই ব্যক্তিই যথার্থ কাপুরুষ । আত্মাবলম্বনই সমুন্নতিলাভের সর্বপ্রধান উপায় । উহার ফল যেরূপ সুমধুর, সর্বাঙ্গপুষ্ট ও সর্বাঙ্গসুন্দর, পরাবলম্বনের ফল কখনই নেরূপ নহে । আত্মাবলম্বন মনুষ্যকে যেরূপ সাহসী, উৎসাহী ও কার্যকুশল করিয়া তুলে, পরাবলম্বন নেরূপ সাহসহীন, নিরুৎসাহ ও অকর্মণ্য করিয়া ফেলে । যে পরিমাণে অন্ত-

দীর্ঘ সাহায্য গ্রহণ করা যায়, সেই পরিমাণেই আত্মনির্ভরশক্তি হীয়মান হইয়া পড়ে । যাহারা আত্মশক্তির উপর নির্ভর না করিয়া পরশক্তির উপর সম্পূর্ণ নির্ভর করিয়া থাকে, তাহারা ক্রমে ক্রমে জড়পিণ্ডবৎ একরূপ অকর্মণ্য হইয়া পড়ে যে, অণু কর্তৃক চালিত না হইলে এক পদও চলিতে পারে না । পর-প্রত্যাশীর স্থায় দুর্বল ও হীনচেতা জগতে আর দ্বিতীয় নাই । যাহারা আশ্রয় পাইলেই লাড়াইয়া থাকে ও নিরাশ্রয় হইলেই পড়িয়া যায়, তাহা-দিগের অপেক্ষা নিস্তেজ, ও হতভাগ্য জগতে আর কে আছে ! ক্ষমতা দ্বয়েও যাহারা আত্ম-নির্ভর না করিয়া পরের গলগ্রহ হইয়া থাকে, তাহারা নিতান্ত অসার ও যথার্থ নরাধম ।

পর-প্রত্যাশী হওয়া কাপুরুষের কস্ম । আত্ম-নির্ভর-শক্তি বাঁহাদিগের বলবতী, তাঁহারা ই যথার্থ মনুষ্যত্ব লাভ করিয়াছেন । সংসারে যত লোক হীনাবস্থা হইতে সমুন্নত অবস্থায় অধিরোহণ করিয়াছেন, তাঁহারা সকলেই আত্মাবলম্বী । জগতে বাঁহারা মহাপুরুষ বলিয়া বিখ্যাত, বাঁহারা সামাজিক ও রাজনৈতিক ব্যাপারে প্রলিপ্ত থাকিয়া জগতেব মহোপকার সাধন করিয়া গিয়াছেন, বাঁহারা কি বাহুবলে কি বুদ্ধি কৌশলে মানবমণ্ডলীর শীর্ষস্থানীয় হইয়াছেন, আত্মাবলম্বনই তাহাদিগের প্রধান সহায় । আত্ম-নির্ভর-শক্তি থাকিলে পরিশ্রম, অধ্যবসার, একাগ্রচিত্ততা ও কার্যতৎপরতা প্রভৃতি যাবতীয় সদগুণ মনুষ্যের স্বভাবসিদ্ধ হইয়া আইসে । যাহারা সর্বদাই পরমুখাপেক্ষী, ঐ সকল সদগুণ তাহাদিগের নিকট স্থান লাভে সমর্থ নহে । “যে ব্যক্তি আপনার সহায় আপনিই হয়, ঈশ্বর তাহার সহায় হইয়া থাকেন ।” বস্তুতঃ, এই চিরন্তন মহাবাক্যটির ভূরি ভূরি

প্রমাণ পৃথিবীর সকল স্থানেই দেখিতে পাওয়া যায় । পরমেশ্বর মনুষ্যদিগকে যেরূপ বুদ্ধিবৃত্তি ও বিবেকশক্তি প্রদান করিয়াছেন, তাহাতে স্পষ্টই বোধ হয় যে, তাহারা অন্তর্দীর সাহায্য অপেক্ষা না করিয়া আপনার উপর যত নির্ভর করিয়া চলিবে, ততই তাহারা মহোচ্চ পদবীতে আরোহণ করিতে পারিবে । যখন তিনি ইতর প্রাণীদিগকেও স্বাধীন হইয়া চলিবার শক্তি দিয়াছেন, তখন যে তিনি মনুষ্যদিগকে স্বাধীনতায় বঞ্চিত রাখিবেন, তাহা নিতান্ত অনন্তব । আত্মার যথেষ্ট বিনিয়োজন, বুদ্ধির যথেষ্ট পরিচালন ও যথেষ্ট বিষয় পরিচিস্তনে মানব-মাত্রে সম্পূর্ণ স্বাধীন । অতএব আত্ম-নির্ভর-শক্তি যে মনুষ্য-মাত্রের স্বভাবসিদ্ধ গুণ, তদ্বিষয়ে অণুমাত্র সন্দেহ নাই ।

সমাজ মনুষ্য লইয়াই সংগঠিত । সমাজ সমুন্নত করিতে হইলে প্রত্যেক মনুষ্যের সমুন্নতির লবিশেষ প্রয়োজন । কারণ ব্যক্তিগত উৎকর্ষাপকর্ষ লইয়াই সমষ্টিগত উৎকর্ষাপকর্ষের গণনা হইয়া থাকে । দেশীয় স্বাধীনতা ও উন্নতি, ব্যক্তিগত স্বাধীনতা ও উন্নতির সংকলনমাত্র । কোন একটা জাতিকে স্বাধীন ও সমুন্নত করিতে হইলে তজ্জাতীয় প্রত্যেক ব্যক্তিকে স্বাধীনতা-প্রিয়, শ্রমী, উৎসাহশীল ও কর্তব্যনিষ্ঠ, এবং প্রত্যেক ব্যক্তির দোষোৎপাটন করিয়া গুণরোপণ করা সর্বাগ্রে কর্তব্য । অলস ও নিরুৎসাহকে শ্রমশীল ও উৎসাহী করা, অমিতাচারীকে মিতাচারী করা, এবং পানাসক্তকে পান-দোষ-বর্জিত করা রাজ্য ও রাজ্যজ্ঞার ক্ষমতাতীত । নষ্ট-চরিত্রের দণ্ডবিধান দণ্ডনীতির অন্তর্গত, কিন্তু তাহার চরিত্র-সংশোধন দণ্ডনীতির আয়ত্ত্যধীন নহে । অতএব জাতীয় উন্নতি সাধন করিতে হইলে তজ্জাতীয়

ব্যক্তিগত উন্নতির সবিশেষ আবশ্যিকতা । স্বাবলম্বন ও স্বাধীনতা ব্যক্তিগত না হইলে কখনও কোন জাতি স্বাধীন ও সমুন্নত হইতে পারে না । প্রত্যেক বর্ণ উত্তমরূপে পরিচিত হইলে যেরূপ সমস্ত বর্ণমালা সম্পূর্ণ আয়ত্যাধীন হয়, প্রত্যেক বৃক্ষের পাটী করিয়া দিলে যেরূপ সমস্ত বৃক্ষ-বাটিকার সৌন্দর্য্য সাধিত হয়, সেরূপ প্রত্যেক ব্যক্তির উন্নতি হইলে তত্তৎব্যক্তির সমষ্টিগত সমস্ত জাতিরই উন্নতি নাধন হইয়া থাকে ।

যদিও পর-সাহায্য-সাপেক্ষ হইয়া চলা নিতান্ত কাপুরুষের কর্ম, তথাপি সময়বিশেষে ও অবস্থাভেদে অন্ত্যকৃত সাহায্যের অপেক্ষা করিতে হয় । কারণ, আমরা যে সংসারে বাস করি, তাহাতে সম্পূর্ণরূপ সাহায্য-নিরপেক্ষ হইয়া চলিলে অশেষ অসুবিধা ও কষ্ট আদিয়া উপস্থিত হয় । বাল্যকালে কাহারও বুদ্ধিবৃত্তি মার্জিত ও বিবেকশক্তি পরিপুষ্ট থাকে না ; সুতরাং তৎকালে পিতা মাতা ও অন্যান্য আত্মীয়গণের অধীন থাকা আমাদের একান্ত প্রয়োজন হইয়া উঠে । বার্কিকা উপস্থিত হইলে জনক জননীগণ অশক্ত হইয়া পড়েন ; অতএব এরূপ সময়ে তাহাদিগকে পুত্র কন্যাদির আশ্রয় গ্রহণ করা কর্তব্য । কিন্তু শৈশবাবধি সকলের এরূপ অভ্যান করা উচিত যে অধিকাংশ বিষয়েই অন্ত্যদীর্ঘ সাহায্যের অপেক্ষা করিতে না হয় । বালকদিগের স্বয়ং বস্ত্র-পরিধান, মুখ-প্রক্ষালন ও স্বহস্তে ভক্ষণ করিতে শিক্ষা করা সবিশেষ কর্তব্য । সন্তানেরা যাহাতে জনকজননী ও দাসদাসীগণের মুখাপেক্ষী হইয়া না থাকে, তদ্বিষয়ে পিতামাতাগণের দৃষ্টি রাখা অত্যন্ত আবশ্যিক । অতএব যাহাতে অন্ন, বস্ত্র ও আবশ্যিক সামগ্রীর জন্ত পরের মুখাপেক্ষী হইয়া থাকিতে না হয়,

তদ্বিষয়ে বাল্যকাল হইতে যত্ববান্ হওয়া নিতান্ত কর্তব্য । তাহা হইলে ভবিষ্যতে আমাদিগকে পরাধীন ও পরপ্রত্যাশী হইতে হইবে না । আত্ম-নির্ভরই অভীষ্ট সিদ্ধির, সুখ বৃদ্ধির ও উন্নতি সাধনের একমাত্র উপায় ।

### অধ্যবসায় ।

অভিলষিত কার্য সম্পাদনে অবিচলিত মনোযোগ ও অবিরাম চেষ্টার নাম অধ্যবসায় । এ সংসার নিরন্তর বিষ-সঙ্কল ও বিপদ-পরিপূর্ণ । কিন্তু যিনি প্রশান্তচিত্তে বিপুল বিষ-বিপত্তি অতিক্রম করিয়া অনুষ্ঠিত বিষয়ে পূর্ণমনোরথ হন, তিনিই যথার্থ মহাপুরুষ । অধ্যবসায়-সম্পন্ন ব্যক্তি আরক্কার্য সাধনে একবার বিফল-প্রযত্ন হইলেও নিরুদ্যম ও নিরুৎসাহ হইয়া পড়েন না । যতদিন অভীষ্ট-সিদ্ধি না হয়, ততদিন তাঁহার মন কিছুতেই স্থস্থির হয় না, এবং তাঁহার চেষ্টারও কিছুমাত্র ন্যূনতা লক্ষিত হয় না । অভীষ্টসাধনই তাঁহার প্রধান ব্রত এবং অধ্যবসায়ই তাঁহার মূলমন্ত্র । যিনি কোন কার্যে প্রবৃত্ত হইয়া পুনঃ পুনঃ বিষ-বিহত হইলেও তৎসমাধানে নিরতিশয় যত্ববান্ ও স্থিরপ্রতিজ্ঞ হন, অজ্ঞলোকে তাঁহাকে অপদার্থ ও ক্ষিপ্তমতি মনে করিয়া অশ্রদ্ধা করে । যাহাদের চিত্ত অতি দুর্বল, তাহা-রাই গন্তব্য স্থান দুর্গম মনে করিয়া দূর হইতে পলায়ন করে ; কিন্তু প্রকৃত অধ্যবসায়শীল ব্যক্তি উহাতে ভ্রক্ষেপও না করিয়া পূর্বতের স্থায় অবিচলিত থাকেন । “মন্ত্রের সাধন কিম্বা শরীর পতন” অধ্যবসায়ের মূল সূত্র । এই সূত্র ধরিয়া না চলিলে

কাহারও সমুন্নতি লাভের সম্ভাবনা নাই। যাঁহারা হীনাবস্থা হইতে আপনাদিগকে সমুন্নত করিয়া তুলিয়াছেন, অবিচলিত অধ্যবসায়ই তাঁহাদিগের একমাত্র অবলম্বন। বায়ু-বিক্ষোভিত উত্তাল-তরঙ্গময় বারিধি-বক্ষে সুদক্ষ নাবিক ভিন্ন অন্য কোন ব্যক্তি যেরূপ অর্ণবপোত রক্ষা করিতে সমর্থ নহে, প্রতিকূল অবস্থায় পড়িয়া পুনঃ পুনঃ বিঘ্নবিহত হইলেও অধ্যবসায়শীল ব্যক্তি ভিন্ন অন্য কেহ সেরূপ লক্ষ্যসাধন করিয়া আশ্রয়-রক্ষা করিতে সমর্থ হয় না। যাহা নিরন্তর আমাদিগের প্রতিকূল, তাহাও অধ্যবসায় প্রভাবে অনুকূল হইয়া দাঁড়ায়। অনন্ত অধ্যবসায় থাকিলে দরিদ্র ধনী, মূর্খ পণ্ডিত এবং দুঃখীও সুখী হইয়া থাকে।

শারীরিক বল বলবত্তার প্রকৃত চিহ্ন নহে; মনস্থিতাই ইহার প্রধান পরিচায়ক। উদ্যমশীলতার তারতম্য অনুসারে পুরুষত্বেরও ইতর বিশেষ হইয়া থাকে। যে ব্যক্তি বিঘ্নভয়ে কোন কার্যে প্রবৃত্ত না হয়, সে নীচ ও কাপুরুষ; যে ব্যক্তি বিঘ্ন-বিহত হইয়া আরক্কা কার্য হইতে বিরত হয়, সে মধ্যম ও মিন্দনীয় পুরুষ; কিন্তু যিনি বিপুল বিঘ্নবিপত্তি পাইয়াও ফলোদয় পর্য্যন্ত প্রারক্কা কার্যে প্রলিপ্ত থাকিতে পারেন, তিনিই উত্তম ও মহাপুরুষ। “প্রতিভা না থাকিলে কোন কার্যই সমাহিত হয় না”, ইহা অলস ও কাপুরুষের কথা। অধ্যবসায়ই প্রতিভার আবরণ খুলিয়া দেয়। চিরমলিন মণি শাণাশ্মঘর্ষণে যেরূপ উজ্জ্বলতা প্রাপ্ত হয়, জড়বুদ্ধিও অধ্যবসায় গুণে সেইরূপ প্রতিভাত হইয়া থাকে। বাল্যকালে অধ্যবসায় অকুরিত হইলে, যৌবনে তাহা পুষ্পিত ও বার্কক্যে তাহা অবশ্য ফলিত হইবে।

বিদ্যা, সঙ্গুণ ও ঐশ্বর্য লাভ করিতে হইলে অধ্যবসায় গুণের সবিশেষ আবশ্যিকতা । অধ্যবসায় শিক্ষা করিতে হয় । ধীরতা, একাগ্রচিত্ততা ও শ্রমশীলতা না থাকিলে প্রকৃত অধ্যবসায় শিক্ষা হয় না । বাল্যকাল অধ্যবসায় শিক্ষার প্রকৃত সময় । অধ্যবসায়ের অভাবে অনেক বালক পাঠের প্রারম্ভেই কোন বিষয় তুর্কৌধ দেখিলে, তাহাতে হতাশ ও নিরুৎসাহ হইয়া পড়ে । ভয় ও আলস্য অধ্যবসায়ের প্রধান বিরোধী । অতএব বাহাতে ভয় ও আলস্য না আসিয়া সাহস ও শ্রমশীলতা আইসে, তদ্বিষয়ে বালকগণের সবিশেষ যত্নবান্ হওয়া আবশ্যিক । অধ্যবসায় ক্রমশঃ অভ্যস্ত হইয়া আসিলে পরিশ্রমে অক্লিষ্টতা বোধ হয় ও অনুসন্ধিৎসা-বৃত্তি উত্তরোত্তর বলবতী হইতে থাকে । অক্ষুটবাক্ ডিমস্থিনিন্ বক্তৃতাকালে সভাস্থলে অপ্রতিভ হইয়া স্বীয় অনন্ত অধ্যবসায় বলে পৃথিবীর মধ্যে সর্বপ্রধান বাগ্মী বলিয়া পরিগণিত হইয়া গিয়াছেন । স্কটল্যান্ডরাজ রবার্ট ক্রস শত্রু-কর্তৃক ছাদশবার পরাজিত হইয়া অবশেষে একটা উর্গনাভের অধ্যবসায় অনুকরণ করিয়া ত্রয়োদশ বারে জয় পতাকা উদ্ভীন করিয়া ছিলেন । বীরকেশরী রণজিৎ সিংহ নিরক্ষর হইলেও অবিচলিত অধ্যবসায় প্রভাবে সমস্ত পঞ্জাবে একাধিপত্য সংস্থাপন করিয়া ছিলেন । হীনাবস্থ হরিশ্চন্দ্র মুখোপাধ্যায় ও দরিদ্র কৃষ্ণদাস পাল অর্থাভাবে বেতন দানে অসমর্থ হইয়া বাল্যকালেই বিদ্যালয় পরিত্যাগ করিয়া ছিলেন ; কিন্তু দুর্জয় অধ্যবসায় বলে ইংরাজী ভাষায় সুলেখক ও সুপণ্ডিত এবং রাজনৈতিক বিষয়ে সবিশেষ দক্ষ বলিয়া গণ্য হইয়া গিয়াছেন ।

## স্বাস্থ্য ।

স্বাস্থ্য সকল সুখের মূল । স্বাস্থ্যহীন জীবন জীবনই নহে—  
বিড়ম্বনামাত্র । উষ্ম-প্রক্ষিপ্ত-বীজাক্রম সমুদগমের স্তায় চির-  
ব্যাদি-শস্ত্র নষ্ট-স্বাস্থ্য লোকের নিকট কোন রূপ সুফল প্রত্যাশা  
করা যাইতে পারে না । বিদ্যালোক-প্রদীপ্ত গুণ-গ্রাম-ভূষিত  
অতুল-ঐশ্বর্যশালী হইয়া ব্যাদি-মন্দিরে থাকিয়া রাজত্ব করা  
অপেক্ষা অজ্ঞান-তিমিরাচ্ছন্ন, চিরমূর্খ ও ভিক্ষোপজীবী হইয়া  
সুস্থ শরীরে থাকিয়া কথঞ্চিৎ দিনপাত করাও বরং সহস্রগুণে  
শ্রাঘা ও প্রার্থনীর । সময়ে সময়ে ব্যাদি-নিষ্পীড়িত ও উখান-  
শক্তি-রহিত দেহভার বহনাপেক্ষা মৃত্যুও অধিকতর আলিঙ্গ্য  
বলিয়া বোধ হয় ।

প্রাচীন পণ্ডিতেরা কহেন, “প্রথমতঃ শরীর-রক্ষা, দ্বিতীয়তঃ  
ধর্ম সাধন” । তাহাদের মতে শরীরের সুস্থতা সম্পাদন করাই  
জীবনের সর্বপ্রধান ব্রত । অতএব এই নগ্ন দেহ যাহাতে আমরণ-  
কাল সুখ-সচ্ছন্দে থাকিতে পারে, তদ্বিষয়ে আবাল বৃদ্ধ  
সকলেরই মনোযোগী হওয়া কর্তব্য । সকলের ধাতু ও প্রকৃতি  
সমান নহে ; এক জনের পক্ষে যে নিয়ম পথ্য ও হিতকর বলিয়া  
বোধ হয়, অন্যের পক্ষে তাহা অসহ্য ও অনিষ্টকারী হইয়া উঠে ।  
এক্ষণে স্বাস্থ্যরক্ষার কোন সাধারণ নিয়ম দেখিতে পাওয়া যায়  
না ; আপনাকেই বুঝিয়া লইয়া চালাইতে হয় । যেরূপ নিয়মে  
থাকিলে তোমার শরীর অসুস্থ হইয়া পড়ে, অমনি তাহা পরি-  
ত্যাগ করিবে । কিন্তু আপাততঃ অনিষ্টকর হইতেছে না বলিয়া  
কদাপি তাহা পথ্য ও হিতকর মনে করিও না । যৌবনাবস্থার



১ ক্র ও ইন্দ্রিয় সকল সতেজ থাকে ; তখন অরৈখ্যচরণ করিলেও সহসা অনিষ্ট-সংঘটন না হইতে পারে ; কিন্তু বুদ্ধাবস্থায় রক্তের তেজ ও ইন্দ্রিয় সকলের প্রাবল্য কমিয়া আসিলে পূর্ককৃত অত্যাচারের ফল স্বরূপ নানাবিধ তুচ্ছিকিংশু রোগ আসিয়া সমুপস্থিত হয় । আহার বিষয়ে সর্বদা সাবধান থাকিবে । এ সম্বন্ধে কোনরূপ নিয়ম পরিবর্তন করিতে হইলে, কদাপি তাহা একবারে করিও না ; একান্ত আবশ্যক হইলে অগ্ণাত্ত বিষয়েও তদনুরূপ পরিবর্তন দ্বারা সামঞ্জস্য রক্ষা করিবে ।

আহার, নিদ্রা, ব্যায়াম ও বস্ত্রাদির দিকে সর্বদা দৃষ্টি রাখা কর্তব্য । ইহাদিগের মধ্যে যাহাতে যে নিয়ম অবলম্বন করিলে তোমার সুবিধাজনক বলিয়া বোধ হয়, তাহাই তুমি গ্রহণ করিবে । প্রত্যুত, যাহা অসুবিধাজনক বলিয়া বোধ হয়, অমনি ক্রমে ক্রমে তাহার পরিবর্তন করিবে । কিন্তু যদি পরিবর্তন-জনিত তোমার কোন রূপ অসুখ বোধ হয়, তাহা হইলে পূর্ক নিয়মের অনুসরণ করাই বিধেয় । কারণ, তোমার ধাতু ও প্রকৃতি তুমি যে রূপ বুঝিবে, অশ্বে সে রূপ বুঝিতে পারিবে না । আহার, নিদ্রা, ব্যায়াম ও ভ্রমণের সময় প্রকুল ও অননচিত্ত থাকা দীর্ঘ-জীবন লাভ করিবার সর্বশ্রেষ্ঠ উপায় । ঘেব, হিংসা, ক্রোধ, তুচ্ছিত্তা, উদ্বেগ, উৎকট-ভয়, অপচিকীর্ষা, অতি হর্ষ, অতি বিবাদ, গোপায়িত মনোব্যথা যত্নপূর্কক পরিত্যাগ করিবে । কখন একবারে হতাশ হইও না ; কারণ, আশাই হুঃখীর সুখ, তাপিতের শান্তি, দুর্কলের বল ও ধরার অমৃত । একরূপ আমোদে নিরস্তর প্রলিপ্ত থাকিও না । যে সকল ইতিবৃত্ত ও উপন্যাস পাঠ করিলে মন প্রকুল হয়, এবং যে সকল প্রাকৃতিক বিষয়

পর্যালোচনা করিলে হৃদয় আনন্দ-রসে আগ্রুত ও উচ্ছৃষিত হয়, সর্বদা তাহাতে অবহিত থাকিবে। একবারে ঔষধ পরিত্যাগ করা ভাল নয়; কারণ আবশ্যক হইলে তাহা আর ফলপ্রদ হইবে না। প্রত্যুত, নিরন্তর ঔষধ-সেবন অভ্যাস করাও যুক্তি-সিদ্ধ নহে; কারণ পীড়াকালে তাহাতে আর কিছুমাত্র ফল দর্শিবে না। অভ্যাসের বশবর্তী হইয়া নিরন্তর ঔষধ সেবন করা অপেক্ষা ঋতুবিশেষে খাণ্ড সামগ্রীর পরিবর্তন করা বিধেয়। এরূপ করিলে শরীরও স্ফূর্তি প্রাপ্ত হয়, অথচ ঔষধ-সেবন-জনিত কিছুমাত্র কষ্ট সহ্য করিতে হয় না।

শরীরে অকস্মাৎ কোন অবস্থান্তর দেখিলে অমনি কোন বিচক্ষণ ব্যক্তির নিকট তাহার কারণ জিজ্ঞাসু হইয়া, তৎক্ষণাৎ তাহার প্রতিবিধান করিবে। পীড়াকালে কেবলমাত্র আরোগ্যের দিকে দৃষ্টি রাখা কর্তব্য। তৎকালে আপাত-মধুর পরিণাম-কটু সামগ্রী সুখসেব্য হইলেও কদাপি তাহা পথ্য ও হিতকর মনে করিও না। সুস্তাবস্থায় শ্রম-বিমুখ হওয়া উচিত নহে। শরীর কষ্টসহ হইলে কোন রোগই সহসা আক্রমণ করিতে পারিবে না। পর্যাপ্ত ভোজন করিবে, কিন্তু উপবাসেও কাতর হইও না। সচ্ছন্দে নিদ্রা যাইবে, কিন্তু রাত্রি জাগরণেরও অভ্যাস রাখিবে। সর্বদা শ্রমশীল হইবে, কিন্তু বিশ্রাম করিতেও অবহেলা করিও না। এইরূপ উভয়বিধ আচরণই আয়ুষ্য ও স্নান্যকর। কোন কোন চিকিৎসক প্রকৃত রোগজয়ের দিকে কিছুমাত্র দৃষ্টি না রাখিয়া কেবল রোগীর ইচ্ছানুসারেই ঔষধ ও পথ্যাদির ব্যবস্থা করিয়া থাকেন; কেহ কেহ বা রোগীর কথায় কর্ণপাত না করিয়া কেবল নিজ শাস্ত্রোক্ত পদ্ধতির অনুবর্তী

হইয়া চলেন । এই উভয়বিধ চিকিৎসকেই অবিবেচক ও অকর্মণ্য ।  
এরূপ স্থলে একজন মধ্যবিধ চিকিৎসকের অধীন থাকাই যুক্তি-  
সঙ্গত । যদি দ্বিবিধ-গুণ-শালী লোক প্রাপ্ত হওয়া না যায়, তাহা  
হইলে দুই জনকেই মনোনীত করিবে । যিনি তোমার ধাতু  
সবিশেষ বুঝিয়াছেন ও যিনি চিকিৎসা-বিজ্ঞায় অতি বিচক্ষণ,  
তিনিই তোমার প্রকৃত চিকিৎসক ।

### শৈশব ।

শৈশব অতি সুখকর ও রমণীয় । তৎকালে হৃদয় অতি  
কোমল ও সরল এবং চিত্ত অতি প্রসন্ন ও প্রফুল্ল থাকে ।  
সংসারের যাবতীয় বস্তু আনন্দময় বলিয়া বোধ হয় । তখন  
যৌবন-সুলভ দুর্জয় ষড়রিপুর তাদৃশ প্রাবল্য থাকে না, এবং  
বার্দ্ধকা-সুলভ দুর্বিষহ পূর্ব-স্মৃতি নিবন্ধন মনোব্যথা কিছুমাত্র  
অনুভূত হয় না । শিশুর চক্ষু ও প্রক্ষুটিত পুষ্প উভয়ই তুলা ;  
কারণ, উভয়ই নিকলঙ্ক, মনোরম ও পবিত্রতা-ব্যঞ্জক । শিশুর  
প্রীতি-প্রফুল্ল মনোহর মুখমণ্ডল তাহার নিশ্চল ও নিষ্পাপ  
হৃদয়ের প্রতিবিম্ব-স্বরূপ । তাহার মৃদু-মন্দ অক্ষুট ধ্বনি কর্ণ-  
কুহরে অমৃত বর্ষণ করে । তৎকালে দ্বেষ, হিংসা, চৌর্ধ্য,  
প্রতারণা, দুরাশা, হুষ্টিস্তা প্রভৃতি নিকৃষ্ট ও ভীষণ প্রবৃত্তি সকল  
তাহার হৃদয় ও চিত্ত অধিকার করিতে পারে না । যৌবনে  
যাহা করিতে লজ্জা, ভয়, ও আত্মগ্লানি উপস্থিত হয়, শৈশবে  
তাহা অবাধে সম্পন্ন হইয়া থাকে । রোদনই শিশুর প্রধান  
বল, ও হাস্যই তাহার প্রধান সহচর ।

শৈশব কাল, হৃদয়-ক্ষেত্রে জ্ঞান-বীজ-বপনের প্রকৃত ঋতুস্বরূপ ; সেই সময়ে ইহাতে যেরূপ বীজবপন করিবে, আজীবন তাহারই ফল-ভোগ করিবে । অতএব শৈশবে হৃদয়ক্ষেত্র অকৃষ্ট ও পতিত রাখা বা ইহাতে কোন মন্দবীজ পড়িতে দেওয়া উভয়ই সমান সাংঘাতিক । কুরীতি, কুনীতি, কুসংস্কার প্রভৃতি কণ্টকী বৃক্ষ গুলি একবার বন্ধমূল হইলে তাহারা সহজে উৎপাটিত হইবার নহে । যদি যত্ন করিয়া শৈশবে জ্ঞানবীজ বপন করিতে পার, তবেই তাহা যৌবনে বৃক্ষরূপে পরিপুষ্ট হইয়া বার্ষিক্যে তোমায় সুফল প্রদান করিবে । নরস ও কোমল বস্তুতে দ্রব্যান্তরের চিহ্ন যেরূপ দৃঢ়তররূপে সংলগ্ন হয়, নীরস ও কঠিন পদার্থে কখনই সেরূপ নহে । শৈশবে আমাদিগের অন্তঃকরণ মধুগবৎ কোমল থাকে । তৎকালে দয়া, ধর্ম ও কৃতজ্ঞতাাদি গুণগ্রামের অনুশীলন করিলে অন্তঃকরণে যেমন ঐ সকল গুণের দৃঢ় সংস্কার জন্মে, যৌবন বা বার্ষিক্যে সেরূপ হইবার সম্ভাবনা অতি অল্প । বাল্যকাল বিদ্যাশিক্ষার ও জ্ঞানোপার্জননের উপযুক্ত সময় । এসময় বালকগণ যাহাতে সুশিক্ষা প্রাপ্ত হয়, তাহা করা পিতা মাতা ও শিক্ষকগণের সবিশেষ কর্তব্য । বালকগণ স্বভাবতঃ তরল-মতি । যাহাতে তাহারা কোনরূপ অশ্রায় কার্যে লিপ্ত না হয়, সে বিষয়েও লক্ষ্য রাখা বিধেয় । বিদ্যাশিক্ষার সঙ্গে সঙ্গে নীতি শিক্ষা দেওয়া আরও প্রয়োজনীয় । যাহাতে নীতিবাক্য গুলি তাহারা কার্যে পরিণত করিতে পারে, তদ্বিষয়ে সচেত্রে হওয়া সমধিক আবশ্যিক । অনেকে শিশু দিগের সমক্ষে কোতুকচ্ছলে মিথ্যা কথা ও পরিহাসচ্ছলে অশ্লীল বাক্য প্রয়োগ করিয়া থাকেন । কিন্তু এরূপ করা অতি অশ্রায় ; কারণ ক্রমে ক্রমে ইহা তাহাদিগের

চিরাত্যস্ত হইয়া আসিতে পারে । কুসংসর্গ বাল্যকালের একটা মহাদোষ । সঙ্গদোষে নিকলঙ্ক চরিত্রও কলঙ্কিত হইয়া যায় । অতএব বালকগণ যাহাতে কুসংসর্গ হইতে নিলিপ্ত থাকিতে পারে, তদ্বিষয়ে পিতা মাতা ও শিক্ষকগণের সবিশেষ দৃষ্টি রাখা কর্তব্য ।

## যৌবন ।

যৌবন বিষম কাল । যৌবনের প্রারম্ভে ষড়্‌রিপুর প্রাবল্য ও পঞ্চেন্দ্রিয়ের প্রাথর্ষ্য পরিলক্ষিত হইতে থাকে । তখন শত শত বিষয়ে কামনা, সামান্য কারণে ক্রোধ, পরকীয় দ্রব্যো লোভ, অপ্রিয় সংটনে মোহ, বিষয় বিশেষে মদ ও পরমঙ্গলে মাৎসর্ঘ্য আসিয়া সমুপস্থিত হয় । চক্ষু, জিহ্বা, নাসিকা, ত্বক্ ও কর্ণ এই জ্ঞানেন্দ্রিয় গুলি রূপ, রস, গন্ধ, স্পর্শ ও শব্দ গ্রহণে সমধিক বলবান্ হইয়া উঠে । বয়োবৃদ্ধি সহকারে অঙ্গ প্রত্যঙ্গ সকল যেরূপ পরিপুষ্ট হইতে থাকে, মানসিক শক্তিও সেইরূপ তেজস্বিনী এবং ভোগ-লালসা-বৃত্তিও সমধিক বলবতী হইতে থাকে । শৈশবে মন যেরূপ নির্বাত জনাশয়ের ন্যায় স্থস্থির থাকে যৌবনে সেরূপ বায়ু-বিক্ষোভিত বারিধির ন্যায় বিপর্যাস্ত হইয়া পড়ে । শৈশবে অন্তঃকরণ নিশ্চিন্ত, নিরুদ্ধেগ ও নিত্য-সন্তুষ্ট থাকে, কিন্তু যৌবন উপস্থিত হইলে দুশ্চিন্তা, দুরাকাঙ্ক্ষা ও অসন্তোষ আসিয়া সমুপস্থিত হয় । তখন যাহা মুক্তকণ্ঠে বলিতে পারা যাইত, এখন তাহা উচ্চারণ করিতেও নক্কচিত হইতে হয় । তখন যাহা করিতে কিছুমাত্র কুণ্ঠিত হইতে হইত না, এখন তাহা করিতে লজ্জা, ভয় ও আত্মগ্লানি আসিয়া উপস্থিত হয় ।

এই নিখিল পরিদৃশ্যমান বিশ্ব-সংসার একটা সুবিস্তৃত কৰ্ম-ক্ষেত্র। ইহাতে যিনি যেরূপ কৰ্ম করিবেন, তিনি তদনুরূপ ফলভোগী হইবেন। যুবকগণ যখন অনুরাগ ভরে সংসারে প্রথম প্রবেশ করে, তখন চতুঃপার্শ্ব যাবতীয় বস্তু মনোরম বলিয়া বোধ হয়। চপলচিত্ততা যৌবনের প্রধান সহচর; এবং সংসারও নানাবিধ প্রলোভনে পরিপূর্ণ। যাহা আপাত-মধুর অথচ পরিণাম-কটু, তাহাই তাহারা সুখসেব্য ও হিতকর বলিয়া গ্রহণ করে। তাহারা যৌবনমতে মত্ত হইয়া কোন বিষয়েরই প্রকৃত তত্ত্ব অনুসন্ধান করিতে সমুৎসুক নহে। তখন প্রমাদ, অবিবেক ও অবিমূঢ়্যকারিতা আসিয়া তাহাদিগকে গ্রাস করিয়া ফেলে। এরূপ অপরিণত অবস্থায় অলস, অনবহিত ও যথেচ্ছাচারী হইয়া চলিলে তাহাদিগের পদে পদে বিপদ ও ক্রববিনাশ অবশ্যস্তাবী। সংসার-কাননে প্রবেশ কালে দুইটা পথ যুবকগণের নয়ন-গোচর হয়; একটা সৎ-পথ ও অন্যটা অসৎ-পথ। সৎ-পথ নম্মুখভাগে সঙ্কার্ণ, বক্র ও দুর্গম; কিন্তু পশ্চাত্তাগে বিস্তীর্ণ, সরল ও সুগম। অসৎ-পথ পুরোভাগে প্রশস্ত ও দীপালোকে প্রদীপ্ত; কিন্তু পশ্চাত্তাগে সঙ্কীর্ণ ও প্রগাঢ় অন্ধকারে সমাচ্ছন্ন। অতএব অসৎ-পথ পরিত্যাগ করিয়া সৎ-পথ অবলম্বন করাই সর্বতোভাবে বিধেয়। সৎ-পথে প্রচুর সম্পদ ও অসীম সুখ, এবং অসৎ-পথে বহুল বিপদ ও অশেষ দুঃখ।

ঈশ্বর-চিন্তা যুবকগণের সর্বপ্রধান কর্তব্য কৰ্ম। ঈশ্বরে প্রগাঢ় অনুরাগ জন্মিলে তদীয় নিয়ম-লঙ্ঘনের তত সম্ভাবনা থাকে না। ঐশী ইচ্ছার বিরোধী ও সৃষ্টি-নিয়মের প্রতিকূল কার্য করিলে প্রত্যবায় জন্মে, এরূপ শুভ সংস্কার ক্রমে ক্রমে

বদ্ধমূল হইয়া যায় । অহমিকা-বৃত্তি যৌবনকালের নিত্য সহ-চরী । তক্রণেরা সকল বিষয়েই আপনাদিগকে অত্রান্ত ও সুবিবেচক মনে করিয়া বুদ্ধদিগের সারগর্ভ কথা অসার মনে করে । এতদ্ব্যতীত অনেক সময়ে তাহাদিগকে অন্ততপ্ত হইতে হয় । যৌবন সীমায় পদার্পণ করিলে কাম ক্রোধাদি নিকৃষ্ট প্রবৃত্তি সকল উদ্দীপ্ত হইতে থাকে । যে কামনা ধর্ম-বিগর্হিত ও লোকাচার-বিরুদ্ধ, কদাপি তাহাকে মনে স্থান দিবে না । ক্রোধ মনুষ্যের মহাশত্রু ; কিন্তু স্থল ও সময় বিশেষে প্রযুক্ত হইলে ইহা প্রকৃত বন্ধুর কার্য্য করিয়া থাকে । ক্রোধ উপস্থিত হইলে তৎক্ষণাৎ তাহার দূরীকরণ করা আবশ্যিক । যাহারা কোন কারণ বশতঃ ক্রোধ প্রকাশ করে, তাহারা সেই কারণের অপগমেই প্রশান্ত হয় ; কিন্তু যাহারা অকারণে কুপিত হয়, তাহাদিগকে কিছুতেই পরিতুষ্ট ও প্রসন্ন করিতে পারা যায় না । সকল বিষয়েই অমায়িক, সত্যনিষ্ঠ ও স্থিরপ্রতিজ্ঞ হওয়া যুবকগণের প্রধান কর্তব্য কর্ম্ম । বয়োবৃদ্ধ, জ্ঞানবৃদ্ধ ও উচ্চপদারূঢ় ব্যক্তির নিকট প্রগল্ভ ব্যবহার পরিত্যাগ করিয়া বিনয়নয় হইয়া থাকাও তাহাদিগের সমধিক আবশ্যিক । যৌবনে অক্লিষ্ট পরিশ্রম ও অনন্ত অধাবসায় অভ্যস্ত হইয়া আসিলে সুমহান্ কার্য্যও অনায়াসে সম্পাদিত হইতে পারে । অতএব প্রত্যেক কার্য্যের অগ্রপশ্চাৎ ভাবিয়া ও চরিত্রের দিকে লক্ষ্য রাখিয়া চলিলে যুবকগণের স্থলিতপদ হইবার সম্ভাবনা অতি অল্প ।

## বার্দ্ধক্য ।

বার্দ্ধক্য মানবজীবনের অপরাহ্ন-স্বরূপ । সমস্তদিন কিরণ জাল বিস্তার করিয়া সূর্য্যদেব যেরূপ ক্ষীণকান্তি ও নিস্তেজ হইয়া পড়েন, শৈশব ও যৌবন অতিক্রম করিয়া বার্দ্ধক্যে আসিয়া আমরাও সেইরূপ অবসন্ন ও হীনবীৰ্য্য হইয়া পড়ি । এসময় যৌবন-শুলভ চিত্ত-চাপল্য ও অহমিকা-বৃত্তি অস্তিত্ব হইয় ; স্মৃষ্টি-জনিত রজনীর বিশ্রামস্থল হইয়মান হইতে থাকে ; এবং অক্লিষ্ট পরিশ্রম, দুর্জয় অধাবসায়, প্রগাঢ় মনোনিবেশ ও বলবতী বিচারশক্তি বিচ্যত হইয়া পড়ে । বড়রিপুর প্রাবল্য ও পঞ্চেন্দ্রিয়ের প্রাধর্য্য ক্রমে ক্রমে মন্দীভূত হইয়া আইসে । স্মৃতি-শক্তির ক্ষীণতা, চিন্তা-শক্তির ন্যূনতা, উৎসাহ-শক্তির অল্পতা ও ভোগবাননার হ্রস্বতা উক্ত-রোত্তর পরিলক্ষিত হইতে থাকে । দেহ ক্ষীণকান্তি অপগত, চক্ষু বলিত, চক্ষু নিমগ্ন, মুখমণ্ডল নিস্পৃভ, তুণ্ড দশনহীন, কেশপাশ কাশকুম্ভবৎ, চরণযুগল চলৎ-শক্তি-বিরহিত, এবং যাবতীয় অঙ্গ-প্রত্যঙ্গ দুর্ব্বহ-ভার-গ্রস্ত বলিয়া অনুভূত হয় ।

সংসারের মোহিনী মায়ায় সকলেই সমাচ্ছন্ন । মায়াপাশ কাটিয়া নির্মুক্ত হওয়া কাহারও সাধা নহে । জরাজীর্ণ ব্যক্তির অস্তিম কাল উপস্থিত ; তথাপি সংসারের জগৎ সে সদাই ব্যস্ত । যৌবন-মদে মত্ত ও মোহাক্ত হইয়া কত শত মহাপাপ করিয়াছি, কত শত লোকের সর্বনাশ করিয়াছি ও কত শত লোকের বিনা-দোষে মনস্তাপ দিয়াছি, ইত্যাদি দুর্কিবহ পূর্ব-স্মৃতি আসিয়া অনুক্ষণ তাহার সমধিক যত্নগা বৃদ্ধি করে । সৃষ্টির কি অদ্ভুত কৌশল ও সংসারের কি বিচিত্র লীলা ! মৃত্যুকাল দিন দিন



নিকটবর্তী হইতেছে, শরীর ক্রমশঃ অবসন্ন হইয়া আসিতেছে, মন নিতান্ত ব্যাকুল হইয়া পড়িয়াছে, কিন্তু তথাপি বিষয়-বাসনা পূর্ববৎ বলবতী রহিয়াছে । কিসে আরও দিন কয়েক জীবিত থাকিতে পারি, কিসে পুত্র কন্যাতির ভরণপোষণের জন্ত আরও কিঞ্চিৎ অর্থ সংগ্রহ করিয়া যাইতে পারি, কিসেই বা তাহারা সুখ স্বচ্ছন্দে জীবন যাত্রা নির্বাহ করিতে পারিবে. ইত্যাদিরই অনুধ্যান অনুক্ষণ তাহার চিত্তরাজ্য অধিকার করিয়া থাকে । নির্বাহণোন্মুখ দীপ শিখার স্থায় তাহার বুদ্ধিশক্তি ক্ষণে ক্ষণে উজ্জ্বল ও ক্ষণে ক্ষণে নিস্পৃভ হইয়া থাকে । অমানিশার সূচিভেদ্য অন্ধকারে ক্ষণপ্রভা যেরূপ পরিশ্রান্ত ও পথিব্রষ্ট পথিকের পথ প্রদর্শন করিয়া মুহূর্ত্তমধ্যে বিলয় প্রাপ্ত হয়, সেই রূপ সুখ ও আশা প্রাচীনের অন্তঃকরণে সমুদ্ভূত হইয়া পরক্ষণেই আবার অন্তর্হিত হইয়া থাকে ।

যৌবন শৈশবের পূর্ণবিকাশ ও বার্দ্ধক্য তাহার পরিণতি । যৌবনে যাহা পরিপুষ্ট ও বলবান্, বার্দ্ধক্যে তাহা পরিক্ষীণ ও দুর্বল হইয়া পড়ে । যুবকেরা সচেষ্ট, শ্রমশীল ও উৎসাহ-সম্পন্ন ; বৃদ্ধেরা নিশ্চেষ্ট নিরুৎসাহ ও শ্রমকাতর । কল্পনা ও উৎসাহ শক্তি যুবকগণের, এবং বিবেচনা ও মন্ত্রণাশক্তি বৃদ্ধগণের সর্ব-প্রধান সহায় । নবীনেরা ক্ষিপ্ৰকর্মা, নিঃসন্দিগ্ধ ও প্রাচীন রীতির বহিভূত ; প্রাচীনেরা দীর্ঘস্থত্রী, সন্দিহান ও চিরন্তন প্রথার পক্ষপাতী । নব্যেরা সকল কার্যেই স্পর্ধাবান্ ও বন্ধ-পরি-কর । তাহারা যুগপৎ নানা কার্য্য আরম্ভ করে বলিয়াই পরি-শেষে কোনটাই সুসম্পন্ন হইয়া উঠে না । তাহারা কোন বিষয়ে ক্রমাবলম্বন করিতে বা বিলম্ব সহিতে অসমর্থ । আত্মমত অত্রান্ত

বিবেচনা করিয়া তাহার প্রচারার্থ তাহারা সমুৎসুক হয় ; এবং সামান্ত বিষয়ের জন্য বহু আড়ম্বর করিয়া তুলে । নখাণ্ডে যাহা ছিন্ন হয়, তথায় তাহারা কুঠার প্রয়োগ করে ; এবং সূচ্যে যাহা সুসম্পন্ন হয়, তথায় তাহারা ব্রহ্মাস্ত্র প্রয়োগ করিতেও কুণ্ঠিত নহে । প্রাচীনেরা সকল কার্যেই আপত্তি প্রকাশ ও পুরামর্শে বর্ষ ক্ষয় করেন ; এবং সামান্ত বিঘ্ন বিপত্তি দেখিলেই ভগ্নোৎসাহ ও ভগ্ন-প্রতিজ্ঞ হইয়া পড়েন । তাহারা স্বল্পলাভেই সন্তুষ্ট হইয়া থাকেন । যদি নব্য ও প্রাচীন এই উভয়-বিধ লোকের একত্র সমাগম হয়, তাহা হইলে নঃসর্গ-বশতঃ উভয়ের দোষ পরাম্পর সংশোধিত হইয়া সকল কার্যেই সুচারুরূপে সম্পন্ন হইবার সম্পূর্ণ সম্ভাবনা । বিশেষতঃ যুবকেরা প্রবীনদিগের রীতি, নীতি ও আচার ব্যবহার দেখিয়া আপনাদিগের দোষ গুণ বিচার করিতে শিখে । একরূপ করিলে উত্তর কালে তাহারা সকল বিষয়েই পারদর্শী হইতে পারিবে ।

শৈশব যথানিয়মে অতিবাহিত না হইলে যৌবনও ভাঙ্গুর হয় না, বার্কিকাও অশেষ সুখের আলায় হইয়া উঠে না । বর্ষায় বৃক্ষরোপণ ও বসন্তে নুকুলোদগম না হইলে নিদাঘে মহকার তরু ফলপ্রসূ হইতে পারে না । ঈশ্বর-চিন্তা, শাস্ত্রালাপ ও আত্মীয় বন্ধুর সহিত সহবাস বৃদ্ধকালের সর্বপ্রধান সহায় । ঈশ্বর-চিন্তায় হৃদয় নির্মল ও চিত্ত পবিত্র হয় । চিত্ত-শুদ্ধি হইলেই শান্তিসুখের অধিকারী হইতে পারা যায় । পরমায়ায় আত্ম-সমর্পণ করিয়া জীবনের শেষভাগ নিরুদ্ধেগে অতিবাহিত করা অপেক্ষা সুখের বিষয় আর কি আছে !

শাস্ত্রালাপে বৃদ্ধকাল দুর্ভাগ বলিয়া বোধ হয় না । সে

সময়ে অন্তপ্রকার আয়োদ প্রয়োদের ইচ্ছা বলবতী থাকে না। সুতরাং শাস্ত্রাঙ্গাপে অনুরক্ত থাকিলে দুঃখও সহসা অভিজুত করিতে পারে না। নিরুপায় বৃদ্ধকালে আত্মীয় বন্ধুর সহিত সহবাসও বড় সুখকর। তৎকালে তাহার স্মরণ পরিশ্রম করিতে পারে না; সুতরাং তাহাদিগকে অন্তের মুখাপেক্ষী হইয়া থাকিতে হয়। এরূপ স্থলে স্বজনবর্গ নিকটে থাকিলে সমবিক সুখের কারণ হইয়া থাকে। অতএব নিরুপায় বৃদ্ধ দশা সুখ স্বচ্ছন্দে অতিবাহিত করিবার জন্ত শৈশব ও যৌবন হইতে যথোচিত উদ্যোগ করিয়া প্রস্তুত হইয়া থাকা নর্কতোভাবে বিধেয়।

### কুপণতা ।

কুপণের জীবনধারণ বিড়ম্বনামাত্র। যে ব্যক্তি সবল হইলেও দুর্বল, সুস্থ হইলেও অসুস্থ, ধনী হইলেও নির্ধন, নির্ভয় হইলেও নিত্য-শঙ্কিত, এবং সাহসী হইলেও কাপুরুষ, তাহার জায় হীনচেতা ও হতভাগ্য লোক জগতে আর কে আছে! কুপণ চিরকালই দরিদ্র। অভাব-গ্রস্ত দরিদ্রের দারিদ্র্য-মোচন হয়, কিন্তু অভাব-গ্রস্ত কুপণের কিছুতেই অভাব মোচন হয় না। অন্নাহারে ক্ষুধার্ভের ক্ষুরিবৃত্তি হয়, এবং জলপানেও পিপাসুর পিপাসা-শান্তি হইয়া থাকে, কিন্তু অনন্ত ব্রহ্মাণ্ড গ্রাস করিয়া ফেলিলেও দুরাকাজ্জ কুপণের কখনই উদরপূর্তি হয় না। অর্থস্পৃহা যাহার বলবতী, তাহার আত্মা অতি দরিদ্র, এবং শংকর্য তাহার নিকট স্থান লাভে সমর্থ নহে। অপরিমিত অর্থ-লালসা হৃদয়-নিহিত হলাহল স্বরূপ। ইহা স্বপ্নের ন্যস্ত

উৎকৃষ্ট ধর্মকে কলুষিত ও বিধ্বস্ত করিয়া থাকে । অশুচিত অর্থলালসা হৃদয়ে যেমন বন্ধমূল হইয়া উঠে, দয়া, দাক্ষিণ্য, স্নেহ, মমতা প্রভৃতি সমস্ত সদগুণ উহাকে দেখিবা মাত্র দূরে পলায়ন করে । ধন দান করিয়া দাতার মনে যে রূপ আত্ম-প্রসাদ জন্মে, ধন সংরক্ষণ করিয়া কৃপণের মনে সেইরূপ আত্ম-ঘানি উপস্থিত হয় । অর্থ দাতার পরিচারক, কিন্তু উহা কৃপণের অধীশ্বর । দাতা অশ্রের প্রতি সদয়, কৃপণ আপনার প্রতি নিষ্ঠুর । দাতার হৃদয় প্রশস্ত ও চিত্ত উন্নত, কৃপণের হৃদয় সঙ্কীর্ণ ও চিত্ত অবনত । আত্মোৎসর্জন দাতার চরম লক্ষ্য, আত্ম-বঞ্চন কৃপণের পরিণাম ফল । দানে দাতার সুখ, শান্তি ও তৃপ্তি জন্মে ; রক্ষণে কৃপণের অসুখ, অশান্তি ও অতৃপ্তি উপস্থিত হয় । অর্থদানে রিক্তহস্ত হইলেও দাতা পুণ্যসঞ্চয় করেন ; অর্থসংগ্রহে অনুরত থাকিলেও কৃপণের পাপসঞ্চয় হয় । মূর্খ-পুত্র পণ্ডিত-পিতার যে রূপ লজ্জাজনক, কৃপণ-পুত্রও দানশীল-পিতার সেইরূপ কুলান্ধার-স্বরূপ ।

কৃপণের অবস্থা বড় শোচনীয় । তাহার স্থায় আত্ম-বঞ্চক জগতে আর দ্বিতীয় নাই । ধন তাহার একমাত্র উপাস্ত্র দেবতা, এবং ধনোপার্জন ও ধন-সঞ্চয়ই তাহার সর্ব প্রধান দ্রত । গৃহ-লজ্জা ক্রয় করিবার নিমিত্ত নিকোঁধ লোকে যে রূপ গৃহ বিক্রয় করিয়া থাকে, কৃপণ ব্যক্তিও অর্থ প্রাপ্ত হইয়া সুখী হইব, এই রূপ আশা করিয়া অর্থোপার্জনার্থ অস্ত্রঃকরণের সমস্ত শাস্তি বিনিময় করিয়া থাকে । কৃপণ ব্যক্তি অর্থের পরিচর্যা করে, কিন্তু অর্থ তাহার পরিচর্যা করে না । অধিকৃত অর্থ তাহার পক্ষে ক্ষয়-স্বরূপ ; কারণ উহা তাহাকে নিরন্তর দগ্ধ ও নিপীড়িত

করিতে থাকে । গর্দভ যেরূপ তাহার নিপীড়িত পৃষ্ঠে পিণ্ডীভূত শ্ববর্ণরাশির ভার বহন করিয়া নিশ্চিত হয়, নিরোধ কৃপণও ধনভার মাত্র বহন করিয়া সেইরূপ কথঞ্চিৎ দিন পাত করিতে থাকে, এবং অবশেষে মৃত্যু আসিয়া তাহাকে সেই দুর্ভহ ভার হইতে বিমুক্ত করিয়া দেয় । কৃপণ অতুল ঐশ্বর্যের অধিপতি হইলেও অর্থনাশ ভয়ে সঞ্চিত অর্থের সদ্যয় করিতে কুণ্ঠিত । সম্ভান বা স্বজনবর্গকে শুল্ক দান, পীড়াকালে সূচিকিৎসক কর্তৃক চিকিৎসাকরণ প্রভৃতি অবশ্য কর্তব্য কর্ষে তাহার অনিচ্ছা ও শৈথিল্য দেখা যায় । কদম্ব আহার করিতে, এমন কি নিরন্ন থাকিতে পাবিলেও এরূপ লোক বোধ হয় কিছুমাত্র কাতর ও নঙ্কিত নহে । মহানমুদ্র ও মহাকৃপণ উভয়ই সমান । সমুদ্র অগার ও অগাধ হইলেও তাহার জল বিসাদ ও অপেয় ; কৃপণের ধন অসীম ও অপরিমেয় হইলেও তাহা নিরর্থক ও অব্যবহার্য্য । অসংখ্য নদ নদী গ্রান করিয়া ফেলিলেও সমুদ্রের যেরূপ কখনই উন্নয়প্তি হয় না, অনন্ত ব্রহ্মাণ্ডের একাধিপতি হইলেও কৃপণের সেই রূপ কখনই ভূপ্তি-লাভ হয় না । কিঞ্চিৎমাত্র বায়ু উখিত হইলে সমুদ্রের জল যেরূপ অস্থির ও উদ্বেল হইয়া উঠে, ধনলিপ্সার উদ্যাপন হইলে কৃপণের মনও সেইরূপ অশান্ত ও উদ্বিগ্ন হইয়া উঠে । ধন-লোভীর লোভানল কিছুতেই নির্কাপিত হইবার নহে ; স্বতাছত্তি পাইলে বরং তাহা অধিকতর উদ্দীপিত হইয়া থাকে । কৃপণের নামোচ্চারণেও প্রত্যব্য আছে । যাহারা ক্ষমতা সম্বন্ধে ক্ষুধার্ত্তকে মুষ্টিমাত্র অন্নদান এবং পিপাসার্ত্তকেও বিন্দুমাত্র জল দান না করিয়া নিশীথ রাত্রিতে কুনীদ-গণনায় অভিনিবিষ্ট হয় ; যাহারা

অমানিশার সূচিভেদে অন্ধকারে বন্ধাবাত-পীড়িত দ্বারস্থ ও শরণা-  
পন্ন অতিথিকে দূরস্থ ও বিপন্ন করিতে কিছুমাত্র সঙ্কচিত না হইয়া  
স্বয়ং স্বেচ্ছচিত্তে সুকোমল শয্যায় শয়ন করিয়া থাকে, প্রাতঃকালে  
তাহাদের নামগ্রহণেও ভদ্রলোকে যে স্বণা প্রকাশ করিয়া  
ধাকেন, তাহা নরকথা যুক্তি-সঙ্গত । এরূপ অসুচিত অর্থলালসা-  
শ্রুত রূপণের অন্তিম কাল বড় ভয়ঙ্কর ও দুঃখজনক । আসন্ন  
কালে লোকে সংসারের মোহিনী মায়ায় স্বভাবতঃ সমাচ্ছন্ন  
হইয়া থাকে । নিরন্ন ও নির্বস্ত্র থাকিয়া যাহা এত দিন সঞ্চয়  
করিয়া ছিলাম, তাহা এখন ফেলিয়া যাইতে হইবে, এই ভাবিয়া  
রূপণ দিন দিন অবসন্ন হইয়া পড়ে । তখন তাহার পূর্বকৃত-  
আশ্র-বঞ্চনা-স্মৃতি আদিয়া নিরন্তর তাহাকে অনুতাপানলে দগ্ধ  
করিতে থাকে ।

অর্থগ্ৰন্থ লোকের অসাধ্য কিছুই নাই । অসুচিত অর্থলালসা  
ধাকিলে লোকের কিরূপ দুর্দশা ঘটতে পারে, মার্সস্ ক্রোশস্  
তাহার উত্তম দৃষ্টান্ত স্থল । ইনি এক জন উচ্চপদস্থ সম্রাট  
লোকের পুত্র । রোম নগরে এক প্রকার উচ্চপদ ছিল ; সম্রাট  
লোক না হইলে কেহই এই পদ প্রাপ্ত হইতেন না । দেশীয়  
লোকের রীতি, নীতি, আয়, ব্যয় প্রভৃতি পর্যালোচনা করি-  
বার ভার তাঁহারই উপর অর্পিত হইত । মার্সসের পিতা নিজ  
শুণে এই পদ প্রাপ্ত হন । তাঁহার মৃত্যুর পর ক্রোশস্ ও ঐ  
পদ প্রাপ্ত হইয়া মিজার ও পম্পের সমকক্ষ হইয়া ছিলেন ।  
তাঁহার অনেক গুলি সঙ্গুণ ছিল ; কিন্তু এক অসঙ্গত অর্থ-  
তৃষ্ণার প্রভাবে তাহার মলিন ও হীনপ্রভ হইয়া পড়ে ।  
অতিথি-সৎকারে তাঁহার বড় অহুয়োগ ছিল । দ্বারস্থ শরণাপন্ন

অতিরিক্তে তিনি কখন দূরস্থ ও বিপন্ন করিতে পারিতেন না । তাঁহার বক্তৃতা-শক্তি বড় বলবতী ছিল । বক্তৃতাবলে তিনি অনেক সময়ে স্বদেশের মহোপকার সাধন করিয়া ছিলেন । তাঁহার সময়ে রোম রাজ্য একপ্রকার অরাজক হইয়া উঠিয়া ছিল । নিরপরাধ ব্যক্তির অপরাধী বলিয়া দাওত হইলে, যুক্তি-গর্ভ বচন-পরিপাটি দ্বারা তিনি বিচারকের মনে তাহাদিগের নির্দোষতা প্রমাণ করাইয়া তাহাদিগের প্রাণ রক্ষা করিতেন । বিনয়-নয়তা ও তাঁহার যথেষ্ট ছিল । তিনি একজন অতি উচ্চপদস্থ লোক হইলেও সাদা গায়ে ব্যক্তির নমস্কার গ্রহণ করিয়া প্রতি-নমস্কারেও পরাঙ্মুখ হইতেন না । ইতিহাস, দর্শন, ও বিজ্ঞানশাস্ত্রেও তাঁহার বিলক্ষণ ব্যাপ্তি ছিল ।

কিন্তু এতাদৃশ সঙ্গুণশালী হইলেও ধনের লোভে তিনি অশ্রদ্ধেয় কর্মে লিপ্ত হইলেও কিছুমাত্র সঙ্কচিত হন নাই । তিনি যে অধ্যাপকের নিকট শাস্ত্রাধ্যয়ন করিতেন, তাহাকে একবার একটী উত্তম পরিচ্ছদ পরিধান করিতে দিয়া পুনর্কায় তাহা খুলিয়া লইয়া ছিলেন । ক্যাটিলাইন্ যখন যড়যন্ত্র করিয়া রোম নগরীর উচ্ছেদসাধনে যত্নবান্ হয়, তখন ক্রোশস্ও অর্থাগমের প্রত্যাশায় তাহাতে লিপ্ত হইয়া ছিলেন । রোমের বিপদকাল উপস্থিত হইলে তাঁহারও সম্পদকাল উপস্থিত হইত । রোমে একাধিপত্য সংস্থাপন করিয়া সন্না যখন সর্বস্ব আত্মনাৎ করিতেন, ক্রোশস্ও তখন স্তুবিধা পাইয়া স্বল্প মূল্যে তাহা ক্রয় করিয়া লইতেন । রোমের গৃহ সকল কাষ্ঠ-নির্মিত ও অতি-দগ্নিহিত ছিল । একবার অগ্নি লাগিলে বহুসংখ্যক গৃহ দগ্ন হইয়া যাইত । অগ্নি লাগিলে গৃহস্বগণ

যখন সর্বনাশ ভয়ে হাহাকার করিত, অর্থগৃহ, ক্রোশস্  
 তখন মনে মনে অত্যন্ত আক্লাদিত হইতেন । তিনি গৃহ-  
 স্বামী দিগকে যৎকিঞ্চিৎ অর্থ দিয়া দহমান ও তন্নিকটবর্তী  
 অন্যান্য গৃহ সকল ক্রয় করিতেন । তাঁহার বহুসংখ্যক কর্ণ-  
 কার, সূত্রধর ও ভাস্কর ভৃত্য ছিল । তিনি ঐ সকল গৃহের  
 জীর্ণ-সংস্কার করিয়া ভাড়া দিতেন । ক্রোশস্, পম্পি ও সিডারের  
 সহিত যোগ দিয়া বলপূর্বক দেশ বিভাগ করিয়া লইতেন । যখন  
 তিনি পার্থিয়াবাসিগণের সহিত যুদ্ধ করিতে যাত্রা করেন,  
 তখন আটিয়স্ তাঁহাকে তথায় যাইতে অনেক নিষেধ করিয়া  
 ছিলেন । কিন্তু ক্রোশস্ তাহাতে কর্ণপাত করিলেন না । অব-  
 শেষে তিনি ক্রোশস্‌র গতিরোধ করিবার জন্য রোমের বহির্দ্বারে  
 ধূপধূনা জ্বলাইয়া দিয়া স্বীয় ইষ্ট-দেবতার নাম উচ্চারণ করিয়া  
 অভিসম্পাত করিতে লাগিলেন । রোমে একরূপ সংস্কার ছিল যে,  
 অভিশপ্ত হইলেই ভয় জন্মিবে, এবং ভয় জন্মিলেই সংকল্পিত  
 বিষয় হইতে প্রত্যাবৃত্ত হইবে । প্রত্যাবৃত্ত হওয়া দূরে থাকুক, অবাধে  
 গন্তব্য স্থানে গিয়া তিনি উপস্থিত হইলেন । কিন্তু অবশেষে শত্রু-  
 কর্তৃক একটি বৃহৎ বানুকাময় প্রাস্তরে নীত হইয়া নপুত্র ও  
 নসৈন্ত নিহত হইলেন । ক্রোশস্‌র ধনলোভেই নিফলস্ব  
 রোম কলঙ্কিত হইয়া ছিল । “লোভেই পাপ ও পাপেই মৃত্যু”  
 এই চিরন্তন প্রবাদটি যে সম্পূর্ণ সত্য ও নারহান, ক্রোশস্‌র  
 জীবনই তাহার প্রধান নাক্য স্থল ।



মিতব্যয়িতা ।

সম্মান রক্ষা ও সৎকার্য্যে ব্যয় করিবার জন্যই সংসারে অর্থের প্রয়োজন । তন্তিন্ন ইহার অন্য কোন উপযোগিতা নাই । অনেকে অর্থ উপার্জন করিতে সমর্থ, কিন্তু তাহার উপযুক্ত ব্যয় করিতে অসমর্থ । উপার্জনের সময় যেরূপ বুদ্ধি ও যত্নের আবশ্যিকতা হয়, ব্যয়ের সময়েও সেইরূপ বিবেচনা ও পরিণাম-দর্শিতার প্রয়োজন হয় । অনাবশ্যক ও অনুচিত বিষয়ে ব্যয়কুণ্ঠ হইয়া আবশ্যক ও উচিত বিষয়ে মুক্তহস্ত হওয়া প্রকৃত মহত্বের লক্ষণ । বিলাস-ক্ষেত্র ধনের শ্মশান-ভূমি ; বিলাসিতার ধনরাশি যেরূপ শীঘ্র ভস্মীভূত হইয়া যায়, অন্য কিছুতেই আর সেরূপ নহে । জগতের হিত-সাধনে মুক্তহস্তে সর্ব্বদা ব্যয় করিয়া রিক্তহস্ত হওয়াও দূষণীয় নহে ; কিন্তু নিষ্ফল আমোদ প্রমোদে কপটক-মাত্র ব্যয় করা অতীব গর্হিত । মিতব্যয়িতাই সম্পন্ন হইবার প্রধান উপায় । মিতব্যয়ী হইয়া বিবেচনা পূর্ব্বক ন্যূনতম আবশ্যক ব্যয় নির্ব্বাহ করা কর্তব্য । কিন্তু মিতব্যয়ী হইতে গিয়া ব্যয়কুণ্ঠ হওয়া উচিত নহে । কৃপণতা ও অমিত-ব্যয়িতা উভয়ই ঘৃণাকর ও দোষাবহ । যে ব্যক্তি অনুচিত ব্যয় করিয়া ন্যূনতম ধন নিঃশেষিত করিয়া ফেলে, তাহার পুত্রপৌত্রাদিগণ যে কেবল পৈতৃক ধনে বঞ্চিত হয় এরূপ নহে ; তাহাকেও স্বয়ং শেষে কষ্ট পাইতে হয় । অমিতব্যয়ীর হৃদয় কৃপণের পুত্র-পৌত্রাদিগণ ক্লেশ পাইয় না বটে, কিন্তু সে স্বয়ং ভোগস্বখে বঞ্চিত হয় ।

অর্থ যেরূপ যত্নে সংরক্ষিত ও রক্ষিত হয়, তদপেক্ষা অধিকতর যত্নে তাহা ব্যয়িত হওয়া আবশ্যক । সংসারে অনেক বিপদ আপদ আছে । পীড়াকালে বা বৃদ্ধাবস্থায় উপার্জন করিবার

ক্ষমতা থাকে না। অতএব এরূপ অসময়ের অন্য উপার্জিত অর্থের কিছু কিছু নঞ্চয় করা কর্তব্য। যাহা উপার্জিত হয়, তাহার সমুদায়ই যদি ব্যয় করা যায়, তাহা হইলে পরিণামে কষ্ট পাইতে হইবে। সর্বদা ধনাগম ও ধনাপগমের সাম্য রক্ষা করিয়া চলা উচিত। অগ্রায় ব্যয় সঙ্কোচ করিয়া যাহাতে অর্জিত অর্থ কিয়ৎ পরিমাণে সঞ্চিত হয়, তাহা লোক মাত্রেরই আবশ্যিক। নীতিশাস্ত্রকারেরা কহেন, সঞ্চয়ী ব্যক্তি অবসন্ন হয় না। যাহার এই নীতিবাক্যে অবহেলা করে, তাহাদিগকে পরিণামে অশেষ ক্লেশ ভোগ করিতে হয়। কিন্তু সেই নঞ্চয় চেষ্টা যাহাতে স্খান্দনীয়া অতিক্রম করিতে না পারে, তদ্বিষয়েও সবিশেষ দৃষ্টি রাখা কর্তব্য। নঞ্চয়-চেষ্টা অসুচিত বলবতী হইলেই লোভে ক্রোধ হইয়া পড়ে। মিতব্যয়ী হইবে, কিন্তু ক্রোধ হইও না। ক্রোধতা ও মিতব্যয়িতা পরস্পর বিভিন্ন পদার্থ। ক্রোধের সঞ্চয় অভ্যাসজাত, মিতব্যয়ীর সঞ্চয় ইচ্ছাকৃত। ক্রোধের সঞ্চিত অর্থ তাহার দুঃখের কারণ, মিতব্যয়ীর সঞ্চিত অর্থ তাহার সুখের কারণ।

যাহার যেরূপ আয়, তাহার তদনুরূপ ব্যয় করা কর্তব্য। আয় অপেক্ষা ব্যয় অধিক হইলে পরিণামে নিঃস্ব হইয়া অশেষ দুঃখ ভোগ করিতে হইবে। বাহিরে এরূপে সঞ্চয় রক্ষা করিয়া চলিবে যে, লোকে যত মনে করে তদপেক্ষা অনেক অল্প ব্যয়ে নির্কাহ হয়। কেবল স্বচ্ছন্দে সংসার যাত্রা নির্কাহ করিতে হইলে আয়ের অর্ধেক ব্যয় করা উচিত; কিন্তু যদি ধনবান হইবার বাসনা থাকে, তবে তাহার তৃতীয়াংশ মাত্র।

প্রভূত ধনশালী হইলেও আপনার বিষয়-সম্পত্তি আপনি

পর্যবেক্ষণ করা ক্ষুদ্রতার চিহ্ন নহে । তবে স্বয়ং অক্ষম হইলে এক জন ধার্মিক ও সুযোগ্য ব্যক্তির হস্তে তাহার ভারার্পণ করা কর্তব্য । সর্বদা আয় ও ব্যয়ের সাম্য রক্ষা করা উচিত । এক বিষয়ে অধিক ব্যয়ের আবশ্যিকতা হইলে অন্য বিষয়েও ব্যয়ের ন্যূনতা করিতে হইবে । যদি আহারের পারিপাট্য বিষয়ে প্রভূত ব্যয় কর, তবে পরিচ্ছদের ব্যয় কমাইতে হইবে । যদি বাসগৃহের আড়ম্বর প্রকাশ করিতে ইচ্ছা কর, তাহা হইলে অশ্ব, শকট ও যান-বাহনাদির ব্যয় কমান আবশ্যিক । এরূপ না করিলে শীঘ্রই উৎসন্ন হইবার সম্পূর্ণ সম্ভাবনা । অনেক ঋণ করিয়া ব্যয় করিয়া থাকেন । কিন্তু এরূপ করা অতি অন্ত্যায় । ঋণী ব্যক্তির ঋণ পরিশোধ করা আবশ্যিক । যদি একবারে পরিশোধ করিবার ক্ষমতা থাকে, তবে একবারেই পরিশোধ করা কর্তব্য ; নতুবা ক্রমে ক্রমে তাহা পরিশোধ করিবে । ক্রমে ক্রমে ঋণ পরিশোধ করিলে মিতব্যয়িতা অভ্যস্ত হইয়া আইসে । যাহাকে ঋণমুক্ত হইতে হইবে, তাহার অন্ত্যয়েও কুণ্ঠিত হওয়া নিন্দনীয় নহে । নিতান্ত অন্ন হইলেও ব্যয় বিষয়ে পুঙ্খানুপুঙ্খ অন্নসন্ধান লওয়া আবশ্যিক । মধ্য মধ্য নিজ ব্যয়ের তালিকা লইতে কখনও লজ্জাবোধ করিওনা, এবং নিজ-ব্যয় স্বীয় দৃষ্টির অধীন রাখাকেও হীনতা মনে করিও না । অন্ন আয়ের অন্ত ব্যস্ত হওয়া ক্ষুদ্রের কৰ্ম বটে, কিন্তু অন্ন ব্যয়ে বিমুগ্ধ হওয়া তাদৃশ দূষণীয় নহে । নিত্যকর্মে ব্যয় বাহুল্য করিতে হইলে নিজ আয় বিলক্ষণ বিবেচনা করা উচিত । কিন্তু নৈমিত্তিক কার্যে বিবেচনা পূর্বক উদার ও মুক্তহস্ত হওয়া কর্তব্য । কারণ এরূপ না করিলে সম্মম রক্ষা হয় না ।

জগতের অনেকানেক মহাপুরুষ অতুল ঐশ্বর্যশালী হইলেও মিতব্যয়ী ছিলেন । বীরকেশরী নিকণ্ডার ম্যানিডনের অধীশ্বর হইলেও স্বীয় নামান্ত্র সেনাপতি দিগের স্থায় নামান্ত্র পরিচ্ছদ পরিধান করিতেন । অগষ্টন্ নিখিল ভূমণ্ডলের একাধিপতি হইলেও বেশতুষার দিকে কিছুমাত্র লক্ষ্য রাখিতেন না । জর্মানির সম্রাট রোডলফ ও ফ্রান্সের অধীশ্বর একাদশ দুই পরিচ্ছদ পরিপাটির জন্ত অষ্টায় ব্যয় করিতেন না ।

### নীতি-কথা ও দৃষ্টান্ত-মালা ।

১ । দুর্জন বান্ধি সকলকেই দুর্জন বলিয়া মনে করে । পাণ্ডুরোগীর চক্ষে সন্সারের যাবতীয় বস্তু হরিদ্রাবর্ণ দেখায় ।

২ । অসজ্জন লোক সন্সারের গুণে দোষারোপ করিয়া থাকে । ধূম নির্মল আকাশকে মলিন করিয়া তুলে ।

৩ । স্মৃচর ও কাঁচাপেক্ষী লোক স্বার্থ সাধনোদ্দেশেই প্রীতি প্রকাশ করে । লোভার্ভু গৌনিক লাভের প্রত্যাশায় পেশল শস্ত্রে মেঘের পুষ্টি সাধন করিয়া থাকে ।

৪ । লোকে স্রঃ দোষ করিয়া অনৃষ্ট ও ঈশ্বরের প্রতি দোষারোপ করিয়া থাকে । কুপ-খনিতা ও প্রাচীর-নির্মাতার স্থায় মানুষ নিজ কর্ম ফলে অধঃ ও উর্দ্ধগতি প্রাপ্ত হয় ।

৫ । সাধুর সহিত সাধুর মিলন হইলে তাহা অসাধুর পক্ষে অসহ । তৃণ, জল ও নস্তোষ মৃগ, মৎস্য ও সজ্জনের ন্যায় অবলম্বন ; কিন্তু লুক্ক, ধীবর ও পিণ্ডন ইহাদিগের চিরশত্রু ।

৬। মহাশয় ব্যক্তি নির্ধন হইলেও স্মীয় মহাশয় রক্ষা করিয়া থাকেন । সুবিশাল বৃক্ষ পত্র-পুষ্প-বিহীন হইলেও সে তাহার উন্নত ভাব পরিত্যাগ করে না ।

৭। গুণবান্ ব্যক্তির নহতাই স্তাব-সিদ্ধ গুণ । বৃক্ষ ফল ভরেই অবনত নয় ; মেঘ পরিপূর্ণ হইলেই পৃথিবীতে অবতরণ করে ।

৮। মাধু ব্যক্তি মাধু ব্যক্তিরই গুণ কীর্তন করিয়া থাকেন । বায়ুর সাহায্যেই পুষ্পের সৌরভ চতুর্দিকে পরিব্যাপ্ত হয় ।

৯। সাহারা প্রকৃত মাধু, দুঃসংগে পড়িলেও তাঁহাদের স্বভাব নষ্ট হয় না ; এবং অপকার প্রাপ্ত হইলেও উপকার করিতে তাঁহারা অধিকতর যত্নবান্ হন । কাকের বাসায় প্রতিপালিত হইলেও কোকিল তাহার সুমিষ্ট স্বর পরিত্যাগ করে না ; এবং অগ্নি-দগ্ধ হইলে কপূর আরও অধিক স্নগন্ধ বিস্তার করিয়া থাকে ।

১০। আহার করিতে পাইলে অনেকেই বন্ধুত্ব রাখিয়া থাকে । মুখলেপ পাইলে মৃদঙ্গ মধুর ধ্বনি করিয়া থাকে ; ভৃঙ্গ হেমন্তে পশ্চিমীর দিকে কটাক্ষপাত করিতেও বিরক্তি প্রকাশ করে ।

১১। সময়ে সনয়ে বৃহৎ অপেক্ষা ক্ষুদ্র হইতে অধিকতর উপকার পাওয়া যায় । স্থল-সলিল কূপ অতল-স্পর্শ জলধি অপেক্ষা ভূকর্ভের অধিকতর আদরনীয় ।

১২। সাহার নিজের বৃদ্ধি নাই, শাস্ত্র অধ্যয়ন করিলে তাহার কি ফল হইতে পারে ? দর্পণ অন্ধকে চক্ষুস্থান করিতে পারে না ।

১৩। স্থানচ্যুত হইলে প্রবলও দুর্বল হইয়া পড়ে । জন-নিঃসৃত কুস্তীর কিঙ্কলুকবৎ ও বন-বিনির্গত সিংহ শৃগালবৎ প্রতীক্ষ্যমান হয় ।

১৪ । যাহা স্বভাবসুন্দর তাহা আর সংস্কারের অপেক্ষা রাখে না । রূপীয়সীর বেশভূষা ও মুক্তারত্নের শাণাঙ্গ-স্বৰ্ণ বিড়ম্বনামাত্র ।

১৫ । সংসারে জীবমাত্রেরই স্বার্থপর । নিকৃষ্ট পশু-পক্ষ্যাদি হইতে উৎকৃষ্ট মনুষ্য পর্যন্ত সকলেই স্বার্থের জন্ত প্রধাবিত । বৃক্ষ ফলশূন্য হইলে পক্ষী প্রশ্রয় করে ; পুষ্প পর্য্যুষিত হইলে ভ্রমর উড়িয়া যায় ; সরোবর শুষ্ক হইলে সারস সরিয়া যায় ; বন বিদগ্ধ হইলে মৃগ পলাইয়া যায় ; রাজা শ্রীভ্রষ্ট হইলে মন্ত্রী ছাড়িয়া যায় ; প্রত্যক্ষ-দেবতা-স্বরূপা স্নেহময়ী জননীও স্নেহের অরুরোধে হৃদয়-সর্বস্ব সন্তানকে চক্ষুর অন্তরালে রাখিতে চাহেন না ।

### হিন্দুজাতির যোগবল ও হরিদাস যোগী ।

হিন্দু জাতির যোগবলের কি আশ্চর্য্য মহিমা ! যাহা কণে শুনিলে অবিশ্বাস্ত বলিয়া বোধ হয়,এং চক্ষে দেখিলেও সর্বশরীর লোমাঞ্চিত হইয়া উঠে, তাহা অপেক্ষা অদ্বুত ব্যাপার আর কি হইতে পারে ! আমরা হিন্দু, অন্ধকারে পড়িয়া আছি । আমাদের যোগবলের অলৌকিক ব্যাপার শুনিলে হিন্দু-ধর্ম্ম-দেবী অশান্ত ধর্ম্মাবলম্বী লোকেরা পরিহাস করিয়া উঠিবে । হরিদাসের যোগবল এরূপ ছিল যে ইচ্ছা করিলেই তিনি অদৃশ্য হইতে পারিতেন এবং চক্ষু মুদ্রিত করিয়া গ্রন্থ পাঠ করিতেন । সম্মুখে বা পশ্চাত্তাগে কেহ দাঁড়াইলে না দেখিয়া তাঁহার নাম বলিয়া দিতে পারিতেন । তিন চারি মাস অনশনে থাকিয়া মৃত্তিকার ভিতর

## হিন্দুজাতির যোগবল ও হরিদাস যোগী । ৩৭

অবস্থান ; একাসনে বসিয়া নিমেষ মধ্যে ত্রিভুবনের যাবতীয় কার্যকলাপ পরিদর্শন, জলরাশির উপর দিয়া যথেষ্ট গমনগমন ইত্যাদি তাঁহার অদ্ভুত ও অলৌকিক ব্যাপারের কথা শুনিলে কাহার মনে না বিস্ময়-রসের আবির্ভাব হয় ? অধিক দিন হয় নাই ; আমরা ১৮৩৫।৩৫ খৃষ্টাব্দের কথা বলিতেছি । তখন লর্ড-উইলিয়ম বেণ্টিঙ্ক এদেশের গভর্নর জেনারেল । স্মৃতরাং ৫৫ বৎসর মাত্র অতীত হইল, হরিদাস নামক জনৈক যোগ-সিদ্ধ মহারাষ্ট্রীয় ব্রাহ্মণ এক দিন লাহোর, জম্মু ও যশমীর প্রভৃতি স্থানে শত শত মুসলমান ও অন্যান্য ছয় শত ইউরোপীয় দিগকে ইহার প্রত্যক্ষ প্রমাণ দেখাইয়া স্তম্ভিত করিয়া ছিলেন । আদি মহারাজ রণজিৎ সিংহ জীবিত নাই ; জীবিত থাকিলে তিনি নিঃস্বখে হরিদাসের পরিচয় দিতেন । সে পলিটিক্যাল এজেন্ট ওয়েড সাহেবও ইহলোক পরিত্যাগ করিয়া গিয়াছেন ; থাকিলে তিনি প্রকৃত ঘটনার সাক্ষ্য দিতে পারিতেন । যিনি সমাধিগত হরিদাসের নিস্পন্দ শরীর, নিশ্চল নাড়ী ও নিকম্প হৃৎপিণ্ড দেখিয়া তাঁহাকে মৃত বলিয়া স্থির করিয়াছিলেন, সেই রেসিডেন্ট সার্জেন ম্যাকগ্রেগর সাহেবও এখন জীবিত নাই । ডাক্তার মরে, জেনারেল ভেঙ্করা, ম্যাকনাটন এবং বৈলো সাহেবেরও মৃত্যু হইয়াছে । জীবিত থাকিলে তাঁহারাও হরিদাসের অদ্ভুত ঘটনার প্রত্যক্ষ প্রমাণ দিতে পারিতেন । তাঁহারা প্রাণত্যাগ করিয়াছেন বটে, কিন্তু তাহাদের প্রণীত গ্রন্থ সকল অদ্যাপি বর্তমান রহিয়াছে । এই সকল গ্রন্থই হরিদাসের অদ্ভুত ক্ষমতার অশ্রুতর প্রমাণ ।

বীর-কেশরী রণজিৎ সিংহের প্রধান মন্ত্রী রাজা ধ্যানাসিংহ যখন জম্মুতে থাকিতেন, তখন তিনি প্রত্যহই একটী নাধুর

অলৌকিক ক্ষমতার গল্প শুনিতে পাইতেন । জয়শ্রোত ও অমৃতনর হইতে যে সকল রাজদূত জন্মুতে আসিত, তাহারা সকলেই বলিত “এমন সিদ্ধপুরুষ কখনও দেখি নাই । জয়শ্রোতে তাঁহাকে তিন মাস মাটির ভিতর পুতিয়া রাখা হইয়াছিল ; তাহাতেও তাঁহার মৃত্যু হয় নাই । অমৃতসরেও আবার তিনি এক মাস কাল প্রোথিত থাকিবেন ।” এই সকল কথা শুনিয়া ধ্যানসিংহ কিছুতেই বিশ্বাস করিলেন না । পারিষদবর্গ কহিল “সন্ন্যাসী আজিও মৃত্তিকায় প্রোথিত আছেন ; ইচ্ছা করিলেই মহারাজ স্বচক্ষে দেখিয়া ইহার সন্দেহ অপনয়ন করিতে পারেন” । স্ময়ং দেখিতে না গিয়া তিনি অমৃতসরে দুই তিন জন লোক পাঠাইয়া দিয়া কহিয়া দিলেন যে সমস্ত ব্যাপার যদি সত্য হয়, তবে যথোচিত সন্মান ও ভক্তি সহকারে সন্ন্যাসীকে জন্মুতে লইয়া আসিবে ; আর যদি মিথ্যা হয়, তাহা হইলে কোন কথা না বলিয়া সত্বর ফিরিয়া আসিবে । দূতেরা অমৃতসরে গিয়া দেখিল নগর লোকে পরিপূর্ণ হইয়াছে । কেহ গল-লগ্ন-বলে ভূমিতে লুটাইয়া সন্ন্যাসীর উদ্দেশে প্রণাম করিতেছে, কেহ পুষ্প-চন্দন ছড়াইতেছে, কেহ ফল, মূল ও দুগ্ধ মৃত্তিকায় রাখিয়া উদ্দেশে নিবেদন করিতেছে । সন্ধ্যাকালে পুরনারীগণ স্বতের প্রদীপ হস্তে লইয়া সমাধি-বেদীর চতুর্দিকে সাজাইয়া দিতেছে । বক্ষ্যানারী পুত্রকামনায় বেদীর উপর লোষ্ট্র সাজাইয়া রাখিতেছে । অন্ধ, খঞ্জ ও চিরাতুরেরা সেই পুণ্যভূমির ধূলি গায়ে মাখিয়া আপনাদের অপবিত্র দেহ পবিত্র করিতেছে । প্রাতঃকাল উপস্থিত হইলে, সন্ন্যাসীকে উত্তোলন করা হইল । তাঁহার শরীর নিঃস্পন্দ, দেহ শীতল ও প্রাণ-শূন্য ।



## হিন্দুজাতির যোগবল ও হরিদাস যোগী । ৩৯

কিন্তু কিয়ৎকাল পরে কোথা হইতে সেই মৃত শরীরে প্রাণ-বায়ু আসিল, এবং যোগীও সচেতন হইয়া ধীরে ধীরে কথাবার্তা কহিতে লাগিলেন । ধ্যানসিংহের লোকেরা জম্মতে লইয়া যাইবার জন্ত অনেক অনুনয় করিলেন, কিন্তু তিনি কিছুতেই সম্মত হইলেন না । এই সংবাদ জম্মতে পহুছিলে ধ্যানসিংহ স্বয়ং অমৃতসরে আসিয়া শিষ্য যোগীকে জম্মতে লইয়া গেলেন । তথায় সন্ন্যাসী চারি মাস মৃত্তিকার ভিতর জড়বৎ পড়িয়া থাকেন, ধ্যানসিংহ ইহা স্বচক্ষে দেখিয়া ছিলেন । মৃত্তিকার ভিতরে প্রবেশ করিবার পূর্বে তাঁহার সমস্ত দাড়ী গোঁপ কামাইয়া দেওয়া হইয়াছিল ; এবং এই চারি মাসের মধ্যে তাঁহার কিছুমাত্র চুল গজায় নাই ।

ক্রমে ক্রমে হরিদাসের কথা ভারতবর্ষের চতুর্দিকে পরিব্যাপ্ত হইয়া পড়িল । বাঙ্গালা দেশের দুই এক জন সংবাদ-পত্র-লেখক সাহেব এ সম্বন্ধে অনেক বিজ্ঞপ করিয়া লিখিতে আরম্ভ করিলেন । কথিত আছে, লড' উইলিয়ম বেণ্টিন্কে ও তৎপরে লড' অক্ল্যাণ্ড এ বিষয়ে তথ্য লইবার জন্ত পণ্ডাব ও রাজপুতনার এজেন্ট দিগকে সর্বদাই পত্রাদি লিখিতেন । হরিদাসকে দেখিবার জন্ত তাঁহাদের অত্যন্ত কৌতূহল জন্মিয়াছিল । যখন হরিদাস শিষ্যগণ লইয়া পুকের ভ্রমণ করিতে গিয়া ছিলেন, তখন ম্যাকনাটন সাহেব রাজপুতনায় এক জন রাজনৈতিক কর্মচারী ছিলেন । স্বয়ং লাট সাহেব হরিদাসকে দেখিবার জন্ত ম্যাকনাটনকে এক খানি পত্র লিখিয়া ছিলেন । এজন্য ম্যাকনাটন সাহেব কলিকাতায় লইয়া যাইবার জন্ত হরিদাসকে অনেক অনুরোধ করিলেন । হরিদাস শুনিয়া ছিলেন, কলিকাতায় বাঁহারা হিন্দু আছেন, তাঁহারা বিধর্মী দিগেরও উচ্ছিষ্ট

ভোজন করিয়া থাকেন । ইহা শুনিয়া তিনি ভাবিলেন, কলিকাতায় গেলে তথায় আমার মান সম্বন্ধ রক্ষা করা ভার হইয়া উঠিবে । এই ভাবিয়া তিনি সাহেবের প্রস্তাবে সম্মত হইলেন না । তখন অধিক অনুরোধ নিফল জানিয়া ম্যাক্‌নাটন্ সাহেব সন্ন্যাসীকে পুরুষেই পরীক্ষা করা যাটুক ঐরূপ স্থির করিলেন । সমস্ত আয়োজন করা হইল । এবার তাঁহাকে মৃত্তিকায পোতা হয় নাই । সন্ন্যাসী সমাধিস্থ হইলে ম্যাক্‌নাটন্ সাহেব তাহাকে সিদ্ধকে জাবদ্ধ করিয়া আপনার ঘরে বুলাইয়া রাখিয়া দিলেন । তের দিন অতীত হইলে সিদ্ধক খুলিয়া দেখিলেন, হরিদাসের শাস প্রস্থান নাই । তাঁহার সমস্ত শরীর কাষ্ঠবৎ শুষ্ক হইয়া গিয়াছে । কিন্তু কিয়ৎকাল পবেই তাঁহার অচেতন দেহে প্রাণ সঞ্চার হইল । তৎপরে ম্যাক্‌নাটন্ সাহেব এই সমস্ত অদ্ভুত ঘটনা কলিকাতায় লাট সাহেবকে লিখিয়া পাঠাইলেন ।

দশম্বীরের মহারাওল নিঃসহান ছিলেন । পুত্রকামনায় তিনি বহুবিধ দৈবানুষ্ঠান করিয়াছিলেন, কিন্তু কোনটাই নাথক হইল না । তখন তিনি স্থির করিলেন তাঁহার অদৃষ্টে সহান নাই । তৎকালে রাজপুত্রনায় হরিদাসের মহা প্রাচুর্ভাব । তখন ঈশ্বরলাল নানক মহারাওলের জনৈক মন্ত্রী সন্তানের উদ্দেশে হরিদাসকে দিয়া দৈবানুষ্ঠান করিতে বলিলেন । হরিদাস আনিয়া মহারাওলকে শুচি হইয়া থাকিতে কহিলেন । ১৮৩৫ খৃষ্টাব্দের ১লা মার্চ তারিখ সমাধির দিন স্থির হইল । নগরের প্রান্তভাগে গৌরী সরোবরের পশ্চিম কূলে প্রস্তর-নির্মিত একটা গৃহ ছিল । ইহা দৈর্ঘ্যে ৮ হাত ও প্রস্থে ৬ হাত । হরিদাসের আদেশ ক্রমে গৃহের মেজের ভিতর একটা গর্ভ খনন

করা হইয়াছিল। তাহাতে বেশম, পশম ও মকমলের বস্ত্র বিছাইয়া দেওয়া হইয়াছিল। হরিদাস নমাধিস্থ হইয়া বাহু-জ্ঞান-শূন্য হইলে পাছে কীটাদিতে তাঁহার শরীর নষ্ট করিয়া ফেলে, এই জন্তই বস্ত্রাদি দ্বারা গর্ভ আবৃত করা হইয়াছিল। নমাধিগর্ভের উপর দুইখানি বৃহদাকার প্রস্তর চাপাইয়া দিয়া গৃহদ্বারও প্রস্তর দিয়া উত্তমরূপে গাঁথাইয়া দেওয়া হইল। এই সময়ে লেফটেন্যান্ট বৈলো সাহেব যশল্লীয়ে উপস্থিত ছিলেন। তিনি ট্রিভিলিয়ান সাহেবের সহিত প্রত্যহ প্রাতঃকালে নমাধি-মন্দির দেখিতে যাইতেন। দেখিতে দেখিতে নিদিষ্ট দিন উপস্থিত হইল। ১লা এপ্রেল তারিখে মধ্যাহ্ন কালে গৌরী সরোবরের তীর গুলি লোকে পরিপূর্ণ হইতে লাগিল। রাজা পুত্র-নাভ করিবেন মনে করিয়া নগরের সকলেই আহ্লাদ প্রকাশ করিতে লাগিল। ঈশ্বরলালের আজ্ঞা পাইয়া গর্ভের প্রস্তর খোলা হইলে দেখিতে পাওয়া গেল, হরিদাস চক্ষু মুদ্রিত করিয়া ধানে বসিয়া আছেন। তাঁহাকে উপরে তুলিয়া দুই জন শিষ্য কোলে করিয়া বসিয়া রহিল। তাঁহার উদর শুকাইয়া গিয়া ভিতরে ঢুকিয়া গিয়াছে ও দাঁতকপাটী লাগিয়াছে। শিষ্যেরা দাঁতকপাটী ভাঙ্গিয়া বহুকষ্টে একটু জল উদরস্থ করাইল। বৈলো ও ট্রিভিলিয়ান সাহেব দ্রুতবেগে দেখিতে আনিলেন। মৃতদেহে প্রাণ সঞ্চার হইল দেখিয়া তাঁহারা একবারে স্তব্ব হইয়া রহিলেন। রাওল হরিদাসকে টাকা দিতে প্রতিশ্রুত হন, কিন্তু নমাধির পর তাঁহাকে তাহাতে বঞ্চিত করিয়া ছিলেন! হরিদাসও কিঞ্চিৎ ক্রুদ্ধ হইয়া ও একটা উষ্ট্র ভাড়া করিয়া শিষ্য দিগকে সঙ্গে লইয়া নগর পরিত্যাগ করিলেন।

হরিদাস কে ও কি প্রকারে তিনি যোগাত্যাস শিক্ষা করিয়াছিলেন, তাহা জানিবার জন্য সকলেরই কৌতূহল জন্মিয়াছিল। দিল্লীর এক জন ব্রাহ্মণ পশ্চিম প্রদেশের প্রধান প্রধান রাজধানীতে শিক্ষা করিয়া বেড়াইতেন। পূর্বে তিনি হরিদাসের নিকট কয়েক বৎসর যোগাত্যাস শিক্ষা করিয়া ছিলেন। হরিদাস যখন রাজপুতনায় গিয়াছিলেন, তখন যোগীও সেখানে উপস্থিত। পরস্পর সাক্ষাৎ হইলে উভয়ে অনেক কথাবার্তা কহিতে লাগিলেন। তখন নগরবাসীরা হরিদাসের পরিচয় জানিবার জন্য ব্রাহ্মণকে ধরিয়া বসিল। ব্রাহ্মণ বলিলেন, “আমি এই ব্রাহ্মণকে চিনি। কুরুক্ষেত্রে ইহার আশ্রম। আমি ৫ বৎসর এই যোগীর সঙ্গে ফিরিয়াছি। তিনি নয়ন মুদ্রিত করিয়া শূন্যে উঠিয়া অনেকক্ষণ বসিয়া থাকিতে পারেন। কিরূপে শূন্যে অবস্থিতি করিতে হয়, তাহাও আমি জানি। প্রত্যহ অর্দ্ধগোলের দুগ্ধ পান করিয়া জীবন ধারণ করিবে, এবং প্রত্যহ একবার করিয়া শরীর ওজন করিয়া দেখিবে। শূন্যে উঠিবার পূর্বে বিরেচক ঔষধ দ্বারা অন্ত্র ধৌত করিয়া অনশনে থাকিতে হয়। প্রথমে বাম নাসিকায় ধীরে ধীরে শ্বাস গ্রহণ করিবে। এক এক বার কিঞ্চিৎ বায়ু গ্রহণ করিবে, এবং সেই বায়ু আর গিলিবে না। এইরূপে দশ হাজার বার মন্ত্র জপ করিতে যত সময় লাগে, তত সময় পর্য্যন্ত বায়ু ভক্ষণ করিবে; কিন্তু একবারও নিশ্বাস ফেলিবে না। প্রত্যহ বায়ু ভক্ষণ করিতে পারিলেও মন যদি চঞ্চল থাকে, তাহা হইলে শরীর উর্ধ্বে উঠিবে না। চক্ষু মুদ্রিত করিয়া এইরূপ ভাবিতে

হইবে, যেন ক্রয়ুগলের সন্ধি-স্থানে দৃষ্টি সম্বন্ধ রহিয়াছে । তাহা হইলেই মৃত্তিকা হইতে দেহ শূন্যে উঠিয়া পড়িবে । এইরূপ অভ্যাস করিতে হইলে প্রথমে কিছু কষ্ট বোধ হয় বটে, কিন্তু একবার অভ্যাস হইলে আর কোন কষ্ট থাকে না ।” ভিক্ষুক ব্রাহ্মণ হরিদাস ও তাঁহার যোগাভ্যাস সম্বন্ধে যাহা কহিয়া ছিলেন, হরিদাসও বৈলো সাহেবের নিকট তাঁহার ঠিক সেইরূপ আত্ম-পরিচয় ও যোগের প্রক্রিয়া বর্ণনা করিয়া ছিলেন । সমাধি হইতে উঠিলে হরিদাস কয়েক দিন সূর্য্যালোক সহ করিতে পারিতেন না । এজন্য তাঁহাকে কিয়দিন নির্জন অন্ধকার-গৃহে বাস করিতে হইত । ক্রমে ক্রমে স্বাভাবিক মল-মূত্র নির্গত হইলে তিনি বুকিতে পারিতেন যে তাঁহার অস্ত্রের কোন স্থান পচিয়া যায় নাই ।

• ১৮৩৫ খৃষ্টাব্দে জ্যৈষ্ঠ মাসে প্রাপ্তবয়স্ক কুমার বাহাদুর নবনিহাল সিংহের বিবাহ । এই উৎসব উপলক্ষে বহুসংখ্যক রাজা ও রাজমন্ত্রী লাহোরে নিমন্ত্রণ রক্ষা করিতে আসিয়া ছিলেন । এই সময়ে হরিদাসও শিষ্য দিগকে সঙ্গে লইয়া ঘটনা ক্রমে লাহোরে আসিয়া উপস্থিত হইলেন । বিবাহ শেষ হইয়া গেলে ধ্যানসিংহ রণজিৎ সিংহকে বলিলেন “মহারাজ ! এক জন সিদ্ধপুরুষ আপনার রাজ্যে আসিয়াছেন । আমি তাঁহাকে চারি মাস কাল ভূগর্ভে নিহিত রাখিয়া ছিলাম । কিন্তু তাহাতেও তাঁহার মৃত্যু হয় নাই ।” রণজিৎ সিংহ এই কথা শুনিয়া অবিশ্বাস করিয়া কহিলেন, “যদি আমাকে দেখাইতে পার, তবে আমি বিশ্বাস করিতে পারি” । ধ্যানসিংহের আজ্ঞানুসারে হরিদাস শিষ্যগণ লইয়া রাজসভায় উপস্থিত

হইলেন । তৎকালে রণজিৎ সিংহ কয়েক জন সমর-কুশল ফরাসী সেনাপতির সহিত রাজ্য সশব্দে কি পরামর্শ করিতে ছিলেন । পুণ্যায়ী সন্ন্যাসীকে দেখিয়া মহারাজ সনজ্জমে গাত্রোখান করিয়া তাঁহাকে যথোচিত আসন প্রদান করিলেন ; এবং ছুই এক কথার পর ফরাসী সেনাপতি দিগকে বিদায় দিয়া সাধুর দিকে এক দৃষ্টিতে চাহিয়া রহিলেন । তখন ধ্যানসিংহ হরিদাসকে সমাধির পূর্বানুষ্ঠান করিতে বলিলেন । হরিদাস বলিলেন “মহাশয়, আমার এক নিবেদন আছে । এবার আমাকে মৃত্তিকার ভিতরে পুতিয়া রাখিবেন না । কারণ, তাহাতে আমার প্রাণের আশঙ্কা আছে । আমি যখন পুঙ্করে মৃত্তিকার ভিতর তিন মাস প্রোথিত ছিলাম, তখন কীটে আমার শরীর খাইয়া দিয়াছিল । দেখুন এখনও তাহার শুক ক্ষত-চিহ্ন রহিয়াছে । আপনি আমাকে একটী লৌহ-সিন্দুকে আবদ্ধ করিয়া একটী বৃহৎ গাছে বুলাইয়া রাখুন ; তাহা হইলেই আপনার সন্দেহ ভঞ্জন হইবে ।” কিন্তু রণজিৎ সিংহ তাঁহার প্রস্তাবে সন্মত না হইয়া মৃত্তিকায় প্রোথিত থাকিবার জন্ত তাঁহাকে পুনঃ পুনঃ অনুরোধ করিতে লাগিলেন । উপায়ান্তর না দেখিয়া হরিদাস আশ্রমে গিয়া সমাধির পূর্বানুষ্ঠান করিতে লাগিলেন । তাঁহার জিহ্বার নিয়মদেশ কাটা ছিল । কারণ, সমাধির সময় জিহ্বা উল্টাইতে হইলে চর্ম্ম কাটিয়া জিহ্বা আলাগা করা আবশ্যিক । প্রত্যহ অন্ন মাত্রায় জঙ্গী হীরতকী প্রহৃতি মূহ বিরেচক দ্রব্যগুলি সেবন করিয়া দেহের ক্লেদ পরিকার করিতেন । সূর্যোদয়ের পূর্বে তাঁহার প্রত্যহ প্রাতঃস্নানের নিয়ম ছিল ।

স্নানের পূর্বে মুখের ভিতর এক খানি সূক্ষ্ম বস্ত্র পুরিয়া দিয়া তিনি অন্ননালী ও পাকস্থালী পরিকৃত করিয়া আনিতেন । অন্ন পরিকৃত করিবার জন্য নবদ্বারের যে কোন দ্বার দিয়া জল টানিয়া লইয়া অন্য আর একটী দ্বার দিয়া জল বাহির করিয়া দিতেন । আহারের মধ্যে জল-মিশ্রিত অর্কসের দুগ্ধ । প্রথম দিন নিত্য অভ্যাঙ্গের অনুবর্তী হইয়া খাটি অর্কসের দুগ্ধ পান করিলেন । দ্বিতীয় দিনে তাহাতে কিঞ্চিৎ জল মিশাইলেন । এই রূপে ক্রমে ক্রমে ষষ্ঠ দিবস পর্যন্ত জলের ভাগ অধিক করিয়া দুগ্ধের ভাগ অল্প করিতে লাগিলেন । সপ্তম দিবসে হরিদাস নিরশু উপবাস করিয়া রহিলেন ।

অষ্টম দিবস উপস্থিত হইল । হরিদাস মহারাজের রাজ-সভায় আসিয়া কহিলেন “মহারাজ, আমি প্রস্তুত হইয়াছি, অনুমতি পাইলেই সমাধিস্থ হইয়া মৃত্তিকায় প্রবেশ করি” । রাবী নদীর তীরে একটী সুরমা উদ্যান ছিল । ইহার নাম সর্দার গওলা সিংহ ভরনীয়াওয়ারা । এই উদ্যানের মধ্যে একটী বারধারী স্থান আছে । মহারাজ সন্ন্যাসীকে সেই স্থানে লইয়া খাইতে আদেশ করিলেন । স্বয়ং রণজিৎ সিংহ, তাঁহার পুত্র কোরক সিংহ ও পৌত্র নবনিহাল সিংহ, সেরাসিংহ, সুরচেতসিংহ, মছা ধ্যানসিংহ, কোষাধ্যক্ষ বলরাম মিশ্র এবং ভেকুরা প্রভৃতি কয়েক জন সাহেব হরিদাসের পশ্চাৎ পশ্চাৎ চলিলেন । তখন হরিদাস কহিলেন “ধর্ম নাকী রহিলেন ; দেখিবেন, যেন আমাকে চল্লিশ দিনের অধিক মৃত্তিকায় পুতিয়া রাখা না হয় ।” মহারাজ তাঁহাকে আশ্বাস দিয়া

কোন সন্দেহ করিতে নিষেধ করিলেন । প্রথমে নাপিত আসিয়া হরিদাসের নখ, মাথার চুল, দাড়ী ও গোঁপ কাঁমাইয়া দিল । হরিদাস বুঝিতে পারিয়া ছিলেন যে তাঁহার উদরে এখনও ক্লেদ আছে । এজন্য তিনি তিন অঙ্গুলি বিস্তৃত ও ষাট হাত দীর্ঘ একখানি বস্ত্র গিলিয়া ফেলিয়া সমস্ত ক্লেদ পরিষ্কার করিয়া আনিলেন । তৎপরে তিনি হৃদপদ্মে হস্তদ্বয় রাখিয়া ধ্যানমগ্ন হইলে শিষ্যেরা তাঁহার চক্ষু, কর্ণ ও নাসিকায় ঘৃত মাখাইয়া দিয়া তুলা ও মোম দ্বারা ঐ সকল ইন্দ্রিয় গথ বন্ধ করিয়া দিল । তখন হরিদাস জিহ্বা উল্টাইয়া তালুর ভিতর প্রবেশ করাইয়া দিলেন । দেখিতে দেখিতে শ্বাস প্রশ্বাস বন্ধ হইয়া গেল । শিষ্যেরা হৃদয়ে হাত দিয়া দেখিল, স্পন্দন নাই এবং শরীরও শীতল হইয়া গিয়াছে । রণজিৎ দেখিয়া শুনিয়া অবাক হইয়া গেলেন । তখন শিষ্যগণ সন্ন্যাসীর গাত্রে এক খানি শুভ্রবর্ণ বস্ত্র জড়াইয়া দিয়া সংযোগ স্থল সেলাই করিয়া দিলেন, এবং রণজিৎ সিংহ তাহাতে স্বনামের একটা মোহর লাগাইয়া দিলেন । রণজিৎ সিংহের কোষাধ্যক্ষ বলরাম মিশ্র এই অবস্থায় সাধুকে একটা কাঠের সিঁদুকে পুরিয়া স্বহস্তে তাহার চাবি বন্ধ করিলেন । কুলুপের উপর আর একটা মহারাজের সিল মোহর দেওয়া হইল । অনুচরগণ সিঁদুকটী লইয়া মৃত্তিকাতে পুতিয়া রাখিল । ইহাতেও রণজিতের বিশ্বাস হইল না । তখন তিনি সমাধি-ক্ষেত্রের উপর যব বুনাইয়া ও বারদারীর দ্বার ইষ্টক দ্বারা গাথাইয়া দিয়া চতুর্দিকে সশস্ত্র প্রহরী রাখিয়া দিলেন । মোহর ও চাবি কাহারও নিকট না রাখিয়া মহারাজ স্বয়ং তাহাদিগকে অন্তঃপুরে লইয়া গেলেন ।



তিন চারি দিনের মধ্যে যবের অঙ্কুর বাহির হইয়া গেল ।  
 মাসাধিক অতীত হইলে গাছ গুলি বিলক্ষণ বড় হইয়া বায়ু ভরে,  
 ভরসায়িত হইতে লাগিল । উনচত্বারিংশ দিবসে রাজনৈতিক  
 কর্মচারী ওয়েড্ সাহেব কতকগুলি ইংরেজ সৈন্য লইয়া লাট  
 সাহেবের আদেশ ক্রমে মহারাজের সহিত সাক্ষাৎ করিতে  
 আসিলেন । কথাবার্তা শেষ হইয়া গেলে মহারাজ আঞ্জি-  
 জুদ্দিনের দ্বারা ওয়েড্ সাহেবকে সমস্ত গল্পটী শুনাইলেন । পর-  
 দিন প্রাতঃকালে সন্ন্যাসী উঠিবেন শুনিয়া সাহেবেরাও চলিয়া না  
 গিয়া মহারাজের অতিথি হইয়া রহিলেন । প্রাতঃকাল উপস্থিত  
 হইল । বারদারীর উদ্যান লোকাকীর্ণ হইতে লাগিল । রণজিৎ  
 সিংহ ও তাঁহার অন্যান্য আত্মীয় বন্ধু এবং প্রধান প্রধান কর্ম  
 চারিগণ, কাপ্তেন ওয়েড্, ডাক্তার ম্যাক্গ্রেগর, ডাক্তার মরে,  
 জেনারল্ ভেঙ্কুরা ও প্রায় চারি শত ইংরাজ সৈন্য বারদারীর  
 সম্মুখে উপস্থিত । বলরাম মিশ্র কার্য্যাধ্যক্ষ, তিনি বারদারীর  
 নূতন প্রাচীর ভাঙ্গাইলেন । সমাধি-স্থান দৃষ্টিগোচর হইল ।  
 যবের বড় বড় কাড় বাঁধিয়া গিয়াছে । মাটি খুঁড়িয়া সিঙ্কু বাহির  
 করা হইল । রণজিৎ সিংহ চাবি দিলেন । বলরাম মিশ্রও মোহর  
 ভাঙ্গিয়া সিঙ্কু খুলিয়া দেখিলেন, ভিতরে হরিদাস বদ্ধাবৃত  
 হইয়া ষোণাসনে বসিয়া আছেন । তাঁহাকে যে ভাবে রাখা  
 হইয়া ছিল, তিনি ঠিক সেই ভাবেই বসিয়া আছেন । শিষ্যেরা  
 হরিদাসের স্বস্ত্র খুলিয়া ফেলিয়া দেখিল, হরিদাসের সংজ্ঞা নাই ।  
 রেসিডেন্ট্ সার্জন ম্যাক্গ্রেগর ও ডাক্তার মরে উভয়েই  
 সন্ন্যাসীর দেহ পরীক্ষা করিয়া দেখিলেন, নাড়ী নিশ্চল ও হৃদ-  
 পিণ্ড নিষ্কম্প । শিষ্যেরা তালু হইতে জিহ্বা বাহির করিয়া

আনিয়া দেখিল, উহা মহিষের শৃঙ্গের ত্রায় ঘোটা, গোল ও  
 কঠিন হইয়া গিয়াছে। তখন তাহারা তাহাতে স্বত লেপন করিয়া  
 সাধুর মাথায় পর্যায়ক্রমে শীতল ও উষ্ণ জল ঢালিতে লাগিল।  
 পুনঃ পুনঃ এইরূপ করিবার পর এক খানি বড় রুটী অল্প উষ্ণ  
 থাকিতে থাকিতে মাথার উপর বনাইয়া দিল। তাহার পর  
 চক্ষু, কর্ণ, মুখ ও নাসিকার তুলা ও মোম খুলিয়া দিয়া জোরে  
 ফুৎকার দিতে লাগিল। কিয়ৎক্ষণ পরে দেহে শ্রাণ বায়ু  
 উপস্থিত হইল, এবং যোগীও চক্ষু চাহিয়া দেখিতে লাগিলেন।  
 রণজিৎ সিংহ সাধুর নিকট বসিয়া ছিলেন। সাধুও মহারাজকে  
 চিনিতে পারিয়া তাহার সহিত মৃদুস্বরে দুই একটা কথা কহিতে  
 লাগিলেন। সাহেব মণ্ডলী দেখিয়া শুনিয়া অবাক হইয়া  
 গেলেন। ডাক্তার মরে স্বহস্তে তাঁহার প্রতিমূর্ত্তি তুলিয়া  
 লইলেন। ওয়েড্, ম্যাক্‌গ্রেগর ও মরে সাহেব তাঁহাকে  
 কলিকাতায় লইয়া যাইবার জন্য অনেক অনুরোধ করিলেন ;  
 কিন্তু তিনি কিছুতেই স্বীকৃত হইলেন না। সাহেবদের ইচ্ছা  
 যে তিনি কলিকাতায় গিয়া একবার ইহা গভর্ণর জেনারলকে  
 দেখান। হরিদাস বলিলেন “যদি আপনারা নমস্তু কলিকাতা  
 নগরী আমাকে পুরস্কার দেন, তাহা হইলে আমি কলিকাতায়  
 গিয়া এক বৎসর কাল মৃত্তিকার ভিতর নমাধিস্থ হইয়া থাকিতে  
 পারি। নতুবা আপনাদের একটু আমোদের জন্য আমি এত  
 কষ্ট সস্ত করিব কেন ?” সাহেবেরা তাহাতে নিরস্ত হইয়া  
 আর অধিক অনুরোধ করিলেন না। রণজিৎ সিংহ হরিদাসের  
 অদ্ভুত ক্রমতার পরিচয় পাইয়া তাঁহার সম্মানার্থ তাঁহাকে  
 মণিময় কুণ্ডল, কনকহার স্ফটিকমালা, প্রভৃতি অলঙ্কার, এবং

ছই হাজার টাকার মূল্যের এক খানি উৎকৃষ্ট শাল পুরস্কার দিলেন ।

হরিদাসের অদ্ভুত ক্ষমতার কথা শুনিলে অন্তরায়ী শুকাইয়া যায় । তিনি জলের উপর দিয়া যথেষ্ট গমনাগমন ও চক্ষু মুদ্রিয়া পুস্তক পাঠ করিতে পারিতেন । একবার বর্ষাকাল উপস্থিত । রাবী নদী প্রবলবেগে প্রবাহিত হইতেছে । তাহার স্রোত এরূপ প্রবল যে, এক গাছি তৃণ ফেলিয়া দিলে বোধ হয় তাহা শতখণ্ড হইয়া যায় । সাধু সেই স্রোত অতিক্রম করিয়া পদব্রজে নদী পার হইলেন । মহারাজ রণজিৎ সিংহ এবং কয়েক জন সাহেব ইহা স্বেচক্কে দেখিয়া ছিলেন । ১৮৩৪ সালে হরিদাস আজমীরে গিয়া স্পিয়ার সাহেবের সহিত সাক্ষাৎ করিয়া কহেন “আমি জলের উপর হাঁটিয়া বেড়াইতে পারি, এবং চক্ষু বাঁধিয়া দিলে পুস্তকাদি পাঠ করিতে পারি ।” স্পিয়ার সাহেব সাধুর কথা শুনিয়া হাসিয়া উঠিলেন । তখন হরিদাস তাহার সম্মুখে জলের উপর হাঁটিয়া বেড়াইতে লাগিলেন । তাহার পর মেডিক সাহেবের অনুমতিক্রমে তাহার মুসী সূক্ষাসিংহ বস্ত্র দ্বারা চক্ষু বাঁধিয়া দিলেন । হরিদাসও এক খানি পুস্তকের ত্রে ত্রে অঙ্গুলি দিয়া অবাধে তাহা পাঠ করিতে লাগিলেন । স্পিয়ার সাহেব ইহা দেখিয়া অবাক হইয়া রহিলেন । এরূপ অদ্ভুত ঘটনা প্রথমতঃ অসম্ভব বলিয়া বোধ হয় বটে, কিন্তু সম্প্রতি এইরূপ আর একটা কলিকাতায় দেখিতে পাওয়া গিয়াছিল । এই ঘটনাটা শুনিতে হরিদাসের চক্ষু বাঁধিয়া পড়িতে পারিবার কথা সহজেই বিশ্বাস করা যায় । কলিকাতায় কোন ভদ্র মহিলার মূর্ছারোগ হইয়া

ছিল । আশ্চর্যের বিষয় এই যে, তৎকালে তিনি যে কোন শব্দ কাণ দিয়া না শুনিয়া পেট দিয়া শুনিতে পাইতেন । রোগের প্রকোপে তিনি প্রায় সর্বদাই চক্ষু মুদ্রিত করিয়া থাকিতেন, এবং পুস্তকের ছত্রে ছত্রে অঙ্গুলি দিয়া পড়িতে পারিতেন । চক্ষু মুদ্রিত করিয়া তিনি লিখিতেও পারিতেন । বর্ণাঙ্কুর কিম্বা ছেদের ভুল হইলে তিনি না দেখিয়া ঠিক সেই বর্ণ কিম্বা ছেদ অঙ্গুলি দ্বারা মুছিয়া পুনর্বার তাহা শুদ্ধ করিয়া লিখিতেন । মান্ততম ডাক্তার মহেন্দ্র লাল সরকার, বাবু রাজেন্দ্র লাল দত্ত, কর্নেল অলকট্ প্রভৃতি অনেকানেক বিচক্ষণ ও পণ্ডিত লোক এই ব্যাপার স্বচক্ষে দেখিয়াছিলেন ।

একবার কতকগুলি ইংরাজ রণজিৎ সিংহকে কহিলেন “মহা-রাজ ! আপনার হরিদাস এক জন প্রতারক । তাঁহার যোগবল ও সমাধিধারণ সকলই মিথ্যা । মৃত্তিকার ভিতরে পুতিয়া রাখা হইলে তাহার শিষ্যেরা প্রহরী দিগকে উৎকোচ দিয়া রাত্রিকালে তুলিয়া আনে । পরে যোগীর উঠিবার নির্দিষ্ট দিন উপস্থিত হইলে পুনর্বার তাহাকে পুতিয়া আইসে” । এই কথা মহারাজের মনে লাগিল না । এক দিন তিনি জেনারল ভেঙ্করা ও ওয়েড্ সাহেবকে বলিলেন “ভাল, সন্দেহ রাখিয়া কাজ কি ! অ’র একবার যোগীর পরীক্ষা লওয়া যাউক ।” ওয়েড সাহেব ভেঙ্করাকে কহিলেন “আপনি সাবধানে হরিদাসকে পুতবেন, এবং উঠিবার নির্দিষ্ট দিন উপস্থিত হইলে আমি স্বয়ং আসিয়া তাঁহাকে তুলিব” । রণজিৎ সিংহ হরিদাসকে ডাকিয়া বলিলেন “মহাশয়, আর এক বার আপনার সমাধি-ধারণ দেখিবার জন্য আমাদের অত্যন্ত কৌতূহল জন্মিয়াছে ।

যে নমস্ত পূর্বানুষ্ঠান করিতে হয় করুন । এবার আপনাকে দশ মাস কাল মৃত্তিকার ভিতর থাকিতে হইবে ।” হরিদাসও মুক্তকণ্ঠে যে আজ্ঞা বলিয়া বাসায় চলিয়া গেলেন । অন্তর্ধেীতি ও যোগের অন্যান্ত পূর্বানুষ্ঠান করিতে প্রায় দশ বার দিন অতিবাহিত হইয়া গেল । হরিদাস প্রস্তুত হইয়া মহারাজকে সংবাদ দিলেন ।

বেলা দুই প্রহর । ছজুরিবাগ লোকাকীর্ণ হইতে লাগিল । স্বয়ং মহারাজ, প্রধান প্রধান সর্দার ও জেনারল ভেঙ্কুরা উদ্ভানে উপস্থিত হইলেন । কিন্তু কোন কারণ বশতঃ ওয়েড্ সাহেব তখনও আনিতে পারেন নাই । সমাধির সময় উপস্থিত হইল । হরিদাস পূর্বের মত তুলা ও মোম দিয়া চক্ষু, কর্ণ ও নাসিকা-রন্ধু বন্ধ করিলেন, এবং জিহ্বা উলটাইয়া মৃতবৎ হইয়া গেলেন । ভেঙ্কুরা যোগীর দেহ পরীক্ষা করিয়া দেখিলেন, মৃত্যুর মত তাঁহার সমস্ত লক্ষণ হইয়াছে । তখন তাঁহাকে একখানি বস্ত্র দ্বারা জড়াইয়া স্থানে স্থানে রণজিতের সনামের মোহর করা হইল । এবারেও হরিদাসকে একটা কাষ্ঠের সিঙ্কু-কের ভিতর পুরিয়া মৃত্তিকায় পুতিয়া রাখা হইয়াছিল । সমাধি স্থানের উপর একটা সঙ্কীর্ণ গুহজ নির্মাণ করাইয়া দিয়া চতুর্দিকে বিশ্বস্ত প্রহরী রাখিয়া দেওয়া হইল । মহারাজ প্রত্যহ প্রাতঃকালে তঞ্জামে চড়িয়া সমাধি-স্থান দেখিতে যাইতেন । পাছে হরিদাসের শিষ্যেরা প্রহরী দিগকে উৎকোচ দিয়া ও তাঁহাকে তুলিয়া আনিয়া পুনর্ব্বার উঠিবার পূর্ব দিন মৃত্তিকার ভিতর রাখিয়া আইনে, এই সন্দেহ করিয়া মহারাজ সমাধি-মগ্ন সন্ন্যাসীকে দুই বার মৃত্তিকা হইতে তুলিয়া দেখিয়া ছিলেন ।

তাঁহাকে যে ভাবে রাখা হইয়াছিল, তিনি ঠিক সেই ভাবেই বসিয়া ছিলেন । দেখিতে দেখিতে দশ মাস পূর্ণ হইয়া গেল । রণজিৎ সিংহ লুধিয়ানার ওয়েড্ সাহেবের নিকট সংবাদ পাঠাইলেন । ওয়েড্ সাহেব মহারাজের সহিত সমাধি-ক্ষেত্রে গিয়া সন্ন্যাসীকে তোলাইলেন । সকলেই দেখিল, মৃত দেহের স্থায় তাঁহার শরীর শুষ্ক, নিস্পন্দ ও কঠিন হইয়া গিয়াছে । কিন্তু দেখিতে দেখিতে সেই মৃত শরীরে আবার জীবন সঞ্চার হইল । তখন ওয়েড্ সাহেব নিস্তরক ও নিরুত্তর হইয়া হিন্দুজাতির যোগবলের ভূয়সী প্রশংসা করিতে লাগিলেন । এই ঘটনার পর হিন্দু দিগের ধর্মরাজ্যে বিজয়োৎসব পড়িয়া গেল, দ্বারে দ্বারে কল্যাণ-রচনা বুলিতে লাগিল, এবং শত্ৰু ঘণ্টার মঙ্গল বাজে লাহোর নগর প্রতিধ্বনিত হইতে লাগিল ।

১৮৩৬ খৃষ্টাব্দে গবর্ণর জেনারল লর্ড অক্‌ল্যান্ড্ কোন বিশেষ সন্ধির জন্য ডাক্তার ড্রুমণ্ড, ক্যাপ্টেন ম্যাকথ্রেগর, ম্যাকনাটন, অম্বরণ প্রভৃতি কয়েক জন সম্ভ্রান্ত ইংরাজকে রণজিৎ সিংহের রাজসভায় পাঠাইয়া ছিলেন । তৎকালে মহারাজ লাহোরের নিকটবর্তী অদীননগরে অবস্থিতি করিতে ছিলেন । রাজনৈতিক কথা বার্তা শেষ হইয়া গেলে রণজিৎ সিংহ সাহেব দিগকে হরিদাসের আশ্চর্য্য ক্ষমতার গল্প করিতে লাগিলেন । ঘটনাক্রমে হরিদাসও সেই দিন শিষ্যগণ লইয়া অমৃতসর হইতে অদীননগরে আনিয়া উপস্থিত হইলেন । সাহেবেরা উৎসুক হইয়া হরিদাসকে দেখিবার জন্য তাঁহার বাসায় চলিয়া গেলেন । তাঁহারা তথায় গিয়া দেখিলেন, হরিদাস একটা প্রস্তর-নির্মিত মন্দিরে পর্য্যকের উপর বসিয়া

আছেন। গৃহতল বহুমূল্য গালিচার আবৃত, ও খাটের উপর বিচিত্র রেশমের শয্যা। তাঁহার সম্মুখে দুইটা পানপাত্র ও এক খানি পুস্তক। বাম ভাগে একটা জলপাত্র, দুইটা বুলি ও এক খানি গেরুয়া বস্ত্র। মেজের উপর আর এক খানি পুস্তক ও রণজিৎ-সিংহ-প্রদত্ত কাশ্মীরী শাল। পালঙ্কের পার্শ্বে দাঁড়াইয়া জনৈক শিখ ধীরে ধীরে তালবৃত্ত ব্যজন করিতেছে। পূর্বে সমাধি হইতে উঠিলে পর মহারাজ সম্ভষ্ট হইয়া তাঁহাকে যে সকল অলঙ্কার দিয়া নাজাইয়া ছিলেন, আজি তিনি তন্মধ্য হইতে কনকহার ও রত্নকুণ্ডল পরিয়া আছেন। সাহেবদিগের সহিত হরিদাসের অনেক কথা বার্তা হইবার পর ইহা স্থির হইল যে, লাহোরে গিয়া তিনি তাঁহাদিগকে আর এক বার তাঁহার অদ্ভুত ক্ষমতা দেখাইবেন। হরিদাস তাঁহাদের প্রস্তাবে সম্মত হইয়া কহিলেন, “এবারে আমাকে কত দিন মৃত্তিকার ভিতরে থাকিতে হইবে?” সাহেবেরা কহিলেন, “আমরা এক মাস লাহোর থাকিব। আপনাকে এই এক মাস কাল মাটির ভিতর থাকিতে হইবে।” রণজিৎ সিংহ একটা ঘর অন্বেষণ করিতে লাগিলেন। লাহোরে একটা সুরম্য উद्याনে একটা পাকা গোল ঘর ছিল। গৃহটা অধিক বড় নয়, পরিধিতে প্রায় ২০ ফিট্ হইবে। সমস্ত ঠিক হইয়া গেলে হরিদাস যোগের পূর্বানুষ্ঠান করিতে লাগিলেন। ২৫এ জুন মৃত্তিকায় প্রবেশ করিবার দিন স্থির হইল। কিন্তু সে দিন তিনি সাহেবদিগের সহিত সাক্ষাৎ করিয়া কহিলেন, “এখনও আমার সমস্ত পূর্বানুষ্ঠান শেষ হয় নাই। কল্য দুই প্রহরের সময় আমি সমাধি খারণ করিব”। পরদিন সূর্যোদয় হইলে হরিদাস নিজ ইষ্ট

দেবতার চিন্তা করিতে লাগিলেন । দুই প্রহর উপস্থিত হইল । অন্যান্য বার সমাধির পূর্বে তিনি যেরূপ প্রকল্প ও দৃষ্ট-চিত্ত থাকিতেন, এবার তাহাকে সেরূপ দেখিতে পাওয়া গেল না । দেখিয়া বোধ হইল, তিনি যেন মনে মনে বড় ভীত ও উদ্ভিন্ন হইয়াছেন । উদ্যান লোকে পরিপূর্ণ হইয়া গেল । হরিদাস সম্মুখে অদ্বরন্ সাহেবকে দেখিবামাত্র অত্যন্ত ব্যস্ত হইয়া বলিলেন “আমি যোগে বসিতে যাইতেছি ; কিন্তু আমার পুরস্কারের কথা কিছু ত আপনারা বলেন নাই ।” সাহেবেরা উহা শুনিয়া অদাক হইয়া গেলেন, এবং কহিলেন “আপনি যে পুরস্কারের আশা করেন, তাহা আমরা পূর্বে জানিতাম না । আপনি সিদ্ধ পুরুষ ; এজন্য আমরা ভাবিয়া ছিলাম, অর্থের কথা কহিলে আপনি ক্রুষ্ঠ হইবেন ! ভাল, আমরা এক সপ্তাহ কাল আপনাকে মাগীয়া ভিতর পুতিয়া রাখিব । তাহার পর তুলিলে যদি আপনি পুনর্জীবিত হন, তাহা হইলে আমি আপনাকে দেড় হাজার টাকা নগদ ও বার্ষিক দুই হাজার টাকা লাভের একশানি জাইগির পুরস্কার দিব ।” টাকার আশা মিটিল । কিন্তু হরিদাস আর একটা আশা তুলি ॥ বলিলেন, “আমি সমাধিতে বসিলে আমার বক্ষার জন্য আপনারা কিরূপ বন্দোবস্ত করিবেন, এবং আমি যে চাহুরী করিতেছি না, তাহা জানিবার জন্য আপনারা কিরূপে সতর্ক হইবেন ?” অদ্বরন্ সাহেব চারিটা কুনুপ দেখাইয়া কহিলেন, “ইহার দুইটা আপনার দিক্কে ও দুইটা ওয়জের দ্বারে লাগাইব । ইহার দুইটা চাবি আপনার লোককে দিব এবং দুইটা আমি নিজে রাখিব । কিন্তু সমস্ত কুনুপ গুলিতে আমার নিজের



সিল মোহর লাগান থাকিবে । গৃহের বহির্দ্বার ইষ্টক দিয়া গাঁথা-  
ইয়া দিব, এবং অর্ধপ্রহর আমাদের নিজের প্রহরী ঢৌকী  
দিয়া বেড়াইবে ”। হরিদাস বলিলেন, “প্রত্যেক কুলুপের দুইটী  
করিয়া চাবি থাকা চাই । এক একটী চাবি আপনাদের  
নিকট থাকিবে ; আর এক একটী আমার শিষ্য দিগের নিকট  
থাকিবে ; এবং আপনারা এখানে যখন প্রহরী রাখিতে  
পারিবেন না ”। এই সকল কথা শুনিয়া সাহেবেরা অত্যন্ত  
বিরক্ত হইয়া উঠিলেন । হরিদাসও তাঁহাদিগকে গালা-  
গালি দিয়া বলিতে লাগিলেন “তোমরা ফিরিঙ্গী, নাস্তিকের  
চূড়ান্ত । ধর্মাধর্ম কিছুই মান না । লোকের কাছে আমাকে  
অপদস্থ করিবার জন্য তোমরা লাহোরে আনিয়াছ । কিন্তু  
এমন আশা করিও না যে, তোমাদের সাধ পূর্ণ হইবে ।  
লোক সমাজে আমার যে প্রতিষ্ঠা জন্মিয়াছে, তাহা আর  
ঘুচিবার নয়” । অস্বরন্ সাহেব হরিদাসকে অনেক  
সান্ত্বনা করিলেন, কিন্তু তিনি তাঁহার কথায় কর্ণপাত করিলেন  
না । অগত্যা সাহেবেরা আপন আপন বাগায় ফিরিয়া  
আসিলেন । মহারাজ রণজিৎ সিংহ এই সকল কথা শুনিয়া  
অত্যন্ত লজ্জিত হইলেন । তিনি সাধুকে ডাকাইয়া বলিলেন,  
“আপনার কাজ ভাল হয় নাই । আপনি যদি সমাধিতে  
না বসেন, তাহা হইলে লোকে আপনাকে প্রতারক বলিয়া  
মিন্দা করিবে ”। হরিদাস কহিলেন “মহারাজ ! সমাধি-  
ধারণ আমার পক্ষে তুচ্ছ কর্ম । সুখের নিদ্রা ভিন্ন  
ইহা আর কিছুই নহে । আপনি অনুরোধ করিতেছেন,  
সেজন্য আমি প্রতিজ্ঞা করিতেছি, কল্য প্রভাতে সমাধিতে

বসিব । কিন্তু আপনার নিকট আমার ভিক্ষা এই, এবার যদি ছুষ্ঠের হস্ত হইতে আমাকে রক্ষা করিতে পারেন, তাহা হইলে ইংরাজ দিগকে যোগ দেখাইবার জন্য আর আমাকে কখনও অনুরোধ করিবেন না । আমার মনের কথা বলিতেছি আমি উহাদিগকে দুই চক্ষে দেখিতে পারি না । তাহারা কেবল আমার মৃত্যু কামনা করিতেছে । কোশলে আমার প্রাণ নষ্ট করাই তাহাদিগের আন্তরিক ইচ্ছা ।” মহারাজ অস্বরন্ নাহেবের নিকট লোক পাঠাইলেন । কিন্তু তিনি কিছু বিরক্ত হইয়া গিয়াছেন ; এজন্য আর কোতুক দেখিতে চাহিলেন না । সুতরাং হরিদাসেরও আর পরীক্ষা গ্রহণ করা হইল না ।

অনেকে এবারে হরিদাসকে সমাধির পূর্বে কিছু বিষণ্ণ ও দুই একটা আপত্তি তুলিতে দেখিয়া তাহাকে ভণ্ড ও প্রতারণক মনে করিয়া ছিলেন । কিন্তু বাস্তবিক তিনি ভণ্ড ও প্রতারণক নহেন । যখন তিনি বারম্বার সমাধি-ধারণ করিয়া ছিলেন, তখন তিনি যে এবারে সমাধি-ধারণ করিতে কিঞ্চিৎ অনিচ্ছুক হইলেন, তদ্বিষয়ে একটা নিগূঢ় কারণ ছিল ; এবং ধ্যানসিংহ ভিন্ন লাহোরে আর কোন ব্যক্তি সেই কারণটী কি, তাহা জানিত না । তিনিই সেই দিনের সেই কাণ্ড ঘটাইবার মূল । ধ্যানসিংহ মনে মনে সিদ্ধান্ত করিয়া রাখিয়া ছিলেন যে, ইংরাজেরা কাহারও সহিত প্রকৃত বন্ধুত্ব রাখিতে পারিবেন না । এজন্য ইংরাজেরা সন্ধির প্রস্তাব করিলে মন্ত্রী ধ্যানসিংহ মঙ্গলা দিয়া মহারাজের অসম্মতি জ্ঞাপাইয়া দিতেন । না সূজা বহুকাল হইতে রাজ্যভ্রষ্ট

হইয়া ছিলেন। তাঁহাকে পুনর্বার সিংহাসনে বসাইবার জন্য ইংরাজেরা রণজিতের সহিত মিত্রতা করিতে আসিয়া ছিলেন। ধ্যানসিংহ গোপনে মহারাজের মন ভাঙ্গিয়া দিলেন; এবং হরিদাসকেও এই বলিয়া বুঝাইয়া ছিলেন যে, ইংরাজেরা পঞ্চাব জয় করিবার জন্য অত্যন্ত ব্যগ্র হইয়াছে। কিন্তু আপনি জীবিত থাকিতে মহারাজের কোন অমঙ্গল ঘটবে না। তাই ছুঁটেরা কৌশলক্রমে আপনার প্রাণবধ করিবার চেষ্টা করিতেছে। হরিদাসের মনে এই বিশ্বাসটী বদ্ধমূল হইয়া গিয়াছিল। যথার্থই যদি ইংরাজ দিগের হুরভিসন্ধি থাকে, তাহা হইলে যোগে বসিলেই প্রাণ যাইবে; না বসিলেও মান থাকিবে না। প্রাণ দিয়া মান রাখি, কিম্বা মান হারাইয়া প্রাণ বাঁচাই, এইরূপ উভয় সঙ্কটে পড়িয়া হরিদাস কিছু ভীত ও বিবগ্ন হইয়াছিলেন। অবশেষে তিনি ভাবিলেন, প্রাণের ভয়ে মান দিয়া কলঙ্ক কিনিব কেন! প্রাণ যায় যাউক। এই বলিয়া তিনি সমাধিস্থ হইতে অগত্যা সম্মত হইয়া ছিলেন। কিন্তু অস্বয়ন্ সাহেব আর কোতুক দেখিতে চাহিলেন না।

মহারাজ রণজিৎ সিংহ হরিদাসের অলৌকিক ক্ষমতার পরিচয় পাইয়া তাঁহাকে দেবতার স্থায় ভক্তি করিতেন। মহারাজ পূর্বেই তাঁহাকে বলিয়া ছিলেন “চল্লিশ দিন আপনাকে স্তম্ভিকার ভিতর পুতিয়া রাখিব। তাহার পর তুলিলে যদি আপনি জীবিত থাকেন, আমি প্রতিজ্ঞা করিয়া বলিতেছি, মপরিবারে আপনার শিষ্য হইয়া থাকিব; এবং চির কালের জন্য আপনি লাহোরে থাকিবেন।” সাধু কি করিতেছেন,

কি খাইতেছেন, কেমন আছেন, ইত্যাদি কুশল সংবাদ লইবার জন্য মহারাজ প্রত্যহই তাঁহার নিকট লোক পাঠাইতেন । এক দিন রণজিৎ সিংহ শুনিলেন, জিতেন্দ্রিয় হরিদাসের ইন্দ্রিয়-দোষ জন্মিয়াছে । রণজিৎ-মহিষী বিন্দনও সেই সময়ে তাঁহার উপর অত্যন্ত ক্রুদ্ধ হইয়া উঠিয়া ছিলেন । ক্রুদ্ধ হইবার কারণ কি, বুঝিয়া উঠা শুকঠিন । জনরব যে মহারাজের আদেশক্রমে কয়েক জন দূত আসিয়া নগ্ন্যাসীর যথেষ্ট অবমাননা করিয়া ছিল । হরিদাস ক্রোধে প্রজ্বলিত হইয়া বলিয়া ছিলেন, “তোরা পাপিষ্ঠ মহারাজকে বলিস, তাহার বংশে বাতি দিবার জন্য এক জনও বাঁচিয়া থাকিবে না । পাপীয়সী চাঁদরাণীকেও ভিখারিণীর আয় পথে পথে ফিরিতে হইবে । তাহারা আমার সাধন ও সদভিপ্রায় না বুঝিয়া যেমন দুষ্কর্ম করিল, বিধাতা ইহার উচিত দণ্ড অবশ্যই দিবেন ” । পরদিন প্রাতঃকালে শুনিতে পাওয়া গেল, হরিদাস শিষ্য-গণ লইয়া নিরুদ্দেশ হইয়াছেন । একটা ক্ষত্রিয়া রমণী তাঁহার নিকট যাতায়ত করিত ; তাহাকেও পাওয়া যাইতেছে না । ইহা শুনিয়া রণজিৎ সিংহ ভাবিলেন, নৈসর্গিক বিড়ম্বনা অতিক্রম করা সহজ কর্ম নহে । তখন হরিদাসের উপর তাঁহার কিছু অশ্রদ্ধা ও ক্রোধ জন্মিয়া গেল । তৎপরে হরিদাস কোথায় চলিয়া গেলেন, কিছুই স্থির হইল না । কয়েক বৎসর পরে রামতীর্থ নামক হরিদাসের জনৈক শিষ্য আসিয়া মহারাজকে হরিদাসের মৃত্যু সংবাদ দিল । হরিদাসের মৃত্যুঘটনা বড় আশ্চর্য্য । এক দিন তিনি শিষ্য দিগকে ডাকিয়া বলিলেন, “বৎসগণ, আমার জীবনকাল পূর্ণ হইয়াছে । আমি

## হিন্দুজাতির যোগবল ও হরিদাস যোগী। ৫৯

অন্য সমাধিতে দেহত্যাগ করিব। তোমরা সকলে নিকটে এস। শিষ্যেরা দুঃখে কাঁদিতে লাগিল। হরিদাসও একটা নির্বরের ধারে যোগ-শয্যায় শয়ন করিয়া মহানিদ্রা প্রাপ্ত হইলেন। নির্বরের কল কল ধ্বনিতে তাঁহার আর নিদ্রা ভাঙ্গিল না। এরূপ অদ্ভুত মৃত্যুর কথা অনেকে বিশ্বাস না করিতে পারেন। কিন্তু তাঁহার শান্তিপুরের বিশ্বনাথ কেপাকে জানেন, তাঁহার কখনই হরিদাসের মৃত্যু ঘটনা অদ্ভুত বলিয়া অবিশ্বাস করিবেন না। শান্তিপুরে এই ব্যক্তিকে লোকে “বিশে পাগলা” বলিত। বিশ্বনাথের জীবনে অনেক আশ্চর্য গল্প শুনিতে পাওয়া যায়। মৃত্যুকালে সে পাড়ার ভদ্রলোক দিগকে ডাকিয়া বলিল “ওরে! বিশে আজ মরবে, তোরা দেখবি আর’। এই বলিয়া বিশ্বনাথ জাহ্নবীতীরে শয়ন করিয়া সূর্যের দিকে চাহিয়া রহিল; এবং দেখিতে দেখিতে তাহার প্রাণ-বায়ু উড়িয়া গেল। প্রায় ২০২৫ বৎসর হইল, তাহার মৃত্যু হইয়াছে। যে সকল নভ্রাস্ত্র লোক তাহাকে দেখিয়াছিলেন, তাঁহাদিগের মধ্যে অনেকে আজিও জীবিত আছেন। হিন্দুজাতির যোগ-শাস্ত্র ও যোগ-বল ধন্য! যাহা শুনিতে অন্তরাত্মা শুকাইয়া যায় ও সর্বশরীর লোমাক্ত হইয়া উঠে, তাহাও যোগবলে সাধিত হইয়া থাকে।

---

## জাহাঙ্গীর বাদশাহের দরবার

ও

### স্মার টমাস রোর দৌত্য ।

কালের গতি কুটিল, এবং দৈবের গতিও হুনিরীক্ষ্য । বে  
ইংরাজ যৎসামান্য পণ্যদ্রব্য লইয়া বাণিজ্য করিবার অভিপ্রায়ে  
সামান্য বণিক্ বশে ভারতবর্ষে পদার্পণ করিয়া ছিলেন, তাঁহারা  
আজ সমগ্র ভারতভূমির একমাত্র অধীশ্বর । কেশরি-চিহ্নিত  
ব্রিটিশ-পতাকা আজ ভারত ক্ষেত্রে উড্ডীন হইয়া বিজয়ী  
ইংরাজের বিজয় ঘোষণা করিতেছে । উত্তরে হিমাদ্রি  
হইতে দক্ষিণে কন্যা-কুমারিকা, এবং পূর্বে ব্রহ্ম হইতে  
পশ্চিমে সিন্ধুদেশ পর্য্যন্ত সমস্ত ভারতভূমি আজ ব্রিটিশ  
সিংহের বিজয়-লঙ্ক সম্পত্তি ; বীর-কেশরী রণজিৎ সিংহের  
ভবিষ্যৎ-বাণী আজ অসম্ভব সত্য ঘণ্টনায় পরিণত । অতুল  
সাহস, অক্লিষ্ট পরিশ্রম, অনন্ত অধ্যবসায়, অক্ষয় উৎসাহ-শক্তি  
ও অল্পত বুদ্ধিকৌশল ইংরাজের নিত্য সহচর বলিয়া ভাগ্য-  
লক্ষী তাঁহাদিগের প্রতি প্রসন্ন হইয়াছেন । কর্তব্য-নিষ্ঠা ও  
স্বদেশ-হিতৈষিতা তাঁহাদিগের বলবতী, এবং স্বজাতির শ্রীবৃদ্ধি-  
সাধনোদ্দেশে দুস্তর জলধি অতিক্রম করিয়া দূরদেশকেও  
তাঁহারা স্বদেশ বলিয়া মনে করেন, ভাগ্য-লক্ষী তাঁহাদের  
প্রতি প্রসন্ন না হইবেন কেন ! স্মরাটই ইংরাজদিগের  
সৌভাগ্য-সূর্যের উদয়-গিরি । ঘটনা-চক্রে নিষ্পেষিত হইয়া  
তাঁহারা এই স্থলেই সাহস, উদ্যম, কষ্টসহিষ্ণুতা ও বাণিজ্য-  
বুদ্ধির পরাকাষ্ঠা দেখাইয়া ছিলেন । অদৃষ্টের পরিবর্তনে এই

স্থানেই কখনও বা তাঁহারা অপার আনন্দ-নীরে ভাসমান হইয়া ছিলেন, কখনও বা অনন্ত দুঃখ-সমুদ্রে নিমগ্ন হইয়া ছিলেন । যে উচ্চমশীলতা ও দুঃখসহিষ্ণুতা ইংরাজদিগের প্রত্যেক রক্তকণিকার সহিত সংমিশ্রিত, সেই উচ্চম ও সহিষ্ণুতা বটেই তাঁহারা সমগ্র ভারতভূমির একমাত্র অধীশ্বর হইয়া আধিপত্য করিতেছেন ।

ইষ্ট ইণ্ডিয়া কোম্পানি নামক এক দল সম্রাট ইংরাজ বণিক ভারতবর্ষে বাণিজ্য করিবার জন্য ইংলণ্ডের মহারাণী এলিজাবেথের নিকট হইতে আজ্ঞা প্রাপ্ত হইয়া ১৬৯৯ খৃষ্টাব্দে এদেশে বাণিজ্য করিতে আইসেন । ভাণ্ডী নদীর মোহনার নিকট সুরাট নামক একটা প্রধান নগর ছিল । তাঁহারা কয়েক খানি জাহাজ ও কিছু পণ্যদ্রব্য লইয়া আসিয়া প্রথমতঃ ঐ স্থানেই আপনাদিগের কুঠি নির্মাণ করেন । জলপথে বাণিজ্য-দ্রব্য আমদানি রপ্তানী করিবার সুবিধা দেখিয়া তাঁহারা সুরাট নগরই মনোনীত করিয়া ছিলেন । বিশেষতঃ তৎকালে দিল্লী, আগরা ও আজমীর এই তিনটা মহানগরী মোগল সম্রাট দিগের বিলাস-ভূমি ছিল । যাহা কিছু উৎকৃষ্ট সামগ্রী ভারতবর্ষ হইতে উৎপন্ন হইত তাহা মোগল দিগের সম্রাটের জন্য দিল্লী, আগরা ও আজমীরে গিয়া বহুলো বিক্রীত হইত । সুরাটে ইংরাজদিগের কুঠি স্থাপন করিবার আর একটা উদ্দেশ্য এই যে, তাঁহারা অল্পায়াসেই তথা হইতে রাজধানীতে পণ্যদ্রব্যাদি চালান দিতে পারিবেন । কারণ, সুরাট হইতে দুইটা প্রশস্ত রাজপথ বাহির হইয়া, একটা দিল্লী ও আগরা এবং অন্যটা আজমীর পর্যন্ত বিস্তৃত ছিল । সাত আট বৎসর অতীত হইতে না হইতেই বাণিজ্য-লক্ষী

ইংরাজ দিগের প্রতি প্রসন্ন হইতে লাগিলেন । ইংরাজেরা বিলাত হইতে এদেশে ছুরি, কাঁচি, তরবারি, ও নানাবিধ ছিট বস্ত্র প্রভৃতি সামগ্রী গুলি আমদানী করিয়া তৎপারবর্ত্তে এদেশ হইতে বিলাতে তুলা, রেশম, মসলা ও মহামূল্য মুক্তারাদি রপ্তানী করিয়া লড প্রভৃতি সম্ভ্রান্ত সম্প্রদায় দিগের নিকট তাহা-দিগকে দ্বিগুণ মূল্যে বিক্রয় করিতেন ।

কিন্তু অধিক দিন তাঁহারা শান্তিসহকারে বাণিজ্য করিতে পান নাই । তৎকালে সুরাট মোগল বাদসাহের অধিকার-ভুক্ত ছিল । ইংরাজদিগের বাণিজ্যে শ্রীবৃদ্ধি দেখিয়া মোগল-কর্মচারিগণ তাঁহাদিগের প্রতি বিদ্বেষ প্রকাশ ও নানাবিধ অত্যাচার করিতে আরম্ভ করিল । যে সকল পণ্যদ্রব্য আমাদানি রপ্তানি হইত, তাহাদিগের উপর এত অধিক পরিমাণে মাণ্ডল নির্দ্ধারিত হইত যে, ইংরাজেরা তাহা সহজে দিতে পারিতেন না । কখন কখন বিনা কারণে জরিমানা আদায় করিয়া লওয়া হইত । তৎকালে যিনি সুরাটে মোগল দিগের সর্বপ্রধান কর্মচারী ছিলেন, তিনিও কখন কখন ইংরাজ দিগের উৎকৃষ্ট বাণিজ্য-দ্রব্য গুলি মূল্য না দিয়া বলপূর্ব্বক গ্রহণ করিতেন । তৎকালে কোন ইংরাজ এদেশে প্রাণত্যাগ করিলে, তাঁহার সমস্ত সম্পত্তি মোগল কর্মচারিগণের হস্তগত হইত ; এবং যদি কোন জাহাজ সুরাট বন্দরের অদূরে জলমগ্ন হইত, তাহা হইলে তাহাও তাঁহাদিগের অধিকার-ভুক্ত হইত । সুতরাং এইরূপ অত্যাচারে প্রপীড়িত হইয়া ইংরাজ-বণিক দিগকে অত্যন্ত কষ্ট পাইতে হইত । এরূপ উপদ্রবের কথা লিখিয়া ইষ্ট ইণ্ডিয়া কোম্পানির ডিরেক্টরেরা মোগল রাজপুরুষ দিগকে অনেক আবেদন পত্র পাঠাইয়া



ছিলেন; কিন্তু সকলই বিকল হইয়া ছিল। তখন মোগল-সম্রাট-শিরোভূষণ মহাত্মা আকবরের পুত্র জাহাঙ্গীর বাদশাহ ভারতবর্ষে রাজত্ব করিতে ছিলেন। ইষ্ট ইণ্ডিয়া কোম্পানির অধ্যক্ষগণ উপায়ান্তর না দেখিয়া স্মার টমাস্ রো নামক জনৈক সম্ভ্রান্ত ইংরাজ পুরুষকে তাঁহার নিকট এক খানি আবেদন পত্র দিয়া দৌত্য কার্যে নিযুক্ত করিয়া পাঠাইলেন।

স্মার টমাস্ রো ১৫৬৮ খৃষ্টাব্দে ইংলণ্ডের অন্তঃপাতী এনেস্‌মায়ারে লোলেটম্ নগরে জন্ম গ্রহণ করেন। সুবিখ্যাত অক্সফোর্ড বিশ্ব-বিদ্যালয়ের অন্তর্ভুক্ত ম্যাগডেলেন কলেজে তাঁহার বিদ্যা-শিক্ষা হইয়াছিল। তিনি বহুবিধ গুণে ভূষিত ছিলেন। মহারাণী এলিজাবেথের রাজত্ব কালে জন্মিয়া লণ্ডন নগরের বিভিন্ন প্রধান প্রধান সম্প্রদায়ে গভীরত করিলে মনুষ্যের বৈশিষ্ট্য-গুণ-সম্বিত হওয়া সম্ভব ছিল, রো সাহেবও ঠিক সেই রূপ সর্ব-গুণ-বিশিষ্ট ছিলেন। তিনি সূচত্বর, শ্রমশীল, অধ্যবসায়-সম্পন্ন, স্বদেশ-হিতৈষী ও রাজনীতিজ্ঞ পুরুষ ছিলেন। তাঁহার প্রকৃতি অতি মধুর ও বাগ্মিতা-শক্তি বড় বলবতী ছিল; এবং যুক্তি-গর্ভ বচন-পরি-পাটি দ্বারা তিনি শীঘ্র সকলের মনোরঞ্জন করিতে পারিতেন। যিনি স্বদেশের হিত-সাধনে বিপুল বিপ্ল বিপত্তি অতিক্রম করিয়া কমতাশালী ও যথেষ্টাচারী জাহাঙ্গীরের রাজসভায় আসিয়া তাঁহার যথেষ্ট অনুগ্রহ ভাজন হইয়া গিয়াছিলেন, তিনি কখনই এক জন সামান্য লোক নহেন। বলিতে কি, তাঁহার স্মরণে আগমনই ইংরাজ দিগের এদেশে অভ্যুদয়ের মূলসূত্র। রোর পূর্বে হকিন্স নামক জনৈক সাহেব বাণিজ্য কার্যে সুবিধা করিবার জন্য প্রথম জেমসের স্বাক্ষরিত অনুরোধ পত্র লইয়া

জাহাজীরের রাজসভায় উপস্থিত হইয়া ছিলেন । কিন্তু তিনি মোগল কর্মচারী দিগের বিদ্রোহ ও শত্রুতা ভাজন হইয়া অভিপ্রেত সাধনে বিফল-প্রযত্ন হইয়া স্বদেশে প্রত্যাগমন করিতে বাধ্য হইয়া ছিলেন । এজন্য ইংলণ্ডবিপতি রো সাহেবকে সর্ব-গুণ-বিশিষ্ট দেখিয়া তাহাকেই দৌত্য কার্যে মনোনীত ও নিযুক্ত করিয়া পাঠাইলেন । ১৬১৫ খৃষ্টাব্দের ৯ই মার্চ তারিখে “লায়ন” নামক এক খানি বৃহৎ অর্ণবয়ান আরোহণ করিয়া রো সাহেব কয়েক জন ইংরাজ সঙ্গে লইয়া ইংলণ্ডের তটভূমি পরিত্যাগ করেন । তৎকালে ইংলণ্ড হইতে এ দেশে আসিতে হইলে আফ্রিকার দক্ষিণবর্তী উত্তমাশা অন্তরীপ অতিক্রম করিয়া আসিতে হইত । তাহাতে বহু কষ্ট পাইতে হইত ; এবং পৌঁছিতে প্রায় ছয় মাস কাল লাগিত । ২৪ শে আগষ্ট তারিখে “লায়ন” নকোট্রা দ্বীপে উপস্থিত হইলে রাজদূত রো সাহেব তথায় সপ্তাহ কাল বিশ্রাম করিলেন । তৎপরে জাহাজ নকোট্রা পরিত্যাগ করিয়া সুরাট বন্দর অভিমুখে যাইতে লাগিল । মানাধিক অতীত হইলে পর সেপ্টেম্বর মাসে জাহাজ বন্দরে গিয়া উপস্থিত হইল । সুরাট নগরীও রাজদূতের সম্বন্ধনার জন্য উৎসবময়ী হইয়া উঠিল । রাজদূতের উপযোগী বেশ ভূষায় ভূষিত হইয়া রো সাহেব সুরাটে অবতীর্ণ হইলেন । তৎকালে যে সকল জাহাজে ইংরাজ দিগের পণ্যদ্রব্য আসিত, তাহার বিচিত্র পতাকা ও বিবিধ মনোহর পুষ্পমালায় সুসজ্জিত হইয়া নদীর বক্ষে ভাসমান হইতে লাগিল । এক শত ইংরাজ নাবিক তাহাকে সসম্মানে জাহাজ হইতে নামাইয়া নগর মধ্যে লইয়া গেল । তখন তাহার বয়স্ক্রম ৬৮ বৎসর । নাবিকেরাও তাহার

বয়ঃক্রম অনুসারে ৪৮টা তোপধ্বনি করিয়া তাঁহার সম্মান রক্ষা করিল। কি শুভক্ষণেই স্মার্ট টমাস্ রো ভারতবর্ষে পদার্পণ করিয়া ছিলেন। অধিক কি, তিনিই এদেশে ইংরাজ জাতির সৌভাগ্য-সঞ্চয়ের প্রধান হেতু।

উচ্চপদস্থ মোগল কর্মচারিগণ সুরাতে ইংরাজদিগের নিকট রো সাহেবের পরিচয় পাইয়া তাঁহার যথেষ্ট সম্মাননা করিলেন। কিন্তু এই রূপে সম্মানিত হইলেও তিনি একটা বিষয়ে অত্যন্ত মনঃপীড়া পাইয়া ছিলেন। তৎকালে এদেশে যে সকল বৈদেশিক জাতি যাহা কিছু আনিয়া নামাইতেন, তাহা মোগল সম্রাটের ক্ষমতা-প্রাপ্ত কর্মচারিগণ সন্দেহ করিয়া খুলিয়া দেখিতেন। তদনুসারে আগন্তুক রো সাহেব ও তদীয় অনুচর বর্গের দ্রব্য-সামগ্রী একটা একটা করিয়া খুলিয়া দেখা হইল। সম্রাট জাহাঙ্গীরের জন্য বিলাত হইতে যে সকল উপহার সামগ্রী আনা হইয়া ছিল, তাহাও তাঁহার খুলিয়া দেখিতে কুণ্ঠিত হইলেন না। রো সাহেব অনেক আপত্তি প্রকাশ করিলেন, কিন্তু তাহা গ্রাহ্য হইল না। তখন তিনি আপনাকে নিরুপায় দেখিয়া তাঁহার দ্রব্য সামগ্রী খুলিয়া দেখাইলেন। সুরাতে প্রথম পদার্পণ করিবার দিন রো বড় কষ্টে পড়িয়া ছিলেন। সুরাতে জনৈক আর্মিনিয়াবাসীর এক খানি মদের দোকান ছিল। রোর এক জন রক্ষনকারী ইংরাজ ভৃত্য সুরাতে নামিয়াই মদের চেষ্টায় বাহির হইল। পথিমধ্যে ঐ দোকান খানি দেখিতে পাইয়া প্রচুর পরিমাণে মদ্যপান করিয়া চতুর্দিকে অত্যাচার করিয়া বেড়াইতে লাগিল। ঘটনাক্রমে সুরাটের নবাবের ভ্রাতা, অশ্বারোহণ করিয়া নগর পর্য্যবেক্ষণ

করিতে ছিলেন । তাঁহাকে দেখিতে পাইয়া এ ব্যক্তি তরবারি বাহির করিয়া কহিল “আয়, কুবুর ! চলিলা আয়” ; এই বলিয়া সে ইংরাজীতে বারম্বার গালাগালি দিতে লাগিল । নবাবের ভ্রাতা ইংরাজী বুঝিতেন না । এজন্য তিনি কিয়ৎক্ষণ অবাক হইয়া রহিলেন । কিন্তু পাচক সাহেব মদে মত্ত হইয়া জ্ঞানশূন্য হওয়াতে সতেজে তাঁহাকে একটি চপেটাঘাত করিলেন । তখন তাঁহার নিকটবর্তী অহুচরেরা সাহেবকে ধরিয়া লইয়া গিয়া বন্ধনালয়ে আবদ্ধ করিয়া রাখিলেন । সে সাহেব নিজ পাচকের এই রূপ অন্যায় আচরণ দেখিয়া নবাবের ভ্রাতাকে এই মর্মে পত্র লিখিলেন যে, “আপনি এই দুষ্টকে ইচ্ছামত শাস্তি প্রদান করুন ।” কিন্তু তাহাকে আর কিছু অধিক দণ্ড না দিয়া তিনি সে সাহেবের নিকট তাহাকে পাঠাইয়া দিলেন ।

রোর অবস্থিতির জন্ত সুরাতে যথেষ্ট আয়োজন করা হইল ; এবং তিনিও তথায় এক মাস কাল অতিবাহিত করিলেন । জাহাঙ্গীর এই সময়ে বায়ু পরিবর্তনের জন্ত আজমীরে অবস্থান করিতে ছিলেন ; সুতরাং রাজধানী আগরা হইতে আজমীরে উঠিয়া আনিয়া ছিল । বর্তমান সময়ের ন্যায় তৎকালে এদেশে রেলওয়ে ছিল না । সুতরাং দূরপথ যাইতে হইলে কষ্টের একশেষ হইত । অতাস্ত কষ্ট করিয়া আগরায় না গিয়া নিকটে আজমীরে গেলেই বাদশাহের সহিত সাক্ষাৎ হইবে, এই ভাবিয়া রাজদূত যৎপরোনাস্তি আক্লাদিত হইলেন । তিনি বাদশাহের জন্ত যে সকল উপচৌকন সামগ্রী আনিয়া ছিলেন, তাহা দেখিয়া সুরাটের মোগল কর্মচারিগণ অত্যন্ত আনন্দিত হইয়া ছিলেন । তাঁহারা

রাজদূত ও তাঁহার উপহার সামগ্রী গুলি নিরাপদে আজমীরে পৌছাইয়া দিবার জন্য সাহায্য দানে প্রতিশ্রুত হইয়া ছিলেন । তিনিও তাঁহাদিগের আশ্বাসে আশ্বস্ত হইয়া সুরাতে আরও কয়েক দিন অপেক্ষা করিতে লাগিলেন । কিন্তু তাঁহার আজমীর যাত্রার তখনও কোন বিশেষ বন্দোবস্ত না দেখিয়া তিনি তাঁহাদিগকে পুনঃ পুনঃ উদ্যুক্ত করিতে লাগিলেন । অবশেষে গমনোপযোগী নমস্ত আয়োজন করিয়া দেওয়া হইলে তিনিও নবাব নন্দর্শনে সুরাট পরিত্যাগ করিলেন । কিন্তু বুরহানপুর পর্য্যন্ত তাঁহাকে গাড়ী করিয়া দেওয়া হইল । বুরহানপুরে উপস্থিত হইলে তিনি অনায়াসে আজমীর যাইতে পারিবেন, তাঁহাকে এইরূপ বুঝাইয়া দেওয়া হইয়া ছিল । কিন্তু বুরহানপুরে যাইতে তাঁহার পনের দিন লাগিয়াছিল ; এবং এই পনের দিন তাঁহাকে বিশেষ কষ্ট পাইতে হইয়াছিল । মধ্যে এমন এক খানি বাড়ী পান নাই যে, তাহাতে তিনি এক দিনের জন্যে স্থির হইয়া বাস করেন । পথ-মধ্যে চিতোরের রাণাদিগের পার্শ্বতীয় রাজপুত প্রজাগণ পথিক দিগের সর্বস্ব কাড়িয়া লইয়া তাহাদিগের প্রাণ বধ করিত । এজন্য তিনি সুরাট হইতেই কয়েক জন অশ্বারোহী মোগল সৈন্য লইয়া গিয়া ছিলেন । অশেষ ক্লেশ পাইয়া অবশেষে তিনি বুরহানপুরে আসিয়া উপস্থিত হইলেন । এই নগর সুরাটের ১২৫ কোশ পূর্বে অবস্থিত । তথায় আহাঙ্গীরের দ্বিতীয় পুত্র কুমার পারবেজ একটা সেনানিবেশের অধিনায়ক হইয়া দাক্ষিণাত্যে অবস্থান করিতে ছিলেন । সেনাপতি খাঁ খানানও তৎকালে তাঁহার সহিত বাস করিতে

ছিলেন। পাছে মালিক আশ্বর সম্রাটের বিদ্রোহী হইয়া দাক্ষিণাত্যে একটি স্বাধীন রাজ্য সংস্থাপন করেন, এই জন্তই তাঁহার। বুরহানপুরে শিবির সন্নিবেশ করিয়া ছিলেন। রো সাহেব সম্রাটের সহিত দেখা করিতে বাহির হইয়া পশ্চিমধ্যে আর একটি সুবিধা দেখিতে পাইলেন। তিনি দেখিলেন মোগল রাজ্যে শীঘ্রই যুদ্ধ বাধিবে, এবং মোগল সৈন্য দিগের মধ্যে বিলাতি তরবারির অত্যন্ত আদর ও ব্যবহার হইয়াছে। সুতরাং বুরহানপুরে তরবারির একটি কুঠি খুলিলে ইংরাজ-দিগের প্রচুর লাভ হইতে পারে, ইহা ভাবিয়া তিনি রাজ-কুমারের সহিত সাক্ষাৎ করিয়া তাঁহার সন্মতি লাভের জন্ত অত্যন্ত ব্যস্ত হইলেন।

ইংলণ্ডীয় রাজদূতের উপস্থিতি-সংবাদ কুমার বাহাদুরের কণ্ঠগোচর হইবা মাত্র একজন কোতোয়াল রোর নিকট আসিয়া সংবাদ দিল, কুমার পারবেজ আপনার সহিত সাক্ষাৎ করিবার জন্য আপনাকে তথায় লইয়া যাইতে আমাকে প্রেরণ করি-  
 রাছেন। তখন রো সাহেবও কুমারের সহিত সাক্ষাৎ করিবার সুবিধা অন্বেষণ করিতে ছিলেন। অতএব এইরূপ সুযোগ পাইয়া তিনি পরদিন প্রাতঃকালে কোতোয়ালের সহিত কুমার সমীপে যাত্রা করিলেন। কোতোয়াল ও শতাধিক মোগল অশ্বারোহী তাঁহাকে চতুর্দিকে বেষ্টিত করিয়া লইয়া গেল। কুমার বাহাদুরের সভা-প্রাক্ষণ দেখিয়া রো সাহেব অস্তিত হইয়া গেলেন। এত দিন তিনি বিলাতে বসিয়া ভারতবর্ষীয় মোগল সম্রাট দিগের অতুল ঐশ্বর্য ও আড়ম্বর সম্বন্ধে যে সকল অদ্ভুত গল্প শুনিয়া ছিলেন, আজ তাহা তিনি চক্ষের

নম্মুখে দেখিতে পাইলেন । দেখিলেন, সভাস্থলের ভিতর কুমার বাহাহর বহু-মূল্য রত্ন-বিভূষিত একখানি অভ্যুচ্চ নিঃহাসনে বসিয়া আছেন । তাঁহার চতুর্দিকে পদমৰ্যাদা অনুসারে সৰ্ব্ব প্রধান অমাত্য ও অন্যান্য সম্রাট ওমরাহগণ জাহু পাতিয়া বন্ধ-কর-পুটে উপবিষ্ট । কুমারের অদূরে সুবেশ-পরিধায়ী প্রহরিগণ নিৰ্কাশিত অসিহস্তে দণ্ডায়মান । উজ্জ্বল উজ্জ্বল মুক্তা-খচিত উজ্জ্বল চন্দ্রাতপ লক্ষ্যমান হইতেছে । অধো-ভাগে স্বর্ণ, রৌপ্য ও হীরক বিরাজিত আস্তরণ গৃহতলের শোভা সম্বৰ্দ্ধন করিতেছে । নম্মুখে রাজকুমারগণ হীরকাদি মণি মালার সুসজ্জীভূত হইয়া পিতার রাজকার্য্য পরিদর্শন করিতেছেন । বাস্তবিক, মোগল বাদশাহদিগের বিলাস-ক্ষেত্র দিল্লী ও আগরা, অতুল ঐশ্বর্য্যে একদিন অমরাবতী হইয়া উঠিয়া ছিল । এই সমস্ত অদ্ভুত ব্যাপার দেখিয়া রাজদূত বিস্ময়াবিষ্ট হইলেন । রো সাহেব दरবারে উপস্থিত হইলে কোতয়াল তাঁহাকে প্রাচ্যপ্রথা অনুসারে ভূমিতে লুটিয়া সেলাম করিতে বলিলেন ; কিন্তু তিনি রাজদূত, ও এরূপ করা তাঁহার অনভ্যস্ত বলিয়া তাহাতে তিনি স্বীকৃত হইলেন না । অনন্তর সিংহাসনের তিন ধাপ নিম্নে থাকিয়া তিনি স্বদেশীয় পদ্ধতি ক্রমে একটু নত হইয়া কুমারের সম্মান রক্ষা করিলেন, এবং আরও বলিলেন “আপনার পিতা ভারতের সম্রাট ; আমি তাঁহার নিকট ইংলণ্ডাধিপতির প্রেরিত দূত ।” সভাসদবর্গ মনে করিয়া ছিলেন যে, কুমার তাঁহার উপর ক্রোধাধিত হইবেন । কিন্তু তিনি তাহা না হইয়া বরং তাঁহার প্রতি অত্যন্ত সন্তুষ্ট হইয়া তাঁহাকে পুনর্বার সেলাম করিলেন । পারবেজ

রাজদূতকে দেখিয়া আশ্রয় সহকারে ইংলণ্ডের রাজা জেমস্ ও তদন্ত্য অধিবাসিগণের আচার ব্যবহার সম্বন্ধে অনেক কথা জিজ্ঞাসা করিলেন । স্যার টমাস রো এপর্যন্ত বসিবার আসন পান নাই । অনেকক্ষণ দাঁড়াইয়া থাকাতে তাঁহার অত্যন্ত কষ্ট হইয়াছিল । অনন্তর আর থাকিতে না পারিয়া যখন তিনি কুমারের পার্শ্বে বসিবার ইচ্ছা প্রকাশ করিলেন, তখন কুমার তাঁহার এতাদৃশ উচ্চাভিলাষ দেখিয়া ও হস্ত সম্বরণ করিতে না পারিয়া কহিলেন, “যদি স্বয়ং পারস্যের শাহ বা তুরস্কের সুলতান এই দরবারে উপস্থিত থাকিতেন, তাহা হইলে তাঁহারাও এখানে আসিয়া বসিবার সাহস করিতে পারিতেন না” । তখন রো সাহেব নিক্রপায় হইয়া নিকটবর্তী একটি রোপ্যময় স্তম্ভের উপর ভর দিয়া বসিলেন ; এবং সম্রাট ও কুমারের জন্ত যে সকল উপহার সামগ্রী লইয়া গিয়া ছিলেন, তাহাও একে একে দেখাইতে লাগিলেন । উপহার সামগ্রীর মধ্যে কয়েক বোতল উৎকৃষ্ট বিলাতী মদ ছিল । সামগ্রী গুলি মনোনীত হইল দেখিয়া রো সাহেব নিজ অভিপ্রায় ব্যক্ত করিলেন ; এবং পারবেজও তাঁহার উপর অত্যন্ত আক্লাদিত হইয়া বুরহানপুরে ইষ্ট ইণ্ডিয়া কোম্পানিকে একটি কুঠি নির্মাণের অনুমতি দিলেন । তদনন্তর কুমার রো সাহেবকে বলিয়া দিলেন, “অন্ত সন্ধ্যার পর আপনি রাজসভায় আসিবেন । আমি আপনার সহিত ভাল করিয়া কথা বার্তা কহিব ।” তিনি সন্ধ্যার পর রাজ সভায় উপস্থিত হইলেন ; কিন্তু এক জন প্রহরী আসিয়া তাঁহাকে সংবাদ দিলেন “মহাশয়ের সহিত আজ কুমার বাহাদুরের সাক্ষাৎ হইবে না ।



আপনি প্রাতঃকালে যে কয়েক বোতল উৎকৃষ্ট মদ্য উপহার দিয়া গিয়াছিলেন, তাহাই পান করিয়া জাহাপনা অত্যন্ত বদমেজাজ্ হইয়া উঠিয়াছেন । এক্ষণে তিনি আর বাহিরে আসিবেন না ; কারণ অন্তঃপুরে থাকিয়া তিনি মদ্য পান করিতেছেন" । রো সাহেব নিরাশ হইয়া অগত্যা প্রত্যাগমন করিতে বাধ্য হইলেন ।

পূর্বোক্ত ঘটনার রাত্রিতেই তাঁহার অত্যন্ত জ্বর হওয়াতে তাহাকে দশ দিন শয্যাগত থাকিতে হইয়া ছিল। একটু সুস্থ হইলে পর তিনি আজমীরের অভিমুখে যাইতে লাগিলেন । রো সাহেবের সহিত এক জন ধর্ম্মযাজক, এক জন কার্য্যাধ্যক্ষ, এক জন চিত্রকর ও আর পনের জন ইংরাজ ভৃত্য ছিল । তিনি সহচর দিগকে সঙ্গে লইয়া পশ্চিমধো মাণ্ডব দুর্গ দেখিতে গেলেন । পূর্বের ন্যায় মাণ্ডব দুর্গের আর স্ত্রী ছিল না । রোর আসিবার পঞ্চাশ বৎসর পূর্বে আকবর তাহা ভাঙ্গিয়া সমভূমি করিয়া ফেলিয়া ছিলেন । মাণ্ডব দুর্গের দুর্গ-ফেন-নিভ নর্ম্মদা-প্রস্তরের ভগ্নাবশেষ দেখিয়া রো ও তাঁহার অনুচরবর্গ বিমোহিত হইয়া গেলেন । মাণ্ডব দুর্গ ত্যাগ করিবার বার দিন পরে তাঁহারা চিতোর নগরে গিয়া উপস্থিত হইলেন । তখন চিতোর স্ত্রীহীন হইয়া গিয়াছে । চিতোরের গৌরব-রবি অস্তমিত হইয়াছে । বীর-কেশরী প্রতাপ সিংহের অতুল প্রতাপ কাল-বশে বিলয় প্রাপ্ত হইয়া গিয়াছে ; এবং বীর-ভোগ্যা চিতোর নগরী প্রতাপ হারাইয়া পরাধীনতার লৌহ-শৃঙ্খল পরিয়া রহিয়াছে । রাজপথ লোক-শূন্য, রাজভবন পরিবার-শূন্য ও উৎসবস্থান কোলাহল-শূন্য । পূর্বে চিতোর নগরে যে

সকল কারু-কার্য-সম্পন্ন আশ্চর্য্য মন্দির ও গৃহাদি ছিল, তাহারা আজ মৃত্তিকার সহিত নমভূমি হইয়া গিয়াছে । অত্য়াপি এই চিতোরের ভগ্নাবশেষ দেখিতে পাওয়া যায় । রো ও তাঁহার অনুচরবর্গ চিতোরের ভগ্নাবস্থা দেখিয়া অিয়মাণ হইয়া গেলেন । তিনি চিতোরে গিয়া আর এক জন ইংরাজ পর্য্যটককে দেখিতে পাইলেন । ইহার নাম টম্ কোরিয়্যাট্ । ইনি অত্যন্ত মদ্য পান করিতেন । এক দিন লণ্ডনে কোন মদের দোকানে গাৰ্ক্ষ করিয়া বলিয়া ছিলেন যে, ‘ ভারতবর্ষে গিয়াই আমি মোগল নম্রাটকে দেখিব, এবং হস্তীর উপর চড়িয়া বেড়াইব । রোমে রক্তক্ষেত্রে যখন হস্তী দেখান হইত, তাহার পর হইতে আজ পর্য্যন্ত ইউরোপে কেহ কখনও হস্তীর উপর চড়ে নাই । আমিই ভারতবর্ষে গিয়া সৰ্ব্বপ্রথমে হস্তীর উপর চড়িব’ । তিনি বাস্তবিকই তাঁহার প্রতিজ্ঞা রক্ষা করিয়া ছিলেন । তিনি জেরুসালেম যাত্রা করিয়াছিলেন ; এবং তথা হইতে পদব্রজে তুরস্ক, পারস্য ও কান্দাহারের মধ্য দিয়া ভারতবর্ষে আনিয়া উপস্থিত হইয়া ছিলেন । এদেশে আনিয়াই তিনি লাহোর, দিল্লী ও আগরা পরিদর্শন করেন ; এবং শেযোজ্জ নগরে নম্রাট জাহাঙ্গীরের সহিত সাক্ষাৎ করিয়া অবশেষে একটা হস্তীর উপর চড়িয়া তাঁহার চির সাধ পূর্ণ করেন । পশ্চিমঘো লোকের সহিত বিজ্রপ পরিহাস করিয়া বিবাদ করিতেন । কিন্তু মোগল দিগের স্বশাসন ছিল বলিয়া তাঁহার কোন বিপদ ঘটে নাই । মণ্ডু নামক স্থানে স্মার্ট্ টমাস্ রো তাঁহার বিদায় গ্রহণ করিলে তিনি সুরাতে গিয়া ইংরাজ দিগের নিকট অধিক পরিমাণে মদ খাইয়া প্রাণত্যাগ করেন ।

অবশেষে রো নাহেব ২৫ শে মার্চ আজমীরে গিয়া উপস্থিত হইলেন । কিন্তু সেখানে গিয়াই বাদশাহের সহিত সাক্ষাৎ হইল না । ভ্রমণ-ক্লান্তি বশতঃ পূর্বেই বুরহানপুরে তাঁহার জ্বর হইয়া ছিল ; এবং সেই জ্বর হইতে সম্পূর্ণ আরোগ্য লাভ করিতে না করিতেই তিনি আজমীরে আসিয়া উপস্থিত হইলেন । সুতরাং এখানে আসিয়া তাঁহার আরও জ্বর বৃদ্ধি হইল । জ্বরের প্রকোপে তিনি কয়েক দিন অজ্ঞান হইয়া শয্যাগত রহিলেন । অবশেষে কিয়দিন আজমীরে বশ্রাম করিয়া সম্পূর্ণরূপ সুস্থ হইলে পর ১০ই জানুয়ারি তিনি সম্রাটের दरবারে গিয়া উপস্থিত হইলেন । বুরহানপুরে কুমার বাহাদুর পারবেজের दरবার দেখিয়া তিনি যেরূপ মুগ্ধ হইয়া ছিলেন, এবার জাহাঙ্গীর বাদশাহের दरবার দেখিয়া তদপেক্ষা অধিকতর বিস্ময়াবিষ্ট হইলেন । দেখিলেন, রজত-স্তম্ভ-বেষ্টিত সুপ্রশস্ত সভাগৃহ দীপ্তিময় হইয়া আছে । তন্মধ্যে মহামূল্য মণি-মুক্তাদি-খচিত সিংহাসন বহুমূল্য পারশ্বদেশীয় গালিচার উপর সংস্থাপিত হইয়া সভামণ্ডপ সমুজ্জ্বল করিয়া রাখিয়াছে । সম্রাট সেই কারু-কার্য-বিশিষ্ট দ্যুতিময় সিংহাসনে উপবিষ্ট রহিয়াছেন । সিংহাসনের চতুর্দিক হইতে উখিত চারিটা সুবর্ণ-দণ্ডের উপর সংস্থিষ্ট হীর-কাঁদি মণ্ডিত চন্দ্রাতপ চাক্চক্যশালী হইয়া দোহুল্যমান হইতেছে । সিংহাসনের উভয় পার্শ্বে উচ্চ বেদীর উপর রাজ-কুমার ও উচ্চপদস্থ ওমরাহগণের বিচিত্র আসন বিন্যস্ত রহিয়াছে । সম্রাটের চতুর্দিকে উন্মুক্ত কুপাণ ও শাণিত বর্ষা হস্তে রক্ষিগণ নিঃশব্দে পদ সঞ্চরণ করিতেছে । সভাগৃহের

পার্শ্বদেশেই গোসলখানা । এই স্থানে বাদসাহ সন্ধ্যার পর বন্ধ বান্ধব লইয়া আমোদ প্রমোদ করিতেন । বাঁহারা সবিশেষ আত্মীয় ও পরিচিত, তাঁহারা এই স্থানে নিমন্ত্রিত হইয়া আসিতে পারিতেন । দরবার ও গোসলখানার পশ্চাত্তাপে বাদসাহের অন্তঃপুর । বাঁহারা এই স্থানে প্রহরী থাকিত, তাহারা সকলেই নপুংসক । মুসলমান ও মোগল সম্রাটগণের রাজত্ব কালে অন্তঃপুর রক্ষণাবেক্ষণের জন্য নপুংসক প্রহরীই নিযুক্ত থাকিত । পরিচিত ও বিশ্বস্ত স্ত্রীলোক বা নপুংসক ভিত্তি অন্তঃপুরে প্রবেশ করিতে পারিত না । অন্তঃপুরের অনতিদূরেই একটা সুরম্য উদ্যান ও তাহাতে কয়েকটা মনোহর ফোয়ারা ছিল । উদ্যানের ভিতর একটা রমণীয় গৃহে বাদসাহ নিদ্রা যাইতেন । এই গৃহের পূর্বদিকে একটা বাতায়ন ছিল । আকবর বাদসাহ প্রত্যহ প্রত্যুষে ইহার নিকট বসিয়া সূর্য্যদেবের উদয় প্রতীক্ষা করিতেন । তিনি সূর্য্যোপাসক ছিলেন ; এজন্য প্রাতঃকালে শয্যা হইতে গাত্রোথান করিয়া এই স্থানে বসিয়াই সূর্য্যের উপাসনা করিতেন ।

জাহাঙ্গীর প্রত্যহ প্রাতঃকালে বাতায়নের নিকট গিয়া দরবার করিতে বসিতেন । শত শত আবেদনকারী দূরদেশ হইতে আসিয়া শত শত আবেদন পত্র লইয়া দাঁড়াইয়া রহিয়াছে । সম্রাট প্রধান মন্ত্রীর সহিত মন্ত্রণা করিয়া তৎসমুদায়ের যথাযথ বিচার করিতেন । বেলা ৯।১০ টার সময় তিনি অন্তঃপুরে গিয়া স্নান ও আহার করিয়া নিদ্রা যাইতেন । এই প্রহর উপস্থিত হইলে পুনর্বার বাতায়নের নিকট আসিয়া সিংহ ব্যাঘ্রের যুদ্ধ, মনুষ্যদিগের মল্লযুদ্ধ প্রভৃতি

কৌতুক দর্শন করিতেন । ৩ঃ টার সময় দরবার গৃহে গিয়া রাজকার্য দেখিতেন । তাঁহার আনন ভূতল হইতে কয়েকটি অধিরোহিণীর উপর সংস্থিত ছিল । তাঁহার ওমরাহগণ সর্বনিম্ন হইতে তিনটি অধিরোহিণীর উপর নিজ নিজ আসনে উপবিষ্ট থাকিতেন । পদমর্যাদা অনুসারে তাঁহারা তিন শ্রেণীতে বিভক্ত হইতেন । দরবারের বাহিরে সাধারণ লোকে বিচার কার্য দেখিবার জন্য দাঁড়াইয়া থাকিত ।

তুই জন সম্রাট নপুংসক আসিয়া রাজদূত রো সাহেবকে পূর্বোক্ত দরবারে লইয়া গেল । রো সাহেব কহেন “সম্রাটের দরবারে গিয়া আমার মনে হইল, যেন আমি লণ্ডন নগরের কোন নাট্যশালায় বসিয়া আছি ; এবং কোন রাজার সমক্ষে নাটকাদি অভিনীত হইতেছে ”। আকবর সাহ নিয়ম করিয়া ছিলেন যে, যে কেহ হউক না কেন মোগল দরবারে বাদশাহের নিকট আনিতে হইলে ভূমির দিকে মস্তক অবনত করিয়া আনিতে হইবে । রো সাহেব প্রতীচ্যদেশীয় লোক ; সুতরাং তিনি এরূপ রীতি রক্ষা করিতে কিঞ্চিৎ অনিচ্ছা প্রকাশ করিলেন । তিনি বলিলেন “আমি আমার স্বদেশীয় সম্রাটের প্রতি যেরূপ ভক্তি ও সম্মান প্রকাশ করি, ভারত সম্রাটের প্রতিও ঠিক সেইরূপ করি ।” তিনি সম্রাটের আজ্ঞানুসারে নিম্ন হইতে তিনটি অধিরোহিণীতে ক্রমশঃ আরোহণ করিতে লাগিলেন । কিন্তু প্রত্যেকটিতে আরোহণ করিবার সময় তাঁহাকে এক এক বার মস্তক নত করিয়া সেলাম করিতে হইয়া ছিল । অবশেষে তিনি সর্বোচ্চ স্থানে উঠিয়া দেখিলেন যে রাজা, আমির ও অন্যান্য প্রধান প্রধান রাজমন্ত্রীদিগের

নিকট তাঁহার আসন নির্দিষ্ট রহিয়াছে । জাহাঙ্গীর তাঁহার যথেষ্ট সম্মাননা করিয়া কহিলেন “আপনাদের দেশের রাজা আমার ভ্রাতার স্বরূপ” । রাজা জেমস্ যে পত্র খানি দূতের দ্বারা জাহাঙ্গীরকে পাঠাইয়া ছিলেন, তাহা তিনি আশ্রয় সহকারে দেখিতে লাগিলেন । রো সাহেব বিলাত হইতে বাদসাহের জন্য যে সকল উপহার সামগ্রী আনিয়া ছিলেন, তন্মধ্যে দেড় হাজার টাকা মূল্যের এক খানি গাড়ী, কয়েক খানি ছুরি, কাঁচি ও তরবারি, গুটিকয়েক বাস, কয়েক বোতল উৎকৃষ্ট বিলাতি ও ফরাসী মদ্য, কয়েক খানি বহুমূল্য তৈলচিত্র ও আর একটা পিয়ানো নামক বাণ্যযন্ত্রই প্রধান । ছবি গুলির মধ্যে একখানি স্বয়ং ইংলণ্ডাধিপতি জেমস্ ও আর একখানি তাঁহার সহধর্মিণীর প্রতিকৃতি ; এবং অন্যান্য গুলি ইংলণ্ডের প্রধান প্রধান রূপবতী ভদ্রমহিলা দিগের চিত্রিত মূর্তি ।

গাড়ী খানি অত্যন্ত বড় বলিয়া দরবারে না আনিয়া বাহিরেই রাখিয়া দেওয়া হইল । জাহাঙ্গীর বাণ্যযন্ত্রটা লইয়া বাজাইতে লাগিলেন । কিন্তু এইরূপ যন্ত্র তিনি বাজাইতে জানিতেন না বলিয়া ইহা তাঁহার অশ্রাব্য বোধ হইল না । তখন রো সাহেবের জনৈক সহচর যন্ত্রটা এরূপে বাজাইতে লাগিলেন যে, বাদসাহ তাহা শুনিয়া অত্যন্ত সন্তুষ্ট হইলেন । তিনি গাড়ী খানি বাহিরে স্বয়ং দেখিতে না গিয়া জনৈক কর্মচারীকে তাহা দেখিতে পাঠাইয়া দিলেন । তিনিও তাহা দেখিয়া আনিয়া সম্রাটকে তাহার আকৃতি বুঝাইয়া দিলেন । দরবার ভাঙ্গিয়া গেলে স্বয়ং সম্রাট ইহা দেখিতে বাহিরে গেলেন । ইহা দেখিয়া তিনি অত্যন্ত আশ্চর্য হইয়া ও তাহার ভিতর

প্রবেশ করিয়া কয়েক জন ভৃত্যকে টানিতে অনুমতি দিলেন । সেই দিন তিনি সন্ধ্যাকালে কয়েক জন স্বীয় প্রধান কর্মচারীকে নিমন্ত্রণ করেন । রাত্রি ১০টা বাজিলে তাঁহার ইচ্ছা হইল যে তিনি রাজা জেম্‌সের প্রদত্ত পরিচ্ছদ ও তরবারি লইয়া একবার আপনাকে সুসজ্জিত করিবেন । তখন রো সাহেব নিজ-গৃহে নিদ্রা যাইতে ছিলেন । হঠাৎ সম্রাট-প্রেরিত লোক আসিয়াছে শুনিয়া তিনিও তাহার সহিত সাক্ষাৎ করিয়া জানিলেন যে সম্রাট তাঁহাকে ডাকিয়া পাঠাইয়াছেন । রো সাহেব জনৈক সহচর সঙ্গে করিয়া লইয়া গেলেন ; এবং সম্রাটকে বিলাতি পোষাক পরাইয়া দিলে তিনিও এদিক ওদিক করিয়া বেড়াইতে লাগিলেন । সাহেব-প্রদত্ত উপহার দ্রব্য গুলি তাঁহার মনে লাগিয়াছিল বটে, কিন্তু তিনি কোনরূপ উৎকৃষ্ট ও মহামূল্য মণিমুক্তা না পাইয়া কিছু দুঃখিত হইয়াছিলেন । সম্রাট জানিতেন না যে, তাঁহার ভারতভূমি যেরূপ রত্ন-প্রসবিনী, পৃথিবীর আর কোন দেশ সেরূপ নহে । রো সাহেব বাণিজ্য সুবিধা করিবার জন্য সম্রাটের সহিত প্রত্যহ সাক্ষাৎ করিতেন, কিন্তু সম্রাট তাঁহার সহিত বাণিজ্য সম্বন্ধে কোন কথা না কহিয়া কেবল উপহার নামগ্রীর কথা কহিতেন । তিনি এক দিন রো সাহেবকে বলিলেন, “আপনার দেশে উত্তম ঘোটক যথেষ্ট পাওয়া যায় । তবে আপনি আমার জন্য ইহা আনেন নাই কেন ?” রাজদূত কহিলেন “মহাশয় ! বিলাত হইতে এদেশে ঘোটক আনা অসম্ভব । স্থলপথে আনিতে গেলে তুরস্ক ও পারস্যের ভিতর দিয়া আনিতে হইবে ; কিন্তু সেখানে আজ কাল ভয়ঙ্কর যুদ্ধ চলিতেছে । জলপথে আনাও বড় দুষ্কর ; কারণ উত্তমাশা

অন্তরীণের নিকটে আসিলেই ঝড় ও তুফানে নিশ্চয়ই মরিয়া যাইবে” । তখন সম্রাট বলিলেন, “যদি ৬টা ঘোড়া সেখান হইতে পাঠাইয়া দেন, তাহা হইলে অত্যন্ত একটা ঘোড়াও এখানে বাঁচিয়া আসিতে পারে ; এবং যদি অত্যন্ত শীর্ণ হইয়া যায়, তাহা হইলে ভাল করিয়া খাওয়াইলেই ক্রমে ক্রমে পুষ্ট ও সবল হইয়া উঠিবে” । তখন রো সাহেব বাদশাহের আশ্রয় দেখিয়া তাঁহাকে একটি ঘোড়া পাঠাইয়া দিবার প্রতিজ্ঞা করিয়াছিলেন । জাহাঙ্গীর রোর প্রদত্ত মদ্য পান করিয়া একরূপ মস্তুষ্ট হইয়াছিলেন যে, তিনি कहিলেন “আপনি যদি আমাকে একরূপ উৎকৃষ্ট মদ্য প্রস্তুত করিয়া দিতে পারেন, তাহা হইলে আমি আপনাকে অনেক টাকা পুরস্কার দিই” ।

প্রথমবারের উপহার সামগ্রী দেখিয়া জাহাঙ্গীর অত্যন্ত প্রীত হইয়া ছিলেন । এজন্য রো সাহেব ইষ্ট ইণ্ডিয়া কোম্পানির ডিরেক্টর দিগকে আরও কতকগুলি উপহার সামগ্রী পাঠাইতে বলেন । এবার কয়েক খানি উৎকৃষ্ট তৈলচিত্র ছিল । সম্রাট এক এক খানি করিয়া চিত্র গুলি দেখিতে লাগিলেন । প্রায় সমস্ত গুলি দেখিয়াই তিনি অত্যন্ত মস্তুষ্ট হইয়া ছিলেন ; কিন্তু এক খানি দেখিয়াই তিনি অগ্নি-মূর্ত্তি হইয়া উঠিলেন । হঠাৎ বাদশাহের একরূপ রোষপূর্ণ ও রক্তবর্ণ চক্ষু দেখিয়া রো সাহেব অত্যন্ত ভীত হইয়া গেলেন ; এবং ইহার কারণ কি, তাহা তিনি কিছুই বুঝিতে পারিলেন না । এই চিত্র খানিতে একটা সুন্দরী রমণী একজন বিকটাকার দৈত্যের নানিক ধরিয়া টানিয়া লইয়া যাইতে ছিল । এই সুন্দরী রমণী গীস দেশীয় সৌন্দর্যের অধিষ্ঠাত্রী দেবী “ভিনাস” । তিনি ভিনাসের



অমূল্য রূপ-লাবণ্য ও চিত্রকৌশল দেখিয়া বড়ই প্রীত হইলেন ; কিন্তু দৈত্যের কৃষ্ণবর্ণ বিকটমূর্তি দেখিয়া অত্যন্ত বিরক্ত হইয়া উঠিলেন । পরিশেষে মনে মনে ভাবিলেন, ইহা আমাদেরই বিষয় লইয়া চিত্রিত হইয়াছে । এই কৃষ্ণবর্ণ পুরুষ-মূর্তি আমার, এবং ঐ শুভ্রকান্তি রমণী-মূর্তি সুরমহলের । রো সাহেব সে দিনের সেই বিজ্ঞাট দেখিয়া সত্যচিন্তে বাসার কিরিয়া আসিলেন । পরদিন তিনি প্রধান প্রধান ওমরাহগণের সাহায্যে বাদসাহকে প্রকৃত বিষয় বুঝাইয়া দিয়া তাঁহার সন্তোষ সাধন করিলেন ।

জন্মতিথি উপলক্ষে স্বর্ণ, রৌপ্য ও মণি-মুক্তাদিতে ভূষিত হওয়া মোগল সম্রাটদিগের কৌলিক প্রথা ছিল । আকবর বাদসাহই এই প্রথার প্রথম প্রবর্তক ছিলেন, এরূপ জনশ্রুতি আছে । রো সাহেব জাহাঙ্গীরের জন্মদিনে রাজ-ভবনে যে সকল উৎসবের কথা নিজ গ্রন্থে লিখিয়া গিয়াছেন, তাহা এ স্থলে বিবৃত হইল । “অদ্য ১লা সেপ্টেম্বর । রাজধানী উৎসব-ময়ী । নগরের প্রত্যেক গৃহেই নৃত্য গীত হইতেছে । রাজপথ লোকাকীর্ণ ও কোলাহল-পূর্ণ । রত্নগর্ভা ভারতভূমির দাবতীয় রত্ন আজ সম্রাটকে সুসজ্জিত করিবে । প্রাসাদ-প্রাঙ্গণ রজত-স্তম্ভে বিরাজিত, এবং তোরণ দেশ বহুবিধ সুগন্ধি পুষ্প মালায় বিভূষিত হইয়াছে । রক্তবর্ণ মোগল পতাকা প্রাসাদের সর্বোচ্চ স্থানে উচ্চীয়মান হইয়া মোগল সম্রাটের বিজয় ঘোষণা করিতেছে । বস্ত্রতঃ, রাজধানী বহুবিধ রত্ন মালায় বিভূষিত হইয়া অমরাবতীর রূপ ধারণ করিল । দীন ঘরিজেরা আজ সকলেই দৃষ্টচিত্ত ; কারণ সম্রাট তুলাদণ্ডে

তুলিত হইলে সমস্ত স্বর্ণ রৌপ্যাদি তাহাদিগের মধ্যেই বিত-  
 রিত হইবে। রাজভবনের অঙ্গরত একটা শ্রামল উদ্যানে  
 তুলাদণ্ডের স্থান নির্দিষ্ট হইয়াছে। উদ্যানের চতুর্দিকে একটা  
 স্বচ্ছ-সলিল পরিধা। পরিধার তীরভাগে বহুবিধ সুগন্ধি-পুষ্প-  
 প্রসবিনী লতাবলী। উদ্যানের মধ্যস্থলে সুরম্য প্রস্তর-  
 মণ্ডিত একটা অভ্যুচ্চ মঞ্চ। এই মঞ্চেরই উপর তুলা-দণ্ড  
 বুলিতেছে। তুলাদণ্ডের উপর রত্ন-খচিত ও মুক্তা-মণ্ডিত  
 উজ্জ্বল চন্দ্রাতপ; এবং তাহার উপর দিগন্তব্যাপী সুনীল  
 নভোমণ্ডল। বিশুদ্ধ সুবর্ণ স্তম্ভ একত্র সন্মিলিত করিয়া সন্ধি-  
 স্থল হইতে তুলাদণ্ড বুলান হইয়াছে। তুলাদণ্ডে বসিবার  
 স্থানটা চতুর্কোণ; এবং স্বর্ণপত্রে আবৃত ও মহামূল্য মণি-  
 মাণিক্যে মণ্ডিত। তুলা স্থানের অনতিদূরে দিগ্দেশ-  
 শাপ্ত রাজন্যবর্গ ও প্রধান প্রধান ওমরাহগণ সুবিখ্যাত  
 বনোরার গালিচার উপর বসিয়া নম্রাটের আগমন প্রতীক্ষা  
 করিতেছেন। নম্রাট সহসা তুলাস্থানে আসিয়া উপস্থিত হই-  
 লেন। নিকটবর্তী রাজন্যবর্গ ও ওমরাহগণ সমস্ত্রমে গাত্রোখান  
 করিয়া তাঁহার অভ্যর্থনা করিলেন। তাঁহার আপাদ-মস্তক  
 রত্নমালায় মণ্ডিত। উষ্ণীষের উপর কপোত-ডিম্বাকার একটা  
 বৃহৎ উজ্জ্বল মণি বিরাজ করিতেছে। হস্তে হীরকবলয় এবং  
 কণ্ঠে মণিহার ও স্ফটিক মালা দোহুল্যমান হইতেছে। কৃপাণ-  
 কোষে মণি-খচিত উজ্জ্বল তরবারি কটি-দেশ-বদ্ধ সুবর্ণ-শৃঙ্খলে  
 লম্বমান রহিয়াছে। বাদসাহ উপস্থিত হইবামাত্র তুলাদণ্ডের  
 কার্য আরম্ভ হইল। তিনি তুলাদণ্ডে উপবিষ্ট হইয়া প্রথম  
 ছয়বার রৌপ্য মুদ্রার ভারে তুলিত হইলেন, দ্বিতীয় বারে

স্বর্ণ, মনি-মুক্তা ও বহুমূল্য শিল্প-কার্য-সম্পন্ন ঢাকাই মসলিন ও দেশীয় কোশের বস্ত্রে তিনি তুলিত হইলেন । তৃতীয় বারে আতর, চন্দন, মৃগনাভি প্রভৃতি সুগন্ধি দ্রব্য, এবং ধান, দব ও গোধুম প্রভৃতি শস্যের ওজনে তাঁহার দেহ ভার গ্রহণ করা হইল । এইরূপে অনেকবার তুলিত হইলে সমস্ত দ্রব্য সামগ্রী গুলি তিনি দীন দরিদ্রদিগকে স্বহস্তে বিতরণ করিতেন । সম্রাট তুলাদণ্ড হইতে নামিয়া আসিলেন । সম্মুখে তাঁহার জন্ত নানাবিধ সুমিষ্ট ফল ও মিষ্টান্ন সামগ্রী রক্ষিত হইয়াছিল । তিনি তাহা অঞ্জলিপূর্ণ লইয়া পার্শ্ববর্তী রাজকুল ও ওমরাহদিগের মধ্যে ছড়াইয়া দিলেন । তাঁহারাও সম্রাটের প্রসাদ কুড়াইতে ব্যস্ত হইয়া গেলেন । জন্মতিথির দিন যাহা কিছু আনশুক হইত, তাহা সম্রাটের অন্তঃপুর হইতেই দেওয়া হইত । মোগল সম্রাটগণের মাতাদিগকে বাদশা-বেগম বলিত । তাঁহার-সম্রাট সন্তানদিগের মঙ্গল কামনায় তুলাকার্যের যাবতীয় উপাদান সামগ্রী অন্তঃপুর হইতেই পাঠাইয়া দিতেন । দিল্লীর অন্তঃপুরে একটা রেশমের রঞ্জু থাকিত । সম্রাটের জীবনে যত জন্মোৎসব হইত, বাদশা-বেগম প্রতিবৎসর সেই দিনে সেই রঞ্জুতে একটা করিয়া গির বাঁধিয়া রাখিতেন” ।

পূর্কোক্ত জন্মতিথি উৎসবের পর রাজদূত রো সাহেব স্বদেশে প্রতিগমন করিবার জন্ত সম্রাটের অনুমতি প্রার্থনা করিলেন । সম্রাটও রাজা কেমসের জন্য স্বাক্ষরিত এক খানি পত্র লিখিয়া রো সাহেবের হস্তে প্রদান করিলেন । পত্র লইয়া রাজদূতও স্বদেশ গমন করিলেন । পত্র খানির ভাবার্থ এই “যখন-আপনি আমার এই পত্র খানি খুলিবেন, তখন যেন আপনার

অন্তঃকরণ সুগন্ধি-পুষ্প-পূর্ণ উজানের স্থায় প্রফুল্ল হয় । সকল লোকেই যেন আপনার প্রতি ভক্তি প্রকাশ করে, এবং সকল খৃষ্টধর্মাবলম্বী রাজা অপেক্ষা যেন আপনার অধিক যশঃগৌরব হয় । নমস্ত নরপতিই যেন নির্করের স্থায় আপনার নিকট হইতে রাজনীতি শিক্ষা করেন । আপনি রাজদূত রো সাহেবের দ্বারা প্রণয়ের চিহ্ন স্বরূপ যে সকল উপহার সামগ্রী আমাকে পাঠাইয়া দিয়া ছিলেন, তাহা আমি প্রাপ্ত হইয়াছি । ইনি আপনার অনুগ্রহ ভাজন হইবার বিশেষ উপযুক্ত পাত্র । আগনার উপহার সামগ্রী দেখিয়া ও প্রীত হইয়া আমি একদৃষ্টিতে তাহাদিগের উপর চাহিয়া দেখিয়া ছিলাম ”।

### আরঙ্গজীব ও তৎসাময়িক রূতান্ত ।

আরঙ্গজিব শাজেহানের তৃতীয় পুত্র এবং জাহাঙ্গীরের পৌত্র । ইহার মাতার নাম শুলতানা কুদ্দিয়া । ১৬১৮ খৃঃ অর্কে অক্টোবর মাসে আরঙ্গজিবের জন্ম হয় । তাঁহার প্রথম নাম মস্কত । বাল্যকালেই তিনি অসাধারণ বীরত্ব প্রকাশ করেন ; এজন্য শাজেহান আদর করিয়া তাঁহাকে আরঙ্গজিব অর্থাৎ “সিংহাসনের আভরণ” এই নাম দিয়াছিলেন । এতদ্বিল্প তিনি স্বয়ং ‘আলা-খাকান্’ এই উপাধিও গ্রহণ করেন । তাঁহার আরও দুইটি নাম আছে । আরঙ্গজিব সে দুইটি নামেও জন-সমাজে প্রসিদ্ধ । একটি নাম মহীদ্দিন অর্থাৎ ধর্মের উদ্ধার-কর্তা ; এবং আর একটি নাম আলমগীর অর্থাৎ বিশ্ব-বিজয়ী । যে আরঙ্গজিবের নাম শুনিলে এখনও মুসলমানদের হৃৎকম্প

উপস্থিত হয়, এবং হিন্দুদের চক্ষে জলধারা বহিতে থাকে, আজি একশত তিরিশি বৎসর হইল তাঁহার নিশ্চল মৃতশরীর ইলোরার অধিত্যকার নিহিত রহিয়াছে । শাজেহানের দুশ্চরিত্র-এতার নিমিত্ত নাত বৎসর বয়সের সময় আরঙ্গজিব, স্বীয় জ্যেষ্ঠ ভ্রাতা দারা, সুলজা এবং কনিষ্ঠ ভ্রাতা মুরাদ তাঁহাদের পিতামহ জাহাঙ্গীরের নিকট আবদ্ধ ছিলেন । শাজেহান পুনর্বার পিতার প্রতি অসহ্যবহার করিলে ইহাদের জীবন রক্ষা হওয়া কঠিন হইত । জাহাঙ্গীরের মৃত্যুর পর দশ বৎসর বয়ঃক্রম কালে আরঙ্গজিব পিতার নিকট আগরায় ফিরিয়া আসেন ।

১৬৩৩ খৃঃ অব্দে বোঁদেলার রাজা জগৎসিংহের সহিত শাজেহানের বিরোধ উপস্থিত হয় । সে সময়ে আরঙ্গজিবের বয়ঃক্রম চৌদ্দ বৎসরের অধিক নয় । যে শোণিত-পিপাসায় তিনি চিরকাল ক্ষুধার্ত সিংহের স্তায় ঘুরিয়া বেড়াইয়াছিলেন, আপনার ভ্রাতৃগণকেও অব্যাহতি দেন নাই, এইখানে সেই দারুণ পশুবৃত্তির সূত্রপাত । আরঙ্গজিব, মালবের সুলজা নসেরিতেঁর সহিত বোঁদেলায় চলিলেন । ক্রমাগত দুই বৎসর যুদ্ধ হইল । জগৎসিংহ দেখিলেন আর রক্ষা নাই, দিন দিন সমস্ত সৈন্য ক্ষীণ হইয়া পড়িতেছে । অবশেষে তিনি অস্বারোহণে কয়েক জন অনুচরের সহিত নর্মদা পারে একটী বনের মধ্যে আসিয়া লুক্কায়িত রহিলেন ।

অশ্বপৃষ্ঠে তাঁহারা অনেক দূর আসিয়াছিলেন ; আহার নাই, নিদ্রা নাই । এজন্য গাছে ঘোড়া বাঁধিয়া সকলে ধূলার উপরেই শুইলেন । নিদ্রা উপস্থিত হইল । সেই বনের চারিদিকে অসভ্য লোকের বান । তাহারা কুটীরে থাকে, মৃগয়া করিয়া বেড়ায় ;

পশুচর্মে পরে, বনের ফল মূল ও মছ মাংস খায় । বনের ভিত্তর ঘোড়ার ডাক শুনিয়া সকলে দেখিতে আসিল । আসিয়া দেখে, গাছে কয়েকটা ঘোড়া বাঁধা, ও তাহাদের পৃষ্ঠে বহুমূল্য সোণা রুপার সাজ । মাটিতেও কয়েক জন সুপুরুষ শুইয়া ঘুমাইতেছেন । তাহাদেরও সর্ব্বাঙ্গ মণি-মানিক্যে ভূষিত । নীচলোকের নীচ-প্রবৃত্তি ; মনে লোভ আসিয়া জুটিল । লোভেই পাপ ; তাহারা নিদ্রাবস্থাতেই জগৎসিংহ ও তাঁহার অনুচরদিগকে বিনষ্ট করিল । কিন্তু পাপের ধন ভোগে আসিল না । আরঙ্গজিব এবং নসেরিত গিয়া সেই দস্যুদিগকে বধ করিলেন । জগৎসিংহের ভাণ্ডারে স্বর্ণ, রৌপ্য ও হীরা মুক্তায় ত্রিশ লক্ষ টাকার সম্পত্তি ছিল । আরঙ্গজিব সেই সমস্ত সম্পত্তি লইয়া গিয়া পিতার পাদপদ্মে ধরিয়া দিলেন ।

ভারতে বিজয়-ডক্ক বাজিল । আরঙ্গজিব যুদ্ধে পদার্পণ করিলেই সৌভাগ্য-লক্ষ্মী অগ্রে অগ্রে পতাকা ধরিয়া চলিতেন । উজ্জ্বল এবং পারশ্চেরা সে সময়ের প্রসিদ্ধ রণপণ্ডিত জাতি । আরঙ্গজিব তাঁহাদিগকে সংগ্রামে পরাস্ত করিলেন । পুত্রের অসাধারণ সাহস ও রণনৈপুণ্য দেখিয়া শাজেহানের আহ্লাদের নীমা রহিল না । কিন্তু দারা জ্যেষ্ঠ পুত্র । জ্যেষ্ঠ পুত্রই রাজ্যের অধিকারী । অতএব সত্রাট্ দারাকে অতিক্রম করিয়া অন্যকে রাজপদে অভিষিক্ত করিতে পারিবেন না, আরঙ্গজিব তাহা মনে মনে জানিতেন । তন্নিম্ন দারার প্রতি তাঁহার আন্তরিক স্নেহ ছিল । তন্জন্য আরঙ্গজিব এই স্থির করিলেন যে, বিশেষ কৌশল না করিলে তাঁহার ভাগ্যে রাজ-সিংহাসন প্রাপ্ত হওয়া দুষ্কর । এজন্য বাল্যকাল হইতেই তিনি

কপট ধার্মিক সাজিয়া থাকিতেন । কিন্তু দারার প্রতি তাঁহাবিদ্বেষ দিন দিন বাড়িতে লাগিল । নিকটে থাকিলে চক্ষুশূল হয়, এজন্য সামান্য একটা ছল পাইয়া পিতার অনুমতিক্রমে তিনি দাক্ষিণাত্য প্রদেশের শাসনকর্তা হইয়া গেলেন । এই স্থানে গোলকুণ্ডার রাজার লেনামায়ক মিরজুম্মা আপনার প্রভুকে পরিত্যাগ করিয়া আরঙ্গজীবের সহিত মিলিত হন । তখন হাইদারাবাদ গোলকুণ্ডা বাজের অধিকারে ছিল । আরঙ্গজীব মিরজুম্মাকে সঙ্গে লইয়া হাইদারাবাদ লুণ্ঠ করিলেন । নবর গোলকুণ্ডা অধিকার করিতেও ইচ্ছা রহিল এবং এইবার তাঁহার চিরকালের ছরভিনক্ষি পূর্ণ হইবার প্রকৃত অবসর আসিল ।

নব্বাট্ শাজেহান পীড়িত ; তাঁহার জীবন সঙ্কটাপন্ন । পাছে রাজ্যে কোন অনিষ্ট ঘটে, এজন্য দারা নব্বাটের কাৰ্য্য নিৰ্বাহ করিতে লাগিলেন । সুজা বাঙ্গালার শাসনকর্তা ছিলেন । জ্যেষ্ঠভ্রাতা নব্বাট্ হইয়াছেন গুনিয়া তাঁহার সৰ্ব্বাঙ্গ ক্রোধে জ্বলিয়া উঠিল । তিনি তৎক্ষণাৎ সমর-সজ্জা করিয়া দিল্লীর অভিমুখে যাত্রা করিলেন ।

আরঙ্গজীব সাতিশয় ক্রুর ; বাল্য কাল হইতেই বাহিরে কপট ধার্মিক সাজিয়া থাকিতেন । এই গোলযোগের সময় তিনি প্রশান্ত-ভাবে স্বীয় ছরভিনক্ষি সিদ্ধ করিবার অল্প বিবিধ উপায় দেখিতে লাগিলেন । কনিষ্ঠ ভ্রাতা মুরাদ তখন গুজরাটের শাসনকর্তা । আরঙ্গজীব তাঁহাকে লিখিয়া পাঠাইলেন,—“ভাই ! পিতার ত মৃত্যুকাল উপস্থিত । আমাদের জ্যেষ্ঠ ভ্রাতার সকলেই অলস, ইন্দ্রিয়-পরায়ণ ও বিলানী । এই বিশাল সাম্রাজ্য শাসনে রাখিতে তাঁহারা অযোগ্য । আমার নিজের কথা

তোমার কিছুই অবিদিত নাই। কি করি, পরমগুরু পিতার অনুরোধ, তাই বিষয় কর্ত্ত্ব দেখিতেছি; নতুবা সংসারে তিলানীকাল থাকিবার স্পৃহা নাই। যাহা হউক, এখন সত্য়ুক্তি এই যে, তোমার হস্তে রাজ্যভার অর্পণ করিয়া আমি মক্কা যাই। এখন আইস আমাদের উভয়ের সৈন্য লইয়া আগ-রায় যাই”।

খলের কুচক্রে দেবতারাও পড়িয়া যান, মানুষের ত কথাই নাই। আরঙ্গজীবের কুহকবাক্যে মুরাদের মন ভুলিয়া গেল। তিনি নশ্বদাতীয়ে আনিয়া আরঙ্গজীবের সহিত সাক্ষাৎ করিলেন। শাজেহানের জীবন সঙ্কটাপন্ন হইয়াছিল, এখন পীড়ার প্রকোপ অনেকটা কমিয়া আনিয়াছে। দারা নিৰ্ব্বিবাদে পিতাকে সিংহাসন ছাড়িয়া দিলেন। কিন্তু সূজা প্রভৃ-তিব সে কথা বিশ্বাস হইল না। তাঁহারা বুলিলেন, লোকে যে আরোগোর সংবাদ রটাইতেছে, তাহা অমূলক। ইহার ভিতরে দারার নিশ্চয়ই কোন দুৰ্ভতিসন্ধি আছে। সূতরাং যুদ্ধ করাই তাঁহাদের দৃঢ় নকল্প হইল।

দারা পূর্বেই সূজার দুৰ্ভতিসন্ধির সংবাদ পাইয়া ছিলেন। এজন্য তিনি স্বীয় পুত্র সলিমান ও রাজা জয়সিংহকে প্রয়াগের দিকে পাঠাইয়া দিলেন। কিন্তু গৃহবিচ্ছেদ ঘটে, সত্য়াক্টের এরূপ ইচ্ছা নয়। এজন্য শাজেহান গোপনে জয়সিংহকে বলিয়া পাঠাইলেন যে, তিনি যেন সূজাকে বুঝাইয়া পুনর্বার বাঙ্গালায় পাঠাইয়া দেন, কারণ বিরোধে প্রয়োজন নাই। সলিমান ও জয়সিংহ কাশীতে উপস্থিত হইয়া দেখিলেন, অপরপারে সূজা রহিয়াছেন। সত্য়াক্টের আজ্ঞানুসারে জয়সিংহ তাঁহাকে



অনেক বুঝাইলেন। ভ্রাতৃ-বিচ্ছেদ হইলে রাজ্যেরও অনিষ্ট ঘটিবে, সুজা তাহা বুঝিতে পারিলেন। তিনি নির্বিবাদে বাঙ্গালায় ফিরিয়া যাইতেন; কিন্তু সলিমান সহজে ছাড়িবার লোক নহেন। তিনি প্রত্যাশে সৈন্ত সাজাইয়া গঙ্গা পার হইলেন। সুজা তখনও নিদ্রিত। সলিমান নিদ্রিতাবস্থায় তাঁহার তাবু আক্রমণ করিলেন। সুজা জাগরিত হইয়া অনেক ক্ষণ যুদ্ধ করিয়াছিলেন; অবশেষে পরাস্ত হইয়া মুঙ্গেরে পলায়ন করেন।

এদিকে উজ্জয়িনী নগরে মহারাজ যশোবন্ত সিংহ শিবির সন্নিবেশ করিয়া আছেন। তিনি নন্দ্রাটের সেনানায়ক। আরঙ্গজীব ও মুরাদের গতি রোধ করিবার জন্য তাঁহাকে প্রেরণ করা হইয়াছিল। নন্দ্রদার অপরপারে যুবরাজ আরঙ্গজীব। মুরাদ আসিয়া তাঁহার সহিত মিলিত হইবেন, সেই প্রতীক্ষায় তিনি বসিয়া আছেন। উভয় সৈন্ত মিলিত হইল, তুমুল যুদ্ধ হইল; যশোবন্ত পরাস্ত হইলেন। তাহার পর স্বয়ং দারাও কনিষ্ঠদিগকে শাস্তি দিতে আসিয়াছিলেন, কিন্তু তিনিও পরাস্ত হইয়া পলাইয়া যান।

যশোবন্ত মনের ঘৃণায় আপনার রাজধানীতে চলিয়া আসিলেন; নন্দ্রাটের নিকট ফিরিয়া যাইতে পারিলেন না। কিন্তু গৃহে নারী-গণনা, তাহার অপেক্ষা মৃত্যু সহস্র গুণে শ্রেয়ঃকর ছিল। মহারাজ রাজধানীর নিকট আসিলেই রাণী দ্বার ক্রুদ্ধ করিলেন। তিনি গর্ভিত ভৎসনায় বলিতে লাগিলেন,— “আমরা বীরকন্যা, বীরপুরুষকেই বরণ করি, এবং বীরপুরুষের গলায় বরমাল্য দিই। কাপুরুষকে বিবাহ করা রাণাকুলকন্যাদের অভ্যাস নাই। রাজপুত্রদিগের প্রাণের অপেক্ষা মানের গৌরব

অধিক । যুদ্ধক্ষেত্রে যুদ্ধে পরাস্ত হওয়া নূতন কথা নয় ; কিন্তু যুদ্ধক্ষেত্রে হইতে যুদ্ধে ভঙ্গ দিয়া পলাইয়া আসা রাজপুত্র বংশের মধ্যে তোমার নিকট আজি নূতন দেখিতেছি । বোধ হয় তুমি আমার সে পতি নও, কোন প্রতারণা,—ছল করিয়া ঘরের কাছে ডাকিতেছ । আমার যিনি পতি, আজি তিনি সমরক্ষেত্রে বীরশয্যায় শুইয়া আছেন । দুর্মতি ! ঘর ছাড়িয়া দে, আমি চিত্ত সাজাইয়া পতির অনুগমন করিব ।" মনস্বিনী রাজপুত্র-রমণীদিগের তেজস্বিতা ধন্য । বীরদের এত আদর ! যুদ্ধের নাম শুনিতে তাঁহাদের শিরায় শিরায় তপ্ত-শোণিত-শ্রোতঃ ছুটিয়া বেড়াইত ।

আরঙ্গজীবের জ্যেষ্ঠ ভ্রাতারা এক প্রকার নিরস্ত হইলেন । জয়সিংহ প্রভৃতি যে সকল মহাবীর দারার প্রধান সেনাপতি. আরঙ্গজীব পুনঃপুনঃ পত্র লিখিয়া এবং চর পাঠাইয়া তাঁহাদের মন ভাঙ্গিয়া দিলেন । সেনাপতিরাও ভাবিলেন, দারার আর মঙ্গল নাই । শাজেহ'নেরও দিন ফুরাইয়াছে ; বৃষ্টিতে গেলে এই বিশাল রাজ্য আরঙ্গজীবের করায়ত্ত । ইহা দেখি- হাই প্রধান প্রধান সেনাপতি দারার অবাধ্য হইয়া উঠিলেন ।

এখন সিংহাসনের প্রধান কণ্টক স্বয়ং সম্রাট্ । মুরাদ আর এক জন প্রতিযোগী । এই দুই জনকে নিরস্ত করিতে পারিলেই মনোরথ পূর্ণ হয় । শঠের অসাধ্য কিছুই নাই । আরঙ্গজীব বুদ্ধিয়া দেখিলেন, এখনও বল প্রকাশের সময় আইসে নাই ; তাঁহার অলীক-সিদ্ধির জন্য শঠতাই একমাত্র উপায় । এজন্য মুরাদকে সঙ্গে লইয়া তিনি আগরার নিকট আসিয়া শিবির সন্নিবেশ করিলেন । আরঙ্গজীব এক

জন বিশ্বস্ত চর দ্বারা সম্রাটকে এই কথা বলিয়া পাঠাইলেন, “আমি যে কাজ করিয়াছি তাহা সন্তানের অযোগ্য । কিন্তু তাহাতে আমার কোন দোষ নাই, দোষ কেবল দারার । যাহা হউক, তিনি যে কঠিন পীড়া হইতে আরোগ্য লাভ করিয়াছেন, তাহাই মঙ্গল । এখন পুত্র বলিয়া এ দানকে কমা করিলে আমার হৃদয় শীতল ও স্থস্থির হয় ।”

চর আসিয়া সম্রাটকে আরঙ্গজীবের নিবেদন জানাইল । বৃদ্ধ বয়সে বুদ্ধি যায় ; যাহা হউক, তবু পিতা,—শাজেহান নিজ পুত্রকে ভাল করিয়াই চিনিতেন । অবসর পাইলেই নোগল-নামাজোর সম্রাট হইতে হইবে, বহুকাল হইতেই আরঙ্গজীবের ইচ্ছা । অন্যে না বুদ্ধিতে পারে, শাজেহান যে দুর্ভাবন্ধি অনেক দিন হইতে বুঝিয়া রাখিয়া ছিলেন । কিন্তু ভিতরের কথাটা কি, তাহা ঠিক জানিবার জন্য আপনার কন্যা জাহানারাকে পুন-দিগের তাহ্মতে পাঠাইয়া দিলেন ।

জাহানারা প্রথমে মুরাদের তাহ্মতে গেলেন । গত বুদ্ধি তাঁহার সর্বাঙ্গ অস্বাঘাতে ক্ষত বিক্ষত হইয়াছিল । তিনি কাতর হইয়া শুইয়া ছিলেন । এমন সময়ে জাহানারা উপস্থিত । মুরাদ জানিতেন, জাহানারার সম্পূর্ণ স্নেহ দারার প্রতি । সে কারণ তিনি তাঁহার কিছুই সমাদর করিলেন না ; বরং অনেক কটু কথা বলিয়া ভগিনীর অবমাননা করিলেন । চর গিয়া আরঙ্গজীবকে গোপনে এই সকল বৃত্তান্ত জানাইল ।

কুচক্রই আরঙ্গজীবের সকল কার্যের মূলমন্ত্র । জাহানারা ক্রোধ করিয়া উঠিয়া যাইতেছেন শুনিয়া আরঙ্গজীব দ্রুতবেগে সেই স্থানে আসিলেন । খলের হৃদয়ে বিষ, মুখে মধু ; তিনি

জাহানারার হস্তে ধরিয়া বলিলেন,—“ভগিনি ! সে কি ! আমি কি কেহই নই ? যদি আসিয়াছ, তাই বলিয়া একবার ত তব লইতে হয় । এত দিন বিদেশে ছিলাম বলিয়া কি ভুলিয়া গিয়াছ ? পিতা এত পীড়িত হইয়াছিলেন, লোক পাঠাইয়াও ত সংবাদ দেওয়া উচিত ছিল” । এইরূপ তোষামোদ করিয়া তিনি জাহানারাকে আপনার তাগুতে লইয়া গেলেন । লইয়া গিয়া পুনর্বার বলিলেন,—“ভগিনি ! বলিব কি লোকের ব্যবহার দেখিয়া সংসারে আমার বিতৃষ্ণা জন্মিয়াছে । তুমি পিতার নিকট আমার এই নানুন্নয় নিবেদন জানাইবে ; আমি একবার তাঁহার স্ত্রী-পাদ-পদ্ম দর্শন করিয়া সংসার পরিত্যাগ করিব । অতএব আর বিলম্বে কাজ নাই, পরশ্ব তাঁহার সহিত সাক্ষাৎ করিতে যাইব ।”

জাহানারা চলিয়া গেলে আরঙ্গজীব পিতাকে কারাকুদ্ধ করিবার চেষ্টায় রহিলেন । শাজেহানও বুকিতে পারিলেন যে, শঠের এত ভক্তি সুলক্ষণ নয় । তিনি দারাকে লিখিয়া পাঠাইলেন যে,—“দুই দিন পরে আরঙ্গজীব আমার নিকট আসিয়া শরণ লইবে । মুরাদের প্রতি সে বিরক্ত হইয়াছে । যাহা হউক, খলকে বিশ্বাস নাই । তুমি দৈন্ত সামন্ত লইয়া শীঘ্র আগরায় আসিবে । এখন আরঙ্গজীবকে বন্দী করাই কর্তব্য” ।

দারা তখন দিল্লীতে ছিলেন । সম্রাট্ রাত্রি দুই প্রহরের সময় মহিরিদিল নামক জনৈক বিশ্বস্ত ভৃত্যের হস্তে একখানি পত্র দিয়া বিদায় করিলেন । সেই খানে শায়স্তা খাঁর জনৈক গুপ্ত চর উপস্থিত ছিল । সে ব্যক্তি আসিয়া পত্রের কথা ব্যক্ত করিয়া

দিন ; কিন্তু পত্রে কি লেখা রহিয়াছে, তাহা বলিতে পারিল না। হতি পূর্বে সম্রাট্, শায়ান্তা খাঁর প্রাণদণ্ডের আজ্ঞা দিয়াছিলেন। সেই কারণে তিনি কয়েক জন অশ্বারোহী সৈন্ত পাঠাইয়া গোপনে নহিরিদ্দিলকে ধরিয়া আনাইলেন। পত্র পড়িয়া দেখেন তাহাতে আরঙ্গজীবের কথা। তৎক্ষণাৎ তাঁহার তাহ্মতে গিয়া পত্র খানি দিলেন। আরঙ্গজীব স্থিরচিত্তে আত্মস্তু পড়িলেন, কিন্তু কিছুই বলিলেন না। কেবল নহিরিদ্দিলকে একটী গুপ্তস্থানে লুকাইয়া রাখিলেন।

সাক্ষাৎ করিবার দিন উপস্থিত হইল। সসৈন্তে দারা আসিয়া পৌঁছিবেন.—কিন্তু তিনি আনিলেন না। আরঙ্গজীবও সাক্ষাৎ করিতে না গিয়া এই বলিয়া সম্রাটকে এক খানি পত্র লিখিলেন,—“আপনি জানেন, আমি অপরাধী। অপরাধীর মনে সর্বদাই ভয় ও সন্দেহ জন্মিয়া থাকে। সে জন্য সহসা আপনার সহিত সাক্ষাৎ করিতে আমার আশঙ্কা হইতেছে। অতএব প্রথমে কতকগুলি দেহরক্ষকের সহিত আপনার নিকটে আমার পুত্র মন্সাদকে পাঠাইব। মন্সাদ যদি সেখানে গিয়া এমন কথা আমাকে বলিয়া পাঠায় যে, দুর্গের ভিতর অস্থধারী সৈন্ত কেহই নাই, তবে আমি আপনার নিকটে যাইতে নাহস করিতে পারি”।

পত্র পাইয়া শাজেহান অনেকক্ষণ ভাবিলেন। ভাবিয়া শেষে আরঙ্গজীবের প্রস্তাবেই সম্মত হইলেন। কিন্তু হুর্ভ পুত্রকে বন্দী করা চাই। সেজন্য দুর্গের স্থানে স্থানে কয়েক জন অস্থধারী লোক লুকাইয়া রাখিলেন। তন্নিম্ন তাঁহার অন্তঃপুরে তাতার দেশীয় অনেক পরিচারিকা ছিল। তাহারা

বীর মহিলা । সম্রাট্ তাহাদিগকেও অস্ত্রশস্ত্র দিয়া সাজাইয়া রাখিলেন ।

এদিকে আরঙ্গজীব, পুত্রকে কথা শিখাইয়া শাজেহানের নিকট পাঠাইলেন । মক্কাদ দুর্গে প্রবেশ করিয়া একবার চারিদিক ঘুরিয়া আসিলেন, কোথাও কেহ নাই । অস্ত্রপুরে গিয়া দেখিলেন, সেখানে অনেক অস্ত্রধারী লোক লুকাইয়া আছে । তিনি সম্রাটকে স্পষ্টই বলিলেন,—“এই সকল লোক দেখিয়া আমার নন্দেহ হইতেছে । ইহার দুর্গে থাকিলে পিতা এখানে আসিবেন না ।” শাজেহানের দুর্বুদ্ধি ঘটিল, তিনি তাহাদিগকেও বাহির করিয়া দিলেন । মক্কাদ দেখিলেন চারিদিক পরিষ্কার হইয়াছে । এখন দুর্গের ভিতরে সম্রাটের অপেক্ষা নিজের লোকই অধিক ।

আরঙ্গজীবের নিকট এই সংবাদ গেল । তৎক্ষণাৎ লোক আনিয়া বলিল যে, যুবরাজ প্রস্তুত হইয়াছেন, এখনই আসিয়া সাক্ষাৎ করিবেন । সম্রাট্ তাঁহার প্রতীক্ষায় বসিয়া থাকিলেন । আরঙ্গজীব, আপনার দেহরক্ষক ও পারিষদদিগকে লইয়া অশ্বারোহণে একবারে দুর্গের দিকে আসিলেন । কিরন্দুর আসিয়া আকবরের কবরের দিকে চলিয়া গেলেন । শাজেহান এই সংবাদ পাইয়া ক্রোধভরে মক্কাদকে বলিলেন,—“তোমার পিতা যদি এখানে আসিবে না, তবে তুমি কি করিতে এখানে আসিয়াছ ?” মক্কাদ বিনীতভাবে উত্তর করিলেন,—“মহাশয় ! আমি রাজকার্যের ভার বুঝিয়া লইতে আসিয়াছি । আমাকে তাওয়ার চাবি দিউন” । সম্রাট্ তখন আপনার ফাঁদে আপনি পড়িয়াছেন, আর উপায় নাই । কাজেই মক্কাদের হস্তে নমস্ত চাবি ফেলিয়া দিতে বাধ্য হইলেন ।

পিতাকে কারাকরু করিয়া আরঙ্গজীব মুরাদকে কহিলেন,—  
'ভাই ! এত দিনে আমার অভিলাষ পূর্ণ হইল । আজি হইতে  
তুমি দিল্লীর সন্ন্যাসী । এখন আমার একটি ভিক্ষা আছে, তুমি  
আমাকে কিঞ্চিৎ অর্গ দাও । মক্কার গিয়া সুখদৃষ্টিতে কাল-  
যাপন করি" । মুরাদ সেই প্রস্তাবেই সন্মত হইলেন ।

আরঙ্গজীবের বাহিরে এই রূপ ধম্মনিষ্ঠা, কিন্তু অস্তুরকরণে  
হলাহল ; তিনি মনে মনে মুরাদের প্রাণ নষ্ট করিবার চেষ্টা  
দেখিতে লাগিবেন । ইতি মধ্যে সংবাদ আসিল যে, দিল্লীতে  
অনেক নৈমিত্ত সংগৃহীত হইয়াছে । শীঘ্র আগরায় আসিয়া তিনি  
শাজেহানকে মুক্ত করিবেন । আরঙ্গজীব তৎক্ষণাৎ মুরাদকে  
লইয়া দিল্লীর অভিমুখে চলিলেন । দুই জনে মথুরায় উপস্থিত ।  
এই খানে মুরাদের পারিসদেরা কহিলেন,—“আপনি কদাচ  
আরঙ্গজীবের সহিত থাকিবেন না । তিনি আপনার প্রাণবিনা-  
শের চেষ্টায় রহিয়াছেন । আমাদের পরামর্শ এই, আপনি  
পূর্বেই তাঁহাকে বিনষ্ট করুন । নতুবা আর নিরুতি নাই" !

আরঙ্গজীবকে বধ করিতে হইবে, এই রূপ যুক্তি স্থির  
হইল । মুরাদ জ্যেষ্ঠকে নিমন্ত্রণ করিলেন । এখানে পার্শ্বের  
তাস্বতে কয়েকজন অঙ্গপারী লোক লুকাইয়া থাকিল, ইঙ্গিত  
পাইলেই তাহারা আসিয়া আরঙ্গজীবের মস্তকচ্ছেদন করিবে ।  
মুরাদ স্ভাবতঃ অকপট ও উদার-স্বভাব । শক্রমিত্র সকলের  
প্রতিই তাঁহার সমান ব্যবহার । তাই আরঙ্গজীব নিঃশঙ্কচিত্তে  
নিমন্ত্রণ রক্ষা করিতে আসিলেন । দুই ভ্রাতা ভোজন করিতে  
বসিয়াছেন, এমন সময়ে নাজির শবাস নামক জনৈক ব্যক্তি  
নিকটে আসিয়া মুরাদের কাণে কাণে কি বলিল । শঠতার

আরঙ্গজীব পরাস্ত হইবার নহেন। উভয়ের আকার-ইঙ্গিত দেখিয়া তাঁহার মনে কেমন সন্দেহ জন্মিল। তিনি কাতর হইয়া মুরাদকে বলিলেন,—“ভাই! আজি আমোদ করা হইল না। আমার পেটে অত্যন্ত বেদনা ধরিয়াছে। তুমি সমস্ত প্রস্তুত করিয়া রাখিবে, আমি আবার কল্য আসিব”। এই কথা বলিয়া তিনি দ্রুতবেগে তাবুর বাহিরে আপনার দেহরক্ষকদিগের নিকট উঠিয়া গেলেন।

আরঙ্গজীব ছলনা করিয়া তিন চারি দিন শয্যাগত থাকিলেন। উদরবেদনার চিকিৎসা চলিতে লাগিল। মুরাদের সরল মন; তিনি বুঝিলেন, সতাই পীড়া হইয়া থাকিবে, ইহাতে কোন প্রকার চাতুরী নাই। তিন চারি দিনে পীড়া কমিয়া গেল। আরঙ্গজীব মুরাদকে বলিয়া পাঠাইলেন,—“ভাই! সে দিনের তত উদ্যোগে আমি বড় ব্যাঘাত ঘটাইয়াছি। সে জন্ত আমার অত্যন্ত মনঃকষ্ট হইয়াছে। যাহা হউক, অতঃপর আমার তাবুতে তোমার নিমন্ত্রণ। নিমন্ত্রণ রক্ষা করিতে গেলে বিপদে পড়িতে হইবে, এ কথা মুরাদের পারিষদেরা অনেক বুঝাইলেন; কিন্তু তিনি কাহারও নিষেধ মানিলেন না। দেহরক্ষকেরা বাহিরে থাকিল; তিনি চারি জন প্রধান সদ্যকে সঙ্গে লইয়া আরঙ্গজীবের তাবুতে প্রবেশ করিলেন। নৃত্য গীত ও মত্তপান চলিতে লাগিল। মুরাদ ও তাঁহার পারিষদেরা মদে হতচৈতন্য; যাবতীয় দেহ-রক্ষক মদের নেশায় ঢুলিয়া পড়িয়াছে। এই সুযোগে আরঙ্গজীব আপনার কনিষ্ঠ ভ্রাতাকে বাঁধিয়া আগরায় পাঠাইয়া দিলেন। কথিত আছে, আগরায় পৌঁছিলে তাঁহার মস্তকচ্ছেদন করা হইয়াছিল।



আরঙ্গজীব দেখিলেন, এখন সিংহাসন অধিকার না করিলে লোকে তাঁহাকে সর্বতোভাবে মানিবে না ; নানা লোকে নানা কথা কহিবে । পার্শ্বদেৱাও বুঝিলেন যে, আরঙ্গজীব দিবা-রাত্র যে ধর্মের দোহাই দিয়া থাকেন, তাহা ছলমাত্র । পিতাকে ও ভ্রাতৃগণকে রাজ্যে বঞ্চিত করাই তাঁহার অভিপ্রেত । অতএব মনের কথা বলিলেই তিনি সন্তুষ্ট হইবেন । এই ভাবিয়া সকলেই তাঁহাকে যথাবিধানে রাজ্যে অভিষিক্ত হইবার নিমিত্ত অনুরোধ করিতে লাগিলেন । আরঙ্গজীব সংসার-বিরাগীর স্তায় বলিলেন,—“দেখিতেছি,তোমাদের নিজের সুখের জন্য তোমরা আমাকে সংসার ত্যাগ করিতে দিলে না । ভাল, না দাও ; সন্ন্যাসীরা নির্জন গিরিগুহায় বসিয়া যেরূপ শান্তিসুখ লাভ করেন, ঈশ্বর করুন, এই রত্ন-সিংহাসনে বসিয়া আমিও যেন সেইরূপ সুখ ভোগ করি । রাজ-কার্য দেখিতে হইলে ঈশ্বরচিন্তা করিতে আমি অবসর পাইব না, তাহা সত্য । কিন্তু কাজ লইয়া কথা । দিল্লীর অধীশ্বর হইলে আমি ভূরি ভূরি সৎকর্ম করিতে পারিব তাহাতে সন্দেহ নাই” । লোককে এইরূপ বুঝাইয়া ১৬৫৮ খৃষ্টাব্দে ২ আগষ্ট দিল্লীর নিকটবর্তী আজাবাদের উদ্যানে আরঙ্গজীব যথাবিধানে রাজপদে অভিষিক্ত হইলেন ।

আরঙ্গজীব সজাট্ হইয়াছেন, বাঙ্গলায় সংবাদ পৌছিল । শা সুজা পুনর্বার সমর সজ্জা করিয়া প্রয়াগের নিকটে উপস্থিত হইলেন । আরঙ্গজীবও সনৈন্তে তাঁহার গতিরোধ করিতে গেলেন । কিছা গ্রামে দুই পক্ষে তুমুল সংগ্রাম হইল । সে দিনের বুদ্ধে শা সুজা একটু সুস্থির থাকিতে পারিলেই

সৌভাগ্য-লক্ষী তাঁহারই কপালে বিজয়পত্র পরাইয়া দিতেন । আরঙ্গজীব যে হস্তীতে চড়িয়া বৃদ্ধ করিতে ছিলেন, অস্বাধাতে তাহার পা ভাঙ্গিয়া যায় । সূজার হস্তীও আহত হয় । দুই জনেই আপন আপন হস্তী হইতে নামিয়া অন্য হস্তীতে চড়িবার জন্য উপক্রম করিতে লাগিলেন । মিরজুন্না, আরঙ্গজীবকে কহিলেন, “প্রভু ! এখন হস্তী হইতে নামিলে আপনার রাজ্য গেল জানিবেন’ । আরঙ্গজীব নামিলেন না । কিন্তু সূজা আপনার হস্তী পরিত্যাগ করিয়া অশ্বের উপর গিয়া চড়িলেন । কাজেই তাঁহার সৈন্যেরা প্রভুকে আর দেখিতে না পাইয়া চতুর্দিকে পলাইয়া গেল ।

সূজা বাঙ্গালায় ফিরিয়া আসিলেন । কিন্তু আরঙ্গজীবের জ্যেষ্ঠপুত্র মনুদ ও উজির মিরজুন্না পশ্চাৎ পশ্চাৎ গিয়া বাঙ্গালা হইতেও তাঁহাকে দূরীভূত করিলেন । ভারতে পলাইবার আর স্থান নাই ; যে দিকে যাইবেন, সেই খানেই আরঙ্গজীবের বিজয় পতাকা উড়িতেছে । অবশেষে তিনি অনেক ভাবিয়া আরাকানে চলিয়া গেলেন । তাঁহার সহিত বহুমূল্য রত্ন এবং প্রায় দেড় হাজার লোক ছিল । কিন্তু আরাকানের জলবায়ু অত্যন্ত অস্বাস্থ্যকর । দেড় হাজার লোকের মধ্যে ক্রমে ক্রমে প্রায় সকলেই মরিয়া গেল । কেবল শা-সূজা স্বয়ং, তাঁহার দ্বিতীয় পত্নী, দুইটা পুত্র, তিনটা কন্যা এবং চল্লিশ জন অনুচর জীবিত থাকিলেন । বিধাতা বিমুখ হইলে চারিদিকে বিপদ ঘটে । আরাকানের রাজা আরঙ্গজীবের ভয়ে সর্বদা শঙ্কিত ছিলেন । সন্ধে বহুমূল্য হীরণ মুক্তা ছিল, তাহাও কাড়িয়া লইতে লোভ জন্মিল । তজ্জন্য তিনি নানা প্রকার ছল করিয়া

আশ্রিত রাজপুত্রকে আপনার রাজ্য হইতে বহিষ্কৃত করিয়া দিলেন । সুজা আপনার পরিবারবর্গ ও অনুচরগণকে সঙ্গে লইয়া একটা পর্বতের নিকট আসিয়া উপস্থিত হইলেন । সে স্থান অত্যন্ত দুর্গম । দুই পার্শ্বে শৈলমালা ; নিম্নদেশে বেগবতী স্রোতস্বতী কুল্কুলস্বরে প্রবাহিত হইতেছে । এই দুর্গম স্থানে আরাকানরাজের সৈন্যেরা আসিয়া সুজা ও তাঁহার অনুচরবর্গের উপর বাণবর্ষণ করিতে লাগিল । কেহ কেহ পর্বতের উপর হইতে বড় বড় পাথর গড়াইয়া ফেলিয়া দিল । শা-সুজা অনেকক্ষণ প্রাণপণে যুদ্ধ করিয়াছিলেন ; শেষে একটা বড় পাথরের আঘাতে তিনি অভিভূত হইয়া পড়েন । রাজসৈন্যেরা তাঁহাকে ও তাঁহার দুই জন অনুচরকে একটা ডোঙ্গার উপরি তুলিয়া নদীর মধ্যস্থলে ছাড়িয়া দিল । তাঁহারা সেই প্রবল স্রোতে স্রাঁতার দিয়া তীরে উঠিতে পারিলেন না ; দুই একবার চেষ্টা করিয়া অবশেষে অগাধ জলে নিমগ্ন হইয়া গেলেন ।

তাঁহার পর সৈন্যেরা, সুজার অন্যান্য অনুচরদিগকে বিনষ্ট করিয়া তাঁহার স্ত্রী, তিনটা কন্যা এবং দুইটা পুত্রকে রাজার নিকটে আনিয়া দিল । রাজা স্ত্রীলোকদিগকে অন্তঃপুরে রাখিলেন । কিন্তু হতভাগ্য বালক দুইটির প্রাণ বিনষ্ট করা হইল । সুজার পত্নী সুলতানা পেয়ারা বাণা পরমসুন্দরী । তিনি তৎকালে রমণীকুলের অলঙ্কার স্বরূপ ছিলেন । তৈমুর-কুল-বধুর এবং তৈমুর-কুল-কন্যার চরিত্রে কলঙ্ক পড়িবে, তদপেক্ষা মৃত্যুও শ্রেয়স্কর । কিন্তু শত্রুকে মারিয়া না মরিতে পারিলে সেরূপ মরণে গৌরব কি ? তজ্জন্য পেয়ারা বাণা বস্ত্রের ভিতর একখানি ছুরী লুকাইয়া রাখিলেন । পিশাচ-বৃত্তি রাজা গৃহে

প্রবেশ করিলেই তাঁহাকে বিনষ্ট করিবেন । কিন্তু দাসীরা কি  
রূপে জানিতে পারিয়া ছুরী খানি কাড়িয়া লইল । তখন আর  
অন্য উপায় নাই ; সুতরাং তিনি নখাঘাতে আপনার মুখমণ্ডল  
ক্ষত-বিক্ত করিতে লাগিলেন । মুখচন্দ্রের সৌন্দর্য্য কমিয়া গেল ।  
তাহার পর একখানি পাথরে মাথা ঠুকিয়া তিনি প্রাণত্যাগ  
করেন । সুজার দুই কন্যা বিষ খাইয়া মরিল । অবশিষ্ট আর  
একটি কন্যাও অধিক দিন জীবিত ছিল না ।

সুজার দুর্দশার সংবাদ পাইয়া আরজ্জীব পুলকিত হইয়া  
উঠিলেন । কিন্তু তাঁহার মনে একদিনেরও জন্য সুখ জন্মে নাই ।  
শাজেহান বৃদ্ধদশায় আট বৎসর কারারুদ্ধ ছিলেন । পাছে  
তাঁহার অনুগত সৈন্যেরা কখনও বিপদ ঘটায়, এজন্য তিনি  
সর্বদাই উদ্বিগ্ন থাকিতেন । এদিকে দারা এখনও জীবিত  
আছেন ; তাঁহার পুত্র সলিম্যান শ্রীনগরে গিয়া আশ্রয় লই-  
য়াছেন । অবসর পাইলে তাঁহারাও বিপদ ঘটাইতে পারেন ।  
তদ্বিন্ন পিতাকে কারারুদ্ধ রাখিয়া রাজ্যলাভের যে সহজ কৌশল  
তিনি দেখাইয়া দিয়াছেন, তাঁহার নিজ পুত্রেরাও যে সেই  
কৌশল শিখিয়া লয় নাই. তাহাই বা বিচিত্র কি ? রাজাদিগের  
মন সর্বদাই সন্দিগ্ধ । ক্ষমতাবান লোক তাঁহাদিগের চক্ষুশূল ।  
আপনার ছায়া দেখিলেও রাজাদিগের মন ঈর্ষায় শিহরিয়া উঠে ।  
সুতরাং সকল আশঙ্কা হইতে মিক্‌দেগ হইবার জন্ত তিনি  
আপনার জ্যেষ্ঠপুত্র মন্কদকে গোয়ালিয়রের দুর্গে যাবজ্জীবন  
আবদ্ধ করিয়া রাখিলেন । মন্কদের একটি অপরাধও হইয়া-  
ছিল । বাঙ্গালার যুদ্ধের সময়ে তিনি শা-সুজার কন্যার রূপ-  
লাবণ্যে মোহিত হইয়া তাঁহাকে বিবাহ করেন । সুতরাং

পিতৃপক্ষ ছাড়িয়া তাঁহাকে দিনকয়েক শ্বশুরের পক্ষ অবলম্বন করিতে হইয়াছিল । আরঙ্গজীব সবিশেষ কৌশল করিয়া তাঁহাদের মধ্যে বিচ্ছেদ ঘটাইয়া দেন ।

দারা, লাহোরে ও আজমীরে কয়েকবার বুদ্ধের আয়োজন করিয়াছিলেন, কিন্তু আরঙ্গজীবের নিকট পরাস্ত হন । পরিশেষে তিনি অন্য উপায় না দেখিয়া ভাবিলেন যে, এরূপ দুঃসময়ে পারশ্বে গিয়া আশ্রয় লওয়াই শ্রেয়ঃ । তদ্ব্যজ্ঞ তিনি অম্বুচরগণের সহিত পারশ্বাভিমুখে চলিলেন । সিন্ধুপারে তত্তার নিকট আসিয়া তাঁহার পত্নী সুলতানা নাদিরা বাণা অত্যন্ত পীড়িত হইয়া পড়েন । তত্তার সর্দারের নাম জাইহন খাঁ । পূর্বে তিনি দুইবার খুনী মকদ্দমায় পড়িয়াছিলেন । প্রধান বিচারপতির নিকট তাঁহার অপরাধ সপ্রমাণ হয় । তদ্ব্যজ্ঞ সম্রাট শাজেহান তাঁহার যাবতীয় সম্পত্তি হস্তগত করিয়া প্রাণদণ্ডের আজ্ঞা দেন । কিন্তু কেবল দারার অনুরোধে জাইহন খাঁ দুই বারই অব্যাহতি পাইয়াছিলেন । এজন্য দারা ভাবিয়াছিলেন যে, এরূপ বিপত্তিকালে তাঁহার উপকৃত শ্বশুর অবশ্যই দুই চারি দিনের নিমিত্ত তাঁহাদিগকে আশ্রয় দিতে পারেন । জাইহনও আশ্রয় দিলেন । কিন্তু এইখানেই সুলতানা নাদিরা বাণার মৃত্যু হয় ।

দারা স্ত্রীবিয়োগে কাতর হইয়া আছেন, ইতিমধ্যে শুনিলেন যে আরঙ্গজীবের সেনানায়ক খাঁ-জেহান সুলতান হইতে তাঁহাকে ধরিতে আসিতেছেন । দারা ব্যস্ত হইয়া জাইহনের নিকট হইতে বিদায় লইলেন । তত্তানগর ছাড়িয়া অর্ধ ক্রোশ পথ গিয়াছেন, এরূপ সময়ে দেখেন যে পশ্চাতে জাইহন, এবং সঙ্গে প্রায় এক সহস্র অশ্বারোহী । দারা স্থির করিলেন,—আমার সহিত অধিক

সৈন্য নাই। বাহারা আছে, তাহারাও পীড়া ও পথিশ্রমে কাতর। এই কারণেই জাইহন আমাকে পারস্য পর্যন্ত রাখিয়া আসিবার জন্য সঙ্গে আনিতেন।

কিন্তু জাইহনের সেরূপ ধর্ম নহে। উপকার পাইলে কৃতজ্ঞ হইতে হয়, শুরুর নিকট তিনি সে পাঠ লইতে ভুলিয়া গিয়াছিলেন। তিনি অর্থের গৌরব অধিক বুঝিতেন। দারাকে ধরিয়া দিতে পারিলে আরঙ্গজীবের নিকট পুরস্কার পাইব, এই লোভেই তিনি দারা ও তাঁহার মধ্যম পুত্রকে ধরিয়া খাঁ-জেহানের হস্তে সমর্পণ করিলেন।

এখন দারার অবস্থা বড় শোচনীয়। অঙ্গে ছিন্ন বস্ত্র ; মস্তকে মলিন পাগড়ী। তাঁহার পুত্রেরও অবস্থা সেই রূপ। খাঁ-জেহান তাঁহাদিগকে একটি হস্তীর উপরি চড়াইয়া দিল্লীতে আনিলেন। দারার দুর্বস্থা দেখিয়া নগরের পশুপক্ষীরাও কাঁদিতে লাগিল ; কিন্তু আরঙ্গজীবের হৃদয় ব্যথিত হইলনা। তিনি জ্যেষ্ঠ ভ্রাতার ও ভ্রাতৃপুত্রের দুর্দশা প্রজাবর্গকে দেখাইবার জন্য তাঁহাদিগকে একবার নগর প্রদক্ষিণ করাইয়া একটি নির্জন স্থানে আবদ্ধ করিয়া রাখিলেন। দারা জানিয়াছিলেন, মৃত্যু নিশ্চিত। তিনি পূর্ব হইতে বস্ত্রের ভিতরে একখানি ছুরী, একটি কলম, দোয়াত ও কয়েকখানি কাগজ লুকাইয়া রাখিয়াছিলেন। কারাগারে কলম কাটিতেন, আর বসিয়া বসিয়া ছুঃখের কবিতা লিখিতেন। যখন শোকের বেগ উথলিয়া উঠিত, এক একবার পুত্রের গলা ধরিয়া কাঁদিতেন।

আরঙ্গজীবের দরবার বসিল। দারা জ্যেষ্ঠ, তাড়াতাড়ি রাজ্য হইতে গিয়াছিলেন, তাঁহার কি দণ্ড করা কর্তব্য? অনেকেই

বলিলেন যে, তাঁহাকে যাবজ্জীবন গোয়ালিয়রের দুর্গে আবদ্ধ রাখা উচিত । কিন্তু আরঙ্গজীবের সেরূপ অভিপ্রায় নয়, ইহা বুঝিতে পারিয়া দুই এক জন সভাসদ কহিলেন,—“দারা নাস্তিক । নাস্তিকের প্রাণবধ না করিলে মস্কদের প্রতিষ্ঠিত ধর্মের বিরুদ্ধাচরণ করা হয়” । এখন কথাটা ঠিক মনের মত হইল । আরঙ্গজীব কহিলেন,—সে কথা ঠিক । দারা আমার যে ক্ষতি করিতে হয়, করুক ; আমি তাহা সহ্য করিতে পারি । কিন্তু নাস্তিকতা অসহ্য” । এজন্য সেই রাত্ৰিতেই তিনি দারার প্রাণ বিনষ্ট করিবার নিমিত্ত নাজির ও সিক নামক দুই জন আকগান সর্দারের উপর ভার অর্পণ করিলেন ।

রাত্ৰি দুই প্রহর । দারার গৃহের পার্শ্বে হঠাৎ অস্ত্রের বন বন্ শব্দ হইল । হতভাগ্য রাজকুমারের শোকের রাত্ৰি কতক জাগরণে গিয়াছে, কতক বা কাকনিদ্রায় যাইবে ; চক্ষুঃ অবসন্ন হইয়া আসিতেছে,—এমন সময়ে অস্ত্রের বন্ বন্ শব্দ কর্ণে আসিল । তিনি চমকিয়া উঠিলেন ; বুঝিলেন, আজি অন্তিমকাল উপস্থিত । পুত্র ঘুমাইতে ছিল, তাঁহাকে জাগাইলেন । ঘাতকেরা দ্বার খুলিল । দারা কমলকাটা ছুরী খানি লইয়া ঘরের একটী কোণে দাঁড়াইলেন । ছুরীভেদে দারার পুত্রকে পার্শ্ববর্তী একটী গৃহে বাঁধিয়া রাখিল । প্রথমে তাহার মনে করিয়াছিল, গলা টিপিয়া দারার প্রাণ নষ্ট করিবে । কিন্তু এরূপে প্রাণদণ্ড করা রাজপুত্রের পক্ষে স্বপ্নাকর । এজন্য দারা অসৌম্য বিক্রম প্রকাশ করিয়া জনৈক ঘাতকের বক্ষঃদেশে আপনার ছুরী বিধিয়া দিলেন । অগত্যা তাহার তরবারি দিয়া তাঁহার মস্তকচ্ছেদন করিল । দারার পুত্র নমস্ত রাত্ৰি পিতার কধিরীকৃত মৃতদেহ ক্রোড়ে করিয়া কাঁদিতে লাগিলেন । নাজির ছিন্ন মুণ্ডটী লইয়া চলিয়া আসিল ।

দেখি দিবস সমস্ত রাত্রি আরঙ্গজীবের নিদ্রা হয় নাই । জ্যেষ্ঠ-  
ব্রাতার মৃতমুখ দেখিবেন, তবে তাঁহার স্বপ্তি হইবে । প্রাতঃকাল  
না হইতেই নাজির তাঁহার ছিন্ন মস্তক আনিয়া দিল ; রক্তমণ্ডিত,  
বিশ্রী, বিবর্ণ,— সন্ধ্যাট দেখিয়া চিনিতে পারিলেন না । কিয়ৎ  
কাল জলে ভিজাইয়া আপনার হস্তের ক্রমাৎ রক্ত মুছিয়া  
ফেলিলেন । তখন বেশ চিনিতে পারা গেল । আরঙ্গজীব বলিলেন,  
—“হাঁ, এই আমার ছরদৃষ্ট দারা ভাই” । এই কথা বলিতে বলিতে  
পাষণ কাটিয়া দুই এক বিন্দু জল পড়িল । ইহার পরে নলিমান ও  
দারার মধ্যম পুত্রকে গোয়ালিয়রের দুর্গে আবদ্ধ করা হইয়া-  
ছিল । আরঙ্গজীবের মধ্যম পুত্র মনুদ মোজিম দক্ষিণ অঞ্চলে  
ছিলেন । কি জানি, পাছে তিনি কোন বিপদ ঘটান, তজ্জন্য  
তাঁহাকেও আপনার নিকট আনিয়া রাখিলেন ।

আরঙ্গজীবের সহিত শিবজীর বিদ্রোহ মোগল ইতিহাসের  
একটা প্রধান ঘটনা । কুটবুদ্ধি ও দুর্নীতি অবলম্বন করিয়া  
আরঙ্গজীব যে মোগল সাম্রাজ্যের পূর্ণোন্নতি দেখাইয়া ছিলেন,  
অনন্ত অধাবসায় ও অতুল নাহস প্রকাশ করিয়া শিবজী অনেকাংশে  
তাঁহার অধঃপতন করিয়া যান । আরঙ্গজীব সিংহাসনে আরোহণ  
করিয়াই শিবজীর উচ্ছেদ সাধনে কৃতসংকল্প হইয়া সায়স্তা খাঁকে  
দাক্ষিণাত্যের স্ববাদার করিয়া পাঠাইয়া দেন । সায়স্তা খাঁ  
শিবজীর উদ্দেশে পুনর্বার দুর্গ আক্রমণ করেন, কিন্তু তিনি  
সেখানে তাঁহাকে দেখিতে পাইলেন না । অবশেষে এক দিন  
তিনি দুর্গমধ্যে বসিয়া মগ্নপান করিতেছেন, এমন সময়ে শিবজী  
সসৈন্যে তাঁহাকে আক্রমণ করিয়া তাঁহার তিনটা অঙ্গুলি  
কাটিয়া দেন । দাক্ষিণাত্যে সায়স্তা খাঁর বিপদ শুনিয়া



আরঙ্গজীব অধীর হইয়া উঠিয়াছেন, এমন সময়ে আবার তিনি শুনিতে পাইলেন শিবজী সুরাটে মোগল দিগের বন্দরে ভয়ঙ্কর উপদ্রব করিতেছে । তখন তিনি উপায়ান্তর না দেখিয়া শিবজীর সহিত বন্ধুতা করাই নিদ্ধান্ত করিলেন । সম্রাট শিবজীর সন্তোষ নাধনের জন্য দরবারে বসিয়া তাঁহার গুণ-কীর্তন করিতে লাগিলেন ; এবং শিবজীকে দিল্লীর দরবারে নিমন্ত্রিত করিয়া আনিবার জন্য জয়পুরের রাজাকে তাঁহার নিকট পাঠাইয়া দিলেন । শিবজী সম্রাট দরবারে উপস্থিত হইয়া দেখেন যে অযথোচিত স্থানে তাঁহার আসন নির্দিষ্ট রহিয়াছে । তখন তিনি অত্যন্ত ক্ষুণ্ণমনাঃ হইয়া ও ভিক্ষুকের বেশে দিল্লী পরিত্যাগ করিয়া অবশেষে পুনায় আসিয়া উপস্থিত হইলেন ।

আরঙ্গজীবের রাজ্যাভ্যর্থের কোশল এই ! ইহাতে নিষ্ঠুরতা ভিন্ন বুদ্ধিমত্তার কিছুই পরিচয় নাই । পিতা পুত্র, ভ্রাতায় ভ্রাতায় এবং প্রভু ভৃত্যে কাজ । যখন অবিশ্বাস, তখন আবার একটু কাঁদিলেই বিশ্বাস স্নেহ ও মমতা আসিয়া পড়ে । এরূপ স্থলে যে অধিকতর পাষাণ তাহারই জয় হইয়া থাকে ।

কুকর্মান্বিত লোকেরা আপনাদের কলঙ্ক ঢাকিবার নিমিত্ত এক একটা সৎকর্মও করে । আরঙ্গজীবও এই কোশল বিলক্ষণ বুঝিতেন । একবার ভারতবর্ষের সর্বত্র অত্যন্ত দুর্ভিক্ষ হয় । তিনি রাজকোষ হইতে টাকা দিয়া প্রজাগণের আনুকূল্য করিয়া-ছিলেন । যতপূর্বক বিদ্যা শিক্ষা করা, আমাদিগের দেশে রাজ-পুত্রদিগের ভাগ্যে প্রায়ই ঘটে না । তাঁহাদিগের বাল্যকাল প্রায় আহ্লাদ আমোদেই কাটিয়া যায় । কিন্তু আরঙ্গজীব

বিদ্যালয়ে কখন আলস্য করেন নাই। আরবী এবং পারসী ভাষায় তিনি সুপণ্ডিত ছিলেন। তত্ত্বিন্ন ভারতবর্ষের নানা স্থানের ভাষায় তিনি কথা কহিতে ও পত্রাদি লিখিতে পারিতেন। সর্বত্র বিদ্যালোচনার উৎকর্ষ সাধনের নিমিত্ত তিনি অনেক পাঠশালা স্থাপন করিয়াছিলেন। কিন্তু কেবল বিদ্যালয় থাকিলে হয় না, তত্ত্বাবধান না থাকিলে বিদ্যালয় স্থাপন করা নিফল। সেজন্য তিনি অনেকগুলি চতুর ও কৃতবিদ্য তত্ত্বাবধায়ক নিযুক্ত করিয়া রাখিয়া ছিলেন।

মুসলমান সম্রাটগণের মধ্যে প্রায় সকলেই বিলাসী ও অপব্যয়ী ছিলেন। কিন্তু আরঙ্গজীবের এ সকল দোষ ছিল না। তিনি সচরাচর সামান্য পরিচ্ছদ পরিয়া থাকিতেন। বিবাহ প্রভৃতি সমারোহ কার্য ভিন্ন অন্য কোন কার্যে কখনও তাঁহার অর্থ নষ্ট হয় নাই। তিনি ভারতবর্ষের নানা স্থানে পথিকদিগের নিমিত্ত আশ্রম নির্মাণ করাইয়া দিয়াছিলেন। সেই সকল আশ্রমে খাদ্য সামগ্রীও সঞ্চিত থাকিত। প্রজামাত্রেই সম্রাটের নিকট যাইতে পারিত। বিচারালয়ে কাহারও প্রতি অত্যাচার হইলে সে স্বয়ং সম্রাটকে তাহা অনায়াসে জানাইত। সুতরাং বিচারপতির ইচ্ছা করিলেই উৎকোচ লইতে পারিতেন না।

সম্রাট দেখিতে সুপুরুষ ছিলেন না, কিন্তু বিলক্ষণ মিত্ৰভাষী ছিলেন। তিনি প্রত্যহ অতি প্রতুষে উঠিয়া স্নান আর্হিক করিতেন। তাহার পর বেলা এক প্রহর পর্য্যন্ত রাজকার্য দেখিতেন। একপ্রহরের পর ভোজনের সময় নির্দিষ্ট ছিল। ভোজনাগ্নে লিহ, ব্যাঘ্র, হস্তী ও অশ্বাদি পশুর ক্রীড়াযুক্ত দেখিতেন। ইহাই তাঁহার আমোদ আনন্দ ছিল।

আমোদ আফলাদের পর তিনি দেওয়ান-ই-আম গৃহে সভা করিয়া বসিতেন । এই সময়ে আমীর ওমরাহ ও বিদেশীয় রাজদূত প্রভৃতি সকলে আনিয়া তাঁহার সহিত সাক্ষাৎ করিতেন । শুক্রবারে दरবার বন্ধ থাকিত । খৃষ্টধর্মাবলম্বীদিগের পক্ষে যেমন রবিবার, মুসলমানদিগের পক্ষেও শুক্রবার তদ্রূপ । তাই সম্রাট এই দিন বিষয়-কর্ম দেখিতেন না । অন্যান্য মুসলমান সম্রাটদিগের অন্তঃপুর অসংখ্য রূপবতী মহিলায় পরিপূর্ণ থাকিত । আরঙ্গজীবেরও অন্তঃপুরে অনেক রমণী ছিল, কিন্তু সে সকল কেবল রাজবাড়ীর শোভার জন্য ; ফলতঃ বিবাহিতা স্ত্রী ভিন্ন তিনি কখন অন্য নারীর মুখ দেখিতেন না । •

অতএব আরঙ্গজীবের গুণরাশি দোষরাশির ঠিক বিপরীত । এক দিকে পূর্ণচন্দ্রের জ্যোৎস্না-সৌন্দর্য্য, অন্য দিকে অমাবস্যার নিবিড় অন্ধকার । তাঁহারই রাজত্বকালে বাবরের বহুশ্রমে প্রতিষ্ঠিত ও আকবরের বহুযত্নে পরিপুষ্ট মোগল সাম্রাজ্যের পূর্ণোন্নতি ও ক্ষয়-লক্ষণ দেখিতে পাওয়া যায় । বস্তুতঃ তাঁহার দুঃচরিত্রতাই মোগল সাম্রাজ্য-পতনের প্রধান কারণ । প্রজা সন্তুষ্ট না থাকিলে রাজ্য শীঘ্রই হইয়া যায় । তখন কুটিল রাজনীতি ও অহু বল মিথ্যা । আরঙ্গজীব আপনার শঠতা ঢাকিবার জন্য সকলকে ভাল বাসিতেন ; এবং পূর্বে যে সকল লোক তাঁহার বিরোধী ছিলেন, তাঁহাদিগকেও স্নেহ করিতেন । কিন্তু লোকে বুঝিয়াছিল এ কোশল বৈ আর কিছুই নয়, হিন্দুর ত কথা কি ?—মুসলমানেরাও মনে মনে তাঁহার শত্রু ছিলেন । খলের প্রেম ও সসর্প গৃহবাস উভয়ই সমান ; বিপদ ঘটিলে অধিকক্ষণ লাগে না ।

এই গেল সাধারণ লোকের কথা । হিন্দুরা তাঁহার প্রতি

অত্যন্ত বিরক্ত হইয়াছিলেন । তিনি হিন্দুদিগকে মুসলমান করিবার নিমিত্ত উৎপীড়ন করিতেন । এজন্য যে সকল রাজপুত্র-বীরের ভূজবীর্যের জন্য তৈমুর বংশের এত প্রতিপত্তি, অবশেষে তাঁহারাও নত্মাটকে ছাড়িয়া গেলেন । আরঙ্গজীবের বৃদ্ধাবস্থায় যখন চতুর্দিকে বিপ্লব উপস্থিত হইল, তখন তাঁহারা কেহ ফিরিয়াও দেখিলেন না । ওদিকে মহারাষ্ট্র-নায়ক শিবজী ভস্মাচ্ছাদিত অগ্নিস্ফুলিঙ্গের মত লুকাইয়া ছিলেন ; ক্রমে প্রজ্বলিত হইয়া তিনিও অগ্নিকুণ্ড জালিয়া ভুলিলেন । মোগল সাম্রাজ্যের অস্তর্দেহ কল্পিত হইয়া উঠিল । আরঙ্গজীবের তত তেজঃ, তত উদ্যম,—এখন আর কিছুই নাই । সে প্রথর দীপ-শিখা নির্ঝাপিত হইয়া আসিয়াছে । পূর্বে যে সকল দুর্কর্ম করিয়া-ছিলেন, আশ্চি সেই পাপের জন্য তাঁহার হৃদয়ে সহস্র বৃশ্চিক দংশন করিতেছে । তিনি লোকের নিকট মুখ দেখাইতে পারেন না । ক্রমে অন্ততাপে ক্লিষ্ট, জীর্ণ, পাপ প্রাণ পঞ্চভূত দেহ হইতে পৃথক হইয়া গেল ।

আরঙ্গজীব শেষাবস্থায় প্রায় দাক্ষিণাত্য প্রদেশেই অবস্থিতি করিতেন । আন্ধ্রদেশে তাঁহার মৃত্যু হয় । এইস্থানে বিবিধ মস-লার তাঁহার মৃতদেহ রক্ষিত করা হইয়াছিল । পরেইলোরা ও গোদাবরীর সন্নিকটে রোজা নামক স্থানে তাঁহাকে সমাহিত করা হয় । কথিত আছে, তিনি এক প্রকার টুপী নির্মাণ করিয়াছিলেন এবং সেই টুপী বিক্রয় করিয়াই তাঁহার সমাধির ব্যয় নির্বাহ করা হইয়াছিল ।

## ভারতচন্দ্র রায় গুণাকর ।

১১১৯ সালে [ ১৭১২ খৃষ্টাব্দে ] বর্ধমান জিলার অন্তঃপাতী ভূরশুট-পরগণার পাণ্ডুরা নামক গ্রামে কবিবর ভারতচন্দ্র রায় জন্মগ্রহণ করেন । তাঁহার পিতা রাজা নরেন্দ্রনারায়ণ রায় এক জন সম্ভ্রান্ত ভূম্যধিকারী ছিলেন । তাঁহার প্রকৃত উপাধি মুখো-পাধ্যায় ; কিন্তু প্রভূত পরাক্রমশালী ও অতুল ঐশ্বর্যের অধি-পতি ছিলেন বলিয়া তিনি “রায়” ও “রাজা” এই দুই সম্মান-সূচক উপাধি প্রাপ্ত হইয়াছিলেন । মহারাট্টা-নায়ক শিবজীর সময় হইতে “বর্গীর হাঙ্গাম” ভারতেতিহাসে একটা সর্ব-প্রধান ঘটনা । অত্যাধি “বর্গীর হাঙ্গামের” নাম শুনিতে অস্ম-দেশীয় আবাল-বৃদ্ধ সকলেরই হৃৎকম্প উপস্থিত হয় । এই দুর্বৃত্ত নরপিশাচদিগের হস্ত হইতে রক্ষা পাইবার জন্য তৎকালীন প্রধান প্রধান ধনাঢ্য লোকেরা স্ব স্ব বাটীর চতুর্দিকে গড়বন্দী করিয়া রাখিতেন । তদনুসারে রাজা নরেন্দ্রনারায়-ণেরও গৃহের চতুর্দিকে দুর্ভেদ্য গড়বন্দী করা ছিল । এজন্য সেই স্থান অত্যাধি “পেঁড়োর গড়” নামে আখ্যাত হইয়া থাকে ।

নরেন্দ্রনারায়ণ রায়ের চারি পুত্র ছিল ; তন্মধ্যে ভারতচন্দ্র সর্ব কনিষ্ঠ । কথিত আছে ভারতচন্দ্রের ৯।১০ বৎসর বয়ঃক্রম কালে স্বীয় অধিকার-ভুক্ত ভূমির সীমা সম্বন্ধীয় কোন এক বিবাদস্থলে নরেন্দ্রনারায়ণ, বর্ধমানাধিপতি মহারাজ কীর্ত্তিচন্দ্র রায় বাহাদুরের জননী শ্রীমতী মহারাণী বিষ্ণুকুমারীকে কতক-গুলি কটুবাক্য প্রয়োগ করেন । কীর্ত্তিচন্দ্র তৎকালে অত্যন্ত শিশু ছিলেন ; মহারাণী দুর্ভাক্য শ্রবণে ব্যথিতা হইয়া “আলম-চন্দ্র” ও “কেমচন্দ্র” নামক দুইজন স্বীয় প্রধান রাজপুত্র

সেনাপতিকে আহ্বান করিয়া কহিলেন “হয় তোমরা এই কোড়হু শিঙীকে এখনই বিনাশ কর, নয় এই রাত্রির মধ্যেই ভূরস্ট্ অধিকার করিয়া আমার হস্তে প্রদান কর। ইহা না হইলে আমি কখনই জলগ্রহণ করিব না, প্রাণ পরিত্যাগ করিব।” সেনাপতিদ্বয় মহারাণীর আজ্ঞা শিরোধার্য করিয়া দশ সহস্র সৈন্য লইয়া সেই রাত্রিতেই “ভবানীপুরের গড়” ও “পেঁড়োর গড়” বলপূর্বক অধিকার করিয়া লইল। পরদিন প্রাতঃকালে মহারাণী বিষ্ণুকুমারী স্বয়ং “পেঁড়োর গড়ে” প্রবেশ করিয়া দেখিলেন, নরেন্দ্রনারায়ণ বা তাঁহার পুত্র ও কৰ্মসচিবাদির কেহই নাই; কেবল কতকগুলি স্থীলোক পথি-বিব-জিতা নিরাশ্রয়ার ন্যায় অধীরা হইয়া হাহাকার করিতেছেন। তিনি তাঁহাদিগকে অভয়-বাক্য প্রদানে সঙ্কুনা করিয়া কহিলেন “তোমাদিগের ভয় নাই, স্থির হও; কল্য একাদশী গিয়াছে, আমি উপবাস করিয়া আছি; আমাকে শালগ্রামের চরণামৃত আনিয়া দেও, তবে আমি জলগ্রহণ করিতে পারি”। পূজক ব্রাহ্মণ তৎক্ষণাৎ “লক্ষীনারায়ণ শিলা” আনয়নপূর্বক স্নান করাইয়া চরণামৃত প্রদান করিলেন। মহারাণী অগ্রে তাহা গ্রহণ করিয়া পরে একাদশীর পারণা করিলেন। দেব-দেবীর প্রতি তাঁহার অচলা ভক্তি ছিল। শালগ্রাম ও অন্যান্য দেব সেবার অন্য কিয়দংশ নিকর ভূমি দান করিয়া ভবানীপুরে কালী দেবীর ভোগের জন্য প্রতিদিন এক টাকা নির্দ্ধারিত করিয়া দিয়াছিলেন। কিন্তু যে সমস্ত অর্থ ও দ্রব্যাদি লইয়া ছিলেন, তাহার কিছুই পরিত্যাগ করিলেন না; কেবল গড়, গৃহ, পুষ্করিণী ও উদ্যানাদি পুনঃ প্রদান করিয়া বর্ধমানে প্রত্যাভর্তন করেন।

প্রচুর-বিভবশালী ভূস্বামী পিতাকে স্বতসর্কস্ব ও বহুকষ্টে কালযাপন করিতে দেখিয়া ভারতচন্দ্র পলায়নপূর্বক মণ্ডলঘাট পরগণার অন্তর্গত গাজিপুরের সন্নিহিত “নওড়াপাড়া” নামক গ্রামে স্বকীয় মাতুলদ্বারা বাস করিয়া তাজপুর গ্রামে “সংক্ষিপ্ত-সার ব্যাকরণ” ও “অভিধান” পাঠ করিতে লাগিলেন। চতুর্দশ বৎসর বয়ঃক্রম কালে এই উভয় গ্রামে সর্বিশেষ ব্যুৎপত্তি লাভ করিয়া নিজগৃহে প্রত্যাগত হইয়া তাজপুরের নিকটবর্তী সারদা নামক গ্রামে কেশরকুলি-আচার্য্য-বংশীয় একটি বালিকার পাণিগ্রহণ করেন। পিতার অজ্ঞাতসারে অযোগ্য কন্যায় বিবাহিত দেখিয়া অন্যান্য ভ্রাতারা তাঁহাকে যৎপরোনাস্তি তিরস্কার করিলেন। এই তিরস্কার তাঁহার পক্ষে পুরস্কার হইয়া দাঁড়াইল; কারণ ইহাই তাঁহার ভাবী উন্নতির প্রথম সোপান। বলবতী ইচ্ছার প্রতিরোধ জন্মায় কাহার সাধ্য? ভারতচন্দ্র গৃহ পরিত্যাগ করিলেন। যতদিন না ভ্রাতৃ-সাহায্য-নিরপেক্ষ ও সংস্কৃত ভাষায় লব্ধ-প্রতিষ্ঠ হন, ততদিন তিনি গৃহে প্রত্যাগমন করিবেন না, সংকল্প করিলেন। অতঃপর হুগলি জেলার অন্তর্গত বাঁশবেড়িয়া নামক স্থানের পশ্চিম দেবানন্দপুর নিবাসী কায়স্থ-কুলোদ্ভব ৩ রামচন্দ্র মুন্সী মহাশয়ের গৃহে গমন করিয়া তিনি পারসী ভাষা শিক্ষা করিতে আরম্ভ করিলেন। মুন্সী বাবুরা তাঁহার প্রতি প্রীত হইয়া তাঁহাকে বাসা ও প্রতিদিন সিধা দিয়া তাঁহাকে সুশিক্ষিত করিতে লাগিলেন। ভারতচন্দ্র অনন্যমনা ও অনন্যকর্মা হইয়া বিদ্যাভ্যাসেই নিরত থাকিতেন। কষ্টকে কষ্ট বলিয়া মনে করেন নাই। দিবসে স্বয়ং একবার মাত্র রন্ধন করিয়া সেই অন্ন দুই বেলা আহার করিতেন।

প্রায় কোন দিন ব্যঞ্জন পাক করেন নাই। একটা বেতন পোড়ার অর্ধেক একবেলা ও অপরাধের অন্য বেলা আহার করিয়া তাহাতেই পরিভ্রু থাকিতেন।

একদা মুন্সী বাবুদিগের বাগীতে “সত্যনারায়ণ কথা” হইবার আয়োজন হওয়াতে কর্তা বাবু কহিলেন “ভারত ! সংস্কৃত ভাষায় তোমার বিলক্ষণ অধিকার জন্মিয়াছে ; বিশেষতঃ ভূমি বাকুপটু ; তোমাকেই সত্যনারায়ণের পুঁথি পাঠ করিতে হইবে।” অনন্তর মুন্সী মহাশয় জনৈক লোককে পুঁথি আনয়নের অনুমতি প্রদান করিলে ভারতচন্দ্র কহিলেন “মহাশয় ! পুঁথি আনিবার আবশ্যিকতা নাই। আমার নিকটেই পুঁথি আছে ; পূজা আরম্ভ হউক, আমি বাসা হইতে শীঘ্র পুঁথি আনিতেছি।” এই বলিয়া ভারতচন্দ্র বাসায় গিয়া তদুৎপেই অতি সরল ভাষায় ত্রিপদীচ্ছন্দে উৎকৃষ্ট কবিতায় পুঁথি রচনা করিয়া সভাস্থদিগের সমক্ষে উপস্থিত হইয়া তাহা পাঠ করিতে লাগিলেন। এহু শেষে “ভারত ব্রাহ্মণ কয়” ভণিতি দেখিয়া সকলে আশ্চর্য হইয়া তাঁহার ভূয়সী প্রশংসা করিতে লাগিলেন। এই ব্রত কথা ব্যতিরেকে চৌপদীচ্ছন্দে তিনি আরও একটা কথা রচনা করেন। এই কবিতা রচনা সময়ে তাঁহার বয়ঃক্রম পঞ্চদশ বৎসরের অধিক হয় নাই।

ভারতচন্দ্র আনুমানিক ১১৩৯ সালে দেবানন্দপুর হইতে গৃহে প্রত্যাগমন পূর্বক পিতা, মাতা ও ব্রাহ্মণের সহিত মাঝাৎ করিলেন। সকলেই তাঁহাকে সংস্কৃত ও পারসী ভাষায় কৃত-বিদ্যা দেখিয়া বিস্ময়াপন্ন হইলেন। ইতিপূর্বে নরেন্দ্রনারায়ণ বর্মানাথিপতির নিকট হইতে কিছু ভূমি ইজারা লইয়াছিলেন।



একপে শিভা ও ভ্রাতৃগণের আদেশে সেই ইজারার মোক্তার নিযুক্ত হইয়া তিনি বর্ধমান যাত্রা করিলেন । ভ্রাতৃগণ কিছুদিন খাজনা দিতে বিলম্ব করিলে রাজা ঐ ইজারা খাস করিয়া লইলেন । ভারত সেই সময়ে তর্ক বিতর্ক করিয়া কোনরূপে অপরাধী হওয়াতে কারাকন্ড হইলেন । কারাধ্যক্ষ করুণ-হৃদয় ছিলেন । ভ্রাতৃগণ-সন্তানের কারাবাস দেখিয়া তাঁহাকে প্রচুর-ভাবে নিষ্কৃতি প্রদান করিলেন ।

ভারতচন্দ্র রঘুনাথ নামক জনৈক নাপিত-ভৃত্যকে সঙ্গে করিয়া অলেখর পার হইয়া “মহারাটা” অধিকারের প্রথম রাজধানী কটকে আসিয়া “শিবভট্ট” নামক দয়াশীল সুবাদারের শরণাপন্ন হইলেন ; এবং তাঁহাকে স্বীয় ছুরবহার কথা নিবেদন করিয়া পুরুষোত্তম ধামে বাস করিবার অভিপ্রায় জ্ঞাপন করিলেন । সুবাদার তাঁহার প্রার্থনায় প্রীত হইয়া তত্রত্য শাসন-কর্তাকে অনুমতি দিলেন, “ইনি পুরুষোত্তম ধামের সকল স্থানেই বিনা করে বাস করিতে পাইবেন এবং প্রত্যহ আহারের জন্য পুরী হইতে একটি করিয়া ‘বলরামী আটকে’ প্রাপ্ত হইবেন ।” সহচর নাপিত-ভৃত্য ও আপনি দুই জনে তাহা ভাগ করিয়া খাইতেন ।

এই স্থানে ভগবান্ শঙ্করাচার্যের মঠে বাস করিয়া ভারত-চন্দ্র শ্রীমন্তাগবত ও বৈষ্ণবদিগের অন্যান্য অনেক গ্রন্থ পাঠ করিতে লাগিলেন । অনন্তর গৈরিক বস্ত্র ধারণ করিয়া বৃন্দাবন নাইবার জন্য পুরুষোত্তম হইতে যাত্রা করিয়া ধানাকুল ককনগরে উপস্থিত হইলেন । এই স্থানে তাঁহার শ্যালিকা-পতির বাটী । রঘুনাথের মুখে ভারতের আগমন বার্তা শুনিয়া

শ্যালিকা-পতি তাঁহার সহিত সাক্ষাৎ করিলেন; এবং সংসার-বর্ষে  
 তাদ্ধীল্য দর্শনে নানা প্রকার প্রবোধ দিয়া পুনর্বার তাঁহাকে  
 সংসারী করিলেন। কিন্তু ভারত, “যত দিন না অর্থ উপার্জন  
 করিতে পারি, তত দিন বাটী যাইব না” সঙ্কল্প করিতে পিতা,  
 মাতা ও ভ্রাতৃগণের সহিত সাক্ষাৎ করিলেন না। কয়েক দিন  
 পরে শ্যালিকা-পতি ভারতচন্দ্রকে সঙ্গে করিয়া স্বীয়  
 স্বস্তর নরোত্তম আচার্য মহাশয়ের বাটীতে গমন করি-  
 লেন। জামাতার এই নূতন আগমন দেখিয়া অস্তঃপুর মধ্যে  
 মহা কোলাহল পড়িয়া গেল। ভারতচন্দ্র বিবাহ-রাত্রি ব্যতীত  
 আর কোন দিন প্রণয়িনী সহধর্মিণীর মুখাবলোকন করেন নাই।  
 এক্ষণে পবিত্র-হৃদয়া সহধর্মিণীর সহবাসে কিয়ৎকাল কেপণ  
 করিয়া ঔদাসীন্য পরিত্যাগ পূর্বক পুনর্বার সংসারী হইলেন।  
 পতি-গত-প্রাণা শ্রেম-শ্রফুট্টা রমণী বিপদের সাহস, সম্পদের  
 উৎসাহ, রোগের ঔষধ। ভারতচন্দ্র কয়েক দিন পত্নী-সহবাসে  
 কালাতিপাত করিয়া ভাগ্য-বর্দ্ধন-মানসে পুনর্বার যাত্রা করি-  
 লেন, এবং স্বস্তরকে কহিয়া গেলেন “আমার পিতা কিয়  
 জাতারা আমার পরিবারকে লইতে আসিলে আপনি পাঠাইয়া  
 দিবেন না।”

অনন্তর তিনি করাসভাদায় গমন করিয়া করাসী গবর্ণ-  
 মেণ্টের বিচক্ষণ দেওয়ান ইন্দ্রনারায়ণ চৌধুরীর নিকট আত্ম-  
 পুরিচয় দেন। দেওয়ান মহাশয়ও তাঁহার শুণে প্রীত হইয়া  
 তাঁহার কোন উপকার করিবার প্রতিজ্ঞা করেন। একদা কৃষ্ণ-  
 নগরাধিপতি মহারাজ কৃষ্ণচন্দ্র কোন কার্যোপলক্ষে দেওয়ান  
 চৌধুরীর সহিত সাক্ষাৎ করিতে আইলেন। চৌধুরী মহাশয়

ভারতের পরিচয় দিয়া তাঁহার প্রতিপালনের জন্য রাজাকে  
অহরোধ করেন । অমৃতর ভারতচন্দ্র কৃষ্ণনগরে রাজার সহিত  
সাক্ষাৎ করিলে তিনি মাসিক ৪০ টাকা হারে তাঁহার বৃত্তি  
নির্ধারিত করিয়া দেন । ভারতচন্দ্র প্রত্যহ প্রাতঃকালে ৩ সারং-  
কালে দুইটি করিয়া কবিতা রচনা করিয়া রাজাকে শুনাইতেন ।  
রাজা তৎপ্রবণে নিরতিশয় শ্রীত হইয়া তাঁহাকে “গুণাকর”  
উপাধি প্রদান করেন । অতঃপর একরূপ উত্তম কবিতা রচনার  
তাঁহাকে নিবৃত্ত করিয়া তিনি মুকুন্দরাম চক্রবর্তী কৃত চণ্ডীর  
প্রণালীতে তাঁহাকে “অন্নদামঙ্গল” লিখিতে অহুমতি প্রদান  
করেন । ভারতচন্দ্র অন্নদামঙ্গল রচনার নিম্নলিখিত শ্লোকে রাজার  
আজ্ঞা-প্রাপ্তি স্বীকার করিয়াছেন :—

“আজ্ঞা দিল কৃষ্ণচন্দ্র ধরণী ঈশ্বর ।

রচিল ভারতচন্দ্র রায় গুণাকর ॥”

অন্নদামঙ্গল ও বিদ্যামুন্দর রচনার পর তিনি সংস্কৃত রস-  
মঞ্জরীর বঙ্গানুবাদ করেন ।

রায় গুণাকর আশ্চর্য্য কবিত্বশক্তিগুণে মহারাজ কৃষ্ণচন্দ্রের  
পরম প্রিয়পাত্র হইয়া উঠেন । এক দিন পরস্পর কথোপ-  
কথনের সময় রাজা তাঁহার সাংসারিক বিষয় জানিতে চাহিলে  
তিনি কহিলেন “আমার স্ত্রীকে তাঁহার পিত্রালয়ে রাখিয়া  
আসিয়াছি ; ভ্রাতৃগণের সহিত মুনাস্তর হওয়াতে বাণী ঘাইবার  
ইচ্ছা নাই ; উপযুক্ত স্থান পাইলে ঘর বাঁধিয়া সংসার-খর্ষ  
করিতে অভিলাষ আছে ।” রাজা বাণী প্রস্তুত করিবার জন্য  
ভারতকে মাসিক ১০০ টাকা ও গঙ্গার ধারে মূল্যযোড় প্রায়ে  
বাৎসরিক ৬০০ টাকা আয়ের সম্পত্তি ইজারা দিয়া তথায় বাস

করিতে করিলেন । ভারতচন্দ্র ইজারার দ্বন্দ্ব পাইয়া প্রথমতঃ কয়েক দিনের জন্য ঘোবালদের বাটীতে অবস্থিতি করেন । অবশেষে স্বীয় গৃহ প্রস্তুত হইলে আপন পরিবার আনাইয়া বাস করিতে লাগিলেন । কিয়দিন পরে তাঁহার পিতাও ভারতের আশ্রয়ে আসিয়া পরলোক প্রাপ্ত হন । ভারত যথোচিত পিড়ুকৃত্য সমাপন করিয়া কৃষ্ণনগরে গিয়া নানা-বিষয়িণী কবিতা রচনা করিতে আরম্ভ করেন । এই সকল কবিতা এপর্যন্ত মুদ্রিত হয় নাই ।

নবাব আলিবর্দী খান অধিকার কালে মহারাষ্ট্রদিগের দৌরাত্ম্য ( বর্গীর হাঙ্গাম ) বাঙ্গালা দেশীয় ইতিহাসের সর্ব-প্রধান ঘটনা । তাহাদিগের ভয়ে পলায়ন করিয়া বর্ধমানাধিপতি তিলকচন্দ্রের মাতা মূলাযোড়ের পূর্বদক্ষিণ কাউগাছী নামক স্থানে গিয়া বাস করেন ; এবং মূলাযোড়ের পত্নি পাইবার জন্য কৃষ্ণনগরে রাজার নিকট প্রার্থনা করিয়া সফল-মনোরথ হন । ভারতচন্দ্র “আমি কোথায় যাইব” বলিয়া জানাইলে মহারাজ কৃষ্ণচন্দ্র আনরপুরের নিকটবর্তী গুস্তে গ্রামে ১৫০/০ বিঘা এবং মূলাযোড়ে ১৬/০ বিঘা ভূমির স্বত্ব পরিত্যাগ করিয়া তাঁহাকে গুস্তেতে বাস করিতে অনুমতি দিয়াছিলেন ।

বর্ধমানের রাণী, রামদেব নাগের নামে মূলাযোড় পত্নি লইয়াছিলেন ; কিন্তু তিনি কর্তৃত্ব-ভার পাইয়া প্রজাগণের উপর অত্যাচার করিতে আরম্ভ করেন । ভারতচন্দ্র তাহাদিগের হৃদশা দেখিয়া ঐ নাগের দংশনে অর্জ্জ্বর হইয়া সংস্কৃত ভাষায় “নাগাষ্টক” নামক আটটি কবিতা রচনা করিয়া মহারাজ কৃষ্ণচন্দ্রের নিকট পাঠাইয়া দেন । রাজা শ্লোকাষ্টক পাঠ করিয়া

যুগপৎ শোক ও সন্তোষ প্রাপ্ত হইয়াছিলেন । অতঃপর বিষ-  
মাগ্নি রোগে আক্রান্ত হইয়া তিনি ১১৬৭ সালে ( ১৭৬০  
খৃষ্টাব্দে ) ৪৮ বৎসর বয়সে ইহলোক পরিত্যাগ করেন ।

রায় ঙ্ণাকর জীবনের প্রথম ভাগে কতই কষ্ট সহ্য করিয়া-  
ছিলেন ! যিনি বাল্যকালে ভ্রাতৃগণ কর্তৃক তিরস্কৃত ও মর্দ্যাহত  
হইয়া গৃহ পরিত্যাগ করেন ; যিনি নিরাশ্রয়, নিঃসহায় ও  
পর-প্রত্যাশী হইয়া বিদ্যাশিক্ষার অহুরোধে পরগৃহে বাস  
করিয়া শাকারে দন্ধোদর পূরণ করিয়াও ভূপ্তিলাভ করিয়া-  
ছিলেন ; তিনিই একদিন মহারাজ কৃষ্ণচন্দ্রের রাজ-সভায় প্রধান  
আসন প্রাপ্ত হইয়া অদ্যাপি আবাল-বৃদ্ধ সকলেরই মুখে  
পরিকীর্তিত হইয়া থাকেন ।

### সাধক রামপ্রসাদ সেন ।

আনুমানিক ১১২৫—১১৩০ সালের ( ১৭১৮—১৭২৩  
খৃষ্টাব্দের ) মধ্যে হালিসহর পরগণার অন্তর্বর্তী কুমারহট্ট গ্রামে  
বৈষ্ণুকুলভূষণ রামপ্রসাদ সেন জন্মগ্রহণ করেন । স্বপ্রণীত  
প্রধান কাব্য “কবিরঞ্জন বিদ্যাসুন্দরের” স্থানে স্থানে তিনি যে  
আত্ম-পরিচয় দিয়া গিয়াছেন, তাহাতে জানিতে পারা যায়  
যে তাঁহার পিতামহের নাম রামেশ্বর সেন ও পিতার নাম রামরাম  
সেন । রামরাম সেনের দুই পত্নী । তন্মধ্যে প্রথমার গর্ভে নিধি-  
রাম ও দ্বিতীয়ার গর্ভে চারি সন্তান জন্মিয়াছিল । এই চারিটা  
সন্তানের মধ্যে দুইটা কন্যা ও দুইটা পুত্র । প্রথমা অম্বিকা,  
দ্বিতীয়া ভবানী, তৃতীয় রামপ্রসাদ ও চতুর্থ বিশ্বনাথ ।

লক্ষ্মীনারায়ণ দাস নামক জনৈক সম্ভ্রান্ত ব্যক্তি কলিকাতায় বাস করিতেন। তাঁহারই সহিত রামপ্রসাদের দ্বিতীয় ভগিনী ভবানীর বিবাহ হয়। তাঁহার গর্ভে জগন্নাথ ও কুশারাম নামক দুই পুত্র জন্মে। রামপ্রসাদের বৈমাত্রেয় ভ্রাতা নিধিরাম, সর্বজ্যেষ্ঠ। ভগিনী অম্বিকা ও সর্বকনিষ্ঠ ভ্রাতা বিধনাথের সহজে অধিক কিছু জানিতে পারা যায় না। রামপ্রসাদের রামচন্দ্র নামক পুত্র, এবং পরমেশ্বরী ও জগদীশ্বরী নামী দুই কন্যা ছিল। কেহ কেহ কহেন রামচন্দ্র কাতীত রামমোহন নামক রামপ্রসাদের আর একটি পুত্র জন্মিয়া ছিল। কিন্তু “কবিরঞ্জন বিদ্যাসুন্দরে” রাম মোহনের নামোল্লেখ নাই। রামমোহনের বংশধরেরা অद्याপি জীবিত আছেন। তাঁহারা কহেন “কবিরঞ্জন বিদ্যাসুন্দর” রচিত হইবার পর রামমোহনের জন্ম হইয়াছিল; এজন্য রামপ্রসাদ স্বীয় গ্রন্থে তাঁহার নাম উল্লেখ করিয়া যাইতে পারেন নাই।

রামপ্রসাদ বাল্যকাল হইতেই উত্তমরূপে শিক্ষালাভ করিয়া ক্রমে ক্রমে বাঙ্গালা, সংস্কৃত, পারসী ও হিন্দিভাষায় সবিশেষ অভিজ্ঞতা লাভ করেন। যোড়শ বৎসর বয়ঃক্রম কালে তাঁহার নৈসর্গিক কবিত্বশক্তি ও দৈর্ঘ্যরসভুক্তি পরিলক্ষিত হয়। এজন্য তিনি কৌলিক চিকিৎসা-ব্যবসায় শিক্ষা ও অবলম্বন না করিয়া শাস্ত্রাধ্যয়ন ও কবিতারচনায় সময় অতিবাহিত করিতেন। ষাট্টিশ বৎসর বয়সে বিবাহ করিয়া কিয়দিন অত্রীত হইলেই তাঁহার উপর সাময়িক ভার অর্পিত হইল। রামপ্রসাদ সংসারভারে নিপীড়িত হইয়া অগত্যা এক ঐশ্বর্যশালী ব্যক্তির কাছিতে মোহনের কর্ম করিতে বাধ্য হন। এই ব্যক্তি কে তাহা ঠিক নির্ণয় করা দুঃসাধ্য

এরূপ অনুরক্তি যে ইহার নাম দেওয়ান গোলক চন্দ্র ঘোষাল । কেহ কেহ কহেন ইনিই কলিকাতার অন্তর্গত সোনাগাঙ্গী নিবাগী মনরঙ্গকুলাধিপ দুর্গাচরণ মিত্র । তিনি চাকরী করিতে প্রবৃত্ত হইলেন বটে, কিন্তু বিষয়-বাসনায় তাঁহার বড় বিড়ম্বা ছিল । বাল্যকাল হইতেই তিনি এরূপ তত্ত্ব-জ্ঞান-পরায়ণ ও সংসারবিরাগী ছিলেন যে সামান্য সাংসারিক কর্ম করিতে করিতে বিরক্ত হইয়া উঠিতেন, এবং কখনই তাহা সুসম্পন্ন করিয়া উঠিতে পারিতেন না । রামপ্রসাদ মোহরের কর্ণে নিযুক্ত হইয়া যে খাতায় মহাজনী হিসাবাদি লিখিতেন, তাহারই প্রত্যেক পৃষ্ঠের লেখনাবশিষ্ট স্থানে অসংখ্য দুর্গা ও কালী নাম এবং ভক্তি-রস-পূর্ণ নানাবিধ সঙ্গীত রচনা করিয়া লিখিয়া রাখিতেন । এক দিন তাঁহার উপরিস্থ কর্মচারী ঐ খাতা দেখিতে পাইলেন, এবং রামপ্রসাদের এরূপ কার্য অত্যন্ত অন্যায় মনে করিয়া তিনি ক্রোধভরে স্বীয় প্রভুর নেত্রগোচর করিলেন ।

কখন কোন্ তুল্য সূত্র অবলম্বন করিয়া দারিদ্র্য-দুঃখ উপস্থিত হয়, ইহা বেরূপ মনুষ্যের অপরিজ্ঞেয়, কখন কোন্ সূক্ষমতম সূত্র আশ্রয় করিয়া সৌভাগ্য-সুখ সমুপস্থিত হয়, ইহাও সেইরূপ তাহাদিগের জ্ঞান-বহির্ভূত । প্রসাদের উল্লিখিত ঘটনাটি শুনিয়া অনেকেই মনে করিতে পারেন যে তাঁহার প্রভু তাঁহার ঐ গর্হিতাচরণ দেখিয়া তাঁহাকে অবমানিত ও অপদস্থ করিবেন । কিন্তু ঈশ্বরের কি আশ্চর্য্য কৌশল ও নিগূঢ় নিবন্ধ ! এই ঘটনাটি রামপ্রসাদের জীবন-শ্রোতের পথ পরিষ্কার করিয়া ছিল । তিনি যে প্রভুর অধীনতায় মোহরের কর্ণে নিযুক্ত হন, তিনি অত্যন্ত ধীরপ্রকৃতি, গুণগ্রাহী ও ঈশ্বর-পরায়ণ ছিলেন । প্রসাদের

কালী-নাম-পূর্ণ ও ভক্তি-রস-বিশিষ্ট সুমধুর সঙ্গীত পাঠ করিয়া তিনি মোহিত হইয়া গেলেন এবং সর্বপ্রথমে “আমায় যে মা ভবীল নারী। আমি নিমক্ হারায় নই গরুরী” এই গানটী পাঠ করিয়া তিনি আর অশ্রু-সম্বরণ করিতে পারেন নাই। কথিত আছে রামপ্রসাদ একলক্ষ গান রচনা করিয়া ছিলেন ; এবং এই গানটীই তাঁহার প্রথম রচিত। একগাছি ক্ষুদ্র তুণের সঞ্চালন দেখিয়া বায়ুর গতি নিরূপণ করিতে পারা যায়। তিনি এই একটীমাত্র সঙ্গীত পাঠ করিয়া বুকিতে পারিলেন যে রামপ্রসাদের জীবন মহাজনী খাতা লেখনাপেক্ষা অনেক উচ্চতর কার্যের উপযোগী। তৎক্ষণাৎ তিনি তাঁহাকে আহ্বান করাইয়া তাঁহার চাকরী স্বীকার করিবার কারণ-জিজ্ঞাসু হইলেন। রামপ্রসাদও বিনীত-ভাবে ও সাক্ষনয়নে প্রভুর নিকট আপনার দারিদ্র্য-দুঃখ জানাইলেন। তিনিও রামপ্রসাদের দুঃখের বিষয় বিজ্ঞাপিত হইয়া স্বীয় উদারতা ওণে তাঁহার মাসিক ৩০০ টাকা বৃত্তি নির্দ্ধারিত করিয়া এই বলিয়া দিলেন যে “আপনার আর অনিত্য সংসার চিন্তায় সর্বদা ব্যাকুল হইতে হইবে না। আমি আপনাকে যে মাসিক বৃত্তি প্রদান করিতেছি, আপনি তাহাতেই পরিতুষ্ট হইয়া নিশ্চিন্তভাবে দিন যাপন করুন। আপনি যে পদবীর অনুসরণ করিয়াছেন, তাহা সমাপ্ত করা মনুষ্যের প্রার্থনীয় এবং তাহা সমাপ্ত করিতে পারিলেই মানবজন্ম সার্থক হয়। অতএব ইহা হইতে আপনাকে খলিত করা কোন ক্রমেই আমার উচিত নহে”।

সাংসারিক বন্ধনা হইতে নিকৃতিলাভ না করিলে লোকের স্বীয় অভিলাষ পূর্ণ হওয়া অসম্ভব। বিশেষতঃ স্বাধীনতা কবিদের প্রসূতি। রামপ্রসাদ মহারাজ-প্রদত্ত পূর্বোক্ত বৃত্তি প্রাপ্ত



হইয়া অল্পকষ্টচিত্তে ঈশ্বরচিন্তনে মন সমর্পণ করিবার প্রকৃত অবসর পাইলেন । অতঃপর তিনি গৃহগমন করিয়া তদ্বিধিত পঞ্চমুণ্ডী আসন সংস্থাপন পূর্বক সাধনার অঙ্গরত হইল । সর্প, শন, ভেক, শৃগাল ও নরমুণ্ড লইয়া পঞ্চমুণ্ডী আসন প্রস্তুত করিবার প্রণালী তদ্বৈ উক্ত আছে ; কিন্তু রাম প্রমাদের আসন-তলে মিনুর-মণ্ডিত পাঁচটা নরমুণ্ড প্রাপ্ত হওয়া গিয়াছে । তিনি শক্তি-বিষয়ক সঙ্গীত, সংকীর্তন ও ভজন-গানে অহোরাত্র অতিবাহিত করিয়া স্বীয় ও পরকীয় পরমানন্দ বিধান করিতে লাগিলেন । কথিত আছে কাব্য ও ভজন ব্যতীত তিনি কেবল কালীবিষয়ক সঙ্গীতই লক্ষাধিক রচনা করিয়াছিলেন ।

রামপ্রসাদ যখন মহারাজ-প্রদত্ত বৃত্তি লাভ করিয়া নিজগ্রাম কুমারহটে বাস করিতে ছিলেন, তখন মহারাজ কৃষ্ণচন্দ্র তাঁহার অলৌকিক ঈশ্বর-ভক্তি ও কবিত্ব-শক্তির প্রথম পরিচয় প্রাপ্ত হন । তৎকালে কুমারহট্ট মহারাজের অধিকার ভুক্ত ছিল ; এবং তিনি তথায় একটা ধর্ম্মাধিকরণ ও বায়ুসেবনালয় নির্মাণ করাইয়া ছিলেন । যখন তিনি ঐ স্থানে বায়ুসেবন করিতে আসিতেন, তখন তিনি রামপ্রসাদকে আহ্বান করাইয়া তাঁহার সহিত তত্ত্ব-জ্ঞান-সম্বন্ধীয় কথার আলোচনায় প্রবৃত্ত হইতেন । ক্রমে ক্রমে তিনি প্রমাদের প্রগাঢ় শক্তি-ভক্তি, বিষয়-বাসনা-শূন্যতা, মাহাত্ম্য ও কবিত্ব-শক্তি দর্শনে নিরতিশয় প্রীতি লাভ করিয়া তাঁহাকে স্বীয় সভানন্দ করিবার জন্য মহারাজ অনেক অঙ্গরোধ করেন ; কিন্তু তাঁহার হৃদয় তৎকালে আর কাহারও অধীনতা-শৃঙ্খলে আবদ্ধ থাকিতে বা কাহারও স্তব করিতে প্রস্তুত ছিল না । একদা তিনি মহারাজের অঙ্গ-

রোধ রক্ষা করিতে পারিলেন না। গুণগ্রাহী, হৃদয়বান, উৎসাহ-বর্ধক মহারাজও প্রসাদের অস্বীকারে অধিকতর খীত হইয়া তাঁহাকে ১০০ বিঘা নিকর ভূমি ও “কবিরঞ্জন” উপাধি প্রদান করিলেন। ত্রিশ টাকা মাসিক বৃত্তি ও এক শত বিঘা নিকর ভূমি প্রাপ্ত হওয়াতে রামপ্রসাদের আয় বিলক্ষণ বৃদ্ধি পাইয়া উঠিল। কিন্তু আয় বৃদ্ধি হইল বলিয়া যে তিনি পুনর্বার বিষন্ন-বাসনায় প্রলিপ্ত হইবেন, তাহা এক দিনের জন্তও তাঁহার মনে স্থান পায় নাই। মহতের উদ্দেশ্য মহৎ, এবং মহতের অর্থ নিজার্ধ অপেক্ষা পরার্থেই অধিক ব্যয়িত হইয়া থাকে। দরিদ্রের দারিদ্র্য-হুঃখ দর্শন করিলে রামপ্রসাদের হৃদয় ব্যথিত হইয়া উঠিত। যাহা কিছু তাঁহার হস্তে থাকিত, অমনি তাহা তিনি দান করিয়া ফেলিতেন।

রামপ্রসাদ বড় কৃতজ্ঞ ছিলেন। তিনি মহারাজের নিকট হইতে মাসিক বৃত্তি ও ভূমিলাভ করিয়া কৃতজ্ঞতার পরিচয় প্রদান করিতে নিশ্চিত্ত রহিলেন না। কিন্তু তিনি স্বয়ং দরিদ্র। মহারাজকে কিরূপ প্রতিদান করিবেন, তাহা তিনি ভাবিয়া পাইলেন না। তিনি দেখিলেন, মহারাজ ধর্ম গ্রহণ অপেক্ষা অধিকতর কাব্য-প্রিয় এবং কবিত্ব-শক্তির সর্বিশেষ গুণগ্রাহী। এজন্য তিনি মহারাজের রুচি ও উদ্দেশ্য অনুসারেই “কবিরঞ্জন বিদ্যাসুন্দর” নামক এক খানি কাব্য প্রণয়ন করিয়া মহারাজকে উপহার প্রদান করেন। রামপ্রসাদের সর্বশ্রেষ্ঠ গ্রন্থ “কালী-কীর্তন”। “কালী-কীর্তন” যে সর্বশ্রেষ্ঠ হইবে, তাহা আর বিচিত্র কি! যিনি সমস্ত জীবন কালীকীর্তনেই অতিবাহিত করিয়াছেন, তাঁহার “কালী-কীর্তন” সর্বশ্রেষ্ঠ না হওয়াই বিস্ময়-

কর। এই গ্রন্থখানি ব্যতীত রামপ্রসাদ “কৃষ্ণকীর্তন” ও “শিবকীর্তন” নামক আরও দুই খানি কাব্য রচনা করিয়া ছিলেন। কাব্যরচনা অপেক্ষা সঙ্গীত রচনাই তাহার জীবনের প্রধান উদ্দেশ্য ছিল। তাঁহার হৃদয়-জলধি শক্তি-প্রেম-তরঙ্গে অহর্নিশ উবেল হইয়া উঠিত; এবং তাঁহার সঙ্গীতাবলী এরূপ হৃদয়ের উচ্ছ্বাস ও অভিব্যক্তি মাত্র। তৎকালে সঙ্গীতাদি রচনা করিয়া গ্রন্থে পরিণত করা এ দেশের রীতি ছিল না; এবং গ্রন্থ রচনা করিয়া অর্ধোপার্জন করাও তাঁহার উদ্দেশ্য ছিল না। এজন্য তৎপ্রণীত সঙ্গীতের সহস্রভাগের এক ভাগও প্রাপ্ত হওয়া অসম্ভব।

রামপ্রসাদ স্বীয় অলৌকিক ক্ষমতাগুণে গুণগ্রাহী মহারাজ কৃষ্ণচন্দ্রের অত্যন্ত প্রিয় পাত্র হইয়া উঠিয়াছিলেন। মহারাজ তৎসহবাস অত্যন্ত সুখদ মনে করিতেন। তৎকালে এদেশে রেলওয়ে ছিল না; এজন্য বিতৰ্জালী লোক আমোদ আহ্লাদের জন্য সময়ে সময়ে জল বিহারে বহির্গত হইতেন। এক দিন মহারাজ কৃষ্ণচন্দ্র রামপ্রসাদকে সঙ্গে লইয়া গঙ্গাপথে মুরশিদাবাদ যাইতে ছিলেন। রামপ্রসাদ বজ্রায় বসিয়া স্বীয় কালীকীর্তন সঙ্গীতে মহারাজের কর্ণকুহরে অমৃত স্রোত প্রবাহিত করিতে ছিলেন। ঘটনাক্রমে নবাব সিরাজ উদ্দৌলাও তৎকালে গঙ্গাপথে জলবিহারে বহির্গত হইয়া ছিলেন। নবাবের ডাকাধ্বনি শ্রবণ ও নৌকোপরি পতাকারাজি দর্শন করিয়া মহারাজ ও রামপ্রসাদ স্তম্ভিত হইয়া উঠিলেন; এবং নবাবের যথোচিত সন্মান করিবার জন্য তাঁহার সমীপে অগ্র-বর্তী হইতে লাগিলেন। সিরাজও উৎসুক হইয়া মহারাজের

বজ্রা ধামাইবার ক্রম আদেশ দিলেন; এবং উৎসর্গার্থে গায়ককে ডাকাইয়া আনিয়া তাঁহাকে ধ্যান করিতে অনুমতি করিলেন । তৎকালে এ দেশের সকলেই সিরাজের আচার ব্যবহার ও রুচির বিষয় অবগত ছিল । রামপ্রসাদও সিরাজের মনস্তত্ত্বের জন্ত হিন্দি, খেরাল ও গজাল গান আরম্ভ করিলেন । কিন্তু ধর্মের কি আশ্চর্য্য মহিমা এবং ধর্ম-সঙ্গীতের কি মোহিনী শক্তি ! প্রসাদের প্রসাদ-গুণ-বিশিষ্ট কালী-কীর্ত্তন শুনিয়া অবধি নবাবের মন বিমোহিত হইয়াছিল । তিনি প্রসাদের হিন্দি, খেরাল ও গজাল গানে বিরক্ত হইয়া উঠিলেন; এবং কহিলেন যে “আমি তোমার ঐ সকল গান শুনিতে চাই না । তুমি ইহার পূর্বে বজ্রায় বলিয়া “কালীকালী” বলিয়া যে গানটী গাইতে ছিলে, সেই গানটী গাও” । রামপ্রসাদও নবাবের আদেশ মত তাঁহাকে সেই গানটী গাইয়া শুনাইলেন । প্রেমিক ও সাধকের সঙ্গীত সকলকেই মোহিত করিয়া দেয় । রামপ্রসাদের কারুণ্যব্যঞ্জক, সুললিত ও অমৃতময় সঙ্গীতশ্রোত্রে সিরাজের পাষণ-হৃদয় প্রাবিত ও দ্রবীভূত হইয়া গেল ।

কুমারহট্টনিবাসী অযোধ্যারাম গোস্বামী নামক জটনক লোক রামপ্রসাদের নমসাময়িক ছিলেন । গোস্বামী মহাশয় সাধারণতঃ “আজ্ঞো গোঁসাই” বলিয়া পরিচিত । অনেকে তাঁহাকে “পাগল” বলিয়াও ডাকিত । কিন্তু তিনিও যে একজন সুকবি ও পেরম ভাবুক, এবং রামপ্রসাদের ন্যায় একজন ধর্ম-পাগল ছিলেন, তাহাতে আর সন্দেহ নাই । রামপ্রসাদ কালী ভক্ত, ইন্দ্রি হরি ভক্ত । শাক্ত ও বৈষ্ণবের দৃষ্টি চির-প্রতিদ্বন্দ্বী । ইহাদেরও মধ্যস্থতা তাহার বৃনতা ছিল না । রাম-

প্রসাদ কখন রে গান গাইতেন, ষোড়শী মহাশয় তৎক্ষণাৎ আধ্যাত্মিক ভাবে তাহার যথোচিত প্রত্যুত্তর দিতেন । এইরূপে মহারাচ কৃষ্ণচন্দ্র উভয়কে একত্র করিয়া শান্ত ও বৈষ্ণবের বর্ষবন্দে দেখিয়া আনন্দ অর্জব করিতেন । উভয়ের মধ্যে অনেকানেক ধর্ম যুদ্ধ হইত । এক দিন রামপ্রসাদ গাইলেন, “ভাই, এ সংসার ধোকার টাটি” । আজো গোঁসাই উত্তর করিলেন “এ সংসার সুখের কুটি । যার যেমন মন, তেমনি ধন, মন কররে পরিপাটি ; ওহে সেন, অল্প জ্ঞান, বুদ্ধ কেবল মোটামটি । ওরে শিবের ভাবে ভাবনা কেন, শ্রামা মায়ের চরণ ছুটি, জনক রাজা ঋষি ছিল, কিছুতেই ছিল না কুটি । সে যে এদিক ওদিক ছুদিক রেখে খেতে পেতো ছুখের বাটি” ।

রামপ্রসাদ একজন সুপণ্ডিত, সুভাবুক ও পরম সাধক ছিলেন । তাহার হৃদয়বদ্ধা-পূর্ণ-সঙ্গীত শ্রবণ করিয়া সকলেই মোহিত হইল । তাহার জীবনের কতকগুলি অলৌকিক গল্প শুনিতে পাওয়া যায় । প্রথমতঃ, একদা রামপ্রসাদ স্নান করিতে যাইতে ছিলেন, এমন সময় স্বয়ং অন্নপূর্ণা কাশী হইতে ষোড়শী মানবীর মূর্তি ধরিয়া তাহার গান শুনিতে আসিয়া ছিলেন । দ্বিতীয়তঃ, স্বয়ং ঈশ্বরী তাহার কন্যা জগদীশ্বরী রূপে তাহার ঘরের বেড়া বাঁধিয়া দেন । তৃতীয়তঃ, স্বয়ং শিবা শিবা-রূপে তাহার হস্ত হইতে আহার গ্রহণ করিতেন । চতুর্থতঃ, গার-গাছ হইতে পদ্ম নামাইয়া প্রসাদ কালীপূজা করিয়া ছিলেন । এই সকল ঘটনা সাংসারিক ভাবে অলৌকিক ও অসম্ভব ; কিন্তু আধ্যাত্মিক ভাবে সম্পূর্ণ সম্ভব । ঈশ্বর স্বয়ং উপদেষ্টা

৬ অভিনায়ক হইয়া ভক্তের স্তুতিদান ও তাঁহাকে সৎপথে চালিত করেন; দুর্ভহ-পাপ-ভার-ভগ্ন পরমাকার পুনর্কার জীর্ণ-সংস্কার করেন; সাধক প্রার্থনা করিলেই তাঁহাকে তাঁহার আকাঙ্ক্ষিত বস্তু প্রদান করেন, এবং যাহা আপাততঃ অসম্ভব বলিয়া বোধ হয়, তাহাও তিনি সাধকের সাধন প্রভাবে সম্ভব-পর করিয়া তুলেন, ইহা আর বিচিত্র কি! রামপ্রসাদের মৃত্যু সম্বন্ধে আর একটি আশ্চর্য গল্প শুনিতে পাওয়া যায়। তিনি মৃত্যুর পূর্বে লক্ষণ বুঝিতে পারিয়া ছিলেন। ধীরপ্রকৃতি ও স্ত্রীলোকে প্রায়ই মৃত্যুর আসন্নকাল অনুভব করিতে পারেন। রামপ্রসাদও মৃত্যুর পূর্বে লক্ষণ জানিতে পারিয়া কালী পূজা করেন; এবং পরদিন বিসর্জনের সময় শক্তি-গুণ-কীর্তন করিতে করিতে গঙ্গাতীরে উপস্থিত হন। তথায় অর্ধনাভি জলে দণ্ডায়মান হইয়া “মাগো! আমার দফা হলো রফা, দক্ষিণা হইয়াছে” এই গানটি গাইবা মাত্রই ব্রহ্মরক্ষু ভেদ হইয়াই তাঁহার মৃত্যু হয়। রোগে তাঁহার মৃত্যু না হইয়া ভাবেই তাঁহার মৃত্যু হইয়াছিল।

### মদনমোহন তর্কালঙ্কার !

নদীয়া জেলার অন্তঃপাতী বিশ্বগ্রাম নামক স্থানে ১২২২ সালে [১৮১৫ খৃষ্টাব্দে] মদনমোহন তর্কালঙ্কার জন্মগ্রহণ করেন। তাঁহার পিতা রামধন চট্টোপাধ্যায় কলিকাতা সংস্কৃত কলেজে লিপিকরের কার্য করিতেন। রামধনের দুই পুত্র ছিল—জ্যেষ্ঠ মদনমোহন ও কনিষ্ঠ গোপীনাথ। রামধন চট্টোপাধ্যায়

লিপিকর-কার্য হইতে অপস্থত হইলে তদীয় কনিষ্ঠ মহোদয়  
 রামরতন চট্টোপাধ্যায় উক্ত পদে নিযুক্ত হন । আট বৎসর  
 বয়ঃক্রম কালে মদনমোহন পিতৃব্য কর্তৃক কলিকাতায় আনীত  
 হইয়া সংস্কৃত কলেজে প্রবেশ করেন । কলিকাতায় কিছুকাল  
 থাকিয়া উদরাময় রোগে আক্রান্ত হইলে তিনি বাটী গমন করেন ;  
 এবং সুস্থ হইলে পর নিজ গ্রামস্থ এক চতুষ্পাঠীতে ব্যাকরণ  
 ও সাহিত্য অধ্যয়ন করেন । বাটীতে কিয়দ্দিন অধ্যয়ন করিয়া  
 তিনি ১৮২৯ খ্রীষ্টাব্দে জানুয়ারি মাসে পুনর্বার কলিকাতায়  
 আসিয়া সংস্কৃত কলেজে পুনঃ প্রবিষ্ট হন । তৎকালে তাঁহার  
 বয়ঃক্রম চতুর্দশ বৎসর মাত্র ছিল । ঐ বৎসর ডিসেম্বর মাসে  
 পণ্ডিতবর ঈশ্বরচন্দ্র বিদ্যাসাগর মহাশয় সংস্কৃত কলেজে প্রথম  
 প্রবিষ্ট হন । মদনমোহন ও বিদ্যাসাগর মহাশয় এক শ্রেণীতে  
 পড়িতে আরম্ভ করেন । অচিরে উভয়ের মধ্যে অকুত্রিম  
 সৌহার্দ জন্মিয়া উঠিল । ১৮৪২ খ্রীষ্টাব্দ পর্যন্ত মদনমোহন  
 ব্যাকরণ, সাহিত্য, অলঙ্কার, স্মৃতি ও জ্যোতিষাদি শাস্ত্র অধ্যয়ন  
 করেন । এই সময়ে তিনি ইংরাজী ভাষা কথঞ্চিৎ শিক্ষা করিয়া  
 ছিলেন । তিনি পঠদশাতেই সপ্তদশবর্ষ বয়ঃক্রম কালে “রস  
 তরঙ্গিনী” ও বিংশবর্ষ বয়ঃক্রম কালে “বাসবদন্তা” প্রণয়ন  
 করেন । তাঁহার অলঙ্কারাধ্যাপক সুধীবর প্রেমচাঁদ তর্ক-  
 বাগীশ ও সাহিত্যাধ্যাপক সুকবি জয়গোপাল তর্কালঙ্কার  
 তদীয় কবিত্ব শক্তির মনোহারিত্ব দেখিয়া ভূয়সী প্রশংসা  
 করিতেন ।

তর্কালঙ্কার বিদ্যালয় পরিত্যাগ করিয়া প্রথমতঃ কলিকাতা  
 বাঙ্গালী পাঠশালার প্রথম শিক্ষক পদে নিযুক্ত হন । তৎপরে

বারানসিত বিদ্যালয়, কলিকাতা কোর্ট উইলিয়ম্ ও কৃষ্ণনগর কলেজে যথাক্রমে অধ্যাপকতা করিয়া অবশেষে ১৮৪৭ খ্রীষ্টাব্দে কলিকাতা সংস্কৃত কলেজে সাহিত্য শাস্ত্রের অধ্যাপক পদে নিযুক্ত হন। তাঁহার স্মৃষ্টি বচন বিদ্যাস, সুললিত ও প্রাঞ্জল ব্যাখ্যা শ্রবণ এবং রসময়ী অধ্যাপনায় তদীয় ছাত্রগণ যৎপরোনাস্তি প্রীত হইত। নিরহঙ্কারতা, চিন্ত-সমুন্নতি, বাল্যকাল-সুলভ চাপল্য ও অসাময়িকতায় তিনি সকলের প্রিয় হইয়াছিলেন। তিন বৎসর মাত্র সংস্কৃত কলেজে থাকিয়া তিনি কতকগুলি দেশ হিতকর কার্য সম্পাদন করেন। তাঁহারই অধ্যবসায় বলে “কলিকাতা সংস্কৃত যন্ত্র” নামক মুদ্রাযন্ত্র স্থাপিত এবং অনেকগুলি প্রাচীন বাঙ্গালা ও সংস্কৃত গ্রন্থ মুদ্রিত হয়। তৎকালে শিক্ষা বিভাগের অধ্যক্ষ বেথুন সাহেব তাঁহার প্রশংসা শুনিয়া তাঁহার সহিত বন্ধুত্ব সংস্থাপন করেন। উভয়েই অজ্ঞান-তিমিরাবৃত বঙ্গ-কুল-কামিনীদিগের উন্নতি সাধনে উৎসুক হইয়া বেথুন বিদ্যালয় নামক একটি বালিকা বিদ্যালয় স্থাপন করেন। কিন্তু কেহ কন্যা দিতে অগ্রসর হইলেন না। অবশেষে তর্কালঙ্কার মহাশয় ভুবনমালা ও কুন্দমালা নামক স্ত্রী কন্যাধরকে সর্বপ্রথমে বেথুন বিদ্যালয়ে প্রেরণ করিয়া নাধু দৃষ্টান্তের পরিচয় প্রদান করেন। ইহা দেখিয়া কলিকাতা হাইকোর্টের জজ অনারেবল শত্ৰুনাথ পণ্ডিত ও কলিকাতা সংস্কৃত কলেজের ব্যাকরণাধ্যাপক তারানাথ তর্ক-বাচস্পতি মহাশয় তদীয় দৃষ্টান্তের অনুকরণ করেন। কিন্তু তৎকালে বালিকাগণের পাঠোপযোগী কোন পুস্তক না থাকাতো তিনি ১৮৪৯ খ্রীষ্টাব্দে তিন ভাগ “শিশু শিক্ষা” প্রণয়ন করেন। “শিশু শিক্ষা” তিন খানির রচনা। প্রথম সরল ও প্রাঞ্জল বে



বালক বালিকাগণের এরূপ পার্শ্বোপযোগী পুস্তক বঙ্গভাষায় নাই বলিলেও অভ্যুক্তি হয় না ।

“শিশু শিক্ষা” ত্রয়ের রচনা দেখিয়া বেধুন সাহেব তাঁহার প্রতি যৎপরোনাস্তি সন্তুষ্ট হইয়া কহিলেন “মদন ! তোমার ‘শিশু শিক্ষা’ রচনায় আমি অত্যন্ত আক্লাদিত হইয়াছি । আমি তোমার কোন উপকার করিতে ইচ্ছা করি । বল, কি উপকার করিলে তুমি সন্তুষ্ট হও ।” তর্কালঙ্কার মহাশয় এতদূর উন্নতচেতা ও তেজস্বী ছিলেন যে তিনি প্রত্যুত্তরে কহিলেন “মহাশয় ! আপনি বিপুল জলধি অতিক্রম করিয়া বঙ্গদেশে আসিয়া বঙ্গকামিনীদিগের শোচনীয় অবস্থা দেখিয়া তন্মোচনের চেষ্টায় এই বালিকা বিদ্যালয়টী সংস্থাপন করিয়াছেন । আমি বঙ্গবাসী ; বিদেশীয় মহাত্মা আমাদের দেশীয় রমণীগণের দুঃ-বস্থা মোচনে কৃতসংকল্প হইয়াছেন । আমি তাঁহার চেষ্টায় সাহায্য মাত্র করিয়াছি । ইহাতে আমি কিসে পুরস্কারের যোগ্য !” ইহা শুনিয়া বেধুন সাহেব কিঞ্চিৎ লজ্জিত হইলেন, কিন্তু যে কোন উপায়েই হউক তাঁহার উপকার করিতে সচেষ্ট রহিলেন ।

কিয়দিন মধ্যেই মুরশিদাবাদের জজ পণ্ডিতের পদ শূন্য হয় । তর্কালঙ্কার মহাশয় বায়ু পরিবর্তন মানসে উক্ত পদ প্রাপ্তির জন্য বেধুন সাহেবের নিকট স্বীয় অভিলাষ প্রকাশ করেন । ১৮৫৫ খৃষ্টাব্দে তর্কালঙ্কার মহাশয় ঐ পদে নিযুক্ত হইয়া মুরশিদাবাদ যাত্রা করেন । তিনি ঐ পদে ছয় বৎসর কাল অতিবাহিত করিয়া অবশেষে ঐ স্থানের জেপুটী মাস্ট্রিষ্ট্রেট পদে নিযুক্ত হন । মদনমোহন মুরশিদাবাদে আবাল বৃদ্ধ

সকলেরই প্রীতিভাজন হইয়াছিলেন। তিনি মুরশিদাবাদে একটা অভিযালা ও আর একটা দাতব্য-সভা সংস্থাপন করেন। এই সময়ে তদীয় বন্ধু বেথুন সাহেবের মৃত্যু হয়। ইহাতে মদনমোহন যে কি পর্যন্ত দুঃখিত হইয়াছিলেন, তাহা সহস্র ব্যক্তি মাত্রেই বুঝিতে পারিবেন।

মুরশিদাবাদে এক বৎসর থাকিয়া তিনি কান্দী নামক স্থানে ডেপুটী মাজিষ্ট্রেট নিযুক্ত হন। মুরশিদাবাদের ন্যায় কান্দীতেও তিনি একটা অনাথ মন্দির, দাতব্য চিকিৎসালয়, এবং বালিকা বিদ্যালয় ও ইংরাজী বিদ্যালয় সংস্থাপন করেন।

এই সময়ে বঙ্গদেশে বিধবা বিবাহ লইয়া মহা আন্দোলন উপস্থিত হয়। তর্কালঙ্কার মহাশয় জজ পণ্ডিতের পদ পরিত্যাগ করিলে পণ্ডিত শ্রীশচন্দ্র বিদ্যারত্ন ঐ পদে নিযুক্ত হন। বিদ্যারত্ন মহাশয়ই নব্ব প্রথমে বিধবা বিবাহের দৃষ্টান্ত প্রদর্শন করেন। বালিকা বিদ্যালয়ে কণ্ঠা প্রেরণ অপরাধে তিনি আট নয় বৎসর কাল সমাজচ্যুত হইয়াছিলেন।

মাকালতোড় নামক স্থানে দুইজন ধনশালী দুর্দান্ত মুসলমান জমীদার তাহাদের কোন পরকোপলক্ষে কৃত্রিম যুদ্ধ করিয়া আয়োদ প্রয়োদ করিত। কিন্তু ইহাতে বহুসংখ্যক নরহত্যা হইত। ইহা নিবারণের জন্য তর্কালঙ্কার মহাশয় স্বয়ং একদল পুলিশ সৈন্য ও আর একজন বিশ্বস্ত দারবান সহ অশ্বপৃষ্ঠে আরোহণ করিয়া নির্ভয়চিত্তে বিপক্ষ সৈন্য মধ্যে প্রবিষ্ট হইলেন। কিন্তু বহুসংখ্যক সৈন্য আক্রমণ করিতে তিনি সংজ্ঞাশূন্য হইয়া ভূতলে পতিত হন। ইহা দেখিয়া বিপক্ষ সৈন্যগণ পলায়ন করিতে লাগিল। তিনিও দারবান কর্তৃক গৃহে আনীত

হইয়া সুস্থকায় হইলেন । কিন্তু প্রধান বিচারালয়ে অভিযোগ করিলে তিনি প্রমাণাভাবে বিচারে পরাজিত হইলেন । ইহাতে তর্কালঙ্কার আপনাকে অবমানিত মনে করিয়া কৰ্ম পরিত্যাগ করিবার সঙ্কল্প করিলেন । কিন্তু এই ঘটনার প্রায় দুই মাস পরে ওলাউঠা রোগে আক্রান্ত হইয়া ১২৬৪ সালে ২৭ কাস্তুন (১৮৫৭ খ্রিষ্টাব্দে ৯ই মার্চ) তারিখে মানবলীলা পরিত্যাগ করেন ।

### ডাক্তার দুর্গাচরণ বন্দ্যোপাধ্যায় ।

কলিকাতার কয়েক ক্রোশ উত্তরে চানক নামক একটি ক্ষুদ্র নগর আছে । ইষ্ট ইণ্ডিয়া কোম্পানীর প্রধান কর্মচারী জব চার্ণক কর্তৃক প্রতিষ্ঠিত হয় বলিয়া ইহার নাম চার্ণক হইয়াছে । ইহার অন্যতর নাম বারাকপুর, এই স্থানে সম্প্রতি ইংরাজ-দিগের একটি সেনানিবেশ হইয়াছে । এই সেনানিবেশের অনতিদূরে মণিরামপুর নামক এক খানি ক্ষুদ্র গ্রাম আছে । ১৮১০ খ্রিষ্টাব্দে [ ১২১৭ সালে ] এই স্থানে দুর্গাচরণ একটি সম্ভ্রান্ত বংশে জন্ম গ্রহণ করেন । দুর্গাচরণের পিতা গোলোকচন্দ্র বন্দ্যোপাধ্যায় একজন প্রধান কুলীন ও ধর্মনিষ্ঠ ব্রাহ্মণ ছিলেন । এজন্য তাঁহার প্রতিবাসিগণ তাঁহার অত্যন্ত সমাদর ও সম্মাননা করিতেন । দুর্গাচরণ পিতার তৃতীয় পুত্র ছিলেন ।

দুর্গাচরণ ষষ্ঠ বৎসর বয়ঃক্রম প্রাপ্ত হইলে তাঁহার পিতা তাঁহাকে বাঙ্গালা ভাষা প্রথম শিক্ষা দিবার জন্য একজন “গুরু-মহাশয়” নিযুক্ত করিয়া দেন । দুর্গাচরণ অত্যন্ত যত্ন ও আগ্রহ

সহকারে বিদ্যাভ্যাস করিতে লাগিলেন। বড় লোকের বাল্য-কালে অনেক অনেক আশ্চর্য্য গল্প শুনিতে পাওয়া যায়। তিনি এই সময় এমন একটা কার্য্য করিয়াছিলেন যে তাহাতে তাঁহার অগাধ সাহস ও নির্ভীকতার সবিশেষ পরিচয় পাওয়া যায়। এক দিন দুর্গাচরণ ও তাঁহার সহাধ্যায়িগণ পাঠশালা হইতে পড়িয়া আসিবার সময় দেখিতে পাইলেন যে এক জন সইস সৈন্য দলের কর্ণেল সাহেবের একটা ঘোড়াকে তাহাদের সম্মুখ দিয়া লইয়া যাইতেছে। বাল্য-কাল-স্মলভ চাপল্যবশতঃ বালকগণ ঘোড়াটাকে লক্ষ্য করিয়া লোষ্ট্র নিক্ষেপ করিতে লাগিল। সইসও ক্রুদ্ধ হইয়া বালকগণের পশ্চাৎ পশ্চাৎ ধাবিত হইতে লাগিল। বালকগণ উর্দ্ধ্বাসে পলায়ন করিতে লাগিল; কিন্তু দুর্গাচরণ সেরূপ না করিয়া নির্ভয়চিত্তে সেই স্থানে একাকী দাঁড়াইয়া রহিলেন। সইস তাঁহার হাত ধরিয়া তাঁহাকে কর্ণেল সাহেবের নিকট লইয়া গেল। দুর্গাচরণ পথে তাহাকে বলিলেন “আমি কিছুই করি নাই। আমার কোন দোষ নাই। তুমি আমাকে সাহেবের নিকট লইয়া গেলে আমি সাহেবকে সমস্ত সত্য কথা বলিয়া দিয়া তোমাকে যথোচিত শাস্তি দেওয়াইব।” কর্ণেল সাহেবের নিকট আনীত হইলে দুর্গাচরণের মুখে কিছুমাত্র ভয়ের চিহ্ন লক্ষিত হইল না। তিনি কহিলেন “আমি আপনার ঘোড়াকে চেলা মারি নাই। আমার সঙ্গে যাহারা ছিল, তাহারা চেলা মারিয়া পলাইয়া গিয়াছে। আপনার সইস কেন আমাকে বুথা ধরিয়া আনিল?” কর্ণেল সাহেব বালক দুর্গাচরণের মুখে কিছুমাত্র ভয়ের চিহ্ন না দেখিয়া ও তাঁহাকে ভেদান্তির কথা কহিতে শুনিয়া অত্যন্ত আশ্চর্য্য ও

তাঁহার প্রতি সমধিক সন্তুষ্ট হইলেন । দুর্গাচরণের পিতা এই সংবাদ পাইয়া তথায় উপস্থিত হইয়াছিলেন ; এবং সাহেব তাঁহাকে ডাকিয়া কহিলেন “আমি এই বালকের নির্ভীকতা ও ভেজসিতা দেখিয়া অত্যন্ত সন্তুষ্ট হইয়াছি । এই বালক উত্তরকালে আপনাকে অত্যন্ত সুখী করিবে ।”

দুর্গাচরণের দশ বৎসর বয়ঃক্রম কালে তাঁহার পিতা তাঁহাকে কলিকাতায় আনিয়া হিন্দু কলেজে প্রবিষ্ট করাইয়া দেন । কয়েক বৎসরের মধ্যেই তিনি “সিনিয়ার ডিপার্টমেন্টে” অর্থাৎ বিদ্যালয়ের উচ্চতম বিভাগে উন্নীত হইলেন ; এবং পঞ্চদশ বৎসর বয়সে প্রথর-ধী-শক্তি ও প্রাকৃতিক প্রতিভা বলে তিনি প্রভূত সুখ্যাতিলাভ করিয়াছিলেন । ইতিহাস ও গণিত শাস্ত্রে তাঁহার বড় অনুরাগ ছিল ; এবং এই দুইটা বিষয়ে তিনি তদীয় সহাধ্যায়ীদিগকে পরাজিত করিয়া কলেজ হইতে একটি মানিক রুত্তি প্রাপ্ত হন । কিন্তু এই সময় হইতেই হিন্দুজাতির অনুর্য্যেয় আচার ব্যবহারের প্রতি তাঁহার ঔদাসীন্য ও বিদ্বেষ দেখা যাইতে লাগিল । একদা দুর্গাচরণ প্রাতঃকালে আহার করিয়া হস্তপ্রক্ষালন মানসে জলপূর্ণ জালার মধ্যে হস্ত প্রবেশ করিয়া দেন । তাঁহার মাতা তাঁহাকে এরূপ অসদাচরণ করিতে দেখিয়া অত্যন্ত বিরক্ত হইয়া ভয় দেখান যে তিনি এ বিষয় তাঁহার পিতাকে বলিয়া দিবেন । দুর্গাচরণ পিতাকে বড় ভয় করিতেন । মাতার কথা শুনিয়া ও দ্বিকল্পিত প্রকাশ না করিয়া নিঃসঙ্কলে পদব্রজে তিনি বাঁকুড়ায় পলাইয়া গেলেন । বাঁকুড়ায় তাঁহার কেহই পরিচিত ছিল না । সঙ্গে কিছু মাত্র অর্থ না থাকাত্তে দুই চারি দিন তাহাকে বড় কষ্ট পাইতে হইয়া-

ছিল। কিন্তু তিনি বড় সাহসী ও স্বচ্ছন্দ ছিলেন। অবশেষে উপায়ান্তর না দেখিয়া তদ্রূপ অনেক দোকানদারের সহিত আলাপ করিয়া তাহার গৃহে কয়েক দিন অতিথি হইয়া রহিলেন। দোকানদার বড় দয়ালু ছিল। সে ব্যক্তি তত্র ব্রাহ্মণ সম্ভানের হুঃখে আর স্থির থাকিতে না পারিয়া বাঁকুড়ার তৎকালীন মুন্সেফ বিখ্যাতনামা হরচন্দ্র ঘোষ মহাশয়ের নিকট তাঁহাকে পরিচিত করিয়া দিল। হরচন্দ্র বাবু তাঁহাকে নিজ বাসায় আশ্রয় দিয়া কলিকাতায় ছুর্গাচরণের পিতাকে একখানি পত্র লেখেন। পিতাও পত্রপাঠ মাত্র বাঁকুড়ার গিয়া ছুর্গাচরণকে কলিকাতায় লইয়া আসিলেন।

ছুর্গাচরণের পিতা তাদৃশ সঙ্গতিপন্ন লোক ছিলেন না। বিশেষতঃ নানা কারণে এই সময়ে তাঁহার অবস্থা আরও হীন হইয়া পড়ে। এই জন্য তিনি পুত্রকে বলিলেন “আর আমি তোমার পড়িবার ব্যয়ভার নির্বাহ করিতে পারি না। তুমি যে রূপ বিদ্যা শিক্ষা করিয়াছ, তাহাই যথেষ্ট। এখন তোমাকে আমার সহিত সসট্ বোর্ডে অর্থাৎ “হুন গোলায়” কৰ্ম্ম শিক্ষা করিতে যাইতে হইবে। পিতার আদেশ বাক্য শুনিয়া ছুর্গাচরণ মর্ম্মাহত হইলেন। পিতৃ-দারিদ্র্য বশতঃ জ্ঞানপিপাসু বুদ্ধিমান পুত্র মনোমত বিদ্যা শিক্ষা করিতে না পারিলে তাহার মনে যে রূপ কষ্ট উপস্থিত হয়, ছুর্গাচরণেরও মনে তখন সেইরূপ কষ্ট উপস্থিত হইয়াছিল। পিতার আদেশ উল্লঙ্ঘন করিতে পারেন না; এজন্য তাঁহাকে অগত্যা চাকরীর অধেষণে বহির্গত হইতে হইল। ইহার কয়েক বৎসর পরে কোন এক সহঃশমভূতা বালিকার সহিত তাঁহার প্রথম বিবাহ হয়।

দুর্গাচরণ দুর্নগোলার কৰ্ম করিতে গেলেন বটে, কিন্তু কল-  
কতী জ্ঞানপিপাসা কিছুতেই প্রশমিত হইল না। কলিকাতার  
বিখ্যাতনামা ষারকানাথ ঠাকুর মহাশয় তৎকালে দুর্নগোলার  
দেওয়ান ছিলেন। এক দিন দুর্গাচরণ আর থাকিতে না পারিয়া  
ষারকানাথের নিকট স্বীয় মনোভাব প্রকাশ করেন। ষাধ্বাহী  
দেওয়ান বাহাদুর দুর্গাচরণের হৃদয়ে নিরতিশয় হৃৎখিত ও  
তঁাহার জ্ঞানপিপাসার সাতিশয় সন্তুষ্ট হইয়া গেলেন; এবং  
দুর্গাচরণের পিতাকে আহ্বান করিয়া দুর্গাচরণকে হিন্দুকলেজে  
পুনঃপ্রবেশ করিয়া দিতে অস্বীকার করিলেন। অর্থাভাব নিবন্ধন  
পুত্রকে কলেজে প্রবেশ করিয়া দিতে দুর্গাচরণের পিতা যে  
আপত্তি উত্থাপন করিলেন, ষারকানাথ তাহাতে কৰ্ণপাত করি-  
লেন না; এবং স্বীয় খাতাঞ্জিকে কহিয়া দিলেন যে “তুমি  
গোলোকনাথের বেতন হইতে মাসিক ৫ টাকা করিয়া কাটিয়া  
রাখিয়া দুর্গাচরণকে বিদ্যালয়ের বেতন দিবে।” এইরূপে দুর্গা-  
চরণ যদিও হিন্দু কলেজে পুনঃপ্রবেশ করেন, তথাপি তঁাহাকে  
অধিক দিন তথায় বিদ্যালয়িক করিতে হয় নাই। বহু পরিবা-  
রের একমাত্র আশ্রয় ও প্রতিপালক পিতার হীনাবস্থাই তঁাহার  
কলেজে পড়িবার প্রধান অন্তরায় হইয়া উঠিল। অগত্যা  
তিনি কলেজ পরিত্যাগ করিলেন; কিন্তু তঁাহার জ্ঞানপিপাসা  
কিছুমাত্র মন্দীভূত না হইয়া বরং ক্রমশঃ পরিবর্দ্ধিত হইতে  
লাগিল। তিনি অনন্তমনা ও অনন্যকৰ্ম্ম হইয়া স্বীয় অসাধারণ  
অধ্যবসায় ও অসামান্য অসুরাগ সহকারে শিক্ক নিরপেক্ষ  
হইয়া বিদ্যাভ্যাস করিতে লাগিলেন।

তৎকালে বাঙ্গালী-বন্ধু মহাশয় ডেভিড হেরার সাহেব বাঙ্গালী

সন্তান দ্বিগুণে ইংরাজী শিক্ষা দিবার জন্য নিজ ব্যয়ে কলকাতার একটা ইংরাজী বিদ্যালয় সংস্থাপন করিয়া ছিলেন। তিনি এদেশে আসিয়া যে প্রচুর অর্থ উপার্জন করিয়াছিলেন, তাহা তাঁহার বিদ্যালয়ের ব্যয়ভারেই ব্যয়িত হইয়াছিল। তৎকালে তাঁহার বিদ্যালয়ে দ্বিতীয় শিক্ষকের পদ শূন্য হয়, এবং তিনি দুর্গাচরণের ইংরাজী বিদ্যায় পারদর্শিতা দেখিয়া তাঁহাকে নিজ বিদ্যালয়ের দ্বিতীয় শিক্ষক নিযুক্ত করিয়া দেন। হেয়ার সাহেবের সহিত পরিচিত হইবার পর হইতে চিকিৎসা শাস্ত্র অধ্যয়ন করিতে তাঁহার অত্যন্ত অভিলাষ জন্মিল; এবং প্রত্যহ দুই ঘণ্টা কাল তাঁহাকে বিশ্রাম দিবেন, এই মর্মে তিনি সাহেবকে এক খানি আবেদন পত্র দেন। সাহেবও তাঁহার আবেদন পত্র পাঠ করিয়া তাঁহাকে প্রত্যহ দুই ঘণ্টা সময় চিকিৎসা গ্রন্থ পাঠ করিবার জন্য তাঁহার অবসর নির্দ্ধারিত করিয়া দিলেন। এই সময়ে দুর্গাচরণের জীবনে একটা অভাবনীয় ঘটনা আসিয়া উপস্থিত হইল। ঈশ্বরের কার্যকলাপ বুঝিয়া উঠা স্কটলিন্দ। আমরা আপাততঃ তাহাকে দুর্ঘটনা বলিয়া মনে করি; তাহাতে হয়ত তিনি আমাদের কত মঙ্গলময় হিতানুষ্ঠান করিয়া রাখিয়া দেন। এক দিন তিনি ছাত্রগণকে অধ্যাপনা করাইতে ছিলেন, এমন সময়ে বাটীর এক জন ভৃত্য আসিয়া তাঁহাকে তাঁহার স্ত্রীর অকস্মাৎ পীড়ার সংবাদ দিল। দুর্গাচরণও আর থাকিতে না পারিয়া বাটা গিয়া দেখিলেন যে তাঁহার স্ত্রী এক স্ফটিকিৎস পীড়ায় আক্রান্ত হইয়া যন্ত্রণায় অধীর হইয়া পড়িয়াছেন। বর্তমান সময়ের মত তৎকালে এদেশে স্ফটিকিৎসক বড় দুর্লভ ছিল। অনেক অসুস্থদের পর অনেক চিকিৎসক লইয়া



## ডাক্তার দুর্গাচরণ কল্যাণপাধ্যায় । ৩৩৫

বাড়ি পরিষ্কার আনেন । কিন্তু কি দুর্ভাগ্যের বিষয় ! বাগী আ  
আসিতে আসিতেই তাঁহার স্ত্রী প্রাণ পরিত্যাগ করেন । তাঁহার  
স্ত্রী বড় সুগবতী ছিলেন ; একমুহূর্ত্ত দুর্গাচরণ তাঁহার প্রতি যৎপরো-  
নাস্তি অস্বস্ত ছিলেন । যথাসময়ে চিকিৎসার অভাবে স্ত্রীর মৃত্যু  
হইল, এই চিন্তায় তিনি বড় ব্যথিত হইয়া উঠিলেন । কয়েক  
দিনের মধ্যে স্ত্রী-বিয়োগ-শোকে তিনি উন্নত-প্রায় হইয়া উঠিয়া  
ছিলেন ; এবং যথাসময়ে স্মৃচিকিৎসকের অভাবে ও গোবৈদ্যের  
অধীনতায় চিকিৎসিত হইলে যে কি বিষময় ফল সমুৎপন্ন হয়,  
তাঁহা এখন হইতেই তিনি বিলক্ষণ উপলব্ধ করিতে পারিলেন ।  
এই উপলব্ধিই তাঁহার ভাবী উন্নতির প্রথম সোপান । যদিও  
পত্নীবিয়োগ-শোকে তিনি প্রথমতঃ উন্নত-প্রায় হইয়াছিলেন,  
তথাপি ক্রমে ক্রমে তাঁহার সেই শোক মন্দীভূত হইয়া আসিল ;  
এবং তখন হইতেই তাঁহার এরূপ ক্রম বিশ্বাস জন্মিয়া গেল যে,  
চিকিৎসা-শাস্ত্রে চিকিৎসকের অজ্ঞানতাই তাঁহার স্ত্রীর অকাল  
মৃত্যুর একমাত্র নিদান । তৎকালে কলিকাতার স্মৃচিকিৎসার জন্ত  
ইংরেজেরা কোন রূপ উপায় উদ্ভাবন করেন নাই । এই অভাব  
দূরীকরণার্থ তৎকালীন গভর্নর জেনারল লর্ড উইলিয়ম বেণ্টিঙ্ক,  
স্বার এড্‌ওয়ার্ড রাইন্, ডেভিড্ হেয়ার ও এদেশীয় বহুসংখ্যক  
দেশহিতৈষী মহাত্মা বাঙ্গালীদিগের সাহায্যে কলিকাতায়  
“মেডিক্যাল কলেজ” সংস্থাপিত হয় । এই দাতব্য চিকিৎসা-  
লয় হইতে এ দেশের যে কি মহোপকার সাধিত হইয়াছে, তাঁহা  
বর্ণনাতীত । দুর্গাচরণের পত্নী-বিয়োগের পর হেয়ার সাহেব  
জোল্ নামক জনৈক সাহেবকে নিজ বিদ্যালয়ের অধ্যক্ষ  
নিযুক্ত করিয়া অপরূপ হইলে পর দুর্গাচরণকে বিদ্যালয়ের

শিক্ষকতা পরিত্যাগ করিতে হইরাছিল। জোন্স সাহেব অধ্যক্ষ নিযুক্ত হইয়া ছুঁচুচরণকে কহিলেন “আপনি আর প্রত্যহ ছুঁচুচরণ করিয়া অবকাশ পাইবেন না।” ইহাতে ছুঁচুচরণ বিজ্ঞান-ময়ের শিক্ষকতা পরিত্যাগ করিয়া অনন্তমমতা ও অনন্তকর্ম্ম হইয়া কেবল চিকিৎসাশাস্ত্র অধ্যয়নেই মনোনিবেশ করিয়া ছিলেন। বিজ্ঞান-পরিত্যাগই তাঁহার উন্নতির প্রবেশপথ উন্মুক্ত করিয়া দিল।

যখন “মেডিক্যাল কলেজ” প্রথম স্থাপিত হয়, তখন জাতি ও সমাজ চ্যুতি ভয়ে কেহই তথায় অধ্যয়ন করিতে সাহস করেন নাই। কিন্তু ছুঁচুচরণ ইহার প্রথম পথ-প্রদর্শক। তিনি সমাজভয়ে ভীত হইবার লোক ছিলেন না। যাহা তিনি মৎকর্ম্ম বলিয়া স্থির করিতেন, অমনি তাহার অনুষ্ঠান করিয়া তবে নিশ্চিন্ত হইতেন। তখন তাঁহার দৃষ্টান্ত অনুকরণ করিয়া অনেকেই কলেজে অধ্যয়ন করিতে বন্ধপরিকর হইলেন। তিনি পাঁচ বৎসর কাল “মেডিক্যাল কলেজে” অধ্যয়ন ও চিকিৎসা শাস্ত্রে বিশেষ ব্যুৎপত্তি লাভ করিয়া কলেজ পরিত্যাগ করেন। কলেজ পরিত্যাগ করিবার পূর্বেই তিনি যে চিকিৎসাশাস্ত্রে কিরূপ পারদর্শিতা লাভ করিয়া ছিলেন, তাহা নিম্নলিখিত ঘটনাটী পাঠ করিলেই সর্বিশেষ প্রতিপন্ন হইবে। শুৎকালে কলিকাতার “মেডান’ জার্ডিন্ স্কিনার্ এণ্ড কোম্পানির” একটা আফিস ছিল। নীলকমল বন্দ্যোপাধ্যায় নামক জনৈক ভদ্রলোক তথায় যুচ্ছুদি ছিলেন। তিনি এক দিন অকস্মাৎ সাংঘাতিক পীড়ায় আক্রান্ত হন; এবং অনেকানেক ইংরাজ ডাক্তার ‘আনিয়া চিকিৎসা করিলেন; কিন্তু কাহারও চিকিৎসা কলবর্তী

হইল না । অবশেষে তৎকালীন ইংরাজ চিকিৎসকদের শিরোভূষণ ডাক্তার জ্যাকসনকে দিয়াও চিকিৎসা করান হইয়া ছিল, কিন্তু তিনিও রোগীর কিছুমাত্র উপকার করিতে পারি-  
লেন না । তখন রোগীর আত্মীয়গণ হুর্গাচরণকে আনয়ন করি-  
লেন; এবং তিনি আসিয়া রোগীর আকৃতি, প্রকৃতি ও নাস্তী  
পরীক্ষা করণান্তর এরূপ ঔষধ ব্যবস্থা করিয়া গেলেন যে, তিনিই  
রোগীর ধ্বস্তরি হইয়া পড়িলেন । দুই চারি বার ঔষধ খাইতে  
খাইতে রোগীর রোগ অনেকাংশে প্রশমিত হইতে লাগিল এবং  
ক্রমে ক্রমে তিনি সুস্থ হইয়া উঠিলেন । হুর্গাচরণের ঔষধের  
ব্যবস্থাপত্র খানি ডাক্তার জ্যাকসন সাহেবকে দেখান হইয়াছিল ;  
এবং তিনি ইহা দেখিয়া কহিয়াছিলেন যে “রোগ ঠিক ধরা  
পড়িয়াছে ; এবং তদনুরূপ ঔষধেরও ব্যবস্থা লিখিত হইয়াছে” ।  
হুর্গাচরণের এতাদৃশী ক্ষমতা দেখিয়া কলিকাতার তৎকালীন  
শিক্ষিতসম্প্রদায় তাঁহাকে “নেটিভ্ জ্যাকসন” বলিয়া ডাকিতেন ।  
এই সময় হইতেই চিকিৎসা শাস্ত্রে চতুর্দিকে তাঁহার যশঃ বিকীর্ণ  
হইতে লাগিল ।

শুণগ্রাহী ঈশ্বরচন্দ্র বিদ্যালয়গর মহাশয় ও চিকিৎসা-শাস্ত্র-  
নিপুণ বাবু রাজেন্দ্রনাথ দত্ত হুর্গাচরণের পরম বন্ধু ছিলেন ।  
তাঁহারা তাঁহাকে ফোর্ট উইলিয়ম কলেজে মাসিক ৮০ টাকার  
বেতনে খাতাঙ্গির কার্যে নিযুক্ত হইয়া প্রাতঃ ও সন্ধ্যাকালে  
চিকিৎসা ব্যবসায় অবলম্বন করিতে পরামর্শ দিলেন । তিনিও  
তাঁহাদের পরামর্শানুসারে কিয়দিন তথায় কর্ম করেন । পরে  
৩৪ বৎসর বয়ঃক্রমকালে তিনি আর কোন কার্যে হস্তক্ষেপ না  
করিয়া কেবল চিকিৎসাশাস্ত্রের উপর নির্ভর করিয়া রহিলেন । দুই

চারি বৎসরের মধ্যে তিনি কলিকাতা ও তরিকটবর্তী স্থানে এক জন সর্বপ্রধান চিকিৎসক বসিয়া পরিগণিত হইলেন। তাঁহার স্নেহকরণ স্বভাবতঃ বড় কোমল ছিল। দূরদেশাগত বহুসংখ্যক নিরাকার ও নিরন্ন রোগী দিগকে আশ্রয় ও অন্ন দান এবং তাহা বিশেষ রোগ নিবারণ করিয়া নিজব্যয়ে তাহাদিগকে বাটী পাঠাইয়া দিতেন। প্রত্যহ প্রাতঃকালে ও বৈকালে তিনি গৃহে বসিয়া শত শত রোগীর চিকিৎসা করিতেন; এবং তিনি সর্বদাই কহিতেন “ধনী লোক দিগকে চিকিৎসা করিবার অনেক ডাক্তার আছেন; কিন্তু দরিদ্র লোক দিগকে বিনামূল্যে চিকিৎসা করিবার খুব কম লোক দেখিতে পাওয়া যায়। এজন্য অগ্রে দরিদ্র লোক দিগকে চিকিৎসা করিয়া পরে ধনী লোক দিগকে চিকিৎসা করিব”।

হাকীম, কবিরাজ ও ইংরাজ ডাক্তারগণ যে সকল ব্যাধি চিকিৎসায় বলিয়া রোগীর জীবনের আশা একবারে পরিত্যাগ করিতেন, হুর্গাচরণ অধিকাংশস্থলে সেই সকল রোগ প্রশমিত করিতে পারিতেন। শুনিতে পাওয়া যায় একদা কোন গভর্ণর জেনারলের স্ত্রী কোন সাংঘাতিক রোগে আক্রান্ত হইরাছিলেন; এবং তৎকাল বহুসংখ্যক প্রধান প্রধান ইংরাজ ডাক্তার তাঁহার চিকিৎসা করেন, কিন্তু কেহই তাঁহার রোগ নির্ণয় বা তাঁহাকে রোগ হইতে বিমুক্ত করিতে পারেন নাই। অবশেষে হুর্গাচরণকে চিকিৎসা করাইবার কল্প আশ্বাস করা হয়। তিনি গভর্ণর বাহেবের প্রাসাদে গিয়া দেখিলেন, রোগীর চতুর্দিকে বহুসংখ্যক ইংরাজ ডাক্তার ও ভদ্রলোক স্থখিত ভাবে বসিয়া আছেন।

অনেক ইংরাজ ডাক্তার আপনা আপনি বিক্রম ভাবে কহিতে লাগিলেন যে “ইনি এক জন কালা বাঙ্গালী ! ইনি আবার এই রোগ আক্রাম করিবেন” । তখন দুর্গাচরণ প্রশান্ত ভাবে রোগীর নিকট গিয়া তাঁহার রোগ বৃত্তান্ত আদ্যন্ত শ্রবণ করিলেন । পরে কিয়ৎক্ষণ অনিমেঘনয়নে রোগীর দিকে চাহিয়া থাকিয়া প্রকৃত রোগ নির্ণয় করিয়া ফেলিলেন, এবং সমবেত সাহেবগণ ও গভর্নর জেনারলকে কহিলেন “আপনারা দুই চারি মিনিটের জন্য এস্থান হইতে চলিয়া যান” । সকলে গৃহ পরিত্যাগ করিলে তিনি যেম সাহেবকে সমস্ত কথা খুলিয়া জিজ্ঞাসা করিয়া রোগীর প্রকৃত রোগ নির্ণয় করিয়া দুই একটি দেশীয় মুষ্টিযোগে তাঁহাকে পীড়ামুক্ত করিলেন । সাহেবগণ দেখিয়া অবাক হইয়া গেলেন । তখন গভর্নর জেনারল অত্যন্ত আীত হইয়া [দুর্গাচরণকে প্রচুর অর্থ দান করিতে চাহিলেন ; কিন্তু তিনি কিছুতেই তাহা গ্রহণ করিলেন না । দুর্গাচরণ অর্থের দিকে বড় লক্ষ্য রাখিতেন না । তিনি অর্থের দিকে লক্ষ্য রাখিলে অনেক টাকা রাখিয়া যাইতে পারিতেন । তথাপি চিকিৎসা ব্যবসায় আরম্ভ করিয়া ৫৷৭ বৎসরের মধ্যে প্রায় লক্ষ টাকা উপার্জন করিয়া ছিলেন ।

... সুপ্রসিদ্ধ রাজেন্দ্রনাথ দত্ত মহাশয় সর্বপ্রথমে কলিকাতার হোমিওপ্যাথিক প্রণালীতে চিকিৎসা আরম্ভ করিলে হোমিওপ্যাথিক ও এলোপ্যাথিক মতাবলম্বীদিগের মধ্যে মহা বিরোধ ঘটয়া উঠিল । . . . চিকিৎসক-কুল-ভূষণ মহেন্দ্রনাথ সরকার মহাশয় এলোপ্যাথিক অপেক্ষা হোমিওপ্যাথিক প্রণালীর উপযোগিতা সপ্রমাণ করিবার জন্য তৎকালে মেডিক্যাল কলেজে অনেকবার

বক্তৃতা করিয়াছিলেন। পক্ষপাতশূন্য ও কুলংকার-বিবর্জিত দুর্গাচরণের নিকট সকল শাস্ত্রই আদরণীয়। তিনিও অনেক রোগে এলোপ্যাথিক অপেক্ষা হোমিওপ্যাথিক ঔষধালীকে শ্রেষ্ঠ বলিয়া প্রতিপন্ন করেন।

এই এক অত্যন্ত দুঃখের বিষয় যে দুর্গাচরণ অত্যন্ত মদ্যপান আদৃত করিয়াছিলেন; এতদ্বিন্ন শারীরিক, মানসিক ও অন্যান্য কারণে ক্রমে ক্রমে তাঁহার স্বাস্থ্যভঙ্গ হইয়া আসিল। এই সময়ে তাঁহার সুযোগ্য ও গুণবান পুত্র বাবু সুরেন্দ্রনাথ বন্দ্যোপাধ্যায় বিলাতে সিবিল সার্ভিস পরীক্ষা দিতে গিয়াছিলেন। দুর্গাচরণ এক দিন জনরব শুনে যে সুরেন্দ্রনাথ বিলাতে সিবিল সার্ভিস পরীক্ষার উত্তীর্ণ হইতে পারেন নাই। এই দুঃসংবাদ পাইয়া তাঁহার নষ্টস্বাস্থ্য আরও বিনষ্ট হইয়া যাইতে লাগিল। পরে যখন সুরেন্দ্রনাথের সহস্র লিখিত পত্র পাঠ করিয়া জানিলেন যে পরীক্ষার কমিশনরগণ তাঁহার বিষয়ে কিঞ্চিৎ বিবেচনা করিবেন, তখন তাঁহার নিরাশহৃদয়ে আশাবীজ অকুরিত হইতে লাগিল। কিন্তু বড় দুঃখের বিষয় এই যে তাঁহাকে আর পরীক্ষোত্তীর্ণ বিলাত-প্রত্যাগত পুত্রকে আলিঙ্গন করিতে হইল না। ১৮৭১ খৃষ্টাব্দে ১৬ই ফেব্রুয়ারি তিনি হঠাৎ অরোগে আক্রান্ত হইলেন; এবং চারি দিন অর ও কাশরোগ ভোগ করিয়া ২২এ ফেব্রুয়ারি বেলা ১টার সময় ৫২ বৎসর বয়ঃক্রমকালে দ্বিতীয়া পত্নী, পাঁচ পুত্র ও এক কন্যা রাখিয়া দেহত্যাগ করেন। দুর্গাচরণ বাবু বড় ভাগ্যবান পুরুষ। তাঁহার দ্বিতীয় পুত্র কৃতবিদ্য, শুলেখক ও বাগীশ্বর বাবু সুরেন্দ্রনাথ বন্দ্যোপাধ্যায় মহাশয় এক্ষণে “সেঙ্গলি” নামক এক খানি উৎকৃষ্ট ইংরাজী সংবাদ পত্রের

সম্পাদক, “ইণ্ডিয়ান এসোসিয়েশনের” ও শিক্ষিত যুবকমণ্ডলীর  
অধিনেতা এবং দেশহিতকর বহুবিধ কার্যকলাপের অধিষ্ঠাতা ।  
তিনি কয়েকটি বিদ্যালয় ও একটি কলেজ স্থাপন করিয়া বহু  
সংখ্যক ছাত্রকে দাক্তার সহিত শিক্ষা দিতেছেন । তিনি এক  
জন সুবিশিষ্ট অধ্যাপক, সুযোগ্য লেখক, সুপ্রসিদ্ধ বক্তা ও  
বিখ্যাত রাজনীতিজ্ঞ পুরুষ । তাঁহার ভ্রাতা জিতেন্দ্রনাথ বাবুও  
বিলাতে গিয়া “ব্যারিষ্টার সিপ” পরীক্ষায় উত্তীর্ণ হইয়াছেন ।  
ইনি বলবীৰ্য্যে দুর্বল বাদ্যালীঙ্গাতির গৌরবসূর্য্য ।

হুর্গাচরণ ভূমি ধনু ! তোমার চিকিৎসার কি অনির্ব্বচনীয়  
মহিমা ! দুর্কোষ মানবপ্রকৃতির গূঢ়তম প্রদেশে গমন করিবার  
ক্ষমতাই বা কিরূপ তোমার বলবতী ছিল ! ভূমি গৃহের পার্শ্ব-  
দেশ দিয়া চলিয়া গেলেও সেই গৃহে জীবিত ব্যক্তির আসন্নকাল  
অনুভব করিতে পারিতে ; এবং শ্মশান হইতেও মৃতপ্রায় রোগীর  
হৃদয়ে জীবন সঞ্চার করিয়া তাহাকে ভূমি গৃহে ফিরাইয়া আনিতে ।  
ভূমি গৃহে পদার্পণ করিলেই রোগীর আত্মীয়গণ তোমাকে ধনুস্তরি  
বলিয়া মনে করিত ; এবং শয্যাগত, যন্ত্রণাশ্রস্ত ও মুমূর্ষ রোগী  
তোমাকে দেখিলেই বল, শান্তি ও জীবনপ্রাপ্তি বিষয়ে আশ্বাস  
লাভ করিত । ভূমি কত শত নিরাশ্রয় ও নিবল দরিদ্রকে আশ্রয়  
ও অন্ন দান করিয়া মৃত্যুমুখ হইতে কাড়িয়া লইয়াছ ; কত শত  
হৃদয়সর্ব্ব্ব পুত্রকন্যাকে কালগ্রাস হইতে রক্ষা করিয়া উপায়-  
বিহীন বৃদ্ধ পিতামাতাকে আশ্রয়হত্যা করিতে দাও নাই ; এবং  
কত শত স্বামীর জীবন দান করিয়া বিয়োগ-ভয়-বিধুরা সজল-  
নয়না পতিব্রতা কুলকামিনীর অশ্রুমোচন করিয়াছ, তাহা কে  
বলিতে পারে ! হুর্গাচরণ ! তোমার প্রতিভাশক্তি কি বলবতী ।

সেই প্রতিভাশক্তি বলেই তুমি বীর কার্যে সফল হইয়া  
 আপনার নাম দেদীপ্যমান করিয়া গেলে। তোমার মত গুণ-  
 বান্ পুত্র ভারতভূমির অদৃষ্টে বোধ হয় আর জন্মিবে না।  
 ভারতভূমি ! তুমি বড় ভাগ্যবতী, কারণ এরূপ সন্তান তুমি  
 গর্ভে ধারণ করিয়াছিলে; কিন্তু আবার দেখি, তুমি বড় হৃয়দৃষ্টী;  
 কারণ এরূপ সন্তান বিসর্জন দিয়া তুমি এখনও জীবিত আছ !

### পণ্ডিত ঈশ্বরচন্দ্র বিদ্যাসাগর ।

মেদিনীপুর জেলার অন্তঃপাতী বীরসিংহ নামক গ্রামে ১৭৪২  
 শকে [ ১৮২০ খৃষ্টাব্দে ] ১২ই আশ্বিন মঙ্গলবার দিবসে ঈশ্বরচন্দ্র  
 জন্ম গ্রহণ করেন; ইহার পিতার নাম ঠাকুরদাস বন্দ্যো-  
 পাধ্যায়। বন্দ্যোপাধ্যায় মহাশয় তাদৃশ সঙ্গতিপন্ন ছিলেন না।  
 উত্তমরূপে বিদ্যা শিক্ষা করিয়া জীবন সার্থক করিব এরূপ ইচ্ছা  
 শৈশবাবস্থা হইতেই ঈশ্বরচন্দ্রের মনে হতঃই আসিয়া উপস্থিত  
 হইয়াছিল। বড় লোকের বাল্যকালের প্রকৃতিই এইরূপ।  
 অর্থহীন পিতা জ্ঞানপিপাসু পুত্রের বিদ্যাশিক্ষোপযোগী ব্যয়  
 ভার সম্পাদনে অক্ষম হইলে পুত্রকে যেরূপ কষ্ট ও দুঃখ  
 ভোগ করিতে হয়, ঈশ্বরচন্দ্রকেও তাহা যথেষ্ট করিতে হইয়া-  
 ছিল। কিন্তু অমিত অধ্যবসায়, আত্মরিক আগ্রহ ও অবিচলিত  
 ধৈর্য প্রভাবে তিনি সমস্ত বাধা-বিপত্তি অতিক্রম করিয়াছিলেন।

বন্দ্যোপাধ্যায় মহাশয় বীরসিংহ হইতে ঈশ্বরচন্দ্রকে কলি-  
 কাতার আনিয়া ১৮২৯ খৃষ্টাব্দের ১লা জুন তারিখে বিদ্যাশিক্ষার্থ  
 সংকল্পিত কলেজে প্রথম প্রবেশ করাইয়া দেন; বাল্যকাল



ইহাতেই ঈশ্বরচন্দ্রের বুদ্ধিমত্তা ও অহুসঙ্কিতসা-বৃত্তি বড় বলবতী ছিল । তিনি যখন যে শিক্ষকের নিকট যাহা শিক্ষা করিতেন, কদাপি তাহার মর্শভেদ ও তাহা হৃদয়ঙ্গম না করিয়া ছাড়িয়া দিতেন না । শিক্ষকগণও তাঁহার ভূয়সী জ্ঞানপিপাসা দেখিয়া তাঁহাকে অধিক শিক্ষা দান করিতে সমর্থক যত্ববান্ হইতেন । সংস্কৃত কলেজে প্রবেশ করিয়াই তিনি প্রথমতঃ গঙ্গাধর তর্কবাগীশের নিকট ব্যাকরণ শিক্ষা করেন । পরে ব্যাকরণ শাস্ত্রে সবিশেষ অধিকার জন্মিলে জয়গোপাল তর্কালঙ্কারের নিকট সাহিত্য, প্রেমানন্দ তর্কবাগীশের নিকট অলঙ্কার, শম্ভুচন্দ্র বিদ্যা-বাচস্পতির নিকট বেদান্ত, রামচন্দ্র বিদ্যাবাগীশের নিকট স্মৃতি, এবং নিমাইচন্দ্র শিরোমণি ও জয়নারায়ণ তর্কপঞ্চাননের নিকট ন্যায় ও সাংখ্য শাস্ত্র অধ্যয়ন করিয়াছিলেন । শিষ্য বুদ্ধিমান্ হইলে গুরুও তাহাকে শিক্ষা দান করিতে নিরতিশয় প্রয়াসবান্ হন । ঈশ্বরচন্দ্র যখন যে শাস্ত্র অবলম্বন করিতেন, তখন তাহার নিগূঢ় রহস্যভেদ করিয়া তাহা পরিত্যাগ করিতেন । ক্রমে ক্রমে উপরি-উক্ত সমস্ত শাস্ত্রে পারদর্শিতা লাভ করিলে, উল্লিখিত অধ্যাপকগণ অত্যন্ত আনন্দিত হইয়া ঈশ্বরচন্দ্রকে “বিদ্যা-সাগর” এই সম্মানসূচক উপাধি প্রদান করিলেন ।

ক্রমে ক্রমে বিদ্যাসাগরের বশঃগৌরব চতুর্দিকে পরিব্যাপ্ত হইতে লাগিল । ১৮৪১ খৃষ্টাব্দের ডিসেম্বর মাসে তিনি কোর্ট-উইলিয়ম কলেজে প্রধান পণ্ডিত নিযুক্ত হন । ইহার প্রগাঢ় শাস্তিত্য ও সূচার অধ্যাপনা কার্য দর্শনে প্রীত হইয়া সংস্কৃত কলেজের কর্তৃপক্ষীয়গণ ১৮৪৩ খৃষ্টাব্দের এপ্রেল মাসে ইহাকে উক্ত কলেজের সহকারী কার্য্যাধ্যক্ষের পদ প্রদান

করেন । কিন্তু তিনি পর বৎসরেই উক্ত পদ হইতে অবসর গ্রহণ করেন । ১৮৪৯ খৃষ্টাব্দের ফেব্রুয়ারি মাসে তিনি কোর্টউইলিয়ম কলেজে পুনঃ প্রবেশ করেন, এবং তথায় “প্রধান লেখকের” পদে নিযুক্ত হন । কোর্টউইলিয়ম কলেজে অবস্থান কালে কাঃপ্তন মার্শ্যাল সাহেব বিদ্যালয়গরকে ইংরাজী শিক্ষা করিতে অনুরোধ করেন ; এবং তখন হইতেই ইনি ইংরাজী শিক্ষা আরম্ভ করেন । তৎকালে সিভিলিয়ানদিগকে পরীক্ষা করিবার জন্য হিন্দী ভাষা প্রয়োজন হইত ; এজন্য বিদ্যালয়গরকে হিন্দী শিক্ষাও করিতে হইয়াছিল । কোর্ট উইলিয়ম কলেজে তিনি এরূপ কার্য-ক্ষমতা ও কর্মতৎপরতা দেখাইতে লাগিলেন যে এই কলেজের তদানীন্তন অধ্যক্ষ সাহেব তাঁহাকে তৎপূর্ণ আর একটি বৃহৎ কার্যের ভার অর্পণ করেন । ১৮৫০ খৃষ্টাব্দের ডিসেম্বর মাসে ইনি সংস্কৃত কলেজের প্রধান সাহিত্যাধ্যাপকের পদে নিযুক্ত হন । ইহার নানা বিষয়ে প্রভূত পাণ্ডিত্য দেখিয়া তৎকালে এদেশীয় সমস্ত সংস্কৃতজ্ঞ সাহেবগণ তাঁহার পক্ষপাতী হইয়া উঠেন । তাঁহাদের যত্ন ও অনুরোধে ১৮৫১ খৃষ্টাব্দের আরম্ভে বিদ্যালয়গর সংস্কৃত কলেজের সর্ব প্রধান অধ্যক্ষ ও অধ্যাপক নিযুক্ত হইলেন । তাঁহার পূর্বতন অধ্যক্ষের সময়ে কলেজে অনেক গুলি কুনিয়ম ছিল । বিদ্যালয়গর মহাশয় সেই সকল দূরীভূত করিয়া তৎপরিবর্তে অনেকগুলি সুনিয়ম সংস্থাপন করেন । তৎকালে এদেশে বিদ্যালয়ের সংখ্যা বড় অল্প ছিল ; এবং যে কয়েকটি বিদ্যালয় ছিল, তাহাতে সুন্দররূপে শিক্ষাকার্য্য প্রণালী অবলম্বিত হইত না । এজন্য গভর্ণমেন্ট ইহাকেই সাধারণ বিদ্যালয় পরিদর্শকের ভার সমর্পণ করেন ।

সংস্কৃত কলেজে অধ্যাপনার সময়ে বাঙ্গালা গভর্ণমেন্টের তৎকালীন সেক্রেটারী হ্যালিডে সাহেবের সহিত বিদ্যাসাগরের সবিশেষ আলাপ পরিচয় হয় । এই সময়ে এদেশে বাঙ্গালা ও সংস্কৃত ভাষার বহু প্রচার জন্ত গভর্ণমেন্ট বড় যত্নবান হইয়া ছিলেন ; এবং কিরূপ প্রণালী অবলম্বন করিলে শিক্ষার্থী-দিগের উক্ত ভাষা দুইজীতে বিশেষ অধিকার জন্মে, তাহা জানিবার জন্ত হ্যালিডে সাহেব বিদ্যাসাগর মহাশয়ের সহিত পরামর্শ করিতেন । তাহারই যত্নে বিদ্যাসাগর “স্কুল ইন্সপেক্টর” নিযুক্ত হইয়া ছিলেন । তৎকালে বাঙ্গালা প্রদেশান্তর্গত ৪টি জেলায় সর্বশুদ্ধ ২০টি মডেল স্কুল স্থাপিত হইয়া ছিল ; এবং এই সকল স্কুলের পরিদর্শনভার বিদ্যাসাগর মহাশয়ের উপর স্তম্ভ হয় । তৎপূর্বে জ্ঞানশিক্ষার পরমোৎসাহী বেথুন সাহেব বাঙ্গালী-বালিকাদিগকে শিক্ষা দান করিবার জন্ত কলিকাতায় একটা বালিকা-বিদ্যালয় স্থাপন করিয়া ছিলেন ; এবং কয়েক বৎসর পরে তাহার মৃত্যু হওয়াতে বিদ্যাসাগর ঐ বিদ্যালয়ের স্বেচ্ছাবধায়ক নিযুক্ত হন । এই সময়ে ইনি হ্যালিডে সাহেবের উৎসাহ বাক্যে প্রোৎসাহিত হইয়া বাঙ্গালার স্থানে স্থানে প্রায় ৫০৬০টি বালিকা বিদ্যালয় স্থাপন করেন । কিন্তু অত্যন্ত ছঃখের বিষয় এই যে গভর্ণমেন্ট এই কার্যে বড় মনোযোগ করিলেন না । কিয়দিবস পরে বিদ্যাসাগর ঐ নমস্ত বালিকা-বিদ্যালয়ের আয়-ব্যয়াদির তালিকা পাঠাইয়া দিলে গভর্ণমেন্ট ঐ টাকা দিতে অনমত্ত হইলেন ; যাহার উৎসাহ-বাক্যে উৎসাহিত হইয়া বিদ্যাসাগর মহাশয় অর্থ ও পরিশ্রম-সাপেক্ষ এই বৃহৎ-ব্যাপারে ব্যাপৃত হইয়া ছিলেন, সেই হ্যালিডে সাহেব ও

তখন নিশ্চিত ও নিরন্তর রহিলেন । তখন বিদ্যাসাগর নিরুপায় হইয়া স্বয়ং এসমস্ত বায়ভার নিরূপ করিয়া বিদ্যালয় খুলি কয়েক দিন চালাইয়া ছিলেন ।

তৎকালে বিদ্যাসাগরের এক জন বন্ধু তত্ত্ববোধিনী পত্রিকার গ্রন্থাধ্যক্ষ ছিলেন । যিনি যে কোন বিষয় তত্ত্ববোধিনীর জন্ত লিখিয়া পাঠাইতেন, তিনি তাহা দেখিয়া দিতেন, পরে তাহা তত্ত্ববোধিনীতে প্রকাশিত হইত । বিদ্যাসাগর ঐ বন্ধুর নিকট ইংরাজী আলোচনা করিতে যাইতেন এবং ঐ বন্ধুবরের অনুরোধে তত্ত্ববোধিনীর প্রবন্ধাদি মধো মধো সংশোধন করিয়া দিতেন । ক্রমে তত্ত্ববোধিনীর লেখকগণ বিদ্যাসাগরের পরিচয় পাইলেন । তত্ত্ববোধিনী-পত্রিকার তৎকালীন সম্পাদক অক্ষয়কুমার দত্ত স্বয়ং বিদ্যাসাগরের নিকট গিয়া তাঁহাকে তত্ত্ববোধিনীতে প্রবন্ধাদি লিখিতে অনুরোধ করেন ; এবং স্বয়ং যে সকল গ্রন্থ লিখিতেন তাহাও বিদ্যাসাগরের দ্বারা সংশোধন করাইয়া প্রকাশ করিতেন । বস্তুতঃ বিদ্যাসাগরের সাহায্যে অক্ষয়কুমারের রচনা-প্রণালী তত প্রাঞ্জল হইয়াছিল । বিদ্যাসাগর মধো মধো তত্ত্ববোধিনীতে প্রবন্ধাদি লিখিতে লাগিলেন । ইনিই সর্বপ্রথমে মহাভারতের বাঙ্গালা অনুবাদ তত্ত্ববোধিনীতে প্রকাশ করেন ।\* তৎকালে তত্ত্ববোধিনী-সভার সভ্যগণের অনুরোধে তথায় তত্ত্বাবধায়ক নিযুক্ত হইয়াছিলেন । কিন্তু কিছুদিন পরেই কোন বিশেষ কারণে তত্ত্ববোধিনীর সংস্রব ত্যাগ করেন ।

ঐতিপূর্বে ১৮৫৩ খৃঃ অব্দে, বিদ্যাসাগর নিজে জন্মভূমি

\* বিদ্যাসাগর-বিরচিত মহাভারতের বাঙ্গালা অনুবাদ সম্পূর্ণ হয় নাই ।  
 ৬ কালীপ্রসন্ন সিংহ তাঁহার অনুবাদ দেখিয়া তাঁহারই পরামর্শ মতে ও পণ্ডিতগণের সাহায্যে মহাভারতের সম্পূর্ণ বাঙ্গালা অনুবাদ প্রকাশ করেন ।

ঘীরদিংহে তদ্রূপ দরিদ্র বালক-বালিকাদিগের উপকারার্থ একজন  
অবৈতনিক বিদ্যালয় সংস্থাপন করেন। রাখাল-বালকেরা সমস্ত  
দিন অবকাশ পাইত না বলিয়া, তাহাদিগকে শিক্ষা দিবার জন্ত  
রাত্রিকালেও বিদ্যালয় বসিত। বিদ্যালয় স্থাপনের পর নিজ  
গ্রামে একটা দাতব্যচিকিৎসালয় স্থাপন করেন।

এই সময়ে গবর্ণমেন্ট হইতে সংস্কৃত-শিক্ষা উঠাইয়া দিবার  
প্রস্তাব হয়। অনেক কৃতবিদ্য সাহেব এবং বাঙ্গালীও ঐ প্রস্তা-  
বের সমর্থন করেন। বিদ্যাসাগর মহাশয় ঐ প্রস্তাব রহিত করি-  
বার জন্ত সবিশেষ চেষ্টা হন। ইনি তৎকালীন অনেকাধিক কৃত-  
বিদ্যাগণের মত খণ্ডন করেন; এবং যাহাতে ভারতবর্ষে সংস্কৃত-  
শিক্ষার বহু প্রচার হয়, তজ্জন্ত গবর্ণমেন্টের নিকট আবেদন  
করেন। বিদ্যাসাগরের আবেদন পত্র সাদরে গৃহীত হইল, এবং  
গবর্ণমেন্ট ভারতবর্ষের যাবতীয় বিদ্যালয়ে সংস্কৃত শিক্ষা প্রচারের  
আদেশ দিলেন। এই সময়ে যাহাতে সহজেই লোক সংস্কৃত  
শিক্ষা করিতে পারে, তজ্জন্ত বিদ্যাসাগর সহজ সহজ সংস্কৃত  
পাঠ্যপুস্তক সংকলন করেন।

বিদ্যাসাগর কেবল স্ত্রী-শিক্ষা ও সাধারণ দরিদ্রগণের শিক্ষা-  
পক্ষে যত্নবান ছিলেন, এরূপ নহে। ইনি ১৮৫৫ খৃষ্টাব্দে বিধবা-  
বিবাহ প্রচলন করিবার জন্ত বন্ধ-পরিষ্কার হন। সেই সময়ে সমস্ত  
অতিশাস্ত্র হইতে বিধবাবিবাহের বিষয়ে যে সকল ব্যবস্থা সংগ্রহ  
করেন, তাহাতে ইহার শাস্ত্রপারদর্শিতা বিলক্ষণ ব্যক্ত হইয়াছে।  
নিরপেক্ষ-ভাবে ইহার মত গ্রহণ করিলে, এই মত অখণ্ডনীয়  
বলিয়া স্বীকার করিতে হয়। এই সময়ে হিন্দুসমাজের অনেকে-  
নেক কৃতবিদ্য, সম্ভ্রান্ত ও মুর্থ প্রভৃতি সকল শ্রেণীর লোকই

বিদ্যাসাগরের প্রতি খড়াহস্ত হইয়াছিলেন । বিদ্যাসাগর দেশীয় লোকের গ্লানি, কুৎসা ও নিন্দাবাদ অকাতরে সঙ্গ করিয়া ও প্রতিবাদিগণের মত খণ্ডন করিয়া স্বীয় গন্তব্য পথে অগ্রসর হইলেন । তৎকালে স্মার্তকুল-ভূষণ ভরতচন্দ্র শিরোমণি, গিরিশ চন্দ্র বিদ্যারত্ন, রামগতি শ্যামরত্ন প্রভৃতি পণ্ডিতগণ বিদ্যাসাগরের সাহায্য করেন । বিদ্যাসাগরের যত্নে ও চেষ্টায় গভর্ণমেন্টে বিধবা-বিবাহ প্রচলনার্থ ১৮৫৬ খৃষ্টাব্দে এ আইন লিপি বন্ধ করিলেন । বিদ্যাসাগরের যত্নে কএকটি বিধবা-বিবাহ সমাধা হইল । এই সময়ে বিদ্যাসাগর সমাজের একটি বিশেষ দ্রষ্টকর কার্যে মনোযোগ করেন । এদেশে বহুবিবাহরূপ কুপ্রথা বহুদিন হইতে চলিয়া আসিতেছে; এই তামসিক কার্যে হিন্দুসমাজের কত অনিষ্ট হইয়াছে, তাহার প্রমাণ নিম্পয়োজন । এই কুপ্রথা উঠাইয়া দিবার জন্ত বিদ্যাসাগর প্রাণপণে যথাসাধ্য চেষ্টা করেন । এই উপলক্ষে “বহুবিবাহ রহিত হওয়া উচিত কিনা এতদ্বিবয়ক বিচার” নামে তিনি দুইখানি গ্রন্থ প্রকাশ করেন । দেশীয় প্রায় সমস্ত কৃতবিদ্য পণ্ডিত ও সম্ভ্রান্ত ব্যক্তিগণকে বহুবিবাহ রহিত করিবার জন্ত উত্তেজিত করিয়া তুলেন । এই কার্যে কৃষ্ণনগরের রাজা ক্রীশচন্দ্র, বিদ্যাসাগরকে যথেষ্ট সাহায্য করিয়া ছিলেন । কিন্তু তৎকালে সিপাহীবিদ্রোহ উপস্থিত হওয়াতে গভর্ণমেন্টে বহু-বিবাহ রহিত করিবার আইন লিপিবন্ধ করিতে পারেন নাই ।

১৮৫৮ খৃষ্টাব্দে, নানা কারণে বিরক্ত হইয়া বিদ্যাসাগর মহাশয় কলেজের অধ্যক্ষতা ও স্কুল ইন্স্পেক্টরের পদ পরিত্যাগ করেন ।

কিছুদিন পরে নিজ তত্ত্বাবধানে ও নিজ ব্যয়ে মেট্রপলিটান নামক একটা ইংরাজী-বিদ্যালয় স্থাপন করেন । এই সময়ে বিদ্যালয়ের কর্তৃপক্ষীয় সাহেবগণ গর্ব করিয়া বলিতেন, যে বাঙ্গালীদের ইংরাজী কলেজ চালাইবার ক্রমতা নাই । ইংরাজ ভিন্ন কলেজ চালান অসম্ভব । বিদ্যাসাগর তাঁহাদের এই কথা অগ্রাহ্য করিয়া নিজ বিদ্যালয়ে বাঙ্গালীদের মধ্যে সর্ব প্রথমে কলেজ ক্লাব খুলিলেন ; এই কলেজ লইয়া ই. সি, বেলির সহিত তাঁহার অনেক কথাবার্তা হয় । ই. সি, বেলি বলেন, “বিদ্যাসাগর, আপনি কিরূপে নিজ কলেজ চালাইবেন ? ইংরাজ-সাহায্য ভিন্ন ইংরাজী কলেজ চলিতে পারে না ।” বিদ্যাসাগর বলিলেন, তিনি আপন ছাত্রকে উত্তমরূপে ইংরাজী-বিদ্যা শিখাইতে ও পাস করাইতে পারিবেন, ইহা নিশ্চয় । কলে তাহাই হইল । এখন ইহার যত্নে স্থাপিত সর্বশুদ্ধ ৫টা বিদ্যালয় ও একটা কলেজ চলিতেছে ।

বিদ্যাসাগরের পূর্বে বাঙ্গালা ভাষা সরল ও সুগম ছিল না, এবং তখন বাঙ্গালা ভাষা এখনকার মত পরিশুদ্ধ হয় নাই । সাধারণে যাহাতে সহজেই বাঙ্গালাভাষা শিখিতে পারে, এই উদ্দেশ্যে বিদ্যাসাগর পাঠ্যপুস্তক রচনা করিতে প্রবৃত্ত হইলেন : ইনি যে যে গ্রন্থ রচনা করেন, নিম্নে তাহার তালিকা দেওয়া গেল—

| পুস্তকের নাম ।     | রচনাকাল ।        |
|--------------------|------------------|
| বেতাল পঞ্চবিংশতি   | ১৮৪৭ খৃষ্টাব্দ । |
| বাঙ্গালার ইতিহাস   | ১৮৪৮ ”           |
| জীবনচরিত           | ১৮৫০ ”           |
| বোধোদয়            | ১৮৫১ ”           |
| উপক্রমণিকা ব্যাকরণ | ১৮৫২ ”           |

| পুস্তকের নাম ।                              | রচনাকাল ।      |
|---|----------------|
| *ছুপাঠ ( তিন ভাগ )                          | ১৮৫২ খৃষ্টাব্দ |
| ব্যাকরণ কৌমুদী ১ম ভাগ                       | ১৮৫৩ ..        |
| ঐ ২য় ও ৩য় ভাগ                             | ১৮৫৪ ..        |
| শকুন্তলা                                    | ১৮৫৫ ..        |
| বিধবা-বিবাহ ১ম ভাগ                          | ১৮৫৬ ..        |
| ঐ ২য় ভাগ                                   | ঐ ..           |
| বর্ণপরিচয় ( ১ম ও ২য় ভাগ )                 | ঐ ..           |
| কথামালা                                     | ঐ ..           |
| সংস্কৃত সাহিত্য ও সাহিত্য বিষয়ক প্রস্তাব ঐ | ..             |
| চরিতাবলী                                    | ১৮৫৭ ..        |
| মহাভাবতের উপক্রমণিকা                        | ১৮৬০ ..        |
| সীতাব বনবাস                                 | ১৮৬২ ..        |
| ব্যাকরণ কৌমুদী ৪র্থ ভাগ                     | ১৮৬২ ..        |
| আখ্যানমঞ্জরা ১ম ভাগ                         | ১৮৬৪ ..        |
| ঐ ২য় ভাগ                                   | ১৮৬৮ ..        |
| ঐ ৩য় ভাগ                                   | ঐ ..           |
| ভ্রান্তিবিলাস                               | ১৮৭০ ..        |
| বহু-বিবাহ (রহিত হওয়া উচিত কি ন) ১৮৭২ ..    | ..             |

বর্তমান বিস্তৃত বাঙ্গালা ভাষা যেরূপ আকার ধারণ করিয়া  
 আছে, বিদ্যাসাগরই তাহার আদিও ইনিই তাহার প্রবর্তক  
 এই প্রণালী অবলম্বন করিয়াই যে বর্তমান বঙ্গীয় লিপিকণ  
 নানা ছাঁদে ও নানা ভাবে বাঙ্গালা লিখিতেছেন তাহা বিদ্যান  
 নামেই স্বীকার করিয়া থাকেন ।



বিদ্যাসাগর সমাজসংস্কার ও বাঙ্গালা ভাষার উন্নতিকল্পে যে সিদ্ধকাম হইয়াছেন, কেবল তাহাই নয়। ইহার পরোক্ষ-কারিতা ও দানশীলতা বঙ্গদেশের মহা ধনবান্ হইতে দীন দরিদ্র পর্য্যন্ত সকলই অবগত আছেন। ইনি দেশীয় বিপন্ন, দরিদ্র ও বিধবানিগকে প্রতিমাগে অমেক টাকা দিয়া থাকেন। ইনি প্রকাশ্যে কিছু দান করেন না; ইহার দানকার্য্য শুধুভাবেই সম্পন্ন হয়। তিনি ধনাঢ্য না হইলেও বাহাত্তর দশসত্তরের সময়ে বহু অর্থ বিতরণ করিয়া যেরূপে বীরসিংহের দরিদ্র লোকদিগকে রক্ষা করেন, তাহা শুনিলে চমৎকৃত হইতে হয়। তাহাতে বিদ্যাসাগরের উদার চরিত্রের বিলক্ষণ প্রমাণ পাওয়া যায়। সেই দারুণ দুর্ভিক্ষের সময়ে ইনি প্রায় ছয়মাসকাল বীরসিংহে প্রত্যাহ সহস্র ব্যক্তিকে অন্নদান করিয়াছিলেন। ঐ সময়ে বঙ্গ-হীন দরিদ্রদিগকে প্রায় দুই হাজার টাকার বস্ত্র দান করেন। ইহাব এই দানশীলতা ও পর-দুঃখ-কাতরতা আপন মাতার নিকট হইতে শিক্ষা করিয়াছেন। শুনা যায়, ইহার মাতা নাকি অত্যন্ত দয়াশীলা ছিলেন। কাহারও দুঃখ দেখিলে তাঁহার হৃদয় বিদীর্ণ হইত; যে কোন প্রকারে হউক দুঃখীর দুঃখ দূর করিতে প্রয়াস পাঠিতেন। সেই সদাশয় জননীর যেরূপ নানা গুণ ছিল, বিদ্যাসাগরেরও সেই সকল গুণ দেখা যায়। ইনি বলেন,—“দরিদ্রের দুঃখ কয় জন দেখিয়াছে! তাহাদের হৃদয়ের বাধা কয় জন বুঝিয়াছে!” বাস্তবিক দরিদ্রের দরিদ্র্য ও বিধবার দুঃখ দেখিলে স্নানহলে ইহার যক্ষ ভাসিয়া যায়। দুঃখীর দুঃখ যখন কাহারও নিকট আসিয়া করেন, তখনও তাঁহার অক্ষ পতিত হয়। এই কথাই কেহ অতিরঞ্জিত মনে করিও না। ইহা চাসু ব প্রত্যক্ষ

সুত্রকণ্ঠে বলিতে কি, এমন জনকান পুরুষ বঙ্গদেশে অধিক  
 বিরল । ইনি সামান্য রাখাল হইলে ক্ষতিবড় রাজা, সকলের  
 বন্ধু । যে কেহ হউক, আপনার বিপদ বিদ্যাসাগরকে জানা-  
 ইলে ইনি সর্গ দ্বারা, ঐশ্বর্য দ্বারা, পরামর্শ দ্বারা, অপর  
 নোকের সাহায্য দ্বারা, অথবা যে কোন উপায়ে হউক, সাহা-  
 য়তে সেই ব্যক্তির উপকার করিয়া থাকেন ।

বৈদ্যনাথের নিকটে কন্দাটাদ নামে একটি স্থান আছে ।  
 বিদ্যাসাগর সাহ্যরক্ষার জন্য মধো মধো এই স্থানে গিয়া বাস  
 করেন । ইনি এখানকার সাওতালদিগকে বড়ই যত্ন করিয়া  
 থাকেন । তাহারাও ইহাকে দেবতার তুল্য জ্ঞান কবে ।

ইহার স্নদয় ভক্তিময়, পিতামাতাকে ইনি ঈশ্বরের তুল্য ভক্তি  
 করিয়া থাকেন । পিতামাতাই ইহাব আরাধ্য দেবতা । যখন  
 কেহ ইহার কাছে পিতামাতার কথা উত্থাপন করেন, তখন  
 দেখা গিয়াছে—পুলকে, ভক্তিতে ও তাহাদের অনশন-  
 মনবন্ধন হুঃখে এই মহাব্যাব স্নদয় প্রেমাশ্রুতে বিগলিত হয় ।

সংক্ষেপে বলিতে কি, ইনি একজন শাস্ত্রবিশারদ সমাজসং-  
 স্কারক, রাজনৈতিক ও দেশহিতৈসী মহাপুরুষ । অধিক কি,  
 ইনি বর্তমান বঙ্গ-সাহিত্য-সংসারের পিতাম্বরূপ । কিন্তু হুঃখের  
 বিষয়, স্নদয় সাতবৎসর হইতে ইনি পীড়িত । যে ব্যক্তি বৈদ্যবাটী  
 হইতে বীরসিংহ গ্রামে ~~স্বাস্থ্যসাধন~~ বাইতেন, এখন তিনি  
 বাটীর বাহির হইতে কষ্ট বোধ করেন । এখন ঈশ্বরের কাছে  
 প্রার্থনা এই যে দয়ার নাগর বিদ্যাসাগর মহাশয়কে ~~স্বাস্থ্যসাধন~~  
 করিয়া বঙ্গদেশ ও বঙ্গভাষাকে উপকৃত করুন ।



